



5.7.20

NI



* * *

Superioribus Annuentibus..

THE UNIVERSITY OF CHICAGO

OFFICE OF THE DEAN

1100 S. MICHIGAN AVE.

CHICAGO, ILL. 60607

TEL. 733-8000

CHICAGO, ILL. 60607

CHICAGO, ILL. 60607

CHICAGO, ILL. 60607

2

CHICAGO, ILL. 60607

CHICAGO, ILL. 60607

CHICAGO, ILL. 60607

CHICAGO, ILL. 60607

M. TULLII
CICERONIS
TUSCULANARUM
QUAESTIONUM (*)
AD M. BRUTUM

LIBER PRIMUS.

DE CONTEMNENDA MORTE.



Cum defensionum laboribus, senatoriisque muneribus aut omnino, aut magna ex parte essem aliquando liberatus, retuli me, Brute, te hortante maxime, ad ea studia, quae retenta animo, remissa temporibus, longo intervallo intermissa revocavi, & cum omnium artium, quae ad rectam vivendi viam pertinerent, ratio & disciplina, studio sapientiae, (1) quae
A phi-

(*) *Tusculanae Quaestiones, sive ut ipse appellat Auctor de Fato cap. 2., Disputationes, nomen invenere a Villa Tusculana in agro suburbano posita, quondam Syl-lae; tum Ciceronis, ubi essent vel fingerentur habitae. Camerarius.*

(1) *Σοφίας vel sapientiae nomen initio non fuit definitae alicuius facultatis nomen, sed ita commune, ut, quam quisque artem praeter ceteros calleret in ea Σοφός diceretur. Manutius.*

philosophia dicitur, contineretur: hoc mihi Latinis litteris illustrandum putavi, non quia philosophia Graecis & litteris, & doctoribus percipi non posset: sed meum iudicium semper fuit omnia nostros (1) aut invenisse per se sapientius, quam Graecos; aut accepta ab illis, fecisse meliora; quae quidem digna statuissent, in quibus elaborarent. Nam mores & instituta vitae, resque domesticas, ac familiares nos profecto & melius tuemur, & lautius: rem vero publicam nostri maiores certe melioribus temperaverunt & institutis & legibus. Quid loquar de re militari? in qua cum virtute nostri multum valuerunt, tum plus etiam disciplina. Iam illa, quae natura, non litteris assecuti sunt, neque cum Graecis (2) neque ulla cum gente sunt conferenda. Quae enim tanta gravitas, quae tanta constantia, magnitudo animi, probitas, fides, quae tam excellens in omni genere virtus in ullis fuit, ut sit cum maioribus nostris comparanda? Doctrina Graecia nos, & omni litterarum genere superabat, in quo erat facile vincere non repugnantes. Nam cum apud Graecos antiquissimum è doctis sit genus poetarum, si quidem Homerus fuit, & Hesiodus ante Romam conditam, Archilochus regnante Romulo: serius poeticam nos acceperimus; annis enim ferè ccccx. post Romam conditam Livius fabulam dedit, C. Claudio Caeci filio, M. Tuditano Consulibus, anno ante natam Ennium, qui fuit maior natu, quam Plautus, & Naevius (3).

Sero

(1) Mos fuit Ciceronis, Plinii, Varronis, T. Livii, C. Caesaris, quoad potuerunt, patriam in scriptis suis extollere. Volebant enim videri patriae studiosi. Idem.

(2) Alii Graecia.

(3) Nisi forte in re chronologica lapsus est Cicero, pronomen relativum non ad Ennium, sed ad Livium respicit: Naevius enim Ennio fuit vetustior. Davilius.

Sero igitur a nostris poetae vel cogniti, vel recepti. Quanquam est in Originibus (1) solitos esse in epulis canere convivas ad tibicinem de clarorum hominum virtutibus; honorem tamen huic generi non fuisse declarat oratio Catonis, in qua obiecit, ut probrum, Marco Nobiliori, quod is in provinciam poetas duxisset: duxerat autem Consul ille in Aetoliam, ut scimus, Ennium. Quo minus ergo honoris erat poetis, eo minora studia fuerunt, nec tamen, si qui magnis ingeniis in eo genere extiterunt, non satis Graecorum gloriae responderunt. An censemus, si Fabio, nobilissimo homini, laudi datum esset, quod pingeret, non multos etiam apud nos futuros Polycletos (2) & Parrhasios fuisse? Honos alit artes; omnesque incenduntur ad studia gloria; iacentque ea semper, quae apud quosque improbantur. Summam eruditionem Graeci sitam censebant in nervorum, vocumque cantibus; igitur & Epaminondas, princeps, meo iudicio, Graeciae, fidibus praeclare cecinisse dicitur: Temistoclesque aliquot ante annos, cum in epulis recusasset lyram, habitus est indoctior. Ergo in Graecia musici floruerunt, discabantque id omnes, nec, qui nesciebat, satis excultus doctrina putabatur. In summo apud illos honore geometria fuit, itaque nihil mathematicis illustrius, At nos metiendi, ratiocinandique utilitate huius artis terminavimus modum.

At contra oratorem celeriter complexi sumus; nec eum primo eruditum, aptum tamen ad dicendum; post autem eruditum; nam Galbam, Africanum, Laelium, doctos fuisse memoriae traditum est: studiosum autem eum, qui hos aetate anteibat, Catonem; post vero Lepidum, Car-

A 2

bo-

(1) *Porcii Catonis opus*. Vid. Corn. Nepo.

(2) *Seu Polygnotos; nam Polycletus fuit statuarum fitor, Polygnotus pictor, ut & Parrhasius*. Lambin.

bonem, Gracchos; deinde ita magnos nostram ad aetatem, ut non multum, aut nihil omnino Graecis cederetur. Philosophia iacuit usque ad hanc aetatem, nec ullum habuit lumen litterarum (1) Latinarum: quae illustranda, & excitanda nobis est, ut, si occupati profuimus aliquid civibus nostris, profimus etiam, si possumus, otiosi. In quo eo magis nobis est elaborandum, quod multi iam esse Latini libri dicuntur scripti inconsiderate ab optimis illis quidem viris, sed non satis eruditis (2); fieri autem potest, ut recte quis sentiat, & id quod sentit, polite eloqui non possit, sed mandare quemquam litteris cogitationes suas, qui eas nec disponere, nec illustrare possit, nec delectatione aliqua allicere lectorem hominis est intemperanter abutentis & otio, & litteris. Itaque suos libros ipsi legant cum suis, nec quisquam attingit, praeter eos, qui eandem licentiam scribendi sibi permitti volunt. Quare si aliquid oratoriae laudi nostra attulimus industria, multo studiosius philosophiae fontes aperiemus, e quibus etiam illa manabant.

Sed ut Aristoteles, vir summo ingenio, scientiae copia, cum motus esset Isocratis Rhetoris gloria, dicere etiam, coepit adolescentes docere, & prudentiam cum eloquentia iungere: sic nobis placet nec pristinum dicendi studium deponere, & in hac maiore, & uberiore arte versari: hanc enim perfectam philosophiam semper iudicavi, quae de maximis quaestionibus copiose posset, ornateque dicere, in quam exercitationem ita nos studiose operam dedimus, ut iam etiam scholas Graecorum more habere

re

(1) Significat, defuisse Philosophiae eloquentiam. Epicuri aemuli hoc loco notantur. Camer.

(2) Amafanum intelligit, aliosque ex Epicuri grege: quos eo nomine perstrinxit Aelud. lib. 1. cap. 2. Dav.

LIBER I.

re auderemus: ut nuper tuum post discessum in Tusculano, cum essent complures mecum familiares, tentavi, quid in eo genere possem, ut enim antea declamitabam causas, quod nemo me diutius fecit: sic haec mihi nunc senilis est declamatio. Ponere iubebam, de quo quis audire vellet: & id aut sedens, aut ambulans disputabam. Itaque dierum quinque scholas, ut Graeci appellant, in totidem libros contuli; fiebat autem ita, ut, cum is, qui audire vellet, dixisset, quid sibi videretur, tum ego contra dicerem: haec est enim, ut scis, vetus, & Socratica ratio contra alterius opinionem differendi: nam ita facillime, quod verisimillimum esset, inveniri posse Socrates arbitrabatur; sed quo commodius disputationes explicentur, sic eas exponam, quasi agatur res, non quasi narretur. Ergo ita nasceretur exordium.

A. (1) Malum mihi videtur esse mors. (2) M. Iis ne, qui mortui sunt; an iis, quibus moriendum est? A. Utrisque. M. Est igitur miserum, quoniam malum. A. Certe. M. Ergo & ij, quibus evenit iam, ut morentur, & ij, quibus eventurum est, miseri. A. Mihi ita videtur. M. Nemo ergo non miser. A. Prorsus nemo. M. Et quidem, si tibi constare vis, omnes, quicunque nati sunt, eruntve, non solum miseri, sed etiam semper miseri: nam si solos eos diceres miseros, quibus moriendum esset, neminem tu quidem eorum, qui viverent, exciperes; moriendum est enim omnibus; esset tamen miseriae finis in morte. Quo-

A 3

niam

(1) Per A. nonnulli intelligunt Atticum. Ast Atticus tum temporis senex erat, iuvenis autem ille, qui cum Cicerone disputavit, ut patet ex Lib. 2. Cap. 12. Adolescentem igitur, vel Auditorem incertum denotari puto. Dav.

(2) Per M. significatur Marcus. Lambin.

niam autem etiam mortui miseri sunt, in miseriam nascimur sempiternam: necesse est enim, miseros esse eos, qui centum millibus annorum ante occiderunt (1), vel potius omnes, quicunque nati sunt. A. Ita prorsus existimo. M. Dic quaeso, num te illa terrent, tri-ceps apud inferos Cerberus, Cocyti fremitus, trans-vestio Acherontis, mento summam aquam attingens siti enectus Tantalus? num illud, quod Sisyphus versat

Saxum sudans nitendo, neque proficit bilum?

fortasse etiam inexorabiles iudices, Minos, & Rhadamanthus, apud quos nec te L. Crassus defendet, nec M. Antonius, nec, quoniam apud Graecos iudices res agetur, poteris adhibere Demosthenem; tibi ipsi pro te erit maxima corona causa dicenda: Haec fortasse metuis, & idcirco mortem censes esse sempiternum malum.

A. Adeone medelirare censes, ut ita esse credam?

M. An tu haec non credis? A. Minime vero. M. Male hercule narras. A. Cur quaeso? M. Quia disertus esse possem, si contra ista dicerem. A. Quis enim non in eiusmodi causa? aut quid negotij est, haec poetarum & pictorum portenta convincere? M. Atqui pleni sunt libri philosophorum contra ista ipsa differentium. A. Inepte sanè: quis est enim tam excors, quem ista moveant? M. Si ergo apud inferos miseri non sunt, ne sunt quidem apud inferos ulli. A. Ita prorsus existimo. M. Ubi ergo sunt ij, quos miseros dicis? aut quem locum incolunt? si enim sunt, nusquam esse non possunt. A. Ego vero nusquam esse illos

(1) *Loqui videtur secundum eos, qui mundum neque genitum, neque interitum prodiderunt: quae opinio auctores habet. Pythagoram, Architam, omnesque Pythagoricos: Aristoteles quoque Stagiritis & Theophrastus, multique Peripatetici idem scripserunt. Beroaldus.*

illos puto. M. Igitur ne esse quidem. A. Prorsus isto modo: & tamen miseros ob idipsum quidem, quia nulli sunt. M. Iam mallet Cerberum metueres, quam ista tam inconsiderate diceres. A. Quid tandem? M. Quem esse negas, eundem esse dicis: ubi est acumen tuum? cum enim miserum esse dicis, tum eum, qui non sit, dicis esse. A. Non sum ita hebes, ut ista dicam. M. Quid dicis igitur? A. Miserum esse, verbi causa, M. Crassum, qui illas fortunas morte dimiserit; miserum Cn. Pompeium, qui tanta gloria sit orbatus; omnes denique miseros, qui hac luce careant. M. Revolveris eodem: sunt enim oportet, si miseri sunt. Tu autem modo negabas eos esse, qui mortui essent. Si igitur non sunt, nihil possunt esse: ita ne miseri quidem sunt. A. Non dico fortasse etiam, quod sentio. Nam istud ipsum, non esse, cum fueris, miserrimum puto. M. Quid miserius, quam omnino nunquam fuisse? ita, qui nondum nati sunt, quia non sunt, miseri iam sunt: & nos ipsi, si post mortem miseri futuri sumus, miseri fuimus, antequam nati. Ego autem non commemini, antequam sum natus, me miserum; Tu si meliore memoria es, velim scire; ecquid de te recordare.

A. Ita iocaris, quasi ego dicam, eos esse miseros, qui nati non sunt; & non eos miseros, qui mortui sunt. M. Esse ergo eos dicis. A. Immo quia non sunt, cum fuerint, eos miseros esse. M. Pugnancia te loqui non vides? quid enim tam pugnat, quam non modo miserum, sed omnino quidquam esse, qui non sit? an tu egressus porta Capena, cum Calatini, Scipionum, Serviliorum, Metellorum sepulchra vides, miseros putas illos? A. Quoniam me verbo premis, posthac non ita dicam, miseros esse, sed tantum, miseros ob id ipsum, quia non sunt. M. Non dicis igitur, miser est M. Crassus, sed tantum miser, M. Crassus. A. Ita pla-

nè. M. Quasi non necesse sit, quidquid isto modo pronunties, id aut esse, aut non esse. An tu dialecticis ne imbutus quidem es? in primis enim hoc traditur; omne pronuntiatum (sic enim mihi in praesentia occurrit, ut appellarem *ἀξιωμα*, utar post alio, si invenero melius) id ergo est pronuntiatum, quod aut verum, aut falsum esse dicitur. Cam igitur dicis, miser M. Crassus: aut hoc dicis, miser est M. Crassus; ut possit iudicari, verum id, falsumne sit: aut nihil dicis omnino. A. Age, jam concedo non esse miseros, qui mortui sunt; quoniam extorsisti, ut faterer, qui omnino non essent, eos ne miseros quidem esse posse. Quid? qui vivimus, cum moriendum sit, nonne miseri sumus? quae enim potest in vita esse jucunditas, cum dies & noctes cogitandum sit, jam jamque esse moriendum?

M. Ecquid ergo intelligis, quantum mali de humana conditione deieceris? A. Quo nam modo? M. Quia, si mori etiam mortuis miserum esset, infinitum quoddam & sempiternum malum haberemus in vita. Nunc video calcem, (1) ad quem cum sit decursus, nihil sit praeterea extimescendum. Sed tu mihi videris Epicharmi (2) acuti, nec insulsi hominis, ut Siculi, (3) sententiam sequi. A. Quam? non enim novi. M. Dicam, si potero, latine: scis enim me graece loqui in latino sermone non plus solere, quam in graeco latine. A. Et recte

(1) *Ut vertex pro summo, sic calces pro extremo, seu sine & meta ponitur. Camer.*

(2) *Hic fuit Siculus Poeta Comicus.*

(3) *Hoc bifariam accipi potest, ut vel augmentum, vel diminutionem laudis habeat: Nam & Cicero Siculis sales, ac facetias tribuit in Verrinis, & de Or. II. & idem quaedam fatetur non perbelle ab iis dicta. Camer.*

Et recte quidem. Sed quae tandem est Epicharmi ista sententia? M.

Emori nolo; sed me esse mortuum nihil aestimo.

A. Iam agnosco graecum; & quoniam coegisti, ut concederem, qui mortui essent, eos miseros non esse, perfice, si potes, ut ne moriendum quidem esse miserum putem. M. Iam istuc quidem nihil negocij est; sed etiam maiora molior. A. Quo modo hoc nihil negocij est? aut quae tandem sunt ista maiora? M. Quoniam si post mortem nihil est mali, ne mors quidem est malum: cui proximum tempus est post mortem, in quo mali nihil esse concedis; ita ne moriendum quidem esse, malum est; id est enim, perveniendum esse ad id, quod non esse malum confitemur. A. Uberius ista quaeso; haec enim spinosiora, prius; ut confitear, me cogunt, quam ut assentiar. Sed quae sunt ea, quae dicis te maiora moliri? M. Ut doceam, si possum, non modo malum non esse, sed bonum etiam esse mortem. A. Non postulo id quidem, habeo (1) tamen audire; ut enim non efficias quod vis, tamen, mors, ut, malum non sit, efficias. Sed nihil te interpellabo; continentem orationem audire malo. M. Quid? si te rogavero aliquid, nonne respondebis? A. Superbi id quidem esset; sed, nisi quid necesse erit, malo ne roges.

M. Geram tibi morem, & ea, quae vis, ut potero, explicabo; nec tamen quasi Pythius Apollo, certa ut sint, & fixa, quae dixero, sed ut homunculus unus & multis, probabilia coniectura sequens; ultra enim quò progrediar, quam ut verisimilia videam, non habeo; certa dicent ij, qui & percipi ea posse dicunt; & se sapientes esse profitentur. A. Tu, ut videtur, Nos ad audiendum parati sumus. M. Mors igitur ipsa, quae vide-

(1) Habeo est aveo.

videtur notissima res esse, quid sit primum, est videndum. Sunt enim qui discessum animi a corpore putent esse mortem. Sunt qui nullum censeant fieri discessum, sed una animum & corpus occidere, animumque cum corpore extingui (1) qui discedere animum censent, alij statim dissipari, alij diu permanere, alij semper. Quid sit porro ipse animus, aut ubi, aut unde, magna dissensio est. Aliis cor ipsum animus videtur; ex quo excordes, vecordes, concordesque dicuntur; & Nasica ille prudens, bis Consul, Corculum (2) &

Egregie cordatus homo Catus Aeliu' Sextus.

Empedocles animum esse censet, cordi suffusum sanguinem. Aliis pars quaedam cerebri visa est animi principatum tenere; aliis nec cor ipsum placet, nec cerebri quandam partem esse animum; sed alii in corde, alii in cerebro dixerunt animi esse sedem, & locum; animam autem alii animam, (3) ut ferè nostri declarant nominari; nam & agere animam & efflare dicimus, & animosos, & bene animatos, & ex animi sententia; ipse autem animus ab anima dictus est. Zenoni Stoico animus ignis videtur.

Sed haec quidem, (4) quae dixi, cor, cerebrum, animam, ignem, vulgo; reliqua ferè singuli, ut multi ante veteres. Proximè autem Aristoxenus musicus, idem-

(1) *Ex Epicuri sententia.*

(2) Corculos, & Catos Plinius Lib. VII. vult apud Romanos intelligi, qui sapientia praestiterunt. Sed & Corculum quemadmodum animula prae se ferre videtur vehementiam amoris, & gratiae. A. Manut.

(3) *Sive oris halitum.*

(4) Hoc tribuunt Critiae praeter Tertullianum, ac Macrobinum, Aristoteles, & Nemefius Davis. Imo dicebat Empedocles cordi suffusum sanguinem esse animi sedem. Lambin.

idemque philosophus, intentionem ipsius corporis quandam; velut in cantu & fidibus, quae harmonia, dicitur, sic ex corporis totius natura, & figura varios motus cieri, tanquam in cantu sonos. Hic alii artificio suo non recessit, & tamen dixit aliquid, quod ipsum quale esset, erat multo ante & dictum, & explanatum a Platone. Xenocrates animi figuram, & quasi corpus, negavit esse, verum numerum dixit esse, cuius vis, ut jam antea Pythagorae visum erat, in natura maxima esset. Ejus doctor Plato triplicem finxit animam; cujus principatum, idest rationem, in capite, sicut in arce, posuit; & duas partes separare voluit, iram, & cupiditatem; quas locis disclussit; iram in pectore, cupiditatem subter praecordia locavit. Dicaearchus autem in eo sermone, quem Corinthi habitum tribus libris exponit, doctorum hominum disputantium, primo libro multos loquentes facit, duobus Pherecratem quandam Phthiotam senem, quem ait a Deuchalione ortum, differentem inducit, nihil esse omnino animum, & hoc esse nomen totum inane, frustra quoque animalia, & animantes appellari, neque in homine inesse animum, vel animam, nec in bestia: vimque omnem eam, qua vel agamus quid, vel sentiamus, in omnibus corporibus vivis acquabiliter esse fufam, nec separabilem a corpore esse, quippe quae nulla sit, nec sit quidquam nisi corpus unum, & simplex, ita figuratum, ut temperatione naturae vigeat, & sentiat. Aristoteles longè omnibus (Platonem semper excipio) praestans & ingenio, & diligentia, cum quatuor illa genera (1) principiorum esset complexus, è quibus omnia orirentur: quintam quandam naturam censet esse, è qua sit mens. Cogitare enim & providere, & discere, & docere, & invenire aliquid, & tam multa
alia,

(1) Nempe Ignem, Aquam, Terram, Aerem.

alia, meminisse, amare, odisse, cupere, timere, angere, laetari; haec & similia eorum, in horum quatuor generum nullo inesse putat. Quintum genus adhibet vacans nomine, & sic ipsum animum *εὐελεχίαν* appellat novo nomine, quasi quandam continuatam motionem, & perennem.

Nisi quae me forte fugiunt, haec sunt ferè omnium de animo sententiae. Democritum enim magnum quidem illum virum, sed levibus & rotundis corpusculis efficientem animum concursu quodam fortuito, omitamus: nihil est enim apud istos, quod non atomorum turba conficiat. Haram sententiarum quae vera sit, deus aliquis viderit; quae verisimillima, magna quaestio est. Utrum igitur inter has sententias dijudicare malumus, an ad propositum redire? A. Cuperem equidem utrumque, si posset; sed est difficile confundere. Quare si, ut ista non differamus, liberari mortis metu possumus, id agamus. Sin id non potest, nisi hac quaestione animorum explicata, nunc, si videtur, hoc, illud alias. M. Quod malis te intelligo, id puto esse commodius; efficiet enim ratio, ut, quaecunque vera sit earum sententiarum, quas exposui, mors aut malum non sit, aut sit bonum potius. Nam si cor aut sanguis, aut cerebrum est animus, certe, quoniam est corpus, interibit cum reliquo corpore; si anima est fortasse, dissipabitur; si ignis, extinguetur; si est Aristoxeni harmonia, dissolvetur. Quid de Dicaearco dicam, qui nihil omnino animum dicat esse? his sententiis omnibus nihil post mortem pertinere ad quenquam potest, pariter enim cum vita sensus amittitur. Non sentientis autem, nihil est, ullam in partem quod interit. Reliquorum sententiae spem afferunt, si te forte hoc delectat, posse animos, cum è corporibus excesserint, in coelum quasi in domicilium suum pervenire. A. Me vero delectat; idque primum ita esse velim deinde

deinde etiam si non sit, mihi tamen persuaderi velim. M. Quid tibi ergo opera nostra opus est? num eloquentia Platonem superare possumus? evolve diligenter ejus eum libram, qui est de animo; amplius quod desideres, nihil erit. A. Feci mehercule, & quidem saepius; sed nescio quo modo, dum lego, assentior; cum posui libram, & mecum ipse de immortalitate animorum coepi cogitare, assensio omnis illa elabitur. M. Quid hoc? dasne aut manere animos post mortem, aut morte ipsa interire? A. Do vero. M. Quid, si maneant? A. Beatos esse concedo. M. Si intereant? A. Non esse miseros, quoniam ne sint quidem, jam istuc, coacti a te paulo ante concessimus. M. Quomodo igitur, aut cur mortem malum tibi videri dicis, quae aut beatos nos efficiet, animis manentibus, aut non miseros sensu carentes?

A. Expone igitur, nisi molestum est, primum animos, si potes, remanere post mortem: tum si minus id obtinebis, (est enim arduum) docebis carere omni malo mortem; ego enim istuc ipsum vereor, ne malum sit, non dico carere sensu, sed carendum esse. M. Auctoribus quidem ad istam sententiam, quam vis obtineri, uti optimis possumus; quod in omnibus causis & debet, & solet valere plurimum; & primum quidem omni antiquitate; quae quo proprius aberat ab ortu, & divina progenie, hoc melius ea fortasse, quae erant vera, cernebat. Itaque unum illud erat insitum priscais illis, quos Cascos (1) appellat Ennius, esse in morte sensum, neque excessu vitae sic doleri hominem, ut funditus interiret; idque cum multis aliis rebus,

tum

(1) *Hujus vocis origo Sabina, quae usque radices in Oscanam Linguam egit. Cascum Vetus esse significat Ennius cum ait, Quam primum Casci populi genere Latini. Davis.*

turn è pontificio jure, & ceremoniis sepulchrorum intelligi licet; quas maximis ingeniis praediti nec tanta cura coluissent, nec violatas tam inexpiabili religione saxissent, nisi haesisset in eorum mentibus, mortem non interitum esse omnia tollentem, atque delentem, sed quandam quasi migrationem, commutationemque vitae, quae in claris viris, & foeminis dux in coelum soleret esse; in caeteris humi retineretur, & permaneret tamen. Ex hoc & nostrorum opinione,

Romulus in coelo cum diis agit aevum.

ut famae assentiens dixit Ennius; & apud Graecos, indeque perlapsus ad nos, & usque ad Oceanum Hercules, tantus, & tam praefens habetur deus. Hinc Liber Semele natus, eademque famae celebritate Tyn-
daridae fratres; qui non modo adjuutores in praeliis victoriae populi R. sed etiam nuncii (1) fuisse perhibentur. Quid? Ino, Cadmi filia nonne Leucothea nominata à Graecis, Matuta habetur a nostris? quid? totam propè coelum, ne plures persequar, nonne humano genere completum est?

Si vero scrutari vetera, & ex his ea, quae Scriptores Graeciae prodiderunt, eruere coner; ipsi illi, maiorum gentium dii qui habentur, hinc a nobis profecti in coelum reperientur. Quære, quorum demonstrantur sepulchra (2) in Graecia; reminiscere, quoniam es iniciatus, quae tradantur mysteriis: (3) tum denique

(1) Hoc saepius accidisse dicitur; sed Noster bellum Macedonicum, quo devictus est Perses, praecipue respicit. Vid. Minut. Felic. Octav. Cap. 7.

(2) Cretenses Jovis sepulcrum offendere soliti erant.

(3) Mysteria in Graecia arcana quaedam sacra erant, quibus initiati certiora de divinis rebus tenere putabantur, quam vulgo sciri utile esset. Itaque Mysteria enuntiare

nique, quam hoc late pateat, intelliges. Sed qui nondum ea, quae multis post annis tractari coepissent, phisica didicissent, tantum sibi persuaferant, quantum natura admonente cognoverant; rationes & causas rerum non tenebant, visis quibusdam saepe movebantur; hisque maxime nocturnis, ut viderentur ij, qui vita excefferant, vivere. Ut porro firmissimum hoc asserri videretur, cur deos esse credamus, quod nulla gens tam fera, nemo omnium tam sit immanis, cujus mente non imbuerit deorum opinio. Multi de diis prava sentiunt id enim vitioso more effici solet; cunctes tamen esse vim & naturam divinam arbitrantur; nec vero id collocutio hominum, aut consensus efficit, non institutis opinio est confirmata, non legibus. Omni autem in re consensus omnium gentium, lex naturae putanda est. Quis est igitur, qui suorum mortem primum non eo lugeat, quod eos orbatos vitae commodis arbitretur? Tolle hanc opinionem; luctum sustuleris. Nemo enim moeret suo incommodo, dolere fortasse, & anguntur. Sed illa lugubris lamentatio, fletusque moerens ex eo est, quod eum, quem dileximus, vitae commodis privatum arbitramur, idque sentire. Atque haec ita sentimus natura duce, nulla ratione, nullaque doctrina.

Maximum vero argumentum est, naturam ipsam de immortalitate animorum tacitam judicare, quod omnibus curae sunt, & maximae quidem, quae post mortem futura sint. *Serit arbores, quae alteri saeculo prosunt*, ut ait Statius in Sinephoebis; quid spectans, nisi etiam postera saecula ad se pertinere? Ergo arbores feret diligens agricola, quarum aspiciet baccam ipse nunquam: vir magnus leges, instituta, Remp. non feret? Quid procreatio liberorum, quid propagatio hominis, quid

ziare capite sanctum fuit. Praecipua Eleusina Cereis, & in Samothracia; sed & alia alibi sacra.

quid adoptiones filiorum, quid testamentorum diligentia, quid ipsa sepulcrorum monumenta, quid elogia significant, nisi nos futura etiam cogitare? Quid illud? num dubitas, quin specimen naturae capi deceat ex optima quaque natura? quae est igitur melior in hominum genere natura, quam eorum, qui se natos ad homines iuvenulos, tutandos, conservandos arbitrantur? Abiit ad deos Hercules: nunquam abiisset, nisi, cum inter homines esset, eam sibi viam munivisset. Vetera jam ista, & religione omnium consecrata.

Quid in hac Rep. tot, tantosque viros ob Remp. interfectos cogitasse arbitramur? Iisdemne ut finibus nomen suum, quibus vita, terminaretur? Nemo unquam sine magna spe immortalitatis se pro patria offerret ad mortem. Licuit esse otioso Themistocli, licuit Epaminondae, licuit, ne & vetera, & externa quaeram, mihi; sed nescio quomodo inhaeret in mentibus quasi saeculorum quoddam augurium futurorum; idque in maximis ingeniis, altissimisque animis & existit maxime, & apparet facillime. Quo quidem dempto, quis tam esset amens, qui semper in laboribus, & periculis viveret? Loquor de principibus. Quid poetae? nonne post mortem nobilitari volunt? Unde ergo illud?

Aspicite, o cives, senis Ennii imaginis formam;

Hic vestrum p'auxit maxima facta patrum.

Mercedem gloriae flagitat ab iis, quorum patres affecerat gloria. Idemque,

Nemo me lacrymis decoret, nec funera fletu

Facit; cur? volito vivu per ora virum.

Sed quid poetas? quos post mortem nobilitari volunt. Quid enim Pludias sui similem speciem inclusit in clypeo Minervae (1) cum inscribere non liceret? Quid nostri philosophi? nonne in his ipsis libris, quos scribunt

(1) Vide *Nostri de Orat. Lib. 11. cap. 17.*

bunt de contemnenda gloria, sua nomina inscribunt? Quod si omnium consensus, naturae vox est; omnesque, qui ubique sunt, consentiunt esse aliquid, quod ad eos pertineat, qui à vita cesserunt: nobis quoque idem existimandum est; & si, quorum aut ingenio, aut virtute animus excellit, eos arbitramur, quia natura optima sint, cernere naturae vim maxime: verisimile est, cum optimus quisque maxime posteritati serviat, esse aliquid, cuius is post mortem sensum sit habiturus.

Sed ut deos esse natura opinamur, qualesque sint, ratione cognoscimus; sic permanere animos arbitramur consensu nationum omnium; qua in sede maneant, qualesque sint, ratione discendum est. Cuius ignorantia finxit inferos, easque formidines, quas tu contemnere non sine causa videbare; in terram enim cadentibus corporibus, hisque humo tectis, ex quo dictum est humari, sub terra censebant reliquam vitam agi mortuorum. Quam eorum opinionem magni errores consecuti sunt, quos auxerunt poetae. Frequens enim confessus theatri, in quo sunt mulierculae, & pueri, movetur audiens tam grande carmen.

*Adsum, atque advenio Acheronte, vix, via alta,
atque ardua,*

*Per speluncas saxis structas asperis pendentibus,
Maximis; ubi rigida constat crassa caligo inferum.* (1)
tantumque valuit error, qui mihi quidem iam sublatu videtur, ut, corpora cremata cum scirent, tamen ea fieri apud inferos fingerent, quae sine corporibus nec fieri possent, nec intelligi. Animos enim per se ipsos viventes non poterant mente complecti; formam aliquam, figuramque quaerebant. Inde Ho-

B.

meri.

(1) Enniani versus, & ex Hecuba Euripidea liberius conversi. Dav.

meri tota *venūia* (1) inde ea, quam (2) meus amicus Appius *νεκρομαντία* faciebat; inde in vicinia nostra Averni lacus,

*Unde animae excitantur obscura umbra, aperto ostio
Alti Acherontis falso sanguine, imagines mortuorum;*
has tamen imagines loqui volunt; quod fieri nec sine lingua, nec sine palato, nec sine faucium, laterumve, & pulmonum vi, & figura potest; nihil enim animo videre poterant; ad oculos omnia referebant. Magni autem est ingenii, revocare mentem a sensibus, & cogitationem a consuetudine abducere. Itaque, credo equidem etiam alios tot saeculis; sed quod litteris extet, Pherecides Syrus primum dixit, animos hominum esse sempiternos: antiquus sanè; fuit enim meo regnante gentili. (3). Hanc opinionem discipulus ejus Pythagoras maxime confirmavit: qui cum Superbo regnante in Italiam venisset, tenuit magnam illam Graeciam cum honore, & disciplina, tum etiam auctoritate: multaque saecula postea sic viguit Pythagoreorum nomen, ut nulli alii docti viderentur.

Sed redeo ad antiquos Rationem, illi sententiae suae non ferè reddebant, nisi quid erat numeris, aut descriptionibus explicandum. Platonem ferunt, ut Pythagoreos cognosceret, in Italiam venisse, & in ea cum alios multos, tum Architam, Timaeumque cognovisse, & didicisse Pythagorea omnia; primumque de animorum aeternitate non solum sensisse idem, quod Pythagoras, sed rationem etiam attulisse; quam, nisi quid dicis, praetermittamus, & hanc totam Spem immortalitatis relin-

(1) *Idest illa mortuorum fabula, quae est Od. V.*

(2) *Alii quae.*

(3) *Servio Tullio Romanorum Rege Sexto, qui ejusdem Tulliorum generis fuit. A. Manut.*

linquamus. A. An tu, cum me in summam expectationem adduxeris, deferis? errare mehercule malo cum Platone, quem tu quanti facias scio, & quem ex tuo ore admiror, quam cum istis vera sentire. M. Maeste virtute: ego enim ipse cum eodem ipso non invitus erraverim. Num igitur dubitamus, an, sicut pleraque, sic & hoc? quamquam hoc quidem minime. Persuadent enim mathematici, terram in medio mundo sitam, ad universi coeli complexum, quasi puncti istar obtinere, quod *κέντρον* illi vocant: Eam porro naturam esse quatuor omnia gignentium corporum, ut quasi partita habeant inter se, & divisa momenta; terrena & humida suoapte nutu & suo pondere ad pares angulos in terram, & in mare ferantur; reliquae duae partes, una ignea, altera animalis, ut illae superiores in medium locum mundi gravitate ferantur, & pondere sic hae rursus rectis lineis in coelestem locum subvolent, sive ipsa natura superiora appetente, sive quod a gravioribus leviora natura repellantur. Quae cum constet, perspicuum debet esse, animos, cum è corpore exceaserint, sive illi sint animales, idest spirabiles, sive ignei, sublimis ferri. Si vero aut numerus quidam sit animus, quod subtiliter magis, quam dilucide dicitur; aut quinta illa non nominata magis, quam non intellecta natura: multo etiam integriora ac puriora sunt, ut a terra longissime se efferant. Horum igitur aliquid animus est, ne tam vegeta mens aut in corde, cerebrove, aut in Empedocleo sanguine demersa jaceat.

Dicaearchum vero cum Aristoxeno aequali, & condiscipulo suo, doctos sanè homines, omittamus; quorum alter ne condoluisse quidem unquam videtur, qui animum se habere non sentiat; alter ita delectatur suis cantibus, ut eos etiam ad haec transferre conetur. Harmoniam autem ex intervallis sonorum nos-

se possumus, quorum varia compositio etiam harmonias efficit plures. Membrorum vero situs, & figura corporis, vacans animo, quam possit harmoniam efficere non video: sed hic quidem, quamvis eruditus sit, sicut est, haec magistro concedat Aristoteli; canere ipse doceat. Bene enim illo proverbio Graecorum praecipitur;

Quam quisque veritatem artem, in hac se exerceat. (1)

Illam vero funditus eiiciamus individuorum corporum, levium, & rotundorum concursione fortuitam: quam tamen Democritus concalescentiam, & spirabilem, idest animalem esse voluit. Is autem animus, qui, si est horum quatuor generum, ex quibus omnia constare dicuntur, ex inflammata anima constat, ut potissimum videri video Panaetio, superiora capessat necesse est; nihil enim habent haec duo genera prout, & supera semper petunt. Ita sive dissipantur, procul a terris, id evenit; sive permanent, & conservant habitum suum, hoc etiam magis necesse est ferantur ad coelum, & ab his perrumpatur, & dividatur crassus hic & concretus aer, qui est terrae proximus. Calidior est enim, vel potius ardentior animus, quam est hic aer, quem modo dixi crassum, atque concretum; quod ex eo sciri potest, quia corpora nostra, terreno principiorum genere confecta, ardore animi concalescunt.

Accedit, ut eo facilius animus evadat ex hoc aere, quem saepe jam appello crassum, eumque perrumpat, quod nihil est animo velocius; nulla est celeritas, quae possit cum animi celeritate contendere. Qui si permanet incorruptus, sui que similis, necesse est ita feratur, ut penetret, & dividat omne coelum hoc, in quo nubes, imbres, ventique coguntur: quod, & humidum, & caliginosum est, propter exhalationes terrae.

(1) *Versus est ex Aristophane translatus. Ursin.*

rae. Quam regionem cum superavit animus, naturamque sui similem contigit; & agnovit: junctus ex anima tenui, & ex ardore solis temperato; ignibus insistit; & finem altius se efferendi facit: Cum enim sui similem & levitatem; & calorem adeptus est, tantquam paribus examinatus ponderibus; nullam in partem movetur; &que ei demum naturalis est sedes; cum ad sui similem penetravit; in quo nulla re egens aletur; & sustentabitur iisdem rebus, quibus astra sustentantur; & aluntur (1): Cumque corporis facibus inflammarī soleamus ad omnes ferè cupiditates; eoque magis incendi, quod iis aemulemur, qui ea habeant; quae nos habere cupiamus: profectò beati erimus, cum, corporibus relictis, & cupiditarum; & aemulationum erimus expertes; quodque nunc facimus: cum laxati curis sumus, ut spectare aliquid velimus; & visere, id multo tum faciemus liberius; totosque nos in contemplandis rebus, perspicendisque ponemus, propterea, quod & naturā inest mentibus nostris insatiabilis quaedam cupiditas veri videndi; & orae ipsae locorum illorum; quo pervenerimus, quo faciliorem nobis cognitionem rerum coelestium; eo majorem cognoscendi cupiditatem dabunt: Haec enim pulchritudo etiam in terris patritam illam, & avitam (ut ait Theophrastus) philosophiam; cognitionis cupiditate incensam excitavit: Praecipue vero fraentur ea; qui tum etiam; cum has terras incolentes circumfusi erant caligine; tamen acie mentis dispicere cupiebant.

Etenim si nunc aliquid assequi se putant; qui ostium Ponti viderunt; & eas angustias; per quas penetravit ea; quae est nominata

B 3

Argo

(1) *Stellae aluntur iuxta philosophos; maxime Platonicos; humore terreno; iuxta alios nutriuntur Dewpla idest speculatione Divinitatis, & Deo fruuntur. Beroal.*

*Argo, quia Argivi in ea, delecti viri,
Vestī, petebant pellem inauratam arietis; (1)*
aut ij, qui Oceani freta illa viderunt,

Europam, Libiamque rapax ubi dividit unda;
quod tandem spectaculum fore putamus, cum totam
terram contueri licebit, eiusque cum situm, formam,
circumscriptionem, tum & habitabiles regiones, & rur-
sum omni cultu propter vim frigoris, aut caloris va-
cantes? Nos enim ne nunc quidem oculis cernimus
ea, quae videmus; neque enim est ullus sensus in
corpore, sed, ut non solum phisici docent, verum
etiam medici, qui ista aperta & patefacta viderunt,
viae quasi quaedam sunt ad oculos, ad aures, ad na-
res a sede animi perforatae. Itaque saepe aut cogita-
tione, aut aliqua vi morbi impediti, apertis atque
integris & oculis, & auribus, nec videmus, nec audi-
mus (2) ut facile intelligi possit, animum & videre
& audire, non eas partes, quae quasi fenestrae sunt
animi; quibus tamen sentire nihil queat mens, nisi
id agat, & adsit. Quid, quod eadem mente res dissi-
millimas comprehendimus, ut colorem, saporem, ca-
lorem, odorem, sonum? quae nunquam quinque nun-
tiis animus cognosceret, nisi ad eum omnia referren-
tur, & is omnium iudex solus esset. Atque ea profe-
cto tum multo puriora, & dilucidiora cernentur,
cum, quò natura fert, liber animus pervenerit. Nam
nunc quidem, quanquam foramina illa, quae patent
ad

(1) *Ennii versus ex Euripidis Medea desumpti.*

(2) *Plinius in hanc sententiam sic scribit in XI.
Nat. Hist. Animo vitemus; animo cernimus; oculi, seu
vasa quaedam, visibilem eius partem accipiunt, atque
transmittunt: sic magna cogitatio obcaecat obducto intus
visu; sic in morbo comitiali aperti nihil cernunt animo
caligante. Beroald.*

ad animum a corpore, callidissimo artificio natura fabricata est, tamen terrenis, concretisque corporibus sunt intersepta quodammodo. Cum autem nihil erit praeter animum, nulla res obiecta impediet, quo minus percipiat, quale quidque sit.

Quamvis copiose haec diceremus; si res postula-
ret, quam multa, quam varia spectacula animus in
locis coelestibus esset habiturus. Quae quidem cogi-
tans, soleo saepe mirari nonnullorum insolentiam phi-
losophorum, qui naturae cognitionem admirantur,
eiusque inventori, & principi gratias exultantes agunt,
eumque venerantur ut deum. Liberatos enim se per
eum dicunt gravissimis dominis, terrore sempiterno,
& diurno ac nocturno metu; quo terrore? quo me-
tu? quae est anus tam delira, quae timeat ista, quae
vos videlicet, si physica non didicissetis, timeretis?

Acheruntia templa, alta orci, pallida

Leti, ubi nuda, obsita tenebris loca, (1)

Non pudet philosophum in eo gloriari, quod haec
non timeat, & quod falsa esse cognoverit? ex quo in-
telligi potest, quam acuti natura sint, qui haec sine
doctrina credituri fuerint. Praeclarum autem nescio
quid adepti sunt, quod didicerunt, se, cum tempus
mortis venisset, totos esse perituros. Quod ut sit,
(nihil enim pugno) quid habet ista res, aut laeta-
bile, aut gloriosum? nec tamen mihi sanè quidquam
occurrit, cur non Pythagorae sit & Platonis vera sen-
tentia; ut enim rationem Plato nullam afferret, (vi-
de quid homini tribuam) ipsa auctoritate me frange-
ret: tot autem rationes attulit, ut velle caeteris, si-
bi certe persuasisse videatur.

Sed plurimi contra nituntur, animosque quasi ca-

B 4

pice

(1) *Hi versus ex Ennii Andromacha desumpti vi-
dentur.*

pice damnatos, morte mulctant; neque aliud est quidquam, cur incredibilis his animorum videatur aeternitas, nisi quod nequeunt, qualis animus sit vacans corpore, intelligere, & cogitatione comprehendere. Quasi vero intelligent, qualis sit in ipso corpore, quae conformatio, quae magnitudo, qui locus: ut, si jam possent in homine uno cerni omnia, quae nunc tecta sunt, casurus ne in conspectum videatur animus: an tanta sit ejus tenuitas, ut fugiat aciem. Haec reputent isti, qui negant, animum sine corpore se intelligere posse; videbunt, quem in ipso corpore intelligent. Mihi quidem, naturam animi intuenti, multo difficilior occurrit cogitatio, multoque obscurior, qualis animus in corpore sit, tanquam alienae domus, quam qualis, cum exierit, & in liberum coelum, quasi domum suam, venerit. Si enim, quod nunquam vidimus, id quale sit intelligere non possumus; certe & Deum ipsum, & divinum animum, corpore liberatum, cogitatione complecti non possumus. Dicaeaeus quidem, & Aristoxenus, quia difficilis erat animi, quid, aut qualis esset, intelligentia, nullum omnino animum esse dixerunt. Est illud quidem vel maximum, animo ipso animum videre; & nimirum hanc habet vim praeceptum Apollinis, quod monet, ut se quisque noscat. Non enim, credo, id praecipit, ut membra nostra, aut staturam figuramve noscamus; neque nos corpora sumus; neque ego tibi haec dicens, corpori tuo dico; cum igitur, nosce te, dicit, hoc dicit, nosce animum tuum: nam corpus quidem, quasi vas est, aut aliquod animi receptaculum; ab animo tuo quidquid agitur, id agitur a te. Hunc igitur nosse, nisi divinum esset, non esset hoc acrioris cujusdam animi praeceptum, sic, ut tributum deo sit; hoc est se ipsam posse cognoscere. Sed si, qualis sit animus, ipse animus nesciet, dic, quaeso, ne esse

esse quidem se sciet? ne moveri quidem se? ex quo illa ratio nata est Platonis, quae a Socrate est in Phaedro explicata, a me autem posita est in sexto libro de Republica.

Quod semper movetur, id aeternum est: quod autem motum affert alicui, quodque ipsum agitur aliunde; quando finem habet motus, vivendi quoque finem habeat necesse est; solum igitur, quod se ipsum movet, quia nunquam deseritur a se, nunquam ne moveri quidem desinit; quin etiam caeteris, quae moventur, hic fons, hoc principium est movendi. Principii autem nulla est origo. Nam ex principio oriuntur omnia; ipsum autem nulla ex re alia nasci potest: nec enim esset principium, quod gigneretur aliunde. Quod se nunquam avertitur, ne occidit quidem unquam: nam principium extititum nec ipsum ab alio renascetur, nec a se aliud creabit; si quidem necesse est a principio oriri omnia: praeter fit, ut motum principium omnia fit, quod ipsum a se movetur. Id autem nec nasci potest, nec mori, vel concidat omne coelum; omnisque natura consistat necesse est, nec vim ullam nanciscatur, qua primo impulsu moveatur. Cum pateat igitur, aeternum id esse, quod se ipsum moveat, quis est, qui hanc naturam animis esse tributam neget? Inanimum est enim omne, quod pulsus agitur externo. Quod autem est animal, id motu citatur interiore, & suo, nam haec est propria natura animi, atque vis; quae si est una ex omnibus, quae se ipsam semper moveat; neque nata certe est & aeterna est. Licet concutiant plebei omnes philosophi, (sic enim ij, qui a Platone, & Socrate, & ab illa familia dissident, appellandi videntur) non modo nihil unquam tam eleganter explicabunt, sed ne hoc quidem ipsum, quam subtiliter conclusum sit, intelligent. Sentit igitur animus se moveri, quod cum sentit, illud una sentit, se vi sua, non aliena moveri, nec acci-

dere

dere posse, ut ipse unquam a se deferatur; ex quo efficitur aeternitas: nisi quid habes ad haec. A. Ego vero facile sum passus, ne in mentem quidem mihi aliquid contra venire: ita isti faveo sententiae.

M. Quid illa tandem? num leviora censes? quae declarant iuisse in animis hominum divina quaedam: quae si cernerem quemadmodum nasci possent, etiam, quemadmodum interirent, viderem. Nam sanguinem, bilem; pituitam, ossa, nervos, venas, omnem denique membrorum & totius corporis figuram videor posse dicere, unde concreta, & quo modo facta sunt. Per animum ipsum, si nihil esset in eo, nisi id, ut per eum viveremus, tam natura putarem hominis vitam sustentari, quam vitis, quam arboris. Haec enim etiam dicimus vivere: item si nihil haberet animus hominis, nisi ut appeteret, aut refugeret, id quoque esset ei commune cum bestiis. Habet primum memoriam, & eam infinitam, rerum innumerabilium, quam quidem Plato recordationem esse vult superioris vitae. Nam in illo libro, qui inscribitur Menon, pansonem quemdam Socrates interrogat quaedam geometrica de dimensione quadrati: ad ea sic ille respondit, ut puer: & tamen ita faciles interrogationes sunt, ut gradatim respondens eo perveniat, quasi geometrica didicisset; ex quo effici vult Socrates, ut discere nihil aliud sit, quam recordari. Quem locum multo etiam accuratius explicat in eo sermone; quem habuit eo ipso die, quo excessit à vita. Docet enim, quemvis; qui omnium rerum rudis esse videatur, bene interroganti respondentem, declarare, se non tum illa discere; sed reminiscendo recognoscere: nec vero fieri ullo modo posse, ut a pueris tot rerum, atque tantarum insitas, & quasi consignatas in animis notiones, quas *ἐννοίας* vocant, haberemus; nisi animus, antequam corpus intrasset, in rerum cognitione

viguisse. Cumque nihil esset, ut omnibus locis a Platone differitur, (nihil enim ille putat esse, quod oriatur & intereat, idque solum esse, quod semper tale sit, qualem ideam appellat ille, nos speciem) non potuit animus hæc in corpore inclusus cognoscere, cognita attulit; ex quo tam multarum rerum cognitionis admiratio tollitur: neque ea planè videt animus, cum tam repente in insolitum, tamquam perturbatum domicilium immigravit, sed cum se collegit, atque recreavit, tum agnoscit ea reminiscendo. Ita nihil aliud est discere, nisi recordari. Ego autem majore etiam quodam modo memoriam admiror. Quid est enim illud, quo meminimus? aut quam habet vim? aut unde naturam? non quaero, quanta memoria Simonides (1) fuisse dicatur, quanta Theodectes (2), quanta is, qui a Pyrro legatus ad Senatum est missus, Cyneas, (3) quanta nuper Carneades (4) quanta, qui modo fuit, Scepheus (5) Metrodorus, quanta noster

(1) *Hic memoriae artem primus ostendisse dicitur.*

A Manut.

(2) *Aristotelis discipulus, qui tanta memoria fuit, ut semel auditos versus, quamlibet multos, protinus reddidisse dicatur, & multarum etiam rerum oblivionem exoptasse. Idem.*

(3) *Auctores sunt Plinius, Solinus, & Seneca, Cyneam postero die, quam ingressus Romam fuerat & equestrem Ordinem & Senatum nomine quemque suo per salutasse. De eius vero Eloquentia satis multa Plutarchus in Pyrro. Idem.*

(4) *Carneadem, atque Metrodorum in 11. de Orat. cum divina prope essent memoria, arte tamen illius usus praeclare scribit Cicero. Idem.*

(5) *Scepheus civitas Phrigiae quam quidam Aenae regiam fuisse tradunt. Beroald.*

ster Hortensius: (1) de communi omnium memoria loquor; & eorum maxime; qui in aliquo majore studio; & arte versantur: quorum quanta mens sit, difficile est existimare, ita multa meminerant.

Quorsum igitur haec spectat oratio? quae sit illa vis, & unde; intelligendam puto. Non est certe nec cordis, nec sanguinis; nec cerebri; nec atomorum. Anima sit animus; ignisve nescio; nec me pudet, ut istos; fateri nescire quod nesciam; illud; si ulla alia de re obscura affirmare possem; sive anima; sive ignis sit animus, eum jurarem esse divinum. Quid enim obsecro te, terrane tibi, aut hoc nebuloso; & caliginoso coelo, aut fata; aut concreta videtur tanta vis memoriae? si; quid sit hoc, non vides; at, quale sit, vides; si ne id quidem; at, quantum sit, profecto vides. Quid igitur? utrum capacitatem aliquam in animo putamus esse; quo tanquam in aliquod vas ea; quae meminimus, infundantur? absurdum id quidem; qui enim fundus; aut quae talis animi figura intelligi potest? aut quae tanta omnino capacitas? an imprimi quasi ceram animum putamus, & memoriam esse signatarum rerum in mente vestigia? quae possent verborum, quae rerum ipsarum esse vestigia? quae porro tam immensa magnitudo; quae illa tam multa possit effingere? Quid illa vis; quae tandem est, quae investigat occulta; quae inventio, atque excogitatio dicitur? ex hac ne tibi terrena; mortali quae natura; & caduca; concreta ea videtur? Aut qui primus; quod summae sapientiae Pythagorae visum est, omnibus

(1) De huius memoria vid. Cic. in Brut. Quintilianus vero; & Seneca eum celebrant qui sedens olim totum diem in auctione omnes res venales; & pretia; & emptores ordine suo recensuit; argentariis recognoscantibus, ita ut in nullo falleretur. Idem.

bus rebus imposuit nomina? aut qui dissipatos homines congregavit, & ad societatem vitae convocavit? aut qui sonos vocis, qui infiniti videbantur, paucis litterarum notis terminavit? aut qui errantium stellarum cursus, progressiones, institutiones (1) notavit? omnes magni; etiam superiores, qui fruges, qui vestitum, qui testā, qui cultum vitae, qui praesidia contra feras invenerunt; a quibus mansueti, & exculti, a necessariis artificiis ad elegantiora defluximus. Nam & auribus oblectatio magna parta est, inventa, & temperata varietate, & natura sonorum; & astra suspeximus, tum ea, quae sunt infixa certis locis, tum illa non re, sed vocabulo errantia, quorum conversiones, omnesque motus, qui animo vidit, is docuit, similem animum suum ejus esse, qui ea fabricatus in coelo esset. Nam cum Archimedes lunae, solis, quinque errantium motus in sphaeram illigavit, effecit idem, quod ille, qui in Timaeo mundum aedificavit Platonis deus, ut tarditate & celeritate dissimillimos motus una regeret conversio. Quod si in hoc mundo fieri sine deo non potest, ne in sphaera quidem eosdem motus Archimedes sine divino ingenio potuisset imitari.

Mihi vero ne haec quidem notiora, & illustriora carere vi divina videntur, ut ego haud poetam gravem plenumque carmen sine coelesti aliquo mentis instinctu putem fundere; aut eloquentiam sine majore quadam

(1) Institutiones reponit P. Manutius, cumque sequuntur Lambinus, Scurlenius, & Fabricius, ac, ut videtur, merito. Altera vox idem sonat, ac cursus. Ast haud Ταυτολογος putandus est Cicero. MS. Norvic. exhibet praegressiones. Scribendum regressiones. Nam Planetas nunc stare, nunc regredi, nunc praecurrere videri cuius est notissimum, Davis.

dam vi fluere, abundantem sonantibus verbis, uberibusque sententiis. Philosophia vero, omnium mater artium, quid est aliud, nisi, ut Plato ait, donum, ut ego, inventum deorum? Haec nos primum ad illorum cultum, deinde ad jus hominum, quod situm est in generis humani societate, tum ad modestiam, magnitudinemque animi erudit; eademque ab animo, tanquam ab oculis, caliginem dispulit, ut omnia supera, infera, prima, ultima, media videremus. Prorsus haec divina mihi videtur vis, quae tot res efficiat, & tantas. Quid est enim memoria rerum & verborum? quid porro inventio? profecto id, quod nec in deo quidquam majus intelligi potest; non enim ambrosia deos, aut nectare, aut Juventute pocula ministrante, lactari arbitror; nec Homerum audio, qui Ganymedem a diis raptum ait propter formam, ut Jovi pocula ministraret. Non justa causa, cur Laomedonti (1) tanta fieret injuria; fingebat haec Homerus, & humana ad deos transferebat. Divina mallem ad nos; quae autem divina? vigere, sapere, invenire, meminisse. Ergo animus, qui, ut ego dico, divinus, ut Euripides audet dicere, deus est; & quidem si deus aut anima, aut ignis est, idem est animus hominis. Nam ut illa natura coelestis & terra vacat, & humore; sic utriusque harum rerum humanus animus est expers. Sin autem est quinta quaedam natura, ab Aristotele inducta; primum haec & deorum est, & animorum.

Hanc nos sententiam secuti, his ipsis verbis in Consolatione haec expressimus. „ *Animorum nulla in terris origo inveniri potest; nihil enim est in animis mixtum, atque coheretum, aut quod ex terra natum, atque*

(1) Troi, pro Laomedonti, erat scribendum: sed fuit Ciceronis παραμυθίων ἀμαρτία. Ursin.

utquæ fictum esse videatur; nihil ne aut humidum quidem, aut stabile, aut igneum. His enim in naturis nihil inest, quod vim memoriae, mentis, cogitationis habeat, quod & praeterita teneat, & futura provideat, & complecti possit praesentia; quae sola divina sunt; nec invenietur unquam, unde ad hominem venire possint, nisi a deo. Singularis est igitur quaedam natura, atque vis animi, seiuncta ab his usitatis, notisque naturis. „ Ita quidquid est illud, quod sentit, quod sapit, quod vult, quod viget, coelæste & divinum est, ob eamque rem aeternum sit necesse est. Nec vero Deus ipse, qui intelligitur a nobis, alio modo intelligi potest, nisi mens soluta quaedam, & libera, segregata ab omni concretionem mortali, omnia sentiens, & movens, ipsaque praedita motu sempiterno. Hoc è genere atque eadem è natura est humana mens.

Ubi igitur, aut qualis est ista mens? Ubi tua, aut qualis? potesne dicere? an, si omnia ad intelligendum non habeo, quae habere vellem, ne iis quidem, quae habeo, mihi per te uti licebit? non valet tantum animus, ut, sese ipse videat; at, ut oculus, sic animus sese non videns alia cernit. Non videt autem, quod minimum est, formam suam fortasse; quanquam id quoque; sed relinquamus: vim certe, sagacitatem, memoriam, motum, celeritatem videt. Haec magna, haec divina, haec sempiterna sunt. Qua facie quidem sit, aut ubi habitet, ne quaerendum quidem est. Ut, cum videmus, speciem primum, candoremque coeli, deinde conversionis celeritatem tantam, quantam cogitare non possumus; tum vicissitudines dierum, atque noctium, commutationesque temporum quadripartitas, ad maturitatem frugum, & ad temperationem corporum aptas, eorumque omnium moderatorem & ducem Solem Lunamque accretione, & diminutione luminis, quasi fa-

storum.

storum notantem, & significantem diēs; tum in eodem orbe in XII. partes distributo, quinque stellas ferri, eosdem cursus constantissime servantes disparibus inter se motibus, nocturnamque coeli formam, undique sideribus ornatam; tum globum terrae eminentem è mari, fixum in medio mundi universi loco, duabus oris distantibus habitabilem, & cultum; quarum altera, quam nos incolimus, sub axe posita ad stellas septem, unde

Horriser

Aquilonis stridor gelidas molitur nives;
altera Australis, ignota nobis, quam vocant Graeci *αὐριχθονος*. Caeteras partes incultas; quod aut frigore rigeant, aut urantur calore; hic autem, ubi habitamus; non intermittit, suo tempore

Coelum nitescere, arbores frondescere,
Vites laetescere, pampinis pubescere,
Rami baccharum ubertate incurviscere,
Segetes largiri fruges; florere omnia,
Fontes scatero, (1) herbis prata conpestirier;
tum multitudinem pecudum, partim ad vescendum, partim ad cultus agrorum, partim ad vehendum, partim ad corpora vestienda; hominemque ipsum quasi contemplatorem coeli ac deorum, ipsorumque cultorem, atque hominis utilitati agros omnes & maria parentia.

Haec igitur, & alia innumerabilia cum cernimus, possumusne dubitare, quin his praesit aliquis vel effector, si haec nata sunt, ut Platoni videretur; vel, si semper fuerint, ut Aristoteli placet, moderator tanti operis, & muneris? Sic mentem hominis, quam

(1) Hic scatero pronuntiandum est media corrupta, ut Anapaestus fiat; scater her aliogni versus claudicat. Hic & Lucretius Libro V. Largissima fontem scaterere, atque erumpere lumen. A. Manut.

quamvis eam non videas, ut Deum non vides, tamen, ut Deum agnoscis ex operibus ejus, sic ex memoria rerum, & inventione, & celeritate motus, omnique pulchritudine virtutis vim divinam mentis agnosco. In quo igitur loco est? credo equidem in capite; &, cur credam, asserre possum: sed de hoc alias: nunc ubi ubi sit animus, certe quidem in te est. Quae est ei natura? Propria puto, & sua; sed fac igneam, fac spirabilem: nihil ad id, de quo agimus, illud modo videto, ut Deum noris, etsi ejus ignores & locum, & faciem, sic animum tibi tuum notum esse oportere, etiam si ejus ignores & locum, & formam. In animi autem cognitione dubitare non possumus, nisi planè in physicis plumbei sumus, quin nihil sit animis admixtum, nihil concretum, nihil copulatum, nihil coagmentatum, nihil duplex. Quod cum ita sit, certe nec secerni, nec dividi, nec discerpi, nec distrahi potest: nec interire igitur. Est enim interitus quasi discessus, & secretio, ac directus earum partium, quae ante interitum junctione aliqua tenebantur. His, & talibus rationibus adductus Socrates, nec patronum quaesivit ad judicium capitis, nec iudicibus supplex fuit; adhibuitque liberam contumaciam, a magnitudine animi ductam, non a superbia; & supremo vitae die de hoc ipso multa differuit, & paucis ante diebus, cum facile posset educi à custodia, noluit; & cum penè in manu jam mortiferum illud teneret poculum, locutus ita est, ut non ad mortem trudi, verum in coelum videretur ascendere.

Ita enim censebat, itaque differuit; duas esse vias, duplicesque cursus animorum à corpore excedentium; nam qui se humanis vitiis contaminassent, & se totos libidinibus dedissent, quibus caecati vel in domesticis vitiis, atque flagitiis se inquinassent, vel in Rep. violanda fraudes inexpressibiles concepissent,

iis devium quoddam iter esse, seclusum a concilio deorum: qui autem se integros, castosque servavissent, quibusque fuisset minima cum corporibus contagio, seseque ab his semper sevocassent, essentque in corporibus humanis vitam imitati deorum, his ad illos, a quibus essent profecti, reditum facilem patere. Itaque commemorat, ut cygni, qui non sine causa Apollini dicati sunt, sed quod ab eo divinationem habere videantur, qua providentes quid in morte boni sit, cum cantu & voluptate moriantur; sic omnibus & bonis, & doctis esse faciendum: nec vero de hoc quisquam dubitare posset, nisi idem nobis accideret diligenter de animo cogitantibus, quod iis saepe usu venit, qui cum acriter oculis deficientem solem intuerentur, ut aspectum omnino omitterent; sic mentis acies se ipsam intuens, nonnunquam hebescit; ob eamque causam contemplandi diligentiam amittimus. Itaque dubitans, circumspiciens, haesitans, multa adversa revertens (1) tanquam in rate in mari immenso,

(1) Multa adversa revertens; *Rationem quandam loquendi priscam, & poeticam olet. Demonstratur autem aestus hac locutione eorum, qui eo saepius unde digressi sunt, redeunt sua per vestigia, quod eos caepti itineris aut viae poeniteat. Itaque retro adversisque revertuntur. Multa igitur intelligo, ut & in Eunniano apud Cicero- nem Lib. 1. de Divin. versu.*

Quamquam multa manus ad coeli caecula templa
Tendebam Lachrymans.

Loquitur enim Vestalis, quae saepe se dicit tetendisse manus ad Coelum. Quare multa adversa revertitur oratio, quae retro redit saepe, & adversum se fertur, pedem in contrarium refert, contraque id, quod affirmavit loquuta est, pronuntiat, atque adversum tendit, & mutat sententiam in diversum. Davis.

so, nostra vehitur oratio. (1) Sed hæc & vetera, & a Graecis. Cato autem sic abiit è vita, ut causam moriendi nactum se esse gauderet. Vetat enim dominans ille in nobis Deus, iniussu hinc nos suo demigrare. Cum vero causam justam Deus ipse dederit, ut tunc Socrati, nunc Caroni, sæpe multis, nae ille, medius fidius, vir sapiens, laetus ex his tenebris in lucem illam excesserit, nec tamen illa vincula carceris ruperit; leges enim vetant: sed tanquam a magistrato, aut ab aliqua potestate legitima, sic a deo evocatus, atque emissus exierit; tota enim philosophorum vita, ut ait idem, commentatio mortis est.

Nam quid aliud agimus, cum a voluptate, idest a corpore, cum a re familiari, quae est ministra & famula corporis, cum a Rep. cum a negotio omni se vocamus animum? quid, inquam tum agimus, nisi animum ad se ipsum advocamus, secum esse cogimus, maximeque a corpore abducimus? secernere autem a corpore animum, nec quidquam aliud est, quam emori discere. Quare hoc commentemur, mihi crede, dissiugamusque nos a corporibus, idest, consueamus mori. Hoc & dum erimus in terris, erit illi coelesti vitae simile; & cum illuc ex his vinculis emissi fere mur, minus tardabitur cursus animorum. Nam qui in compedibus corporis semper fuerunt, etiam cum soluti sunt, tardius ingrediuntur, ut ij, qui ferro vincti multos annos fuerunt; quo cum venerimus, tum denique vivemus. Nam hæc quidem vita, mors est: quam lamentari possem, si liberet. A. Satis tu quidem in Consolatione es lamentatus; quam cum lego, nihil malo, quam has res relinquere; his vero modo auditis, multo magis. M. Veniet tempus, & quidem celeriter, & sive retractabis, sive properabis; volat

C 2

enim

(1) Imo ratio ut putas legendum Lambinus.

enim aetas. Tantum autem abest ab eo, ut malum mors sit, quod tibi dudum videbatur; ut verear, ne homini nihil sit non malum aliud certe, sed nihil bonum aliud potius; si quidem vel dii ipsi, vel cum diis fururi sumus. A. Quid refert? adsint enim, qui haec non probent. M. Ego autem nunquam ita te in hoc sermone dimittam ulla uti ratione (1) ut mors tibi videri malum possit. A. Qui potest, cum ista cognoverim? M. Qui possit, rogas? catervae veniunt contradicentium, non solum Epicureorum, quos equidem non despicio, sed nescio quo modo doctissimus quisque contemnit. Acerrime autem, deliciae meae, Dicaearchus, contra hanc immortalitatem disseruit; is enim tres libros scripsit, qui Lesbiaci vocantur, quod Mitylenis sermo habetur; in quibus vult efficere, animos esse mortales. Stoici autem usuram nobis largiuntur tanquam cornicibus; (2) diu mansuros ajunt animos, semper negant.

Num vis igitur audire; cur etiam si ita sit, mors tamen non sit in malis? A. Ut videtur; sed me nemo de immortalitate depellet. M. Laudo id quidem; etsi nihil animis oportet confidere; movemur enim saepe aliquo acute concluso; labamus, mutamusque sen-

(1) *Neque sensus, neque locutio placet. Verbum enim dimitto nunquam cum infinito a veteribus usitatum. Non dubito quin ita legendum sit. Ego autem nunquam ita te in hoc sermone dimittam, ulla uti ratione mors tibi videri malum possit. P. Manut.*

(2) *De cornicum vivacitate vid. Plinium Hist. Nat. Lib. VII. cap. 48. Hesiodus apud Plutarcum de Orac. defect. pag. 415.*

Ἐννέα τοὶ ζῶσι γενεαὶ λακέρυζα κορώνη

Seu

Hos (homines) novies superat vivendo garrula cornix.

sententiam clarioribus etiam in rebus. In his est enim aliqua obscuritas. Id igitur si acciderit, sumus armati. A. Sanè quidem; sed, ne accidat, providebo. M. Nan quid igitur est causae, quin amicos nostros Stoicos dimittamus: eos dico, qui ajunt animos manere, è corpore cum excefferint, sed non semper. A. Istos vero; qui, quod tota in hac causa difficillimum est, fuscipiant, posse animum manere corpore vacantem; illud autem, quod non modo facile ad credendum est, sed eo concesso, quod volunt, consequens, id certe non dant, ut cum diu permanferit, ne intereat. M. Bene reprehendis: & se isto modo res habet. Credamus igitur Panaetio, a Platone suo dissentienti: Quem enim omnibus locis divinum, quem sapientissimum, quem sanctissimum, quem Homerum philosophorum appellat, hujus hanc unam sententiam de immortalitate animorum non probat: vult enim quod nemo negat, quidquid natum sit, interire: nasci autem animos, quod declarat eorum similitudo, qui procreantur; quae etiam in ingeniis, non solum in corporibus appareat. Alteram autem affert rationem; nihil esse, quod doleat, quin id aegrum esse quoque possit; quod autem in morbum cadat, id etiam interiturum; dolere autem animos: ergo etiam interire.

Haec refelli possunt. Sunt enim ignorantis, cum de aeternitate animorum dicatur, de mente dici, quae omni turbido motu semper vacet; non de partibus iis, in quibus aegritudines, irae, libidinesque versentur; quas is, contra quem haec dicantur, semotas a mente, & disclusas putat. Nam similitudo magis apparet in bestiis; quarum animi sunt rationis expertes, hominum autem similitudo in corporum figura magis extat; & ipsi animi, magni refert, quali in corpore locati sint; multa enim è corpore existunt, quae

acuant mentem; multa, quae obtundant. Aristoteles quidem ait, omnes ingeniosos melancholicos esse; ut ego me tardiores esse non moleste feram. Enumerat multos; idque quasi constet, rationem, cur ita fiat, affert. Quod si tanta vis est ad habitum mentis in iis, quae gignuntur in corpore; ea sunt autem, quaecunque sunt, quae similitudinem faciant: nihil necessitatis affert, cur nascatur animi similitudo. (1) Omitto similitudines; vellem adesse posset Panaetius; vixit cum Africano; quaererem ex eo, cujus suorum similis fuisset Africani fratris nepos, (2) facie vel patris; vira omnium perditorum ita similis, ut esset facile deterrimus. Cujus etiam similis P. Crassi, & sapientis, & eloquentis & primi hominis, nepos, multorumque aliorum clarorum virorum, quos nihil attinet nominare, nepotes, & filii. Sed quid agimus? oblitine sumus, hoc nunc nobis esse propositum, cum satis de aeternitate dixissemus, ne si interirent quidem animi, quidquam mali esse in morte? A. Ego vero memineram: sed te de aeternitate dicentem aberrare a proposito facile patiebar.

M. Video te aliter spectare, & velle in coelum migrare. A. Spero fore ut contingat id nobis; sed fac, ut isti volunt, animos non remanere post mortem: video nos, si ita sit, privari spe beatioris vitae. M. Mali vero quid affert ista sententia? fac animum

(1) *Hunc locum sic restituendum putat Lambinus. Nihil necessitatis affert, cur nascantur animi, similitudo. Davifus* Cur nascatur animi similitudo.

(2) *Filius Q. Fabii Allobrogici, Nepos Q. Fabii Aemiliani, qui frater Affricani fuit. Uterque enim Pauli Aemilii filius, & alter ab Affricani maioris filio, alter a Q. Fabio Maximo, Verrucosi filio, est adoptatus. A. Manut.*

num sic interire, ut corpus: num igitur aliquis dolor, aut omnino post mortem sensus in corpore est? nemo id quidem dicit? etsi Democritum insinuat Epicurus; Democritici negant. Ne in animo quidem igitur sensus remanet; ipse enim nusquam est; ubi igitur malum est? quoniam nihil tertium. An, quoniam ipse animi discessus a corpore non fit sine dolore? ut credam ita esse, quam est id exiguum? & falsum esse arbitror; & fit plerumque sine sensu, nonnunquam etiam cum voluptate; totumque hoc leve est, quaecunque est. Fit enim ad punctum temporis. Illud angit, vel potius excruciat; discessus ab omnibus iis, quae sunt bona in vita. Vile, ne a malis dici verius possit. Quid ego nunc lugeam vitam hominum? vere, & jure possum; sed quid necesse est, cum id agam, ne post mortem miseros nos putemus fore, vitam efficere deplorando miseriorem? fecimus hoc in eo libro, in quo nosmetipsos, quantum potuimus, consolati sumus. A malis igitur mors abducit, non a bonis. Verum si quaerimus hoc quidem a Cyrenaico Hegesia sic copiose disputatur, ut is a Rege Ptolomaeo prohibitus esse dicatur illa in scholis dicere, quo multi, his auditis, mortem sibi ipsi consciscerent. Callimachi quidem epigramma (1) in Ambracio-

C 4

tam

(1) *Epigramma Callimachi 24 sic se habet*

"Εἶπας. "Ηλιε, χαῖρε, Κλεόμβροτ' ὦ Ἀμβρακιώτης

"Ηλατ' ἀφ' ὑψηλοῦ τείχε' εἰς αἶθρην

"Αξιὸν ἰδέν ἰδὼν θανάτῳ κακὸν, ἀλλὰ Πλάτων'.

"Εν τῷ περὶ ψυχῆς γραμμ' ἀναλεξάμεν.

sed Platonis mentem affecutus non est iste Cleombrotus, nam ille mortem tantum philosophicam intelligit quae fit cum anima adhuc in corpore constituta corporeas illecebras philosophia docente, contemnit, ut docet Macrobius in Somn. Scip. 1. Cap, 13. Davis.

tam (1) Cleombrotum est: quem ait, cum nihil ei accidisset adversi, è muro se in mare abiectisse lecto Platonis libro: ejus autem quem dixi, Hegesiae liber est ἀποναρτησων; quod a vita quidam per inedia[m] discedens, revocatur ab amicis; quibus respondens, vitae humanae enumerat incommoda: possem id facere, etsi minus, quam ille, qui omnino vivere expedit nemini putat. Qmitto alios. Etiamne nobis expedit, qui & domesticis, & forensibus solatiis, ornamentisque privati, certe si ante occidissemus, mors nos a malis, non a bonis abstraxisset?

Sit igitur aliquis, qui nihil mali habeat, nullum a fortuna vulgus acceperit. Metellus ille honoratus quatuor filiis; ac quinquaginta Priamus: è quibus decem, & septem justa uxore natis: in utroque eandem habuit fortuna potestatem, sed usa in altero est. Metellum enim multi filii, filiae, nepotes, neptes in rogam imposuerunt: Priamum autem tanta progenie orbaturum, cum in aram confugisset, (2) hostilis manus interemit. Hic si vivis filiis, incolumi regno occidisset,

Astante ope barbarica (3)

Tectis caelatis, laqueatis;

utrum tandem a bonis, an a malis discessisset? tum profecto videretur a bonis. At certe ei melius evenisset, nec tam flebiliter illa canerentur,

Haec omnia vidi inflammari,

Priamo vi vitam evitari,

Jovis aram sanguine turpari.

Quasi vero ista vi quidquam tum potuerit ei melius acci-

(1) *Ab Ambracia, Epiri Urbe, olim Pyrrhi regia.*

(2) *Scilicet Jovis Hercei de qua Virgilius. Aeneid. l. 2.*

(3) *Ostenditur maxima opulencia Barbarorum, id est Astatica. Ut Maro.*

Barbarico postes auro, spoliisque superbi.

accidere. Quod si ante accidisset, tamen eventum omnino amisisset, hoc autem tempore sensum malorum amisit. Pompeio nostro familiari, cum graviter aegrotaret Neapoli, melius est factum: coronati Neapolitani fuerunt; nimirum etiam Puteolani vulgo ex oppidis publice gratulabantur. Ineptum sane negotium, & graeculum; sed tamen fortunatum. Utrum igitur, si tum esset extinctus, a bonis rebus, an a malis discessisset? Certe a miseris; non enim cum socero bellum gessisset, non imparatus arma sumpisset, non domum reliquisset, non ex Italia fugisset, non exercitu amisso nudus in servorum ferrum, & manus incidisset, non liberi defleti, non fortunae omnes a victoribus possiderentur; qui, si mortem tum obisset, in amplissimis fortuneis occidisset; is propagatione vitae quot, quantas, quam incredibiles hausit calamitates?

Haec morte effugiuntur, etiam si non evenerint, tamen quia possunt evenire. Sed homines ea sibi accidere posse non cogitant. Metelli sperat sibi quisque fortunam; proinde quasi aut plures fortunati sint, quam infelices, aut certi quidquam sit in rebus humanis, aut sperare sit prudentius, quam timere; sed hoc ipsum concedatur, bonis rebus homines morte privari; ergo etiam carere mortuos vitae commodis, idque esse miserum; certe ita dicant necesse est. An potest is qui non est, re ulla carere? triste enim est nomen ipsum carenti, quia subiicitur haec vis; habuit, non habet; desiderat, requirit, indiget. Opinor haec incommoda sunt carentis; caret oculis; odiosa caecitas; liberis, orbitas. Valet hoc in vivis; mortuorum autem non vitae modo commodis, sed ne vita quidem ipsa quisquam caret. De mortuis loquor, qui nulli sunt. Nos, qui sumus, num aut si cornibus caremus, aut penis, sit qui id dixerit? certe nemo; quid ita? quia, cum id non habeas, quod tibi nec

usu.

usū, nec natura aptum sit, non careas etiam si sentias te non habere. Hoc premendum etiam atque etiam est argumentum confirmato illo, de quo, si morrales animi sunt, dubitare non possumus, quin tantus interitus in morte sit, ut ne minima quidem suspicio sensus relinquatur; hoc igitur probe stabilito, & fixo, illud excutiendum est, ut sciatur quid sit carere, ne relinquatur aliquid erroris in verbo. Carere igitur hoc significat, egere eo, quod habere velis; inest enim velle in carendo, nisi cum, sic, tanquam in febris, dicitur, alia quadam notione verbi. Dicitur enim alio modo etiam carere, cum aliquid non habeas, & non habere te sentias, etiam si id facile patiari; carere enim in morte, non dicitur; non enim esset dolendum; dicitur illud bono carere, quod est malum. Sed ne vivus quidem bono caret, si eo non indiget: sed in vivo intelligi tamen potest, regno carere; dici hoc in te satis subtiliter non potest: posset in Tarquinio, cum regno esset expulsus; at in mortuo ne intelligi quidem potest: carere enim sentientis est; nec sensus in mortuo, ne carere quidem igitur in mortuo est. Quanquam quid opus est in hoc philosophari, cum rem non magnopere egere philosophia videamus?

Quoties non modo doctores nostri, sed universi etiam exercitus ad non dubiam mortem concurrerant? quæ quidem si timefetur, non L. Brutus arcens eum reditu tyrannum, quem ipse expulerat. In praelio concidisset, non cum Latinis decertans pater Decius, cum Hetruscis filius, cum Pyrrho nepos (1) se hostium telis objecissent; non uno bello pro patria cadentes Scipiones Hispania vidisset, Paulum, & Geminum

(1) *Plerique Scriptores Patrem tantum, & Filium se pro patria devovisse memorant; Noster autem & Nepotem. De fin. Lib. II. Cap. 19.*

num Cannae, Venusia Marcellum, Latini Albinum; Lūcani Gracchum. Num quis horum miser hodie? ne tum quidem post spiritum extremum, nec enim potest esse miser quisquam sensu perempto. At id ipsum odiosum est, sine sensu esse. Odiosum, si id esset carere. Cum vero perspicuum sit, nihil posse in eo esse, qui ipse non sit; quid potest esse in eo odiosum, qui nec careat, nec sentiat? quamquam hoc quidem nimis saepe; sed in eo, quod in hoc inest omnis animi contractio, ex metu mortis; qui enim satis viderit, id quod est luce clarius, animo, & corpore consumpto, totoque animante deleto, & facto interitu universo, illud animal, quod fuerit, factum esse nihil; is plane perspiciet, inter Hippocentaurum, qui numquam fuerit, & Regem Agamennonem, nihil interesse; nec pluris nunc facere M. Camillum hoc civile bellum, quam illo vivo ego fecerim Romam captam. Cur igitur & Camillus doleret, si haec post trecentos, & quinquaginta ferè annos eventura putaret, & ego doleam, si ad decem millia annorum gentem aliquam urbem nostram potituram putem? quia tanta charitas patriae est, ut eam non sensu nostro, sed salute ipsius metiamur.

Itaque non deterret sapientem mors, quae propter incertos casus quotidie imminet, propter brevitatem vitae numquam longè potest abesse, quo minus in omne tempus Reip. suisque consulat, & posteritatem ipsam, cujus sensum habiturus non sit, ad se putet pertinere. Quare licet etiam mortalem esse animum judicantem, aeterna moliri, non gloriae cupiditate, quam sensurus non sit; sed virtutis, quam necessario gloria, etiam si tu id non agas, consequatur. Natura vero sic se habet, ut, quomodo initium nobis rerum omnium ortus noster afferat, sic exitum mors; quae ut nihil pertinuit ad nos ante ortum, sic nihil post mortem pertinebit. In quo quid potest esse mali, cum

mors.

mors nec ad vivos pertineat, nec ad mortuos? alteri nulli sunt, alteros non attingit. Quam qui leviozem faciant, somni simillimam volunt esse, quasi vero quisquam ita nonaginta annos velit vivere, ut, cum sexaginta confecerit, reliquos dormiat. Ne sues quidem id velint, non modo ipse. Endymion vero, si fabulas audire volumus, nescio quando in Latmo obdormivit, qui est mons Cariae, nondum, opinor est experrectus. Num igitur eum curare censes, cum Luna laboret, a qua consopitus putatur, ut eum dormientem oscularetur? quid curet autem, qui ne sentit quidem? habes somnum imaginem mortis eamque quotidie induis: & dubitas, quin sensus in morte nullus sit, cum in ejus simulacro videas esse nullum sensum?

Pellantur ergo istae ineptiae penè aniles, ante tempus mori miserum esse, quod tandem tempus? naturae? at ea quidem dedit usuram vitae, tanquam pecuniae, nulla praestitura die. Quid est igitur, quod querare, si repetit, cum vult? ea enim conditione acceperas. Idem, si puer parvus occidit aequo animo ferendum putant: si vero in cunis, ne querendum quidem. Atqui ab hoc acerbius exegit natura, quod dederat. Nondum gustaverat, inquit, vitae suavitatem; hic autem jam sperabat magna, quibus frui coeperat. At id quidem ipsum in caeteris rebus melius putatur, aliquam partem, quam nullam attingere; cur in vita secus? Quamquam non male ait Callimachus, multo saepius lacrymasse Priamum, quam Troilum: eorum autem, qui exacta aetate moriuntur, fortuna laudatur: Cur? nam, reor, nullis, si vita longior daretur, posset esse jucundior. Nihil est enim profecto homini prudentia dulcius: quam, ut caetera, auferat, affert certe senectus. Quae vero artas longa est? aut quid omnino homini longum? nonne modo pueros, modo adolescentes in cursu, a tergo insequens, nec

nec opinantes assecuta est senectus? sed quia ultra nihil habemus, hoc longum ducimus; omnia ista, perinde ut cuique data sunt, pro rata parte aut longa, aut brevia dicuntur. Apud Hypanin fluvium, (1) qui ab Europae parte in Pontum influit, Aristoteles ait bestiolas qualdam nasci, quae unum diem vivant; ex his igitur, hora octava quae mortua est, provecta aetate mortua est; quae vero occidente sole, decrepita; eo magis, si etiam solstitiali die. Confer nostram longissimam aetatem cum aeternitate: in eadem propemodum brevitatem, qua illae bestiolae, reperiemur.

Contemnamus igitur omnes ineptias; quod enim levius huic levitati nomen imponam? totamque vim bene vivendi in animi robore, ac magnitudine, & in omnium rerum humanarum contemptione, ac despicientia, & in omni virtute ponamus; nam nunc quidem cogitationibus molestissimis effoeminamur, ut, si ante mors adventet, quam Chaldaeorum promissa consecuti sumus, spoliati magnis quibusdam bonis, illusi, destituti que videamur. Quod si expectando, & desiderando pendemus animis, cruciamur, angimur; prohi dii immortales! quam iter illud jucundum esse debet, quo confecto, nulla reliqua cura, nulla sollicitudo futura sit? quam me delectat Theramenes! quam elato animo est! etsi enim flemus, cum legimus, tamen non miserabiliter vir clarus emoritur; qui cum coniectus in carcerem triginta iussu tyrannorum (2) venenum, ut sitiens obduxisset (3) reliquum sic è poculo eje-

(1) *Ex magna Scythiae palude profluit: hunc Solinus ait principem esse omnium Scythicorum.* Beroald.

(2) *Hic Theramenis exitus accurate narratur a Xenophonte Lib; II de reb. Graec.*

(3) *Idest exforbuisse. Sic Horatius Lib. I. Od. Hic innocentis pocula Lesbii-Duces sub umbra.*

ejecit, ut id resonaret (1) quo sonitu reddito, ridens, *propino*, inquit, *hoc pulchro Critiae*, qui in eum fuerat teterrimus. Graeci enim in conviviiis solent nominare, cui poculum tradituri sint. Lufit vir egregius extremo spiritu, cum jam praecordiis conceptam mortem contineret; vèrequè ei, qui venenum prae buerat mortem est eam auguratus, quae brevi consecuta est. (2) Quis hanc animi maximi aequitatem in ipsa morte laudaret, si mortem malum judicaret? vadit in eundem carcerem, atque in eundem paucis post annis scyphum Socrates, eodem scelere judicum, quo tyrannorum, Theramenes. Quae est igitur ejus oratio, qua facit eum Plato usum apud judices, jam morte multatum. (3)

Magna me, inquit, *spes tenet, iudices, bene mihi evenire, quod mittar ad mortem; necesse est enim sit alterum de duobus; ut aut sensus omnino mors omnes auferat, aut in alium quemdam locum ex his locis morte migretur; quamobrem, siue sensus extinguitur, mors-*
que

(1) *Erat hic lusus, quem κωτταβον Graeci appellabant, talis. Collocabant vas in medio, & reliquum vini, quod erat in poculo cum bibissent, ita in illud proiciebant, ut magnum sonum ederet. Athenaeus Lib. X. Δειπνοσοφιστων a Siculis hoc genus lusus fluxisse tradit. Libabant a primo hoc merum pueris, quos amabant. Victorius.*

(2) *Thrasibulus extorris patria agressus est liberare Athenas a servitute triginta tyrannorum. Itaque adunatis exulibus Atticam regionem ingressus, confixit adversus eos prospero praelio, qui victi in urbem refugerunt. Mox iterato praeliantur; quo secundo praelio cecidit Critias dux saevissimus tyrannorum. Beroald.*

(3) *Quae sequuntur extant in Apologia pag. 368. Ed. Lugdun. Davis.*

ſque ei ſomno ſimilis eſt, qui nonnunquam, etiam, ſine viſis ſomniorum, placatiſſimam quietem affert; dii boni, quid lucri eſt emori? aut quam multi dies reperiri poſſunt, qui tali nocti antepoſantur, cui ſimilis futura eſt perpetuitas omnis conſequentis temporis? quis me beati- or? ſen vera ſunt, quae dicuntur, migrationem eſſe mortem in eas oras, quas, qui de vita exceſſerunt, incolunt; id multo iam beatius eſt, te, cum ab iis, qui ſe iudicium numero haberi voluit, evaſeris, ad eos venire, qui vero iudices appellantur, Minoem, Rhadamantum, Aeacum, Triptolemum; convenireque eos, qui iuſſe, & cum ſide vixerint. Haec peregrinatio mediocriſ vobiſ videri poteſt? ut vero colloqui cum Orpheo, Muſaea, Homero, Heſiodo liceat, quanti tandem, aeſtimatiſ? equidem ſaepe emori, ſi fieri poſſet, vellem, ut ea, quae dico, mihi liceret invenire; quanta delectatione autem afficerer, cum Palamedem, cum Aiacem, cum alios, iudicio iniquorum circumventos, convenirem? tentarem etiam ſummi Regiſ, qui maximas copias duxit ad Troiam, & Ulyxi, Siſyphique prudentiam; nec ob eam rem, cum haec exquirerem, ſicut hic faciebam, capite dam- narer. Ne vos quidem iudices, ii, qui me abſolvitiſ, mortem timueritiſ. Nec enim cuiquam bono mali quidquam evenire poteſt, nec vivo, nec mortuo; nec unquam eiſ res a diis immortalibuſ negligentur, nec mihi ipſi hoc accidit fortuito. Nec vero ego iſ, a quibuſ accuſatus ſum, aut a quibuſ condemnatus, habeo quod ſuccenſeam, niſi quod mihi nocere ſe crediderunt, & haec quidem hoc modo: nihil autem meliſ aeſtimo. Sed tempuſ eſt, inquit, iam hinc abire me, ut moriar; vos ut vitam agatiſ. Utrum autem ſit meliſ, ſi immortaleſ ſciunt; hominem quidem ſcire arbitror neminem.

Nae ego haud paulo hunc animum malim, quam eorum omnium fortunae, qui de hoc iudicaverunt. Eſſi, quod praeter deoſ negat ſcire quemquam, id ſcit

scit ipse, utrum melius sit; nam dixit ante, sed suum illud, nihil ut affirmet, tenet ad extremum. Nos autem teneamus, ut nihil censeamus esse malum, quod sit a natura datum omnibus; intelligamusque, si mors malum sit, esse sempiternum malum; nam vitae miserae mors finis esse videtur; mors si est misera, finis esse nullus potest. Sed quid ego Socratem, aut Theramenem, praestantes viros virtutis, & sapientiae gloria, commemoro, cum Lacedaemonius quidam, cujus ne nomen quidem proditum est, mortem tantopere contemplerit, ut, cum ad eam duceretur damnatus ab Ephoris, (1) & esset vultu hilari, atque laeto, dixissetque ei quidam inimicus, contemnisme leges Licurgi? respondit, Ego vero illi maximam gratiam habeo, qui me ea poena multaverit, quam sine mutatione, & sine versura, possem dissolvere. O virum Sparta dignum; ut mihi quidem, qui tam magno animo fuerit, innocens damnatus esse videntur. Tales innumerabiles nostra civitas tulit. Sed quid duces, & principes nominem, cum legiones scribat Cato saepe alacres in eum locum profectas, unde redituras se non arbitrarentur? pari animo Lacedaemonii in Thermopylis occiderunt, in quos Symonides,

Dic

(1) *Apud Lacedaemonios tales ferme erant Ephori, quales apud Romanos Tribuni plebis; qui a Theopompo sic apposti regibus sunt, ut apud Romanos Consulibus tribuni. Satis constat, ab Ephoris reges alios eiectiones fuisse, alios interemptos. Olim pro Ministris regum fuerunt; paulatim deinde omnem potentiam in se transferentes ad id licentiae pervenerunt, ut seorsum a rege Magistratum proprium constituerint, nomine Εφωρίαν. Εφωρος Graecè Praefes. Et Episcopus dicitur, Εφωρία tutela. De Ephoris multa Historici, plurima Plutarcus. Beroald.*

Dic hospes Spartaë, nos te hic vidisse iacentes,

Dum sanctis patriæ legibus obsequimur.

Quid ille dux Leonidas dicit? pergite animo fortis Lacedæmonij: hodie apud inferos fortasse coenabimus; fuit hæc gens fortis, dum Lycurgi leges vigeant, è quibus unus, cum Perses hostis in colloquio dixisset glorians, Solem prae jaculorum multitudine & sagittarum non videbitis. In umbra igitur, inquit, pugnabimus. Viros commemoro; qualis tandem Lacæna? quæ cum filium in praelium misisset, & interfectum audisset, idcirco, inquit, genueram. ut esset qui pro patriâ mortem non dubitaret occumbere.

Esto; fortes, & duri Spartiatae; magnam habet vim Reip. disciplina. Quid Cyrenæum Theodorum, philosophum non ignobilem, nonne miramur? cui cum Lysimachus Rex crucem minaretur, *istis quæso*, inquit, *istâ horribilia minitare purpuratis tuis: Theodori quidem nihil interest, humine, an sublime putrescat.* Cujus hoc dicto admoneor, ut aliquid etiam de humatione, & sepultura dicendum existimem; rem non difficilem, iis præsertim cognitis, quæ de nihil sentiendo paulo ante dicta sunt. De qua Socrates quidem quid senserit, apparet in eo libro, in quo moritur; de quo jam tam multa diximus. Cum enim de immortalitate animorum disputavisset, & jam moriendi tempus urgeret, rogatus a Critone, quemadmodum sepeliri vellet. „ *Multam vero*, inquit, *operam, amici, frustra consumpsi: Critoni enim nostro non persuasi, me hinc avolaturum, neque quidquam mei relicturum. Veruntamen, Crito, si me assequi potueris, aut sicubi natus eris, ut tibi videbitur, sepelito. Sed mihi crede, nemo me vestrum, cum hinc excessero, consequetur.* „ (1)

D

Præ-

(1) *Hæc latine redidita sunt ex Platonis Phædone pag. 401. Ed. Lugd.*

Praeclare id quidem, qui & amico permiserit, & se ostenderit de hoc toto genere nihil laborare. Durior Diogenes, & id quidem sentiens, sed, ut Cynicus (1) asperius, proiici se iussit inhumatum. Tum amici, volucrisne & feris? Minime vero, inquit; sed bacillum propè me, quo abigam, ponitore. Qui poteris? illi, non enim senties. Quid igitur mihi ferarum laniatus oberit, nihil sentienti? Praeclare Anaxagoras, qui cum Lampfaci moreretur, quaerentibus amicis, velletne Clazomenas in patriam, si quid accidisset, afferri, nihil necesse est, inquit, undique enim ad inferos tantundem viae est. Totaque de ratione humanationis unum tenendum est; ad corpus illam pertinere, sive occiderit animus, sive vigeat. In corpore autem perspicuum est, vel extincto animo, vel elapso, nullum residere sensum.

Sed plena errorum sunt omnia. Trahit Hectorem ad currum religatum Achilles; lacerari eum, & sentire credo, putat. Ergo hic ulciscitur, ut, quidem sibi videtur. At illa sicut acerbissimam rem moeret.

Vidi, videre quod me passa aegerrime,

Curru Hectorem quadriungo raptarier.

Quem Hectorem? aut quandiu ille erit Hector? melius Accius, & aliquando sapiens Achilles. „ Immo enim vero corpus Priamo reddidi, Hectorem abstuli. „ Non igitur Hectora traxisti, sed corpus, quod fuerat Hectoris. Ecce alius exoritur è terra, qui matrem dormire non sinat.

*Mater, te appello, tu quae curam somno suspensio levas.
Neque te mei miseret; surge, & sepeli natum.*

Haec

(1) Cynica secta, quae a canibus, quorum mores imitatur, nomen traxit, explosa est veluti aspera nimis, & inverecunda; huius principes fuerunt Hercules Antisthenes, & Diogenes, Beroald.

Haec cum pressis & flebilibus modis, qui totis theatris moestitiam inferant, concinuntur; difficile est non eos qui inhumati sunt, miseros judicare;

- *priusquam ferae-volucresque;*

metuit, ne laceratis membris minus bene utatur; ne combustis; non extimescit.

Hec reliquias semioffi Regis, denudatis ossibus,

Per terram sanie delibutas foede divexarier. (1)

Non intelligo, quid metuat, cum tam bonos septenarios fundat ad tibiam. Tenendum est igitur, nihil curandum esse post mortem, cum multi inimicos etiam mortuos poeniantur. Execratur lulentis sanè versibus apud Enniam Thyestes, primum ut naufragio pereat Atreus. Durum hoc sanè; talis enim interitus, non est sine gravi sensu; illa inania,

Ipse summis saxis fixus asperis;

Evisceratus, latere pendens, saxa spargens tabo,

Sanie, & sanguine atro;

Non ipsa saxa magis sensu omni vacabunt, quam ille latere pendens, cui se hic cruciatum censet optare. Quam essent dura, si sentiret? nulla sine sensu. Illud vero per quam inane;

Neque sepulcrum, quo recipiat, habeat, portum corporis;

Ubi remissa humana vita corpus requiescat malis.

Vides, quanto haec in errore versentur. Portum esse corporis, & requiescere in sepulcro putat mortuum. Magna culpa Pelopis, qui non erudierit filium, nec docuerit quatenus esset quidque curandum.

Sed quid singulorum opiniones animadvertam, nationum varios errores perspicere cum liceat? Condiunt Aegyptii mortuos, & eos domi servant; Persae

D 2

etiam

(1) Mirum Ciceronem hosce septenarios vocasse, cum sint Jambici Tetrametri, ut notat J. C. Scaliger, & G. J. Vossius.

etiam caera circumlitos condunt, ut quam maxime permaneant diuturna corpora. Magorum mos est non humare corpora suorum, nisi a feris sint antea laniata. In Hyrcania plebs publicos alit canes; optimates domesticos. Nobile autem genus canum illud scimus esse. Sed pro sua quisque facultate parat, a quibus lanietur; eamque optimam illi esse censent sepulturam; permulta alia colligit Chrysippus, ut est in omni historia curiosus; sed ita tetra sunt quaedam, ut ea fugiat, & reformidet oratio. Torus igitur hic locus est contemnendus in nobis, non negligendus in nostris; ita tamen, ut mortuorum corpora nihil sentire vivi sentiamus. Quantum autem consuetudini, famaeque dandum sit, id curent vivi, sed ita, ut intelligant, nihil ad. mortuos pertinere; sed profecto mors cum aequissima animo oppetitur, cum suis se laudibus vita occidens consolari potest. Nemo parum diu vixit, qui virtutis perfectae profecto fundus est munere. Multa mihi ipsi ad mortem tempestiva fuerunt: quae utinam potuisssem obire! nihil enim jam acquirebatur; cumlata erant officia vitae; cum fortuna bella restabant. Quare si ipsa ratio minus perficiet, ut mortem negligere possimus; at vita acta perficiat, ut talis superque vixisse videamur. Quanquam enim sensus abierit, tamen summis, & propriis bonis & laudis, & gloriae, quamvis non sentiant, mortui non carent. Est enim nihil in se habeat gloria, cur exspectatur, tamen virtutem tanquam umbra sequitur. Verum multitudinis iudicium de bonis, si quando est, magis laudandum est, quam illi ob eam rem beati.

Non possum autem dicere, quoquo modo hoc accipiasur, Lyncurgum, Solonem, legum & publicae disciplinae carere gloria, Themistoclem, Epaminondam bellicae virtutis. Ante enim Salaminam ipsam Neptunus obruet, quam Salaminii trophaei memoriam; priusque

priusque Boeotia Leuctra tollentur, quam pugnae Leuctricae gloria. Multo etiam tardius fama deferret Curium, Fabricium, Calatinum, duo Scipiones, duo Africanos, Maximum, Marcellum, Paulum, Catonem, Laelium, innumerabiles alios. Quorum similitudinem aliquam qui arripuerit, non eam fama populari, sed vera bonorum laude metiens, fidenti animo, si ita res feret, gradietur ad mortem: in qua aut summum bonum, aut nullum malum esse cognovimus; secundis vero suis rebus volet etiam mori; non enim tam cumulus bonorum jucundus esse potest, quam molesta decessio. Hanc sententiam significare videtur Laconis illa vox, qui, cum Rhodius Diagoras, Olympionices nobilis, uno die duo suos filios victores Olympiae vidisset, accessit ad senem, & gratulatus, *morere Diagora*, inquit, *non enim in coelum nscensurus es*. Magna haec, & nimium fortasse Graeci putant, vel tum potius putabant; isque, qui hoc Diagorae dixit, per magnum existimans tres Olympionicas una ex domo prodire (1) cunctari illum diutius in vita, fortunae obiectum, inutile putabat ipsi. Ego autem tibi quidem quod satis esset, paucis verbis, ut mihi videbar, responderam; concesseras enim, nullo in malo mortuos esse; sed ob eam causam contendi, ut plura dicerem, quod in desiderio, & luctu haec est consolatio maxima; nostrum enim & nostra causa susceptum dolorem modice ferre debemus, ne & nosmetipsos amare videamur. Illa suspicio intolerabili dolore crepui, si opinamur eos, quibus orbatii sumus, esse cum aliquo

D 3

sensu

(1) Traditum est Diagoram una cum filiis duobus, Acusilao, & Damageto in Olympiam venisse, victoresque hos patrem per caesum totum, & coronam spectatorum circumtulisse, cum floribus ipse undique conspergeretur, & ab universis beatus praedicaretur. Camer.

sensu in iis malis, quibus vulgo opinantur; hanc excutere opinionem mihimet radicitus volui, eoque fui fortasse longior.

A. Tu longior? non mihi quidem. Prior enim pars orationis tuae faciebat, ut mori cuperem; posterior, ut modo non nollem, modo non laborarem; omni autem oratione illud certe perfectum est, ut mortem non ducerem in malis. M. Num igitur etiam rhetorum epilogum desideramus? an iam hanc artem plane relinquimus? A. Tu vero istam nunc relinquis, quam semper ornaſti? & quidem jure; illa enim te, si vere loqui volumus, ornaverat. Sed quinam est iste epilogus? aveo enim audire, quidquid est. M. Deorum immortalium judicia solent in scholis proferre de morte, nec vero ea fingere ipsi, sed Herodoto auctore, aliisque pluribus. Primum Argiae sacerdotis Cleobis & Biton filii praedicantur. Nota fabula est; cum enim illam ad solemne, & statum sacrificium curru vehi jus esset, satis longe ab oppido ad fanum, morarenturque jumenta; tunc juvenes ij, quos modo nominavi, veste posita, corpora oleo perunxerunt, ad jugum accesserunt. Ita sacerdos adveſta in fanum, cum currus esset ductus a filiis, precata a dea dicitur, ut illis praemium daret pro pietate, quod maximum homini dari posset a deo; post epulatos cum matre adolescentes, somno se dedisse, mane inventos esse mortuos. Simili precatione Trophonius & Agamedes usi dicuntur; qui, cum Apollini Delphis templum exaedificassent, venerantes Deum, petierunt mercedem non parvam quidem operis, & laboris sui, nil certi, sed quod esset optimum homini. Quibus Apollo se id daturum ostendit post ejus diei diem tertium; qui ut iluxit, mortui sunt reperti. Judicavisse Deum dicunt, & eum quidem Deum, cui reliqui dij concessissent, ut praeter caeteros divinaret.

Affer.

Affertur etiam de Sileno fabella quaedam; qui cum a Mida caprus esset, hoc ei muneris pro sua missione dedisse scribitur; docuisse Regem, non nasci homini longe optimum esse; proximum autem, quamprimum mori. Qua est sententia in Cresphonte (1) usus Euripides.

*Nam nos decebat coetus celebrantis domum,
Lugere, ubi esset aliquis in lucem editus,
Humanæ vitæ varia reputantis mala;
At, qui labores morte finisset gravis.
Omnes amicos laude, & lætitia exequi.*

Simile quiddam est in consolatione Crantoris; ait enim Terinacum (2) quendam Elisium, cum graviter filii mortem moereret, venisse in Psycomantium quaerentem, quæ fuisset tantæ calamitatis causa, huic in tabellis tris hujusmodi versiculos datos;

*Ignaris homines in vita mentibus errant.
Euthynous positur futurorum munere, lætho
Sic fuit utilius finiri ipsique, tibi que.*

His & talibus auctoribus usi, confirmant, causam rebus a diis immortalibus judicatam. Alcidamus quidam (3) rhetor antiquus, in primis nobilis, scripsit etiam laudationem mortis, quæ constat ex enumeratione malorum humanorum. Cui rationes eæ, quæ exquisitius a philosophis colliguntur, defuerunt, ubertas orationis non defuit. Claræ vero mortes pro patria

D 4

tria

(1) *Inter Tragicos poetas Græcos egregius est Euripides vi, & sermone, & sententiarum crebritate. Hic scripsit tragoediam titulo Cresphontem, a nomine adolescentis, cuius in 11. Rhet. ad Her. mentio fit. Beroald.*

(2) *Terina urbs fuit in agro Crotoniensi.*

(3) *Huius meminit Suidas, eiusque nomen præ se fert oratio, quæ est inter Henr. Stephan. Orat. Græc. pag. 184. Davis.*

tria appetitæ non solum gloriosæ rhetoribus; sed etiam beatæ videri solent; reperunt ab Erichtheo (1) cujus etiam filia cupide mortem expetiverunt pro vitâ civium. Codrum, qui se in medios immisit hostes famulari veste, ne posset agnosci, si esset ornatu regio; quod oraculum erat datum, si Rex interfectus esset, victrices Athenas fore. Menaæceus (2) vero non prætermittitur; qui oraculo edito largitus est patriæ suum sanguinem. Iphigenia Aulide duci se immolandam jubet, ut hostium sanguis eliciatur suo.

Veniunt inde ad propiora. Harmodius in ore, & Aristogiton, Lacedæmonius Leonidas, Thebanus Epaminondas vigent. Nostros vero non norunt; quos enumerare magnum est, ita sunt multi, quibus videmus optabiles fuisse mortes cum gloria. Quæ cum ita sint, magna tamen eloquentia est utendum, atque ita velut superiore è loco concionandum, ut homines mortem vel optare incipiant, vel certe timere desistant. Nam si supremus ille dies non extinctionem, sed commutationem affert loci, quid optabilius? sin autem perimit, ac delet omnino, quid melius, quam in mediis vitæ laboribus obdormiscere, & ita conniventem somno consopiri sempiterno? quod si fiat, melior Ennii, quam Solonis oratio. Hic enim noster, Ne-

(1) *Ex his colligere possumus responsa in tabellis ab Oraculo dari solita fuisse. Ursin.*

(2) *Luculentis versibus in X. Thebaidos copiose, graphiceque perscribit Stat. Pap. quemadmodum in bello Thebano Tiresias fatidicus dixit, ad Thebas liberandas deposci a fati novissimum generis viperei; tunc Menæceus, Creonis filius vitam devovit pro patriæ salute, sibi que ferro mortem conscivit. Lactantius quoque in III. inquit, Nam illi, qui pro salute civium voluntariæ se neci obtulerunt, sicut Thebis Menæceus, Athenis Codrus, Romæ Curtius. Beroald.*

Nemo me lacrymis decoret, (inquit) nec funera fletu Faxit. -- At vero sapiens ille,

Mors mea ne careat lacrymis; linguamus amicis

Moerorem, ut celebrent funera cum gemitu.

Nos vero, si quid tale acciderit, ut a Deo denuntiatum videatur, ut exeamus è vita, laeti & agentes gratias pareamus, emittique nos è custodia, & levare vinculis arbitremur, ut aut in aeternam, & planè in nostram domum remigremus, aut omni sensu, molestiaeque careamus; sin autem nihil denuntiabitur, eo tamen sumus animo, ut horribilem illum diem aliis, nobis faustum putemus; nihil in malis ducamus, quod sit vel a diis immortalibus, vel a natura parente omnium constitum; non enim temere, nec fortuito sati, & creati sumus; sed profecto fuit quaedam vis, quae generi consuleret humano; nec id gigneret, aut aleret, quod, cum exanclavisset (1) omnes labores, tum incideret in mortis malum sempiternum; portum potius paratum nobis, & perfugium putemus. Quo utinam velis passis pervehi liceat! sin reflantibus ventis reiciemur, tamen eodem paulo tardius referamur necesse est. Quod autem omnibus necesse est, idne miserum esse uni potest? habes epilogum, ne quid praetermissum, aut relictum putes. A. Ego vero: & quidem fecit etiam iste me epilogus firmiorem. M. Optime, inquam, sed nunc quidem valetudini tribuamus aliquid; cras autem & quot dies erimus in Tusculano, agamus haec, & ea potissimum, quae levationem habeant aegritudinum, formidinum, cupiditatum; qui omni è philosophia est fructus uberrimus.

M. TULLI

(1) Est verbum ab anculando, quod valet ministrare, & ministeria laboriosa subire; ex quo ancilla dicta est. Quo circa exanclare labores, pro subire labores, videtur etiam pulchrè, & eleganter dictum. Lambin.

M. TULLII
CICERONIS
TUSCULANARUM
QUAESTIONUM
AD M. BRUTUM

LIBER SECUNDUS.

DE TOLERANDO DOLORE. "



Neoptolemus quidem apud Ennium philosophari sibi ait necesse esse, sed paucis; nam omnino haud placere. Ego autem, Brute, necesse quidem mihi esse arbitror philosophari: nam quid possum, praesertim nihil agens, agere melius? sed non paucis, ut ille; difficile est enim in philosophia pauca esse ei nota, cui non sint, aut pleraque, aut omnia: nam nec pauca, nisi è multis, eligi possunt, nec, qui pauca percepit, non idem reliqua eodem studio persequetur. Sed in vita tamen occupata, atque, ut Neoptolemi-um erat, militari, pauca ipsa multum saepe profunt, & ferunt fructus: si non tantos, quanti ex universa philosophia percipi possunt; tamen eos, quibus aliqua ex parte interdum aut cupiditate, aut aegritudine, aut metu liberemur: velut ex ea disputatione, quae mihi nuper habita est in Tusculano, magna videbatur mortis effecta contemptio; quae non minimum valet
ad

ad animum meta liberandum: nam qui id, quod vitari non potest, metuit, is vivere animo quieto nullo modo potest; sed qui, non modo quia necesse est mori, verum etiam quia nihil habet mors, quod sit horrendum, mortem non timet, magnum is sibi praesidium ad beatam vitam comparat. Quanquam non sumus ignari, multos studiose contra esse dicturos, quod vitare nullo modo potuimus; nisi nihil omnino scriberemus; etenim si orationes, quas nos multitudinis iudicio probari volebamus (popularis est enim illa facultas, & effectus eloquentiae est audientium approbatio) sed si reperiebantur nonnulli, qui nihil laudarent, nisi quod se imitari posse confiderent; quemque sperandi sibi, eundem & bene dicendi finem proponerent; & cum obruerentur copia sententiarum, atque verborum, jejunitatem, & famem se malle, quam ubertatem, & copiam dicerent; unde erat exortum genus Atticorum, (1) iis ipsis, qui id sequi se profitebantur, ignotum; qui jam conticuere penè ab ipso foro irrisi. Quid futurum putamus, cum adjutore populo;

(1) Antiqua orationum divisio fuit inter Atticos, & Asiaticos; ex quibus Attici pressi, limati, emuncti habebantur, nihil inane, aut redundans ferentes: contra Asiani inflati, tumidi, ac iactantes. Mox tertium genus adiecerunt Rhodium, quod velut medium esse, atque ex utroque mistum voluerunt. Neque enim Rhodii oratores Atticè pressi, neque Asianè sunt abundantes. Optimum autem genus esse Atticorum nemo inficiatur, de quo Quintilianus, Cicero, & ceteri satis multa. Nunc M. Tullius taxat, illuditque eos, qui dum volunt videri pressi, & limati instar Atticorum, fiunt ieiuni, aridi, & exangues, & (quod consequens) pro ridiculis repudiantur; subrepunt enim pro virtutibus vitia proximitate fallentia. Beroald.

pulo, quo urebatur antea, nunc minime nos uti posse videamus? est enim philosophia paucis contenta iudicibus, multitudinem consulto ipsa fugiens, eique ipsi & suspecta, & invisa; ut vel, si quis universam velit vituperare, secundo id populo facere possit; vel, si in eam, quam nos maxime sequimur, conetur invadere, magna habere possit auxilia reliquorum philosophorum disciplinis, nos autem universae philosophiae vituperatoribus respondimus in Hortensio. (1)

Pro Academia autem quae dicenda essent, satis accurate in Academicis quatuor libris explicata arbitramur: sed tamen tantum abest ut scribi contra nos nolimus, ut id etiam maxime optemus; in ipsa enim Graecia philosophia tanto in honore nunquam fuisset, nisi doctissimorum contentionebus dissensionibusque viguisset. Quamobrem hortor omnes, qui facere id possunt, ut huius quoque generis laudem jam languenti Graeciae eripiant, & perferant in hanc urbem, sicut reliquas omnes, quae quidem erant expetendae, studio atque industria sua majores nostri transfulerunt. (2) Atque oratorum quidem laus ita ducta ab humili venit ad summum, ut jam quod natura fert in omnibus ferè rebus, senescat, brevique tempore ad nihilum ven-

(1) Philosophiae vituperatoribus satis responsum est eo libro, quo a nobis Philosophia defensa, & collaudata est, cum esset culpata, & vituperata ab Hortensio, sic Cicero *Lib. 1. de Fin.*

(2) Apollonius Rhetor Graecus cum aliquando Ciceronem audivisset graecè declamantem diù tacitus ex admiratione conticuit, mox erupit in haec verba; Te nempe, Cicero, & laudo, & admiror: sed Graecorum fortunae me miseret, cum videam eruditionem, & eloquentiam, quae sola nobis bonorum relicta erant per te Romam transferri. Beroald.

ventura videatur. Philosophia nascatur Latinis quidem litteris ex his temporibus, eamque nos adjuvemus; nosque ipsos redargui, refellique patiamur. Quod ij ferunt animo iniquo, qui certis quibusdam, destinatisque sententiis quasi addicti, & consecrati sunt, eaque necessitate constricti, ut, etiam quae non probare soleant, ea cogantur constantiae causa defendere. Nos, qui sequimur probabilia, nec ultra id, quod verisimile occurrerit, progredi possumus, & refellere sine pertinacia, & refelli sine iracundia parati sumus; Quod si haec studia traducta erant ad nostros, ne bibliothecis quidem Graecis egebimus, in quibus multitudo infinita librorum propter eorum est multitudinem, qui scripserunt; eadem enim dicuntur a multis; ex quo libris omnia referferunt. Quod accideret etiam nostris, si ad haec studia plures confluxerint. Sed eos, si possumus, excitemus, qui liberaliter eruditi, adhibita etiam differendi elegantia, ratione, & via philosophantur.

Est enim quoddam genus eorum, qui se philosophos appellari volunt, quorum dicuntur esse Latini sanè multi libri; quos non contemno equidem, quippe quos nunquam legerim; sed quia profitentur ipsi illi, qui eos scribunt, se neque distincte, neque distribute, neque eleganter, neque ornate scribere, lectionem sine ulla delectatione negligo; quid enim dicant, & quid sentiant ij, qui sunt ab ea disciplina, nemo mediocriter quidem doctus ignorat. Quamobrem, quoniam, quemadmodum dicant, ipsi non laborant, cur legendi sint, nisi inter se, qui idem sentiant, non intelligo. Nam ut Platonem, reliquosque Socraticos, & deinceps eos, qui ab his profecti sunt, legunt omnes, etiam qui illa aut non approbant; aut non studiosissime consecretantur; Epicurum autem, & Metrodorum non fere praeter suos, quisquam in manus

nus sumit? sic hos Latinos ij soli legunt, qui illa recte dici putant. Nobis autem videtur, quidquid literis mandetur, id commendari omnium eruditorum lectione decere. Nec, si ipsi minus consequi possumus, idcirco minus id ita faciendum esse sentimus. Itaque mihi semper Peripateticorum, Academiæque consuetudo, de omnibus rebus in contrarias partes differendi, non ob eam causam solum placuit, quod aliter non posset, quid in quaque re verisimile esset, inveniri; sed etiam quod esset ea maxima dicendi exercitatio, qua princeps usus est Aristoteles, deinde eum qui secuti sunt; nostra autem memoria Philo(1) quem nos frequenter audivimus, instituit alio tempore rhetorum praecepta tradere, alio philosophorum, ad quam nos consuetudinem a familiaribus nostris adducti, in Tusculano, quod datum est temporis nobis, in eo consumpsimus. Itaque cum ante meridiem dictioni operam dedissemus, sicut pridie feceramus; post meridiem in Academiam descendimus, in qua disputationem habitam non quasi narrantes exponimus, sed eisdem ferè verbis, ut actum, disputatumque est.

Est igitur ambulantis ad hunc modum sermo ille nobis institutus, & a tali quodam inductus exordio. A. Dici non potest, quam sim hesternæ disputatione tua delectatus, vel potius adjutus; & si enim mihi conscius sum, nunquam me nimis cupidum fuisse vitae; tamen obiciebatur interdum animo metus quidam, & dolor, cogitanti fore aliquando finem hujus
lu-

(1) Tullius se votum tradidit Philoni, Academiæ principi, cum ille in bello Mithridatico domo profugisset, Romamque venisset. Antiochus discipulus contra Philonem doctorem suum librum edidit, disserens contra Academicos, cui operam quoque M. Tullius se dedisse refert. Beroald.

lucis, & amissionem omnium vitae commodorum. Hoc genere molestiae sic, mihi crede, sum liberatus, ut nihil minus curandum putem. M. Minime mirum id quidem; Nam efficit hoc philosophia, medetur animis, inanes sollicitudines detrahit, cupiditatibus liberat, pellit timores. Sed haec ejus vis non idem potest apud omnes: tum valet multum, cum est idoneam complexa naturam. Fortes enim non modo fortuna adjuvat, ut est in vetere proverbio, sed multo magis ratio, quae quibusdam quasi praeceptis confirmat vim fortitudinis, te natura excelsum quendam videlicet, & altum, & humana despicientem genuit; itaque facile in animo forti contra mortem habita infedit oratio, sed haec eadem num censes apud eos ipsos valere; nisi admodum paucos, a quibus inventa, disputata, conscripta sunt? quorum enim quisque philosophorum invenitur, qui sit ita moratus, ita animo, ac vita constitutus, ut ratio postulat? qui disciplinam suam non ostentationem scientiae, sed legem vitae puret. Qui obtemperet ipse sibi, & decreta suis pareat? videre licet alios tanta levitate, & jactatione, iis, ut fuerit non didicisse melius; alios pecuniae cupidos, gloriae nonnullos; multos libidinum servos; ut cum eorum vita mirabiliter pugnet oratio: quod quidem mihi videtur esse turpissimum. Ut enim si grammaticum se professus quispiam, barbare loquatur; aut si absurde canat is, qui se haberi velit musicum, hoc turpior sit, quod in eo ipso peccet, cujus profiteretur scientiam: sic philosophus in ratione vitae peccans, hoc turpior est, quod in officio, cujus magister esse vult, labitur, artemque vitae professus delinquit in vita.

A. Nonne verendum igitur, si est ita, ut dicis, ne philosophiam falsa gloria exornes? quod est enim majus argumentum, nihil eam prodesse, quam quosdam perfe-

perfectos philosophos turpiter vivere? M. Nullam vero id quidem argumentum est. Nam ut agri non omnes frugiferi sunt, qui colantur, falsumque illud, ac improbe,

Est in segetem sunt deterioremm datae

Fruges, tamen ipsae suapte natura enitent;

sic animi non omnes culti fructum ferunt. Atque ut in eodem simili verser, ut ager, quamvis fertilis, sine cultura fructuosus esse non potest, sic sine doctrina animus, ita est utraque res sine altera debilis. Cultura autem animi philosophia est: haec extrahit vitia radicitus, & praeparat animos ad satus accipiendos; eaque mandat his, &, ut ita dicam, ferit, quae adulta fructus uberrimos ferant. Agamus igitur, ut coepimus. Dic, si vis, de quo disputari velis. A. Dolorem existimo maximum malorum omnium. M. Etiamne majus, quam deducus? A. Non audeo id dicere quidem, & me pudet tam cito de sententia esse dejectum. M. Magis esset pudendum, si in sententia permaneres; quid enim minus est dignum, quam tibi quidquam pejus videri dedecore, flagitio, turpitudine? quae ut effugias, quis est non modo non recusandus, sed ultro appetendus, subeundus, excipiendus dolor? A. Ita prorsus existimo. Quare ne sit sanè summum malum dolor: malum est certe. M. Videsne igitur, quantum, breviter admonitus, de doloris terrore deieceris? A. Video planè; sed plus desidero. M. Experiar equidem: sed magna res est, animoque mihi opus est non repugnante. A. Habebis id quidem; ut enim heri feci, sic nunc rationem, quo ea me cumque ducet, sequar.

Primum igitur de imbecillitate multorum, & de variis disciplinis philosophorum loquar. Quorum princeps & auctoritate, & antiquitate Socraticus Aristippus non dabitavit summum malum dolorem dicere.

Dehinc

Dehinc ad hanc enervatam, muliebremque sententiam satis docilem se Epicurus praeiuit. Hunc post Rhodius Hieronymus, dolore vacare, summum bonum dixit; tantum in dolore duxit mali. Caeteri, praeter Zenonem, Aristonem, Pyrrhonem, idem ferè, quod modo tu: malum illud quidem, sed alia pejora. Ergo id, quod natura ipsa; & quaedam generosa virtus statim respuit, ne dolorem summum malum diceret, oppositoque dedecore sententia depelleret, in eo magistra vitae tot saecula permanet philosophia. Quod huic officium, quae laus, quod decus erit tanti, quod adipisci cum dolore corporis velit, qui dolorem summum malum sibi esse persuaferit? quam porro quis ignominiam, quam turpitudinem non pertulerit, ut effugiât dolorem, si id summum malum esse decreverit? quis autem non miser non modo tunc, cum praemetur summis doloribus, si in his est summum malum; sed etiam cum sciet id sibi posse evenire? & quis est cui non possit? Ita fit, ut omnino nemo possit esse beatus. Metrodorus (1) quidem, eum perfectè putat beatum, cui corpus bene constitutum sit, & exploratum ita semper fore. Quis autem est iste, cui id exploratum possit esse?

Epicurus vero ea dicit, ut mihi quidem risus capere videatur. Affirmat enim quodam loco, si uratur sapiens, si crucietur: expectas fortasse, dum dicat, patietur, perferet, non succumbet; magna mehercule

E

laus,

(1) Huius & alibi meminit Cicero; fuit de praecipuis sectatoribus, atque amicis Epicuri, cuius memoriam coli cum suo testamento iussit. Hic Atheniensis, non ille posterior Scepsus, fuit praestanti memoria, cuius mentio fit in 1. Tusc. Fuit alius Metrodorus Stratonicensis, desertor Epicuri; itemque alius vetustior, magister Anaxarchi, Camer.

laus, & eo ipso, per quem juravi, Hercule digna. Sed Epicuro homini aspero, & duro non est hoc satis. In Phalaridis tauro si erit, dicet, *quam suave est hoc! quam hoc non curro!* Suave etiam? an parum est non amarum? At id quidem illi ipsi, qui dolorem malum esse negant, non solent dicere, cuiquam suave esse cruciari; asperum, difficile, odiosum, contra naturam dicunt, nec tamen malum. Hic, qui solum hoc malum dicit, & malorum omnium extremum, sapientem censet id suave dicturum. Ego a te non postulo, ut dolorem eisdem verbis afficias, quibus Epicurus voluptatem, homo, ut scis, voluptarius. Ille dixerit fas est idem in Phalaridis tauro, quod si esset in lectulo. Ego tantam vim non tribuo sapienti contra dolorem; et fortis in perferendo, officio satis est; ut laetetur etiam, non postulo; tristis enim res est sine dubio, aspera, amara, inimica naturae, ad patiendum, tolerandumque difficilis. Aspice Philocteram. (1) Cui concedendum est gementi; ipsum enim Herculem viderat in Oeta magnitudine dolorum ejulantem. Nihil igitur hunc virum sagittae, quas ab Hercule acceperat, tum consolabantur; cum

E viperino morsu venae viscerum

Veneno imbutae taetros cruciatus ciens.

Itaque exclamat auxilium expetens, mori cupiens;

Heu quis falsis fluctibus mandet

Me ex sublimi vertice saxi?

Jam iam absumor; conficit animam

Vis vulneris, ulceris aestus.

difficile dicta videtur, eum non in malo esse, & magno quidem, qui ita clamare cogatur. Sed

(1) Nonnulli Scriptores Poeti tribuunt, quod Philoctetae Tullius, sed non desunt qui cum Tullio concordent, ut Diadorus Siculus Bibl. Lib. IV., Ovid. Metam. IX. Davis.

Sed videamus Herculem ipsum; qui tum dolore frangebatur, cum immortalitatem ipsa morte quaerebat. Quas hic voces apud Sophoclem in Trachiniis edit? (1) cui cum Deianira sanguine Centauri tinctam tunicam induisset, inhaesissetque ea visceribus, ait ille.

*O multa dictu gravia, perpesu aspera,
Quae corpore exanclato, ac animo pertuli.
Nec mihi Junonis terror implacabilis,
Nec tantum invexit tristis Eurystheus mali,
Quantum una vecors Oenei partu edita. (2)
Haec me irretivit veste furiali inscium;
Quae lateri inhaerens morsu lacerat viscera,
Urgensque graviter pulmonum haurit spiritus;
Jam decolorem sanguinem omnem exorbuat;
Sic corpus clade horribili absumptum extabuit.
Ipse illigatus peste interimor textili.
Hos non hostilis dextra, non terra edita
Moles gigantum, non bisformato impetu
Centaurus ictus corpori infixit meo,
Non Graia vis, non barbara ulla immanitas,
Non saeva terris gens relegata ultimis;
Quas peragrans, undique omnem hinc feritatem
expulsi;
Sed foeminea vi, foeminea interimor manu.
O nate, vere hoc nomen usurpa patri,*

E. 2

Nec

(1) Sophocles, tragici corburni apud Graecos princeps, tragoediam scripsit, dolores Herculis, mortemque aerumnosam continentem, cui titulum fecit Trachyna, a Civitate Thessaliae, quae Heraclea ab Hercule cognominata est, quam Sophocles in ea tragoedia Phthioticam nominavit, tamquam ditioni Phthiotarum subiectam. Beroald.

(2) Notandum est Oeneum fuisse Deianirae patrem; unde liquet partum hic de masculo dici, quae rarissima est eius significatio. Davis.

*Nec me occidentem matris superet charitas,
 Heu arripe ad me manibus abstractam piis,
 Jam cernam, mene, an illam potiorem putes,
 Perge, aude nate, illacryma patris pestibus:
 Miserere, Gentes nostras flebunt miseras,
 Heu virginalē me ore ploratum edere,
 Quem vidit nemo ulli ingemiscētem malo.
 Sic foeminata virtus afflicta occidit.
 Accede, nate, assiste, miserandum aspice
 Evisceratum corpus lacerati patris.
 Videte cuncti; tuque coelestem sator
 Jace, obsecro, in me vim coruscā fulminis.
 Nunc nunc dolorum anxiferi torquent vertices;
 Nunc serpit ardor. O ante vultrices manus,
 O pectora, o terga, o lacertorum tori!
 Vestrone pressu quondam Nemeus Leo
 Frendens afflavit graviter extremum balitum?
 Haec dextra Lernā tætram, mactata excetra
 Placavit; haec bicorpoream affixit manum;
 Erymanthiam haec vastificā abiecit veluam;
 Haec a Tartarea tenebrica abstractum plaga
 Tricipitem eduxit Hydra generatum canem;
 Haec interemit tortu multiplicabili
 Draconem, auriferam obtutu observantem arborem.
 Multa alia victrix nostra lustravit manus,
 Nec quisquam ē nostris spolia cepit laudibus.
 Possumusne nos contemnere dolorem, cum ipsum Her-
 culem tam intoleranter dolere videamus?
 Veniat Aeschylus (1) non poeta solum, sed etiam
 Pytha-*

(1) Hic locus autem est de Prometheo, ut apparet,
 λυόμενος Aeschyli; quae fabula nunc non exstat. Tragoe-
 dias primum in lucem edidit, sublimis, & gravis, &
 grandiloquus saepe usque ad vitium. Fuit hic si Hora-
 tio credimus repertor pallae vestis, & personae. Beroald.

Pythagoreus: sic enim accepimus. Quo modo fert apud eum Prometheus dolorem, quem excipit ob furtum Lemnium (1), unde ignis lucet mortalibus, clam divi-
sus? eum Prometheus doctus clepsisse dolo, penasque Jo-
vi fato expendisse supremo. Has igitur paenas pendens,
affixus ad Caucasum haec dicit.

*Titanum soboles, socia nostri sanguinis
Generata coelo, aspiciite religatum asperis
Vinctumque saxis, navem ut horrissono freto
Noctem paventes timidi adnectunt navitae,
Saturnius me sic infixit Jupiter,
Jovisque numen Mulcibri adscivit manus.
Hos ille cuneos fabrica crudeli inferens,
Perrupit artus: qua miser sollertia
Transverberatus, castrum hoc furiarum incolo:
Jam tertio me quoque funesto die,
Tristi advolatu, aduncis laterans unguibus
Jovis satelles pastu dilaniat fero.
Tum iecore opimo facta, & satiata affatim
Clangorem fundit vastum, & sublime advolans
Pinnata cauda nostrum adulat sanguinem.
Cum vero adestum inflatu renovatum est iecur,
Tum rursus taetros avida se ad pastus refert.
Sic hunc custodem moesti cruciatus alo;
Qui me perenni vivum foedat miseria.
Namque, ut videtis, vinclis constrictus Jovis,
Arcere nequeo diram volucrem a pectore.
Sic me ipse viduus pestes excipio anxias,*

E 3

Amo-

(1) A Lemno insula taeterrima quaeque facinora apud Graecos Lemnia appellantur, ex facinore, quod me-
morat Herodotus, & ex scelere foeminarum quae viros
suos interemerunt. In ea insula colitur Vulcanus, Deus
ignis. Itaque Lemnium furtum intellige ignis furtum,
a Lemnio Vulcano sic dictum, A. Manus.

*Amore mortis terminum inquirens mali .
Sed longe a leto numine aspellor Jovis .
Atque haec vetusta saeculis glomerata horridis ,
Luctifica clades nostro infixæ est corpori ;
Ex quo liquatae solis ardore excidunt (1)
Guttae , quæ saxa assidue instillant Caucaſi .*

Vix igitur posse videmur ita affectum non miserum dicere ; & si hunc miserum , certe dolorem malum . A. Tu quidem adhuc meam causam agis , sed hoc mox videro . Interea unde isti versus ? non enim agnosco . M. Dicam Hercule : etenim recte requiris , videsne abundare me otio ? A. Quid tum ? M. Fuiſſi saepe credo , cum Athenis esses , in scholis philosophorum . A. Vero , ac libenter quidem . M. Animadvertebas igitur , etsi tum nemo erat admodum copiosus , veruntamen versus ab his admisceri orationi . A. Ac multos quidem a Dionysio Stoico . M. Probe dicis . Sed is quasi dictata , nullo delectu , nulla elegantia . Philo noster , & proprium numerum , & electa poemata , & loco adjungebat . Itaque postquam adamavi hanc quasi senilem declamationem , studioſe equidem utor nostris poetis . Sed , sicubi illi defecerunt , verti ipse multa de Graecis , ne quo ornamento in hoc genere disputationis careret latina oratio . Sed videsne , poetae quid mali afferant ? lamentantes inducunt fortissimos viros ; molliunt animos nostros ; ita sunt dein-

de

(1) *Temporis longitudinem maximam significat , quod metitur a prima mundi origine , ex quo vel pluvia Caucasus irrigetur . Nam & pluvia liqueſcentes quaedam stillae sunt , a solis lumine ; vel ex quo solis aestu nives liqueſcant Caucaſi . Camer . Haſce voces temporis longitudinem denotare perperam iudicavit Joach . Camerarius , cum ad ipsum Promethei corpus respiciant . Davis .*

de dulces, ut non legantur modo, sed etiam ediscantur. Sic ad malam domesticam disciplinam, vitamque umbratilem, & delicatam cum accesserunt etiam poetae, nervos omnes virtutis elidunt: recte igitur a Platone educuntur ex ea civitate, (1) quam finxit ille, cum mores optimos, & optimum Reipub. statum exquireret. At vero nos docti scilicet a Graecia, haec & a pueritia legimus, & didicimus; hanc eruditionem liberalem, & doctrinam putamus.

Sed quid poetis irascimur? virtutis magistri philosophi inventi sunt, qui summum malum dolorem dicerent. At tu adolescens, cum id tibi paulo ante dixisses videri, rogatus a me, etiamne majus quam dedecus, verbo de sententia destitisti. Rogo hoc idem Epicurum; majus dicet esse malum mediocre dolorem, quam maximum dedecus; in ipso enim dedecore mali nihil esse, nisi sequantur dolores. Quis igitur Epicurum sequitur dolor, cum hoc ipsum dicit, summum malum esse dolorem, quo dedecus majus a philosopho nullum exspecto? quare satis mihi dedisti, cum respondisti, majus tibi videri malum dedecus, quam dolor.

E 4

(1) *Censet submovendos poetas tamquam dedecoratores Deorum. Sic enim inquit in secundo de Repub. Improbe mentitus est Hesiodus, quando fingit quemadmodum Saturnus Coelum patrem punivit, quaeve a filio Jove perpeffus est ipse Saturnus; quae quidem si vera essent, non tamen putarem esse proferenda, sed tacenda potius. Sic paulo post reiciendum, ait, Homerum propter pugnas, contentionesque Deorum. Ceterum Plato alibi extollit poetas, scribens in III. de Leg. Poetarum genus divinum est; diis agitur, & sacros concinit hymnos. Idem in VII. electos de poetis versus juvenibus ediscendos esse praecipit, ut variorum poetarum peritia facundi reddantur. Beroald.*

dolorem: hoc ipsum enim si tenebis, intelliges, quam sit obfistendum dolori. Nec tam quaerendum est, dolor, malumne sit; quam firmandus animus ad dolorem ferendum. Concludunt ratiunculis Stoici, cur non sit malum: quasi de verbo, non de re laboretur. Quid me decipis Zeno? nam cum id, quod mihi horribile videtur, tu omnino malum esse negas, capior, & scire cupio quo modo id, quod ego miserrimum existimeni, ne malum quidem sit. Nihil est, inquit, malum nisi quod turpe, & vitiosum est. A. Ad ineptias redis: illud enim, quod me angebat, non eximis. Scio dolorem non esse nequitiam. Desine id me docere; hoc doce, doleam, necne doleam, nihil interesse. M. Nunquam quidquam, inquit, ad beate quidem vivendum, quod est in una virtute positum, sed tamen est, reiciendum. Cur? asperum est, contra naturam, difficile perpeffu, triste, durum.

Haec copia verborum est: quod omnes uno verbo malum appellamus, id tot modis posse dicere, definis tu mihi, non tollis dolorem, cum dicis asperum, contra naturam, vix quod ferri, tolerarique possit: nec mentiris; sed re succumbere non oportebat, ut verbis gloriantem, dum nihil bonum, nisi quod honestum, nihil malum, nisi quod turpe. Optare (1) hoc quidem est non docere, illud & melius, & verius; omnia, quae

(1) P. Faber Tholof. legendum putat captare; quod mihi probatur. Neque illi obstant similia loquendi genera, unum in Lucullo: somnia censet haec esse Democriti, non docentis, sed optantis. Alterum in Lib. de Fato; optare hoc quidem est, non disputare. Illa enim dicuntur in Democritum, & Epicurum, qui quasi provincias atomis dabant; haec in Zenonem, qui conclusionibus spinosis, & argutis captabat. Itaque dixit supra non longè; Quid me decipis, Zeno? Lambin.

quae natura aspernatur, in malis esse; quae asciscit, in bonis. Hoc posito, & verborum concertatione sublata, tantum tamen excellet illud, quod recte amplexantur isti, quod honestum, quod rectum, quod decorum appellamus, quod idem interdum virtutis nomine amplectimur; ut omnia praeterea, quae bona corporis, & fortunae putantur, perexigua, & minuta videantur; ne malum quidem ullum, nec, si unum in locum collata omnia sunt, cum turpitudinis malo comparanda. Quare, si, ut initio concessisti, turpitudine pejus est, quam dolor; nihil est planè dolor. Nam dum tibi turpe, nec dignum viro videbitur, gemere, ejulare, lamentari, frangi, debilitari, dolere, tum honestas, tum dignitas, tum decus aderit; tuque in ea intueberis, te continebis; cedit profecto virtuti dolor, & animi inductione languescet; aut enim nulla virtus est, aut contemnendus est omnis dolor. Prudentiamne vis esse, sine qua ne intelligi quidem ulla virtus potest? quid ergo ea? patietur ne te quidquam facere nihil proficientem, & laborantem? an temperantia finet te immoderate facere quidquam? an coli justitia poterit ab homine propter vim doloris enuntiante commissa, prodente conscios, multa officia relinquente? Quid? fortitudini, comitibusque ejus, magnitudini animi, gravitati, patientiae, rerum humanarum despicientiae, quo modo respondebis? afflictusne, & jaciens, & lamentabili voce deplorans, audies, O virum fortem? te vero ita affectum ne virum quidem dixerit quisquam. Amittenda igitur fortitudo est, aut sepiendus dolor.

Ecquid scis igitur, si quid de Corinthiis tuis (1) amiseris, posse habere te reliquam suppellestem sal-
vam

(1) Subaudit *Gulielmus Matellionem* & *ant. Scyphum*. Gebhardus.

vam; virtutem autem si unam amiseris, etsi amittā non potest virtus; sed si unam confessus fueris te non habere, nullam te esse habiturum? Num igitur fortem virum, num magno animo, num patientem, num gravem, num humana contemnentem potes dicere, aut Philoctetam (1) illum? A te enim malo discere; sed ille certè non fortis qui jacet in lectulo humido, quē

Eiulatu, questu, gemitu, fremitibus

Resonando, multum flebiles voces refert,

non ego dolorem, dolorem esse nego; cur enim fortitudo desideraretur? sed eum opprimi dico patientia, si modo est aliqua patientia; si nulla est, quid exornamus philosophiam? aut quid ejus nomine gloriosum sumus? Pungit dolor, vel fodiat sanè, si nudus es, da jugulum; sin tectus Vulcaniis armis, idest fortitudine, resiste: hæc enim te, nisi ita facies, custos dignitatis relinquet, & deferet. Cretum quidem leges, quas sive Jupiter, sive Minos sanxit, de Jovis quidem sententia, ut poetae ferant; itemque Lycurgi, laboribus erudiant juventutem, venando, currendo, esuriendo, sitiendo, algendo, aestuando. Spartae vero pueri ad aram sic verberibus accipiuntur, ut multus è visceribus sanguis exeat; (2) nonnunquam etiam, ut, cum ibi essem, audiebam, ad necem; quorum non

(1) *Lib. II. de Fin. sequentes versus non ad Philoctetam, sed ad saxum Lemnium referuntur. Sed Cicero-
ni usitatum est, antiquorum poetarum versus paululum
quandoque immutatis verbis, ad suam sententiam tra-
ducere, ut Lib. XIV. Ep. ad Att. in Homeri versu;
P. Manut.*

(2) *De more Laconum, ad aram Dianae Orchiae
pueros verberantium, ne plures memorem, Noster de
Fin. Lib. V. Cap. 27. & Tertullianus Apolog. Cap. 50.
Davis.*

non modo nemo exclamavit umquam, sed ne ingemit quidem. Quid ergo? hoc pueri possunt, viri non poterunt? & quod mos valet, ratio non valebit?

Intereſt aliquod inter laborem, & dolorem. Sunt finitima omnino, ſed tamen differt aliquid. Labor eſt functio quaedam, vel animi vel corporis gravioris operis, & muneris; dolor autem motus aſper in corpore, a ſenſibus alienus. Haec duo Graeci illi, quorum copioſior eſt lingua, quam noſtra uno nomine appellant πόνον (1) itaque induſtrios homines, illi ſtudioſos; vel potius amantes doloris appellant; nos commodius laborioſos; aliud eſt enim laborare, aliud dolere. O verborum inops interdum, quibus abundare te ſemper putas, Graecia! aliud, inquam, eſt dolere, aliud laborare. Cum varices ſecabantur C. Mario, dolebat, cum aeſtu magno ducēbat agmen, laborabat. Eſt inter haec quaedam tamen ſimilitudo; conſuetudo enim laborum perpeſſionem dolorum efficiet faciliorem. Itaque illi, qui Graeciae formam rerum publicarum dederunt, corpora juvenum firmari labore voluerunt. Quod Spartiatae etiam in foeminas tranſtulerunt: quae caeteris in urbibus, molliſſimo cultu, parietum umbris occultantur. Illi autem voluerunt

Ni-

(1) Hic Cicero ſuos temere antepoſuit Graecis. Nam Graeci aliud nomen habent, quo dolorem ſignificant πόνον, aliud quo laborem πόνον. Lambin. Uniquus erga Graecos fuit Cicero. Nam (praeterquam quod apud illos πόνον, ἀλγος dolorem ſolum denotant) non erat, cur Tullius hac in parte linguam Graecam vocaret inopem, ſiquidem labor inter Latinos etiam doloris obtinet poteſtatem. Plantus Curcul. Act. 2. Sc. 1. 4. Valetudo decreſcit, accreſcit labor. Idem Caſm. Act. II. Sc. 111, 63. De labore peſtus tundit. Plura non deſunt; ex hiſce vero ſatis conſtat. Noſtrum amore patrii ſermonis actum fuiſſe tranſverſum. Davis.

Nihil horum simile esse apud Lacænas virgines:

*Quibus magis palaestra, Eurotas, sol, pulvis, labor,
Militia in studio est, quam fertilitas barbara.*

Ergo his laboriosis exercitationibus, & dolor intercurrit nonnunquam, impelluntur, feriuntur, abiciuntur, cadunt; & ipse labor quasi callum quoddam obducit dolori.

Militiae (1) vero (nostram dico, non Spartiatarum, quorum procedit mora ad tibiam, nec adhibetur ulla sine anapaestis pedibus (2) hortatio) nostri exercitus primam unde nomen habeant, vides; deinde qui labor, & quantus agminis, ferre plus dimidiati mensis cibaria: ferre, si quid ad usum velint; ferre vallum. Nam scutum, gladium, galeam in onere nostri

(1) *Omnino persuasus ita Ciceronem scripsisse reieci vulgata, quæ hæc erant, militiam vero nostram dico, non Spartiatarum, quorum procedit ad modum, ad tibiam &c. Scripsit de ea Lib. III. Observat. Cap. 6. Gronovius. Verburgius. Mora Latinis etiam est Lacedæmoniorum Cohors ut patet ex Com. Nepotis Iphicr. Cap. 2. Davis.*

(2) *Non modo ad tibiam, sed citharam quoque confixisse Spartanos accepimus. Anapaestos autem modos fuisse Cicero planè hoc loco dicit, & sanè sunt, ad quandam veluti stabilitatem & æquabilitatem appositi, cum deponantur in longam syllabam, admiscuisse tamen crebros spondaeos accepimus, ut Syzygiae spondaicae repariantur, Laconicae appellatae. Sed de Anapaestis hæc metrici tradidere: Anapaesticum trimetrum Catalecticum in syllabam appellatum Messeniacum, & ἐμπαρήμερον, quod esset proprium cæmen Lacedæmoniorum, idque ad tibias illos attinuisse in præliis, incedentes ante confectum ad numeros, non tam incendendos, quam regendos animos. Camerac.*

stri milites non plus numerant, quam humeros, laceratos, manus; arma enim membra militis esse dicunt. Quae quidem ita geruntur apte, ut, si usus foret, abjectis oneribus, expeditis armis, ut membris pugnare possint. Quid exercitatio legionum? quid? ille cursus, concursus, clamor, quanti laboris est? ex hoc ille animus in praeliis paratus ad vulnera. Adduc pari animo inexercitatum militem; mulier videbitur. Cur? tantum interest inter novum, & veterem exercitum, quantum experti sumus: aetas tyronum plerumque melior; sed ferre laborem, contempere vulnus, consuetudo docet; quin etiam videmus ex acie, efferri saepe faucios, & quidem rudem illum, & inexercitatum, quamvis levi ictu, ploratus turpissimos edere. At vero ille exercitatus, & vetus, ob eamque rem fortior, medicum modo requirens a quo obligetur,

*O Patrocle, inquit, ad vos adveniens auxilium,
& vestras manus peto,*

*Prisquam oppeto malam pestem, mandatam hostili
manu:*

*Neque sanguis ullo potis est pacto profluens consi-
stere,*

*Si qua sapientia magis vestra devitari mors potest.
Namque Aesculapii liberorum saucii opplent porticus.
Non potest accedi.*

Certe Eurypylus hic quidem est. hominem exercitatum! ubi tantum luctus continuatur? Vide, quam non flebiliter respondeat; rationem etiam afferat, cur aequo animo sibi ferendum sit.

Qui alteri exitium parat,

*Eum scire oportet sibi paratam pestem ut partici-
pet parem.*

Abducet Patrocles, credo, ut collocet in cubili, ut vulnus obliget, si quidem homo esset, sed nihil vidi minus: quaerit enim, quid actum sit.

Elo-

Eloquere res Argivum praelio ut se sustinet. (1)
Non potest effari tantum dictis, quantum factis suppetit laboris.

Quiesce igitur, & vulnus alliga; (2)

Etiā si Eurypylus posset, non posset Aesopus.

ubi fortuna Hectoris.

Nostram aciem inclinatam:

& caetera explicat in dolore; sic est enim intemperans militaris in forti viro gloria. Ergo haec veteranus miles facere poterit, doctus vir, sapiensque non poterit? ille vero melius, ac non paullo quidem. Sed de consuetudine adhuc exercitationis loquor; non dum de ratione, & sapientia. Aniculae saepe inedia biduum, aut triduum ferunt. Subduc cibum unum diem athletae (3): Jovem Olympium, eum ipsum, cui se
exer-

(1) *Haec ita restituit Bentleius.*

PAT. Eloquere res Argivorum praelio ut se sustinet.

EUR. Non potest effari dictis, quantum factis suppetit.

PAT. Laberis; quiesce igitur, & vulnus alliga: tace.

Etiā si Eurypylus posset, non posset Aesopus;

EUR. Ubi fortuna Hectoris nostram aciem inclinatam.

Et cetera explicat in dolore.

(2) *Haec sententia est, etiamsi Eurypylus posset tot verba facere, & percunctanti Patroclo singillatim respondere, ut vir fortis, & homo militaris; tamen Aesopus, qui eius partes agit, non posset: Lambin.*

(3) *Athletarum vita, & ars sagina est. Athletae nisi largo cibo roborentur fatiscunt: quem ob Athleticum vocat Cor. Cels. aitque hominibus bene moratis tales cibos esse supervacuos. De pane athletarum loquitur Gal.*

exercebit, implorabit: ferre non posse clamabit; Consuetudinis magna vis est; pernoctant venatores in nive; in montibus uri se patiuntur; inde pugiles cestibus contusi, ne ingemiscunt quidem. Sed quid hos, quibus Olympiorum victoria Consulatus ille antiquus videtur? (1) gladiatores, aut perdiri homines, aut barbari quas plagas perferunt? quo modo illi, qui bene instituti sunt, accipere plagam malunt, quam turpiter vitare? quam saepe apparet nihil eos malle, quam vel domino satisfacere, vel populo? mittunt etiam vulneribus confecti ad dominos, qui quaerant quid velint; si satisfactum his sit, se velle decumbere. Quis mediocris gladiator ingemuit? quis vultum mutavit umquam; quis non modo stetit, verum etiam decubuit turpiter? quis cum decubuisset, ferrum recipere iussus, collum contraxit? tantum exercitatio, meditatio, consuetudo valet; ergo hoc poterit,

„ *Sannis spurcus homo, vita illa digni* locoque.

vir natus ad gloriam, ullam partem animi tam mollem habebit, quam non meditatione, & ratione, corroboret? crudele gladiatorum spectaculum, & inhumanum nonnullis videri solet; & haud scio an ita sit, ut nunc sit. Cum vero fontes ferro depugnabant, auribus fortasse multae, oculis quidem nulla poterat esse fortior contra dolorem, & mortem disciplina.

De

in Lib. de Cacoehymia. De athletis plura in Commentariis Svetonii. Beroald. Athletis non modo cibi genus, atque copia, verum etiam horae, quibus cum sumerent, erant praescriptae; unde factum ut Graecis dicatur δειναρχοφύλα. Davis.

(1) Alii nihil antiquius videtur Cic. pro Flac. Actus pugil Olympionices? hoc est apud Graecos (quoniam de eorum gravitate dicimus) prope majus, & gloriosius quam Romae triumphasse. Davis.

De exercitatione, & consuetudine, & commentatione dixi. Agēs, nunc de ratione videamus: nisi quid vis ad hæc. A. Egonē ut te interpellem? ne hoc quidem vellem; ita me ad credendam tuā ducit oratio. M. Sitne igitur malum dolor; nec ne, Stoici viderint, qui contortulis quibusdam, ac minutis conclusiunculis, nec ad sensus permanentibus, effici volunt non esse malum dolorem. Ego illud, quidquid sit tantum esse, quantum videatur, non puto; falsa-que ejus visione, & specie moveri homines dico vehementius, doloremque ejus (1) omnem esse tolerabilem. Unde igitur ordiar? an eadem breviter attingam, quæ modo dixi, quo facilius oratio progredi possit longius? Inter omnes igitur hoc constat, nec doctos homines solum, sed etiam indoctos, virorum esse fortium, & magnanimorum, & patientium, & humana vincentium, toleranter dolorem pati, nec vero quisquam fuit, qui eam, qui ita pateretur, non laudandum putaret. Quod ergo & postulatur a fortibus, & laudatur, cum sit; id aut extimescere veniens, aut non ferre præsens, nonne turpe est? Atqui vide, ne, cum omnes rectæ animi affectiones virtutes appellentur, non sit hoc proprium nomen omnium; sed ab ea una, quæ cæteris excellebat omnes nominatæ sint; appellata est enim a viro virtus; viri autem propria maxime est fortitudo; cujus munera duo maxima sunt, mortis, dolorisque contemptio. Utendum est igitur his, si virtutis compotes, vel potius si viri volumus esse, quoniam a viris virtus nomen est mutuata.

Quæres fortasse, quomodo; & recte: ralem enim medicinam philosophia proficitur. Venit Epicurus, homo minime malus, vel potius vir optimus; tantam monet, quantum intelligit; Neglige, inquit, dolorem.

Quis

(1) Alii eis.

Quis hoc dicit? Idem, qui dolorem summum malum; vix satis constanter audiamus. Si summus dolor est, inquit, brevem esse necesse est. A. *Itera dum eadem ista mihi*; non enim intelligo, quid summum dicas esse, quid breve. M. Summum, quo nihil sit superius; breve, quo nihil brevius. Congemno magnitudinem doloris, a qua me brevisitas temporis vindicabit ante penè, quam venerit. Sed si est tantus dolor, quantus Philoctetae bene planè magnus mihi quidem videtur, sed tamen non summus; nihil enim dolet, nisi pes; possunt oculi; potest caput, latera, pulmones; possunt omnia. Longe igitur abest a summo dolore. Ergo, inquit, dolor diurnus habet laetitiae plus, quam molestiae. Nunc ego non possum tantum hominem nihil sapere dicere, sed nos ab eo derideri puto. Ego summum dolorem (summum autem dico, etiam si decem atomis est major alius) non continuo dico esse brevem: multosque possum bonos viros nominare, qui complures annos doloribus podagrae crucientur maximis. Sed homo cautus nunquam terminat nec magnitudinis, nec diurnitatis modum, ut sciam quid summum dicat in dolore, quid breve in tempore. Omittamus igitur hunc, nihil prorsus dicentem; cogamus quae confiteri non esse ab eo doloris remedia quaerenda, qui dolorem malorum omnium maximum dixerit. Quamvis idem forticulum se in torminibus, & in straguria sua praebeat. Aliunde igitur est quaerenda medicina; & maxime quidem, si, quid maxime consentaneum sit, quaerimus ab iis, quibus, quod honestum sit, summum bonum; quod turpe, summum videtur malum. His tu praesentibus gemere, & te jactare non audebis profecto. Loquetur enim eorum voce virtus ipsa tecum.

Tunc, cum pueros Lacedaemone, adolescentes Olympiae, barbaros in arena videris excipientes gra-

vissimas plagas, & ferentes silentio; si te forte dolor aliquis pervellerit, exclamabis ut mulier? non constanter, & sedate ferēs? fieri non potest; natura non patitur. Audio. Pueri ferunt gloria ducti, ferunt pudore alii; multi metu; & tamen veremur, ut hoc, quod a tam multis, & quod tot locis perferatur; natura non patiatur? Illa vero non modo patitur, verum etiam postulat; nihil enim habet praestantius, nihil, quod magis expetat, quam honestatem, quam laudem, quam dignitatem, quam decus. Hisce ego, pluribus nominibus unam rem declarari volo, sed utor, ut quam maxime significem, pluribus. Volo autem dicere, illud homini longe optimum esse, quod ipsum sit optandum per se, a virtute profectum, vel in ipsa virtute situm, sua sponte laudabile; quod quidem citius dixerim solum, quam summum bonum. Atque ut haec de honesto, sic de turpi contraria. Nihil tam ætærum, nihil tam aspernandum, nihil homine indignius. Quod si tibi persuasum est; Principio enim dixisti plus in dedecore mali tibi videri, quam in dolore; reliquum est, ut tute tibi imperes, quanquam hoc nescio, quo modo dicatur, quasi duo simus, ut alter imperet, alter pareat; non inscite tamen dicitur.

Est enim animus in partes distributus duas; quarum altera rationis est particeps, altera expert. Cum igitur præcipitur, ut nobismetipsis imperemus, hoc præcipitur, ut ratio coerceat temeritatem. Est in animis omnium ferè natura molle quiddam, demissum, humile, enervatum quodam modo, & languidum, senile, si nihil aliud; nihil esset homine deformius; sed præsto est domina omnium, & regina ratio, quae connixa per se, & progressa longius, sit perfecta virtus. Haec ut imperet illi partiani, quae obedire debet, id videndum est viro. Quonam modo?

in-

inquires. Velut servo dominus, velut imperator militi, velut parens filio. Si turpissime se illa pars animi geret, quam dixi esse mollem, si se lamentis muliebriter, lacrymisque dedet, vinciat, & constringatur amicorum, propinquorumque custodiis; saepe enim videmus fractos pudore, qui ratione nulla vincerentur. Ergo hos quidem, ut famulos, vinculis, ac custodia arceamus. Qui autem erunt firmiores, nec tamen robustissimi, hos admonitu simili oportebit, ut bonos milites, revocatos, dignitatem tueri. Non nimis in Niptris (1) ille sapientissimus Graeciae saucius lamentatur, vel modice potius;

Pederentim (inquit) ite, & sedato nisu,

Ne succussu arripiat maior dolor.

„Pacuvius hoc melius, quam Sophocles. Apud illam enim per quam flebiliter Ulysses lamentatur in vulnere: tamen huic leviter gementi, illi ipsi, qui ferunt saucium, personae gravitatem intuentes non dubitarunt dicere,

- Tu quoque, Ulysses,

Quamquam graviter cernimus ictum,

Nimis es penè animo molli, qui

Consuetus in armis aevum agere.

Intelligit poeta prudens, ferendi doloris consuetudinem esse non contemnendam magistram. Atque ille non immoderate magno in dolore,

Retinete, tenete, opprimite,

Ulcus nudate. Heu, miserum me; excrucior.

Incipit labi; deinde illico desinit.

Operite, abscedite, iam iam mittite

Nam attactu & quassu saevum amplificatis dolorem.

Videsne, ut obmutuerit non sedatus corporis, sed casti-

(1) Nomen est Sophoclae fabulae, translatae a Pacuvio. Camer.

castigatus animi dolor? itaque in extremis Niptris alios quoque obiurgat, idque moriens,

Conqueri fortunam adversam, non lamentari decet.

Id viri est officium; fletus muliebri ingenio additus.

Hujus animi pars illa mollior rationi sic paruit, ut se- vero imperatori miles pudens.

In quo viro erit perfecta sapientia (quem adhuc nos quidem vidimus neminem: sed philosophorum senti- entis, qualis futurus sit, si modo aliquando fuerit, exponitur) is igitur, si ea ratio, quae erit in eo perfecta, atque absoluta, sic illi parti imperabit infe- riori, ut justus parens probis filiis; nunc, quod volet, conficiet, nullo labore, nulla molestia; eriget ipse se, suscitabit, instruet, armabit, ut, tanquam hosti, sic obstitat dolori. Quae sunt ista arma? contentio, con- firmatio, sermoque intimus, cum ipse secum, cave turpe quidquam, languidum, non virile. Obversentur species honestae animo; Zeno proponatur Eleates, qui perpossus est omnia potius, quam conscios delendae ty- rannidis indicaret; de Anaxarcho Democritio cogite- tur, qui cum in manu Cypri Nicocreontis Regis in- cidisset, nullum genus supplicii deprecatus est, neque recusavit. Calanus Indus (1) indoctus, ac barbarus in radicibus Caucasi natus, sua voluntate vivus combu- stus est; nos, si pes condoluit, si dens, sed fac totum dolere corpus, ferre non possumus. Opinio est enim quaedam effoeminata, ac levis, nec in dolore magis, quam eadem in voluptate; qua cum liqueſcimus, flui- musque molliora, apud aculeum sine clamore ferre non possumus. At vero C. Marius, rusticanus vir, sed pla- nè vir, cum secaretur, ut supra dixi, principio ve- tuit se alligari; nec quisquam ante Marium solurus dicitur esse sectus. Cur ergo postea alii? valuit aucto- ritas.

(1) Vide Plutarchum in Alexandr. Tom. I. Davis.

ritas. Videtur igitur opinionis esse non naturae malum? & tamen fuisse acrem morsum doloris, idem Marius ostendit; crux enim alterum non praebuit. Ita & valit dolorem, ut vir, & ut homo, majorem ferre sine causa necessaria noluit. Totum igitur in eo est, ut tibi imperes. Ostendi autem, quod esset imperandi genus; atque haec cogitatio, quid patientia, quid fortitudine, quid magnitudine animi dignum sit, non solum animum comprimit, sed ipsum etiam dolorem nescio quo pacto mitiorem facit.

Ut enim sit, in proelio, ut ignavus miles, ac timidus, simul ac viderit hostem, abjecto scuto fugiat, quantum possit, ob eamque causam pereat nonnumquam, etiam integro corpore; cum ei, qui steterit, nihil tale evenerit: sic, qui doloris speciem ferre non possunt, abiiciunt se, atque ita afflicti, & exanimati jacent; qui autem restiterunt, discedunt saepissime superiores; sunt enim quaedam animi similitudines cum corpore; ut onera contentis corporibus facilius feruntur, remissis opprimunt; simillime animus intentione sua depellit praesum omnem ponderum; remissione autem sic urgetur, ut se nequeat extollere. Et si verum quaerimus, in omnibus officiis persequendis animi est adhibenda contentio. Ea est sola officii tamquam custodia. Sed hoc quidem in dolore maxime est providendum, ne quid abjectè, ne quid timide, ne quid ignavè, ne quid serviliter, muliebriterve faciamus; in primisque resutetur, ac reiiciatur Philoctetaeus ille clamor. Ingemiscere nonnumquam viro concessum est, idque raro; ejulatus ne mulieri quidem. Et hic nimirum est fletus, quem duodecim tabulae in funeribus adhiberi vetuerunt. Nec vero unquam ne ingemiscit quidem vir fortis, ac sapiens, nisi forte ut se intendat ad firmitatem, ut in stadio cursores exclamant quam maxime possunt, Faciunt idem, cum

exercentur, athletae; pugiles vero, etiam cum feriant, adversarium in iactandis cestibus ingemiscunt; non quod doleant animo succumbant, sed quia in profundenda voce omne corpus intenditur, venitque plaga vehementior. Quid? qui volunt exclamare majus, num satis habent latera, fauces, linguam intendere, è quibus elici vocem, & fundi videmus? toto corpore, atque omnibus unguis, ut dicitur contentioni vocis asserviunt. Geni mehercule M. Antonium vidi, (1) cum contentè ipse pro se lege. Varia diceret, terram tangere. Ut enim balistae lapidum, & reliqua tormenta telorum eo graviores emissiones habent, quo sunt contenta, atque adducta vehementius, sic vox; sic cursus, sic plaga hoc gravior, quo est missa contentius. Cujus contentionis cum tanta vis sit, si gemitus in dolore ad confirmandum animum valebit, utemur; sin erit ille gemitus lamentabilis, si imbecillus, si abjectus, si flebilis; ei qui se dederit, vix eum virum dixerim. Qui quidem gemitus si levationis aliquid afferret, tamen videremus, quid esset fortis, & animosi viri. Cum vero nihil imminuat doloris, cur fru-

(1) De hoc Valerius Maximus Lib. III. Cap. VII. scribit; contra M. Antonius ille disertus; non enim respuendo, sed amplectendo causae ditionem, quam innocens esset, testatus est. Quaestor, proficiscens in Asiam, Brundisium jam pervenerat: ubi litteris certior factus incesti se postulatam apud L. Cassium Praetorem, ejus tribunal propter nimiam severitatem scolus reorum dicebatur, cum id vitare beneficio legis Memmiae liceret, quae eorum, qui Reip. causa abessent, recipi nomina vetabat, in Urbem tamen recurrit; quo tam pleno fiduciae bonae consilio, cum absolutionem celerem, tum profetionem honestiorem consecutus est. Davis.

frustra turpes esse volumus? quid est enim fletu muliebri viro turpius? Atque hoc praeceptum, quod de dolore datur, pareret latius? omnibus enim rebus, non solum dolori, simili contentione animi resistendum est. Ira exardescit; libido concitatur. In eandem arcem confugiendum est; eadem sunt arma sumenda. Sed quoniam de dolore loquimur, illa omittamus. Ad ferendum igitur dolorem placide, & sedate, plurimum proficit toto pectore, ut dicitur, cogitare, quam id honestum sit. Sumus enim natura, ut ante dixi, (dicendum est enim saepius) studiosissimi, appetentissimi, & honestatis. Cujus si quasi lumen aliquod aspexerimus, nihil est, quod, ut eo potiamur, non parati simus & ferre, & perpeti. Ex hoc cursu, atque impetu animorum ad veram laudem, atque honestatem illa pericula adeantur in praehis, non sentiant viri fortes in acie vulnera, vel sentiunt, sed mori malunt, quam tantum modo de dignitatis gradu dimoveri. Fulgentes gladios hostium videbant Decii, cum in aciem eorum irruerant. His levabat omnem vulnerum metum nobilitas mortis, & gloria. Num tum ingemuisse Epaminondam putas, cum una, cum sanguine vitam effluere sentiret? imperantem enim patriam Lacedaemoniis relinquebat, quam acceperat servientem. Haec sunt solatia, haec fomenta summorum dolorum.

Dices, quid in pace? quid domi? quid in lectulo? ad Philosophos me revocas, qui in aciem non saepe prodeunt. E quibus homo sane levis Heracleotes Dionisius, (1) cum a Zenone fortis esse didicisset,

F 4 a do

(1) Hunc Graeci appellantur Μεταγίθμενον, tanquam transfugam quod Stoicos deseruisset, & ad Cyrenaeicos se transfulisset; tamen quoad genus morbi scribit idem Cicero Lib. V. de Fin. Descivisse a Stoicis propter oculorum dolorem, Victor.

a dolore devictus est: Nam cum ex renibus laboraret, ipso in ejulato clamitabat, falsa esse illa, quæ antea de dolore ipse sensisset. Quem cum Cleanthes condiscipulus rogaret, quænam ratio eum de sententia deduxisset, respondit, „Quia, cum tantum operæ Philosophiæ dedissem, dolorem tamen ferre non possem; satis esset argumenti, malum esse dolorem; plurimos autem annos in philosophia consumpsi, nec ferre possum; malum est igitur dolor. Tum Cleanthem, cum pelle terram percussisset, versum ex Epigonis ferunt dixisse, (1)

Audis ne hæc Amphiaræ sub terram obdite?

Zenonem significabat; a quo illum degenerare dolebat. At non noster Possidonius (2), quem & sæpe ipse vidi, & id dicam, quod solebat narrare Pompejus, se, cum Rhodum venisset decedens ex Syria, audire voluisse Possidonium: sed cum audivisset eum graviter esse ægrum, quod vehementer ejus artus laborarent, voluisse tamen nobilissimum philosophum visere, quem ut vidisset, & salutavisset, honorificisque, verbis prosecutus esset, molesteque se dixisset ferre, quod eum non posset audire; at ille, Tu vero, inquit, potes; nec committam ut dolor corporis efficiat, ut frustra tantus vir ad me venerit. Itaque narrabat, eum graviter, & copiose de hoc ipso, nihil esse bonum, nisi quod honestum esset, cubantem disputasse: cumque quasi faces ei doloris admoventur, sæpe dixisse. Nihil agis dolor: quamvis sis molestus, nunquam te esse confitebor ma-

(1) Erat Aeschylæ tragoedia, quam Accius in linguam Latinam videtur transulisse. Davis.

(2) Scilicet deductus est de Stoicorum sententia. Strabo Lib. XIV. testatur, Possidonium fuisse Epamiansem ex Syria, sed Rhodium existimatum, quia Rhodi vixit, & Rhodi philosophatus est. A. Manut.

malum. Omninoque omnes clari, & nobilitati labores contemnendo sunt, etiam tolerabiles.

Videmusne, apud quos eorum ludorum, qui gymnici nominantur (1) magnus honos sit, nullum ab iis, qui id in certamen descendant, devitari dolorem? apud quos autem venandi, & equitandi laus viget, qui hanc petessunt, nullum fugiunt dolorem. Quid de nostris ambitionibus, quid de cupiditate honorum loquar? quae flamma est, per quam non currebant ii, qui haec olim punctis singulis colligebant? (2) itaque, semper Africanus Socraticum Xenophontem in manibus habebat, cujus in primis laudabat illud, quod diceret, eosdem labores non esse aequae graves imperatori, & militi, quod ipse honos laborem leviorer faceret imperatorium, sed tamen hoc evenit, ut in vulgus insipientiam opinio valeat honestatis; cum ipsam videre non possint. Itaque fama & multitudinis iudicio moventur, cum id honestum putent, quod a plerisque laudetur. Te autem, si in oculis sis multitudinis, tamen ejus iudicio stare nolim, nec, quod illa putet, idem te putare pulcherrimum; tuo tibi iudicio est utendum, tibi si recta probanti placebis, tum non modo tu te viceris, quod paulo ante praecipiebam, sed omnes, & omnia. Hoc igitur tibi propono, amplitudinem, & quasi quandam exaggerationem quam altissimam animi, quae maxima eminet contemnendis, & dispiciendis doloribus; unam esse omnium rem pulcherrimam; eoque pulcherrimo.

(1) *γυμνὰς* Graece nudus significat, unde gymnici ludi dicti; quibus nudati exercent corpora: ut athleticis & palaestricis certaminibus. Nero princeps, edidit certamen gymnicum in septis. Beroald.

(2) Ad consuetudinem ferendorum suffragiorum referendum, quae in tabella punctis designarentur, ut ex Planciana, intelligi potest. Camer.

chriorem; si vacet populo: neque plausum captans, se tantum ipsa delectet, quin etiam mihi quidem laudabiliora videntur omnia, quae sine venditione, & sine populo recte sunt; non quo fugiendus sit (omnia enim benefacta in luce se collocari volunt) sed tamen nullum theatrum virtuti conscientia majus est.

Atque in primis meditemur illud, ut haec patientia dolorum, quam saepe jam animi intentione dixi esse firmandam, in omni genere se aequabilem praebet: saepe enim multi, qui aut propter victoriae cupiditatem, aut propter gloriae, aut etiam ut jus suum, & libertatem tenerent, vulnera exceperant fortiter, & tulerunt, iidem omnia contentione dolorem morbi ferre non possunt: neque enim illum, quem facile tulerant, ratione aut sapientia tulerant, sed studio potius, & gloria. Itaque barbari quidam, & immanes ferro decertare acerrime possunt; aegrotare viriliter non queunt. Graeci autem homines non satis animosi, sed prudentes, ut est captus hominum, satis hostem aspicere non possunt: sed iidem morbos toleranter, atque humane ferunt. At Cymbris & Celtiberi in proeliis exultant, lamentantur in morbo: nihil enim potest esse aequabile, quod non a certa ratione profiscatur. Sed cum videas, eos, qui aut studio, aut opinione ducantur, in eo persequendo, atque adipiscendo dolore non frangi; debeas existimare aut non esse malum dolorem, aut, etiam si, quidquid asperum, alienumque a natura sit, id appellari placeat malum, tantillum tamen esse, ut a virtute ita obruatur, ut nusquam appareat. Quae meditare quaeso dies, & noctes; laetus enim manabit haec ratio: & aliquanto majorem locum, quam de uno dolore, occupabit. Nam si omnia fugiendae turpitudinis, adipiscendaeque honestatis causa faciemus, non modo stimulos doloris, sed etiam fulmina fortunae contemnamus licebit, praesertim cum paratum sit illud.

Ind

Iud ex hesternâ disputatione perfragiam. Ut enim si cui naviganti, praedones insequantur, deus quis dixerit; Eiice te de navi, praesto est qui excipiat; vel delphinus, ut Arionem Methymnaeum, vel equi Pelopis illi Neptunii, (1) qui per undas currus suspensos rapuisse dicuntur, excipiant te, & quo velis, perferent; omnem omittat timorem: sic urgentibus asperis & odiosis doloribus, si tanti non sint, ut ferendi sint, quo sit confugiendum, vides. Haec ferè hoc tempore putavi esse dicenda: sed tu fortasse in sententia permanes. A. Minime vero; meque biduo duarum rerum, quas maxime timebam, spero liberatum metu. M. Cras ergo ad clepsydram: hic enim duximus, & tibi hoc video non posse deberi. A. Ita prorsus. Et illud quidem ante meridiem, hoc eodem tempore. M. Sic faciemus, tuisque optimis studiis obsequemur.

(1) Nota est fabula; quas leges Hippodamiae prociis dederit Oenomaus; sed non ita proletarium videtur, Pelopa; ut eam uxorem duceret equos alatos a Neptuno impetrasse, quam rem hic respexit Cicero. Davis.

M. TULLII
CICERONIS
TUSCULANARUM
QUAESTIONUM
AD M. BRUTUM
LIBER TERTIUS.
DE AEGRITUDINE LENIENDA.



Quidnam esse, Brute, causae putem, cur, cum constemus ex animo, & corpore, corporis curandi, tuendique causa quaesita sit ars ejus, atque utilitas, deorum immortalium inventioni consecrata; animi autem medicina nec tam desiderata sit, antequam inventa, nec tam culta, posteaquam cognita est nec tam multis grata, & probata, pluribus etiam suspecta & invisa? an quod corporis gravitatem, & dolorem animo judicamus, animi morbum corpore non sentimus? ita sit, ut animus de se ipse tum judicet cum id ipsum, quo judicatur aegrotet. Quod si tales nos natura genuisset, ut eam ipsam intueri & perspicere, eademque optima duce cursum vitae conficere possemus: ~~hand erat sane, quod quisquam rationem ac doctrinam requireret.~~ Nunc paryulos nobis dedit igniculos, quos celeriter malis moribus, opinionibusque depravati, sic restringimus, ut nusquam naturae lumen

men appareat: sunt enim ingeniis nostris semina innata virtutum; quae si adolescere liceret, ipsa nos ad beatam vitam natura perduceret. Nunc autem, simul atque editi in lucem, & suscepti sumus, in omni continuo pravitate, & in summa opinionum perversitate versamur; ut penè cum lacte nutricis errorem sxisse videamur. Cum vero parentibus redditi, deum magistris traditi sumus tum, ita variis imbui mur erroribus, ut vanitati veritas, & opinioni confirmata natura ipsa caedat.

Accedunt etiam poetae; qui cum magnam speciem doctrinae, sapientiaeque praefetulerunt, audientur, leguntur, ediscuntur, & inhaerescunt penitus in mentibus. Cum vero accedit eodem, quasi maximus quidam magister, populus, atque omnis andique ad vitia consentiens multitudo, tum planè inficimur opinionum pravitate, a naturaque ipsa desciscimus; ut nobis optimam naturam invidisse videantur, qui nihil melius homini, nihil magis expetendum, nihil praestantius honoribus, imperiis, populari gloria judicaverunt, ad quam fertur optimus quisque, veramque illam honestatem expetens, quam unam natura maxime inquit, in summa inanitate versatur, consectaturque nullam eminentem effigiem virtutis, sed adumbratam imaginem gloriae; est enim gloria, solida quaedam res, & expressa, non adumbrata. Ea est consentiens laus bonorum, incorrupta vox bene judicantium de excellenti virtute. Ea virtuti resonat tanquam imago, quae quia recte factorum plerumque comes est, non est a bonis viris repudianda. Illa autem, quae se ejus imitatricem esse vult, temeraria, atque inconsiderata, & plerumque peccatorum vitiorumque laudatrix, fama popularis, simulatione honestatis formam ejus, pulchritudinemque corrumpit. Qua caecitate homines, cum quaedam praeclara etiam cuperent, eaque

nesci-

nescirent, nec ubi, nec qualia essent, funditus alii everterunt suas civitates, alii ipsi occiderunt; atque hi quidem optima petentes, non tam voluntate, quam cursus errore falluntur. Quid, qui pecuniae cupiditate, qui voluptatum libidine ferantur; quorum ita perturbantur animi, ut non multum absint ab insania, quod insipientibus omnibus contingit; his nullane est adhibenda curatio? Utrum quod minus noceant animi aegrotationes, quam corporis? An quod corpora curari possint, animorum nulla medicina sit?

At & morbi perniciosiores, pluresque sunt animi, quam corporis: hi enim ipsi odiosi sunt, quod ad animum pertinent, eumque sollicitant; animusque (1) aeger, ut ait Ennius, semper errat, neque pati, neque perpeti potest; cupere nunquam desinit, quibus duobus morbis, (ut omittam alios) aegritudine, & cupiditate, qui tandem possunt in corpore esse graviores? qui vero probari potest, ut sibi mederi animus non possit, cum ipse medicinam corporis animus invenerit, cumque ad corporum sanationem multum ipsa corpora, & natura valeant; nec omnes, qui se curari passi sunt, continuo etiam convalescant; animi autem, qui se sanari voluerint, praeceptisque sapientium paruerint, sine ulla dubitatione sanantur? Est profecto animi medicina philosophia; ejus auxilium non, ut in corporis morbis, petendum est foris, omnibusque opibus, viribusque ut nosmetipsi nobis mederi possimus, elaborandum est, quamquam de universa philosophia, quantopere & expetenda, & colenda esset, satis, ut arbi-

(1) Hoc modo sub senariorum leges videntur mittendi hi Enni versus.

*Animusque aeger semper errat, neque pati,
Neque perpeti potest, cupere nunquam
Desinit.* Davis

error, dictum est in Hortensio de maximis autem rebus nihil fere intermifimus postea nec disputare, nec scribere, his autem libris exposita sunt ea, quae a nobis cum familiaribus nostris in Tusculano erant disputata. Sed quoniam duobus superioribus de morte, & de dolore dictum est tertius dies disputationis hoc tertium volumen efficiet. Ut enim in Academiam nostram descendimus, inclinato jam in postmeridianum tempus die, poposci eorum aliquem, qui aderant, causam disferendi. Tum res acta sic est.

A. Videtur mihi cadere in sapientem aegritudo. M. Num reliquae quoque perturbationes animi, formidines, libidines, iracundiae? haec enim fere sunt ejusmodi; quae Graeci *πάθη* appellant; ego poteram morbos, & id verbum esset e verbo; sed in consuetudinem nostram non caderet, nam misereri, invidere, gestire, laetari, haec omnia morbos Graeci appellant, motus animi rationi non obtemperantes; nos autem hos eosdem motus concitati animi recte, ut opinor, perturbationes dixerimus; morbos autem non satis usitate: nisi quod aliud tibi videtur. A. Mihi vero isto modo. M. Haecceine igitur cadere in-sapientem putas? A. prorsus existimo. M. Nae ista gloriosa sapientia non magno aestimanda est, si quidem non multum differt ab insania. A. Quid? tibi omnisne animi commotio videtur insania? M. Non mihi quidem soli; sed id, quod admirari saepe soleo, majoribus quoque nostris hoc ita visum intelligo multis saeculis ante Socratem; a quo haec omnis, quae est de vita, & moribus, philosophia manavit. A. Quonam tandem modo? M. Quia nomen insaniae significat mentis aegrotationem, & morbum, idest insanitatem, & aegrotum animum, quam appellarunt insaniam. Omnes autem perturbationes animi, morbos Philosophi appellant; negantque, stultum quemquam his morbis vacare: qui
autem

autem in morbo sunt, sani non sunt: & omnium insipientiam animi in morbo sunt, omnes insipientes igitur insaniunt: sanitatem enim animorum, positam in tranquillitate quadam, constantiaque censebant; his rebus mentem vacuum appellaverunt insaniam; propterea quod in perturbato animo, sicut in corpore, sanitas esse non possit.

Nec minus illud acute, quod animi affectionem, lumine mentis carentem, nominaverant amentiam, eandemque dementiam. Ex quo intelligendum est, eos, qui haec rebus nomina posuerunt, sensitse hoc idem, quod a Socrate acceptum diligenter Stoici retinuerunt omnes insipientes esse non sanos: qui enim animus est, in aliquo morbo, (morbos autem hos perturbatos motus, ut modo dixi, philosophi appellant) non magis est sanus, quam id corpus, quod in morbo est. Ita fit ut sapientia sanitas sit animi; insipientia autem quasi insanitas quaedam, quae est insania, eademque dementia, multoque melius haec notata sunt verbis Latinis, quam Graecis: quod aliis, quoque multis locis reperiuntur, sed id alias: nunc, quod instat. Totum igitur id, quod quaerimus, quid, & quale sit, verbi vis ipsa declarat: eos enim sanos intelligi necesse est, quorum mens motu, quasi morbo, perturbata nullo sit. Qui contra affecti sunt, hos insanos appellari necesse est. Itaque nihil melius, quam quod est in consuetudine sermonis Latini, cum exisse e potestate dicimus eos, qui effraenati feruntur aut libidine, aut iracundia: quamquam ipsa iracundia libidinis est pars sic enim definitur iracundia, ulciscendi libido. Qui igitur exisse ex potestate dicuntur, idcirco dicuntur, quia non sunt in potestate mentis, cui regnum totius animi a natura tributum est. Graeci autem *παρὰ φύσιν* unde appellent, non facile dixerim; eam tamen ipsam distinguimus nos melius, quam illi. Hanc enim insaniam, quae juncta stulti-

infantiae patet latius, a furore disiungimus. Graeci volunt illi quidem, sed parum valent verbo: quem nos furorem, μελάνχολον illi vocant; quasi vero atra bili solum mens, ac non saepe vel iracundia graviore, vel timore, vel dolore moveatur. Quo genere Athamantem, Alcmaeonem, Aiacem, Orestem furere dicimus. Qui ita sit affectus, cum dominum esse rerum suarum vetant duodecim tabulae. Itaque non est scriptum, SI INSANUS, SED SI FURIOSUS ESSE INCIPIT: insaniam enim censuerunt esse inconstantiam mentis, sanitate vacantem, posse tamen tueri mediocritatem officiorum, & vitae communem cultum, atque usitatum: furorem autem esse rati sunt mentis ad omnia caecitatem. Quod cum maius esse videatur, quam insania: tamen eiusmodi est, ut furor in sapientem cadere possit, non possit insania. Sed haec alia quaestio est. Nos ad propositum revertamur.

Cadere opinor in sapientem aegritudinem tibi dixisti videri. A. Ego vero ita existimo. M. Humanum id quidem quod ita existimas. Non enim silice nati sumus (1); sed est naturale in animis tenerum quiddam, atque molle, quod aegritudine, quasi tempestate quatitur. Nec absurde Crantor ille, (2) qui in nostra Aca-

G

de-

(1) De humana origine ait, etiam sensum humanitatis non improbandum esse; est autem in fabulis primos quosdam homines de iactis a Deucalione saxis natos; & truncis ac duro robore quamdam gentem natam retulit in VIII. Virgilius, apud quem sic Evander.

Haec nemora indigenae Fauni, nymphaeque tenebant
Genisque virum truncis, & duro robore nata. Camer.

(2) Verba Graeca Crantoris ex aureolo illo (ut puro) libello de luctu inveni apud Plutarchum in commentario, quod scripsit ad Apollonium consolans illum de acerbo obitu filii. Victor.

demia, vel in primis fuit nobilis. „ Minime, inquit, assentior iis, qui istam nescio quam indolentiam magnopere laudant: quae nec potest ulla esse, nec debet. Ne aegrotus sim, inquit: sed, si fuerim, sensus adsit, sive secetur quid, sive avellatur a corpore; nam istuc nihil dolere, non sine magna mercede contingit, immanitatis in animo, stuporis in corpore. Sed videamus, ne haec oratio sit hominum assentantium nostrae imbecillitati, & indulgentium mollitudini: nos autem audeamus non solum ramos amputare miseriarum, sed omnes radicum fibras evellere. Tamen aliquid relinquetur fortasse: ita sunt stirpes altae stultitiae. Sed relinquetur id solum, quod erit necessarium. Illud quidem sic habeto: nisi sanatus animus sit, quod sine philosophia fieri non potest finem miseriarum nullum fore. Quamobrem, quoniam coepimus, tradamus nos ei curandos. Sanabimur, si volumus. Et progrediar quidem longius: non enim de aegritudine solum, quanquam id quidem primum, sed de omni animi, ut ego posui perturbatione, morbo, ut Graeci volunt, explicabo. Et primo si placet, Stoicorum more agamus, qui breviter astringere solent argumenta: deinde nostro iustituto vagabimur.

Qui fortis est, idem est fidens: quoniam confidens mala consuetudine loquendi in vitio ponitur, ductum verbum a confidendo, quod laudis est; qui autem est fidens, is profecto non extimescit: discrepat enim a timendo, confidere; atque in quem cadit aegritudo, in eundem timor: quarum enim rerum praesentia sumus in aegritudine, easdem impendentes, & venientes timemus. Ita fit, ut fortitudinis aegritudo repugnet. Verisimile est igitur, in quem cadit aegritudo, in eundem cadere timorem, & iniectionem quidem animi, & demissionem. Quae in quem cadunt, in eundem cadit ut serviat, ut victum quandoque se esse fateatur; quae qui recipit, recipiat idem necesse est

timi.

. totij V . . .

similitudinem, & ignaviam. Non cadent autem haec in virum fortem: igitur ne aegritudo quidem. At nemo sapiens, nisi fortis: non cadet ergo in sapientem aegritudo. Praeterea necesse est, qui fortis sit, eandem esse se magni animi; qui magni animi, invictum; qui invictus, eum humanas res despiciere, atque infra se positas arbitrari. Despicere autem nemo potest eas res, propter quas aegritudine affici potest, ex quo efficitur, fortem virum aegritudine nunquam affici, omnes autem sapientes, fortes, non cadit igitur in sapientem aegritudo, & quemadmodum oculus conturbatus non est probe affectus ad suum munus fungendum, & reliquas partes, totumve corpus, statim cum est motum deest officio suo, & muneri; sic conturbatus animus non est aptus ad exequendum munus suum. Magnus autem animi est, ratione bene uti; & sapientis animus ita semper affectus est, ut ratione optime utatur: nunquam est igitur perturbatus; at aegritudo perturbatio est animi: semper igitur ea sapiens vacabit.

Verisimile etiam illud est, qui sit temperans, quem Graeci *σωφρων* appellant, eamque virtutem *σωφροσύνην* vocant, quam soleo equidem tum temperantiam, tum moderationem appellare, nonnunquam etiam modestiam: sed haud scio, an recte ea virtus frugalitas appellari possit. Quod angustius apud Graecos valet, qui frugi homines *Χρησμούς* appellant, id est tantummodo utiles (1). At illud latius est, omnis enim abstinencia, omnis innocentia, quae apud Graecos usitatum nomen nullum habet, sed habere potest *ἀβλαβείαν*; nam est innocentia affectio talis animi, quae noceat nemini; reliquas etiam virtutes frugalitas continet, quae nisi tanta esset, & si iis angustiis, quibus plerique putant, temperetur, nunquam esset L. Pisonis cognomen tantopere

(1) At recte monet Cicero Quaes. Lib. 4. haec vocem interdum latius patere. Davis.

laudatum. Sed quia nec qui propter metum praesidium reliquit, quod est ignaviae; nec qui propter avaritiam clam depositum non reddidit, quod est iniustitiae; nec qui propter temeritatem male rem gessit, quod est stultitiae, frugi appellari solet, eo tres virtutes, fortitudinem, iustitiam, prudentiam, frugalitas complexa est: Etsi hoc quidem commune est virtutum. Omnes enim inter se nexae, & conjugatae sunt. Reliqua igitur, & quarta virtus ut sit ipsa frugalitas, necesse est; ejus enim videtur esse proprium motus animi appetentis regere, & sedare; semperque adversantem libidini, moderatam in omni reservare constantiam. Cui contrarium vitium nequitia dicitur. Frugalitas, ut opinor, a fruge; qua nihil melius de terra oritur. Nequitia ab eo (etsi hoc erit fortasse durius; sed temerius luxisse putemur, si nil sit) ab eo, quod nequidquam est in tali homine; ex quo idem, nihil dicitur: qui sit frugi igitur, vel, si magis moderatus, & temperans, cum necesse est esse constantem; qui autem constans, quietum; qui quietus, perturbatione omni vacuum; ergo etiam aegritudine. Et sunt illa sapientis: aberit igitur a sapiente aegritudo.

Itaque non inscite Heracleotes Dionysius ad ea disputat, quae apud Homerum Achilles quaeritur, hoc, ut opinor, modo,

Corque meum penitus turgescit tristibus iris,

Cum decore, atque omni me orbatum laude recondor.
Num manus affecta recte est, cum in tumore est? aut num aliquodpiam membrum tumidum, ac turgidum non vitiose se habet? sic igitur inflatus, & tumens animus in vitio est. Sapientis autem animus semper vacat vitio, nunquam turgescit, nunquam tumet. At iratus animus ejusmodi est: nunquam igitur sapiens irascitur, nam si irascitur, etiam concupiscit, proprium est enim irati, cupere, a quo laesus videatur,

ei quam maximum dolorem inurere, qui autem id
concupierit, eum necesse est, si id consecutus sit, ma-
gnopere laetari; ex quo fit, ut alieno malo gaudeat;
quod quoniam non cadit in sapientem, ne ut irasca-
tur quidem cadit. Sin autem caderet in sapientem aegri-
tudo, caderet etiam iracundia, qua quoniam vacat,
aegritudine etiam vacabit. Etenim si sapiens in aegri-
tudinem incidere possit, posset etiam in misericordi-
am, posset in invidentiam, non dixi in invidiam,
quae tum est, cum invidetur, ab invidendo autem in-
videntia recte dici potest, ut effugiamus ambiguum
nomen invidiae, quod verbum datum est a nimis in-
ruidendo fortunam alterius, ut est in Menalippo, &
non *Florem quisnam liberum invidit meum* & c. &
male Latine videtur. Sed praecclare Accius, ut enim
videre esse invidere florem rectius, quam flori, dicitur,
Nos consuetudine prohibemur, poeta jus suum te-
nuit, & dixit audacius, non enim tale verbum antequam
dixit. Cadit igitur in eundem, & misereri, & invidere.
Nam qui dolet rebus alicujus adversis, eadem alicujus
etiam secundis solet, ut Theophrastus interitum deplorans
Callisthenis, sodalis sui, rebus Alexandri prosperis
angitur, itaque dicit, Callisthenem incidisse in homi-
nem summa potentia, summaque fortuna, sed igna-
ram, quemadmodum rebus secundis uti conveniret.
Atqui quemadmodum misericordia aegritudo est ex
alterius rebus adversis, sic invidentia aegritudo est ex
alterius rebus secundis, in quem igitur cadit misereri,
in eundem etiam invidere, non cadit autem invidere
in sapientem, namque ne misereri quidem. Quod si hoc
aegre ferre sapiens solet, misereri etiam solet. Absit
ergo a sapiente aegritudo. Haec sic dicuntur. & Stoicis
concludanturque contoreius, sed satius aliquando
dicenda sunt, & diffusius sententias ramentum
eorum potissimum, qui maxime fortis, & ut rive di-
cant,

nam, vitili utuntur ratione, atque sententia: Nam Peripatetici, familiares nostri, quibus nihil est uberius, nihil eruditius, nihil gravius, mediocritatem vel perurbationem, vel morborum animi, mihi non sane probant, omnem enim malum, etiam mediocriter magnum est; nos autem id pigmus, ut id in sapiente nullum sit omnino. Nam ut corpus, etiam si mediocriter aegrum est, sanum non esse sic, si in animo est ista mediocritas, caret sanitate. Itaque praedare nostri, qui alia multa, molestiam, sollicitudinem, angorem, propter similitudinem corporum aegrorum, aegritudinem nominaverunt. Hoc propemodum verbi Graeci omnem animi perturbationem appellant. Vocant enim *νόσος*, id est, morbum, quicumque est motus in animo turbidus; nos *melius*; aegris enim corporibus simillima est animi aegritudo. At non similis aegrotationis est libido; non immoderata laetitia, quae est voluptas animi elata, et gestiens. Ipse etiam metus non est morbi admodum similis, quanquam aegritudini est finitimus, sed proprie, ut aegrotatio in corpore, sic aegritudo in animo, nomen habet non secundum a dolore. Doloris igitur huius origo nobis explicanda est, id est, causa efficiens aegritudinem in animo, tanquam aegrotationem in corpore. Nam, ut medici, causa morbi inventa curationem esse inventam putant; sic nos, causa aegritudinis reperta, medendi facultatem reperiemus. ^{supra} A. x. Est igitur causa omnis in opiniones, nec vero aegritudinis solum, sed etiam reliquarum omnium perturbationum; quae sunt generis quatuor, partibus plures. Nam cum omnis perturbatio sit animi motus vel rationis experientia vel rationem assernam, vel rationi non obediens, istae motus aut boni, aut mali opinio fit. Atque huiusmodi quatuor perturbationes aequaliter distributae sunt. Nam duae sunt ex opinione boni; quarum altera, voluptas gestiens, id est, praeter usum

dam elata laetitia, opinione praesentis magni alicuius boni: altera cupiditas quam recte, vel libido dici potest; quae est immoderata appetitio opinati magni boni; rationi non obtemperans. Ergo haec duo genera; voluptas gestiens; & libido; bonorum opinione turbantur; ut duo reliqua; metus & aegritudo; malorum. Nam & metus opinio magni mali impendentis; & aegritudo est opinio magni mali praesentis; & quidem recens opinio talis mali; ut in eo rectum videatur esse angere; id autem est; ut is, qui doleat, oportere opinetur se dolere. His autem perturbationibus; quas in vita hominum stultitia quasi quasdam immittit furias; atque incitat; omnibus viribus; atque opibus repugnandum est; si volumus hoc, quod datum est vitae; tranquille placideque traducere. Sed caetera alias; nunc aegritudinem si possumus depellamus; id enim sit propositum; quandoquidem eam tu videri tibi in sapientem cadere dixisti. Quod ego nullo modo existimo; taetra enim res est; misera, detestabilis; omni contentione velis; ut ita dicam, remisque fugienda.

Qualis enim tibi ille videtur Tantalo prognatus; Pelope natus; qui quondam a socero Oenomaio Rege Hippodamiam rapta nactus nuptiis? Jovis iste quidem pronepos. Tamne ergo abjectus tamque fractus?

Nolite (inquit) hospites adire ad me illico istic;

Ne contagio mea bonis; umbræ obstit;

Tanta vis sceleris in corpore haeret;

Tu te; Thyesta; damnabis; orbabisque luce propter vii sceleris assensum? quid? illum filium solis nonne patris ipsius luce indignum putas?

Refugere oculis; corpus matre extabuit;

Lacrymas peredere humore exsanguis genas;

Situ nidoris barba paedore horrida;

Atque anconsa infuscat pectus illuvie scabrum.

Haec malo o stultissime Acta; ipse tibi addidisti; Non

inerant in his, quae tibi casus invexerat; & quidem inveterato malo, cum tumor animi refoedisset. Est autem aegritudo, ut docebo, in opinione mali recentis: sed moeres videlicet regni desiderio, non filiae; illam enim oderas, & jure fortasse; regno non aequo animo carebas. Est autem impudens luctus moerore se conficientis, quod imperare non liceat liberis. Dionysius quidem tyrannus Syracusis expulsus, Corinthi pueros docebat, usque eo imperio carere non poterat. Tarquinio vero quid impudentius, qui bellum gereret cum iis, qui ejus non tolerant superbiam? is cum restitui in regnum nec Vejentium, nec Latinorum armis potuisset, Cumas se contulisse dicitur, inque ea urbe senio, & aegritudine esse confectus.

Hoc tu igitur censes sapienti accidere posse, ut aegritudine opprimatur; id est, miseria? nam cum omnis perturbatio miseria est, cum carnificina est aegritudo, habet ardorem libido, levitatem laetitia gestiens, humilitatem metus: sed aegritudo majora quaedam, tabem, cruciatum, afflictionem, foeditatem; lacerat, exest animum planeque conficit. Hanc nisi exuimus sic, ut abiciamus, miseria carere non possumus. Atque hoc quidem perspicuum est, cum aegritudinem existere, cum quid ita visum sit, ut magnum quoddam malum adesse, & urgere videatur. Epicuro autem placet, opinionem mali aegritudinem esse natura, ut quicumque intueatur in aliquod majus malum, si id sibi accidisse opinetur, sit continuo in aegritudine: Cyrenaici non omni malo aegritudinem effici censerent, sed insperato, & nec opinato malo; est id quidem non mediocriter ad aegritudinem augendam; videntur enim omnia repentina graviora. Ex hoc & illa jure laudantur.

Ego cum genit, cum moriturus serui, & ei rei sustuli.

Prat-

Quamobrem omnes, cum secundae res sunt maxi-
me, tum maxime

Medicari seculum oportet, quo pacto adversam ac-
ruminam ferant;

-31 **Pericla, domus, peregre rediens semper secum cogitet,**

-IV *Aut filii peccatorum, aut uxoris mortem, aut mor-*
-tem filii; et cum filio; et cum uxore; et cum mor-

Communia esse haec, ne quid horum unquam acci-
dat animo novum;

*Quinquid praeter spem eveniat, omne id deputare
esse in lauro.*

Ergo hoc Terentius a philosophia sumptum cum
tam commodè dixerit, nos, è quorum fontibus id hau-
stum est, non & dicemus hoc melius, & constantius
sentiemus? hinc est enim ille vultus semper idem,
quem dicitur Xanthippe prædicare solitis in viro suo
fuisse Socrate, eodem vultu semper se vidisse exeun-
tem illam domo & revertentem. Nec vero ea frons
erat, quæ M. Crassi filius veteris, quem semel ait in
vultu videri ruisse Lucillus; (1) sed tranquilla, & fore-
na; sic enim accipimus, jure autem erat semper idem
vultus, cum moris, & a qua is fingitur, nulla fieret
mutatio. Quare accipio eundem a Cynicis hanc ar-
tem contra casus, & eventus, quibus abrum adventen-
tes impetus diuturna præmeditatione frangantur; si
malique judicio, malum illud opinionis esse; non nar-
rans. Si enim in re essent, cur fierent provisio devo-
ra? sed est, insidens de rebus quod dici possit subtilius
animæ non, insidens non, insidens non, insidens non, insidens non.

si prius Epicuri sententiam viderimus; qui censet necesse esse omnes in aegritudine esse; qui se in malis esse arbitrentur; siue illa ante provisa, & expectata sint, siue inveteraverint; nam neque verustate minora mala; nec fieri praemeditata leviora; stultamque etiam esse meditationem futuri mali; aut fortasse ne futuri quidem; satis esse odiosum malum omne; cum venisset; qui autem semper cogitavisset, accidere posse aliquid adversi; et fieri illud sempiternum malum; si vero ne futurum quidem sit, frustra suscipi miseriam voluntariam; ita semper angitur accipiendo; aut cogitando malo. Levationem autem aegritudinis in duabus rebus ponit; avocatione a cogitanda molestia; & revocatione ad contemplantas voluptates; parere enim censet animum rationi posse; & quo illa doceat, sequi. Vetat igitur ratio intueri molestias; abstrahit ab acerbis cogitationibus hebetem aciem ad miseriam contemplandas; a quibus tum decinit receptui, (1) impellit sursum; & incitat ad conspiciendas; totaque mente contestandas varias voluptates; quibus ille & praesentiam memoria; & spe consequentiam sapientis vitam refertam putat. Haec nostro more nos diximus; Epicurei dicunt suo. Sed quae dicant, videamus; quo modo negligamus.

Principio male reprehendunt praemeditationem rerum futurarum. Nihil est enim quod tam obdurate enervetque aegritudinem, quam perpetua in omni

vici

(1) Proverbialiter, cum revocavit mentem a contemplatu miseriarum. Canere receptui verbum est militare, quod significat post conflictum milites a pugna esse revocandos, recipiendosque in tutum intra castra; quod fit tanto tubarum, & clangore; sicut canitur bellum, cum initur ipse conflictus; & milites in pugnam prodeunt. Gebhard.

vita cogitatio, nihil esse, quod accidere non possit, quam meditatio conditionis humanae, quam vitae lex, commentatioque parendi, quae non hoc affert, et semper moeremus, sed ut nunquam neque enim qui rerum naturam, qui vitae varietatem, qui imbecillitatem generis humani cogitat, moeret cum haec cogitat, sed tam vel maxime sapientiae fingitur munere; utrumque enim consequitur, ut & considerandis rebus humanis proprio philosophiae seuatur officio, & adversis casibus triplici consolatione sanetur; primum quod posse accidere, diu cogitaverit, quae cogitatio una maxime molestias omnes extenuat, & diluit; deinde quod humana ferenda intelligit; (1) postremo, quod videt nullam malam esse, nisi culpam; culpam autem nullam esse, quam id, quod ab homine non posuerit praestari; (2) experiri. Nam revocatio illa, quam affert, cum a contemendis nos malis avocet, nulla est; non est enim in nostra potestate, sedicantibus illis rebus, quas malas esse opinemur, dissimulatio, vel oblitio; lacerant, vexant, stimulos admovent, ignes adhibent; respirare non sinunt. Et tu oblivisci iubes, quod contra naturam est? quod a natura datum est auxilium, extorquas inveterati doloris? est enim tanta illa quidem medicina, sed tamen magna, quam saefert longinquitas, & dies. Jubes me bona cogitare, oblivisci malorum; diceret aliquid & magno quidem philosopho dignum, si ea bona sentiret esse, quae esse fene homine dignissima.

Py-

(1) Praefero lectionem Vaticanam, quod humana ferenda, utpote liquidissimam. C. Ciceroi, praepariam. Gebhardi autem mutavit in caput antiquiorum, scholasticorum.
(2) Praestare verbum Jurisconsultorum, quod senis-
sae, cavere, & satisfacere, qui idem idem scribunt, praestandum esse dolum, praestandam noxam. Bergald.

Pythagoras mihi si diceret, aut Socrates, aut Plato: Quid jaces, aut quid moeres? aut cur succumbis, cedisque fortunae? quae pervellere te forsitan potuerit, & pungere; non potuerit certe vires frangere. Magna vis est in virtutibus, eas excita, si forte dormiunt; jam tibi aderit princeps fortitudo, quae te animo tanto esse coget, ut omnia, quae possint homini evenire, contemnas, & pro nihilo putes. Aderit temperantia, quae est eadem moderatio; a me quidem paulo ante appellata fragalitas? Quae te turpiter, & nequiter facere nihil patiatur. Quid est autem nequius, aut turpius effoeminato viro? ne justitia quidem sinet ista facere: cui minimum esse videtur in hac causa loci: quae tamen ita dicet, dupliciter esse te iniustum, cum & alienum appetas, qui mortalis natus, conditionem postules immortalium, & graviter feras, te, quod utendum acceperis, reddidisse. Prudentiae vero quid respondebis, dicenti virtute se esse contentam, quo modo ad bene vivendum, sic & ad beatam? Quae si extrinsecus religata pendeat, & non oriatur a se, & rursus ad se revertatur, & omnia sua complexa nihil quaerat aliunde; non intelligo, cur aut verbis tam vehementer ornanda, aut te tantopere expetenda videatur. Ad haec bona me si revocas, Epicure, pareo. Sequor, ator te ipso duce, obliviscor etiam malorum, ut jubes; eoque facilius, quod ea ne in malis quidem ponenda censeo, sed radeas cogitationes meas ad voluptates: quas corporis, credo, aut quae propter corpus vel recordatione, vel spe cogitentur, nunquid est aliud, rectene interpretor sententiam tuam? Solent enim isti negare nos intelligere, quid dicat Epicurus. Hoc dicit, & hoc ille agriculus, me audiente, Athenis senex Zeno, istorum acutissimus, contendere, & magna voce dicere solebat; eum esse beatum, qui praesentibus voluptatibus frueretur, consideretque se fruturum aut in omni,

aut

aut in magna parte vitæ, dolore non interveniente, aut, si interveniret, si summus foret, futurum brevem; si productior, plus habiturum jucundi, quam mali: hæc cogitantem fore beatum, præsertim si & ante perceptis bonis contentus esset, nec mortem, nec deos eximesceret.

Habes formam Epicuri vitæ beatæ, verbis Zenonis expressam, nihil ut possit negari. Quid ergo? hujusne vitæ propositio, & cogitatio aut Thyestem levare poterit, aut Aetam, de quo paulo ante dixi, ante Thelamonem pulsum patria, exulantem atque egentem? in quo hæc admiratio fiebat:

Hiccinne est Thelamo ille, modo quem gloria ad coelum exculit?

Quem spectabant? cuius ob os Graii ora obvertebant sua.

Quod si cui, ut ait idem, simul animus cum re concidit, a gravibus illis antiquis philosophis petenda medicina est, non ab his voluptariis. Quam enim isti bonorum copiam dicunt? fac sane summum bonum esse, non dolere; quanquam id non vocatur voluptas. Sed non necesse est nunc omnia; idne est, quo traducti luctum levemus? Sit sane summum malum dolere: in eo igitur, qui non est, si malo careat, continuone fruatur summo bono? Quid tergiversamur, Epicure, nec fatemur eam nos dicere voluptatem, quam tu idem, cum os perfricisti, soles dicere? sunt hæc tua verba, nec ne? in eo quidem libro, qui continet omnem disciplinam tuam (fungar enim jam interpretis munere, ne quis me putet fingere), dicis hæc. *Nec equidem habeo quod intelligam bonum illud, detrabens eas voluptates, quæ sapore percipiuntur, detrabens eas, quæ auditu, & cantibus; detrabens eas etiam, quæ ex formis percipiuntur oculis, suaves motiones, sive quæ*

aliæ.

aliae voluptates in toto homine gignuntur quolibet sensu. Nec vero ita dici potest, mentis laetitiam solam in bonis; laetantem enim mentem ita novi, spe eorum omnium, quae supra dixi fore, ut natura iis patiens dolore careat. Ante haec quidem his verbis, quivis ut intelligat quam voluptatem norit Epicurus. Deinde paulo infra. „Saepe quaesivi (inquit) ex iis, qui appellantur sapientes, quid haberent, quod in bonis relinquerent, si illa detraxissent, nisi si vellent voces inanes fundere: nihil ab his potui cognoscere: qui si virtutes ebullire volent (1) & sapientias; nihil aliud dicent, nisi eam viam, qua efficiantur eae voluptates, quas supra dixi. Quae sequuntur, in eadem sententia sunt; totiusque liber, qui est de summo bono, refertus, & sententiis, & verbis talibus est. Ad hancine igitur vitam Telamonem illum revocabis, ut levis aegritudinem? & si quem tuorum afflictum moerore videris, huic acipenserem potius, quam aliquem Socraticum libellum dabis? hydraulici (2) hortabere ut audiat voces

po-

(1) Non intelligo, qui virtutum, & sapientiarum iactatio in causa esse posset, cur Epicuri bonum agnoscerent philosophi: immo vult Epicurus speciosa harum rerum nomina impedire, quominus corporeas voluptates pro unico bono habeant sapientes. Unde refero, qui si virtutes ebullire nolent, & sapientias. *Noster de Fin. lib. 5.* Dixerit hoc idem Epicurus, semper beatum esse sapientem, quod quidem solet ebullire nonnunquam. Hinc liquet, illi verbo metaphoricam iactandi seu faustuose prae se ferendi potestatem inesse. Davis.

(2) Nomen hoc est nobilissimi instrumenti musici, cuius Ctesibius Alexandrinus repertor fuisse traditur: ita appellati quod eius fistulae ab aqua statim acciperent. Nam in aquam ima parte versae erant, qua commota

per-

potius, quam Platonis? expones, quae spectet florida,
& varia? fasciculum ad nares admovebis? incenses
odores? & fectis redimiri jubebis, & rosa? Si vero
aliquid etiam; cum plane luctum omnem absterferis?

Haec Epicuro consistenda sunt, aut ea, quae mo-
do expressa ad verbum dixi, tollenda de libro, vel
totus liber potius abiiciendus; est enim confectus vo-
luptatibus. Quaerendum igitur, quemadmodum aegri-
tudine privemus eum, qui ita dicat,

*Pol-mihi fortuna magis nunc desit, quam genus;
Namque regnum suppetebat mihi: ut scias quanto
e loco,*

*Quantis opibus, quibus de rebus, lapsa fortuna ac-
cidat.*

Quid? huic calix mulsi impingendus est, ut plorare de-
sinat, aut aliquid ejusmodi? Ecce tibi ex altera parte
ab eodem poeta:

*Ex opibus summis opis egens Hecuba tuae.
Huic subvenire debemus; quaerit enim auxilium.*

*Quid petam praesidi, aut exequar? quove nunc au-
xilium, aut fuga*

*Freta sum? arce, & urbe orba sum; quo accedam?
quo applicem?*

*Cui nec arae patriae domi stant; fractae, & dissi-
dae iacent:*

*Pana flamma deflagrata; costi alti stant parietes
Deformati, atque abiecti crispa*

Scis, quae sequantur; Et illud in primis,

Q. pa-

& perturbata ab adolescentulo quapiam, in illa spiritus
effundebatur, qui suavissimum sonum reddebat. Describi-
tur hoc accuratissime a Vitruvio, & omnino valde simile
perspicitur fuisse ei, quod nunc nos communi omnium
musicorum instrumentorum genere vulgo Organum appella-
mus, nisi quod in nostro nullus aquae est usus. Victor.

O pater, o patria, o Priami domus,
 Septum altifono cardine templum,
 Vidi ego te, adstante ope barbarica,
 Testis celatis, laqueatis,
 Auro, ebore instructam regifere.

O poëtam egregium! quanquam ab his cantoribus Euphorionis (1) contemnitur. Sentit omnia repentina, & nec opinata esse graviora. Exaggeratis igitur, Regis opibus, quae videbantur sempiternae fore, quid adjungit?

Haec omnia vidi inflammari;
 Priamo vi vitam evitari,
 Iovis aram sanguine turpari

Praeclarum carmen: est enim & rebus, & verbis, & modis lugubre; eripiamus huic aegritudinem: quomodo? collocemus in culcitra plumea, psalterium adducamus, hedychrum incendamus (2) demus scutellam dulciculae potionis; aliquid provideamus & cibi. Haec tandem bona sunt, quibus aegritudines gravissimae detrahantur? Tu enim paulo ante ne intelligere te quidem alia bona dicebas. Revocari igitur oportere a moerore ad cogitationem bonorum; conveniret mihi cum Epicuro, si, quid esset bonum, conveniret.

H

Di-

(1) Euphorion hic habebat quosdam ita debitos sibi amatores, ut eum praeferrent Ennio, & reliquis poetis, eiusque poemata studiose cantarent posthabitis aliorum poematibus. Beroald.

(2) Hedychium οὐρανία quaedam est rotularum, seu orbiculorum medicorum, quam illi appellant οὐρανίαν ὀνύχιδον, quod eleganti, & iucundo colore esset. Etsi autem ἀρώματις sit, idest odorata, tamen inter unguenta potius, quam odoramenta a Medicis recensetur. Alii legunt cedrum. Davis.

Dicet aliquis, quid ergo? tu Epicurum existimas ista voluisse, aut libidinosas ejus fuisse sententias? Ego vero minime; video enim ab eo dici multa severe, multa praeclare. Itaque, ut saepe dixi, de acumine ejus agitur, non de moribus; quamvis spernat voluptates eas, quas modo laudavit; ego tamen meminero, quod videatur ei summum bonum; non enim verbo solum posuit voluptatem, sed explanavit, quid diceret, *saporem*, inquit, *& corporum complexum, & ludos, atque cantus, & formas eas, quibus oculi iucunde moveantur*. Num fingo? Cupio refelli; quid enim laboro, nisi ut veritas in omni quaestione explicetur? At idem ait, non crescere voluptatem dolore detracto, summamque voluptatem nihil dolere. Paucis verbis tria magna peccata; unum, quod secum ipse pugnât, modo enim ne suspicari quidem se quicquam bonum, nisi sensus quasi titillarentur voluptate, nunc autem, summam voluptatem esse, dolore carere. Potestne magis secum ipse pugnare? alterum peccatum, quod, cum in natura tria sint, unum, gaudere; alterum, dolere; tertium nec gaudere, nec dolere, hic putat primum, & tertium idem esse, nec distinguit a non dolendo voluptatem. Tertium peccatum commune cum quibusdam, quod cum virtus maxime expetatur, ejusque adipiscendae causa philosophia quaesita sit, ille a virtute summum bonum separavit. At laudat, & saepe, virtutem. Et quidem C. Gracchus, cum largitiones maximas fecisset, & effudisset aerarium, verbis tamen defendebat aerarium. Quid verba audiam, cum facta videam? Piso ille frugi semper contra legem frumentariam dixerat. Is lege lata consularis ad frumentum accipiendum venerat, animadvertit Gracchus in concione Pisonem stantem. Quærit audiente populo Romano, qui sibi constet, cum ea lege frumentum petat, quam dissuaserat. Nolim, inquit, mea bona, Gracchê, tibi viritum dividere libeat, sed

sed si facias, partem petam. Parmene declaravit vir gravis, & sapiens, lege Sempronia patrimonium publicum dispensari? Lege orationes Gracchi: patrimonium agrarii esse dices. Negat Epicurus jucunde posse vivi, nisi cum virtute vivatur, negat ullam in sapientem vim esse fortunae, tenuem victum antefert copioso, negat ullum esse tempus, quo sapiens non beatus sit. Omnia philosopho digna, sed cum voluptate pugnantia. Non istam dicit voluptatem. Dicat quamlibet, nempe eam dicit, in qua virtutis nulla pars insit. Age, si voluptatem non intelligimus, ne dolorem quidem? nego igitur eas esse, qui dolorem summum malum metiamur, mentionem facere virtutis.

Et quaeruntur quidam Epicurei viri optimi (nam nullum genus est minus malitiosum) me studiose dicere contra Epicurum. Ita credo, de honore, aut de dignitate contendimus. Mihi summum in animo bonum videtur, illi autem in corpore; mihi in virtute, illi in voluptate. Et illi pugnant, & quidem vicinorum fidem implorant. Multi autem sunt, qui statim convolent; ego sum is qui dicam me non laborare, actum habiturum (i) quod egerint. Quid enim? de bello Punico agitur? de quo ipso cum aliud M. Cato ni, aliud L. Lentulo videretur, nulla inter eos contentio umquam fuit; hi nimis iracunde agunt, praeter-

H

(i) Proverbium est apud antiquos: Actum agam, actum agis pro eo quod est, nihil agam, nihil agis. Ne quando contendere volumus, dicere solemus, habituros nos ratum, & actum quidquid egerint adversarii. Be- roald. Lubens rescripserim, actum non habiturum, quod idem valet ac non approbaturum, aut in eorum sententiam pedibus non iturum. Sensus certe est commodas; neque enim Tullius illorum decreto calensam sanam addiceret; id quod prae se fert vulgata lectio. Davis.

sertim cum ab his non sanè animosa defendatur sententia, pro qua non in senatu, non in concione, non apud exercitum, neque apud Censores dicere audeant. Sed cum istis alias, & eo quidem animo, nullum, ut certamen instituum, verum dicentibus facile cedam. Tantum admoneo; si maxime verum sit, ad corpus omnia referre sapientem; sive, ut honestius dicam, nihil facere, nisi quod expediat; sive omnia referre ad utilitatem suam; quoniam haec plausibilia non sunt, ut in sinu gaudeat, gloriose loqui desinant.

Cyrenaicorum restat sententia; qui tum aegritudinem censent existere, si nec opinato quid evenerit. Est id quidem magnum, ut supra dixi, etiam Chrysippo, ita videri scio, quod provisum ante non sit, id fieri vehementius. Sed non sunt in hoc omnia; quamquam hostium repens adventus magis aliquanto conturbat, quam expectatus; & maris subita tempestas, quam ante provisa, terret navigantes vehementius; & ejusmodi sunt pleraque, sed cum diligenter nec opinatorum naturam consideres, nihil aliud reperias, nisi omnia subita videri majora; & quidem ob duas causas; primam, quam quanta sint quae accidunt considerandi spatium non datur; deinde, cum videtur praecavere potuisse, si provisum esset, quasi culpa contractum malum aegritudinem acriorem facit. Quod ita esse dies declarat, quae procedens ita mitigat, ut iisdem malis manentibus non modo laeniatur aegritudo, sed in plerisque tollatur. Carthaginienses multi Romae servierunt. Macedones rege Perse capto; vidi etiam in Peloponneso, cum essem adolescens, quosdam Corinthios. Hi poterant omnes eadem illa de Andromacha deplorare.

Haec omnia vidi. Sed & jam decantaverunt fortasse; eo enim erant vulgari oratione omni reliquo motu, & statim, ut eos Argivorum.

græcos; aut Sicionios diceret; magisque me moverant Corinthi subito aspectæ parietinæ, (1) quam ipsos Corinthios, quorum aliis diuturna cogitatio callum vetustatis obduxerat. Legimus librum Clitomachi, quem ille everfa Carthagine misit consolandi causa ad captivos cives suos. In eo est disputatio scripta Carneadis: quam se ait in commentarium retulisse. Cum ita positum esset, videri fore in negritudine sapientem, patria capta; quæ Carneades contra dixerit, scripta sunt. Tanto igitur calamitatis præsentis adhibetur a philosopho medicina, quanta inveteratae ne desideratur quidem; nec si aliquod annis post idem ille liber captivis missus esset, vulneribus mederetur; sed cicatricibus; sensim enim & pedetentim progrediens extenuatur dolor; non quo ipsa res immutari soleat, aut possit; sed id, quod ratio debuerat, usus docet, minora esse ea, quæ sint visa majora.

Quid ergo opus est, dicet aliquis, ratione, aut omnino consolatione ulla, quæ solemus uti, cum levare dolorem merentium volumus? hæc enim ferè tum habemus in promptu, nihil oportere inopinatum videri. Aut qui tollerabilius feret incommodum, qui cognoverit, necesse homini tale aliquid accidere? hæc enim oratio de ipsa summa mali nihil detrahit: tantum mori afferit, nihil evenisse, quod non opinandum fuisset. Neque tamen genus id orationis in consolando non valet: sed id haud sciam an plurimum. Ergo ista nec opinata non habent tantam vim, ut ægritudo ex his omnis oriatur: feriant enim fortasse gravius: non id effi-

(1) *Isidorus Orig. Lib. XV. cap. 8.* Parietinas dicimus quasi parietum ruinas. Sunt enim parietes stantes sine tecto, & sine habitantibus. *Hæc vox reperitur etiam ad Familiare Epist. 3. ac Libr. III. Epist. 1. Davis.*

efficiunt, ut ea, quae accident majora videantur, quia recentia sunt, majora videntur, non quia repentina. Duplex est igitur ratio veri reperiendi, non in iis solum, quae mala, sed in iis etiam, quae bona videntur. Nam aut de ipsius rei natura, qualis, & quanta sit, quaerimus, ut de paupertate nonnunquam, cujus onus disputando levamus, docentes, quam parva, & quam pauca sint, quae natura desideret: aut a disputandi subtilitate orationem ad exempla traducimus. Hic Socrates commemoratur, hic Diogenes, hic Caecilianum illud,

Saepe est etiam sub palliolo sordido sapientia.

Cum enim paupertatis una eademque sit vis, quidnam dici potest, quamobrem C. Fabricio tolerabilis ea fuerit, alii negent se ferre posse? Huic igitur alteri generi similis est ea ratio consolandi, quae docet humana esse, quae acciderint. Non enim id solum continet ea disputatio, ut cognitionem afferat generis humani, sed significat tollerabilia esse, quae & tulerint, & ferant caeteri.

De paupertate agitur: multi patientes pauperes commemorantur. De contemnendo honore: multi inhonorati proferuntur, & quidem propter idipsam beatiores. Forumque, qui privatum otium negociis publicis antetulerunt, nominatim vita laudatur: nec filetur illud potentissimi Regis Anapæstum, (1) qui laudat senem, & for-

(1) *Intelligit Agamemnonem. Est autem hoc carmen apud Euripidem Iphigenia in Aulide. Cum enim senex Agamemnoni fidelissimus vidisset illum silente nocte solum ambulante extra tentorium, miratur rei novitatem, & hortatur ut intra tellus se referat, cui sic Agamemnon respondet. Ζηλώσε γέρον ζηλώ δ' ἀνδρῶν θεοὶ κίνδυνον βίον ξεπεράει ἀγνοῦς ἀκλῆς τὸς δ' ἐν τιμῇ μαλλὼν ζηλώ. Quem locum hic Cicero eleganter expressit. Victor.*

& fortunatum esse dicit, quod inglorius sit atque ignobilis ad supremum diem perventurus. Similiter eorum memorandis exemplis orbites quoque liberorum prædicantur, eorumque qui gravius ferunt luctus; aliorum exemplis leniuntur: sic perpeffio caeterorum facit, ut ea quæ acciderint, multo minora, quam quanta sint existimata, videantur. Ita fit sensim cogitantibus, ut quantum sit eumentita opinio, appareat. Atque hoc idem & Telamo ille declarat,

Ego cum genui,

& Theseus,

Faturas mecum commentabar miseras:

& Anaxagoras, sciebam me genuisse mortalem. Si enim omnes diu cogitantes de rebus humanis, intelligebant eas nequaquam pro opinione vulgi esse extimescendas. Et mihi quidem videtur idem ferè accidere iis, qui ante meditantur, quod iis, quibus medetur dies: nisi quod ratio quaedam sanat illos, hos ipsa natura, intellecto eo, quod remedium illud continet, malum, quod opinatum sit esse maximum, nequaquam esse tantum, ut vitam beatam possit evertere. Hoc igitur efficitur, ut ex illo nec opinato plaga maior sit, non ut illi putant, ut cum duobus pares casus evenerint, is modo aegritudine afficiatur, cui, ille nec opinato casus evenerit. Itaque dicuntur nonnulli in moerore, cum de hac communi omnium conditione audissent, ea lege nos esse natos, ut nemo in perpetuum esse posset expertus mali, gravius etiam tulisse.

Quo circa Carneades, ut video nostrum scribere Antiochum, reprehendere Chrysippum solebat, laudantem Euripideum carmen illud,

Mortalis nemo est, quem non attingit dolor,

Morbusque; multi sunt humandi liberi,

Rursum creandi: morsque est finis omnibus;

Quæ generi humano angorem nequidquam affertunt,

Reddenda est terræ terræ: cum vita omnibus.

Metenda, ut fruges. Sic iubet necessitas. (1)

Negabat genus hoc orationis quidquam omnino ad levandam aegritudinem pertinere: id enim ipsum dolendum esse dicebat, quod in tam crudelem necessitatem incidissemus; nam illam quidem orationem ex commemoratione alienorum malorum ad malivolos consolandos esse accommodatam. Mihi vero longe videtur secus. Nam & necessitas ferendae conditionis humanæ quasi cum deo pugnare cohibet, admonetque esse hominem; quæ cogitatio magnopere luctum levat: & enumeratio exemplorum non ut animum malivolorum oblectet, affertur, sed ut ille, qui moeret, ferendum sibi id censeat, quod videat multos moderate, & tranquille tulisse: Omnibus enim modis fulciendi sunt, qui ruunt, nec cohaerere possunt propter magnitudinem aegritudinis. Ex quo ipsam aegritudinem λύπην Chrysippus, quasi solutionem totius hominis appellatam putat. Quæ tota poterit evelli explicata, ut principio dixi, causa aegritudinis: est enim nulla alia, nisi opinio, & iudicium megni praesentis, atque urgentis mali. Itaque & dolor corporis, cuius est morsus acerrimus, perfertur spe propofita boni; & æta ætas honeste, ac splendide tantam affert consolationem, ut eos, qui ita vixerint, aut non attingat aegritudo, aut perleviter pangat animi dolor.

Sed hanc opinionem magni mali cum illa etiam opinio accessit, oportere; rectum esse; ad officium pertinere, ferre illud, aegre quod acciderit; Tum denique efficitur illa gravis aegritudinis perturbatio. Ex hac opinione sunt illa varia, & detestabilia genera lugen-

(1) Euripidis sunt ex *Hypsipyla*, ut docet *Stobæus Serm. CVI. pag. 562.*, qui hosce versus parum emendatè laudat. Melius apud *Plutarchum Consol. ad Apoll. pag. 110. Davis.*

gendi, paedores, muliebres lacerationes genarum, pe-
toris, feminum, capitis percussiones. Hinc ille Aga-
memno Homericus, (1) & idem Accianus,

Scindens dolore idemtidem intonsam comam.

In quo faceretur illud Bionis, perinde stultissimum
Regem in luctu capillum sibi evellere, quasi calvitio
moeror levaretur. Sed haec omnia faciunt opinantes
ita fieri oportere. Itaque & Aeschines in Demosthe-
nem invehitur, (2) quod is septimo die post filiae
mortem hostias immolasset. At quam rhetorice? quam
copiose? quas sententias colligit? quae verba contor-
quet? ut licere quid vis rhetori intelligas; quae ne-
mo probarer, nisi insitum illud in animis haberemus,
omnes bonos interitu suorum quam gravissime moere-
re oportere. Ex hoc evenit, ut in animi doloribus alii
solitudines capient, ut ait Homerus de Bellerophonte.

Qui miser in campis moerens errabat Alois,

Ipse suum cor edens, hominum vestigia vitans. (3)

& Nioba fingitur lapidea, propter aeternum credo in
luctu silentium. Haecubam autem putant propter ani-
mi acerbiteratem quandam, & rabiem signi in canem
esse.

(1) Agamemnon apud Homerum. *Iliad.* K. 15.

Πολλὰς ἐκ κεφαλῆς προδελύμνῃ; ἐλκετο χεῖρας.
Davis.

(2) Haec sunt verba Aeschinis in orat. contra Ctes-
phonem. Huiusce facti causam, atque fontem refert
Plutarchus vit. Demosth. tom. II. pag. 847. Aeschines au-
tem non modo hostias immolasse; sed etiam coronam ges-
sisse Demostheni exprohavit, quod veteres in rebus tan-
tum Laetioribus νεφαστηφορίαν adhibebant. Davis.

(3) Hosce versus ex Euripide convertit Emilius, qui
Graece sic leguntur *Med.* v. 59.

ὦ παῖρ μὲν ὑπὸ λυγρῇ γῇ τε καὶ ὑπὸ λυγρῇ
ἀλγῇ πολλῇ δούρο Μεδείας τύχας. Davis.

esse conversam. Sunt autem alii quos in luctu cum ipsa solitudine loqui saepe delectat. Ut illa apud Ennium nutrix;

Cupido cepio miseram nunc me proloqui

Coelo atque terrae Medae miseras.

Haec omnia recta, vera, debita putantes, faciunt in dolore Maximeque declaratur, hoc quasi officii iudicio fieri. Quod si qui forte, cum in luctu esse velent, aliquid fecerunt humanius, aut si hilarius locuti sunt, revocant se rursus ad moestitiam, peccatique se insimulant, quod dolere intermiserint. Pueros vero matres, & magistri castigare etiam solent, nec verbis solum, sed etiam verberibus, si quid in domestico luctu hilarius ab iis factum est, aut dictum; plorare eos cogunt. Quid? ipsa remissio luctus cum est consecuta, intellectumque est nihil profici moerendo, nonne res declarat fuisse totum illud voluntarium? Quid ille Terentianus ipso se puniens, id est *ταυτορτιμωπόμενος*;

Decerni tantisper me minus iniuriae

Chremes meo gnato facere, dum fiam miser.

Hic decernit, ut miser sit. Num quis igitur quidquam decernit invitus?

Malo quidem me quovis dignum deputem.

malo se dignum deputat, nisi miser sit. Vides ergo opinionis esse, non naturae malum. Quid, quos res ipsa lugere prohibet? ut apud Homerum quotidianae necesse, interitusque multorum sedationem moerendi afferunt; apud quem ita dicitur,

Namque nimis multos, atque omni luce cadentes

Cervinus; ut nemo possit moerore vacare.

Quo magis est aequum tumulis mandare peremptos

Firmo animo, & luctum lacrymis finire diurnis.

Ergo in potestate est abicere dolorem, cum velis tempori servientem. An est ullam tempus, (quoniam quidem res in nostra potestate est), cui non ponendae curae,

curae, & aegritudinis causa serviamus? Constat, eos qui concidentem vulneribus Cn. Pompejum vidissent, cum illo ipso acerbissimo, miserrimoque spectaculo sibi timerent, quod se classe hostium circumfusos viderent, nihil tum aliud egisse, nisi ut remiges hortarentur, & ut salutem adipiscerentur fuga; posteaquam Tyrum venissent, tum afflictiari, lamentarique coepisse. Timor igitur ab iis aegritudinem potuit repellere, ratio ac sapientia vera non poterit?

Quid est autem, quod plus valeat ad ponendum dolorem, quam cum est intellectum nihil profici, & frustra esse susceptum? si igitur deponi potest, etiam non suscipi potest. Voluntate igitur, & iudicio suscipi aegritudinem consistendam est. Idque indicatur eorum patientia, qui cum multa sint saepe perpassi facilius ferant, quidquid accidit; obdurnisque sese contra fortunam arbitrantur; ut ille apud Euripidem,

Si mihi nunc tristis primum illuxisset dies,

Nec tam aerumnoso navigassem falo,

Esset dolendi causas ut iniecto equulei

Freno repente tactu exagitantur novo.

Sed iam subactis miseriis obtorpui.

Defatigatio igitur miseriarum aegritudines cum faciat leniores intelligi necesse est, non rem ipsam atque causam fontem esse moeroris. Philosophi summi, nec dum tamen sapientiam consecuti, nonne intelligant in summo se malo esse? sunt enim insipientes; neque insipientia ullum majus malum est; neque tamen lugens; quid ita? quia huic generi malorum non affigitur illa opinio, rectum esse, & aequum, & ad officium pertinere, aegre ferre, quod sapiens non sis. Quod idem affigimus huic aegritudini, in qua luctus inest; quae omnium maxima est. Itaque Aristoteles, veteres philosophos accusans, qui existimavissent, philosophiam suis ingeniis esse perfectam; ait eos aut stultissimos, aut glo-

riofsimos fuisse; sed se videre, quod paucis annis magna accessio facta esset, brevi tempore philosophiam planè absolutam fore. Theophrastus autem moriens accusasse naturam dicitur, quod cervis, & cornicibus vitam diuturnam, quorum id nihil interesset; hominibus, quorum maxime interfuisset, tam exiguum vitam dedisset; quorum si aetas potuisset esse longinquior, futurum fuisse, ut, omnibus perfectis artibus, omni doctrina hominum vita erudiretur. Querebatur igitur se cum illa videre coepisset extingui. Quid? ex caeteris philosophis, nonne optimus, & gravissimus quisque confiteretur, multa se ignorare? & multa sibi etiam atque etiam esse discenda? Neque tamen, cum se in media stulticia, qua nihil est pejus, haerere intelligant, aegritudine premuntur; nulla enim admiscetur opinio, officiosi doloris. Quid, qui non putant lugendum viris? (1) qualis fuit Q. Maximus efferens filium consularem; qualis L. Paulus, duobus paucis diebus amissis filiis; qualis M. Cato, praetore designato, mortuo filio: quales reliqui, quos in consolatione collegimus? Quid hos aliud placavit, nisi quod luctum, & moerorem esse non putabant viri? ergo id, quod alii rectum opinantes aegritudini se solent dedere, id ii turpe putantes, aegritudinem repulerunt. Ex quo intelligitur, non in natura, sed in opinione esse aegritudinem.

Con-

(1) Seneca viris nullum legitimum lugendi tempus constitutum esse tradit, quia nullum est honestum, cum animam foeminis ad lugendum instituerint maiores; non ut tum diu lugerent; sed ne longius. Laudant Luculentum scriptores, institutum illud Massiliensium, quo sine lamentatione, sine planctu cadavera efferuntur: luctus funeris die, domestico sacrificio, convivioque necessariorum addito finitur. Lycurgus in rebus fanebribus sustulit luctus, & lamentationes. Beroald.

Contra dicuntur haec. Quis tam demens, ut sua voluntate moereat? natura affert dolorem. Cui quidem Crantor, inquit, Noster cedendum putat; premit enim, atque instat, nec resisti potest. Itaque Oileus ille apud Sophoclem, qui Telamonem antea de Ajacis morte consolatus esset, is cum audisset de suo fractus est. De cujus commutata mente sic dicitur.

Nec vero tanta praeditus sapientia

Quisquam est, qui aliorum aerumnam dictis allevans,

Non idem, cum fortuna mutata impetum

Convertat, clude ut subita frangatur sua,

Ut illa ad alios dicta & praecepta excidant? (1)

Haec cum disputant, hoc student efficere, naturae obfisti nullo modo posse. Si tamen fatentur graviore aegritudines suscipi, quam naturam eogar. Quae igitur amentia, ut nos quoque idem ab aliis requiramus? sed plures sunt causae suscipiendi doloris. Primum illa opinio mali, quo viso atque persuaso aegritudo insequitur necessario. Deinde etiam gratum se mortuis facere, si graviter eos lugeant, arbitrantur. Accedit superstitio muliebris quaedam; (2) existimant enim diis immortalibus se facilius satisfacturos, si eorum plaga perculsi, afflictos se & stratos esse fateantur. Sed haec inter se quam repugnent, plerique non vident: laudant enim eos, qui aequo animo moriantur; qui alacrius mortem aequo animo ferant; eos putant vituperandos. Quasi fieri ullo modo possit, quod in amatorio sermone dici solet, ut quisquam plus alterum diffingat, quam se. Praeclarum illud est; & si quaeris, re-

cum

(1) Graeci versus apud Sophoclem non extant; mihi videntur ex deperdita fabula translatis, cui nomen Ajax. Adupōv. Ejus meminerunt A. Gellius N. A. Lib. XIII. Cap. 18. & Sakkas v. οὐλοῦς. Davis.

(2) Vide Tullium in II. de Nat. Deor. Beroald.

Quam quoque, & verum, ut eos, qui nobis carissimi esse debeant, aequè ac nosmetipsos amemus; at vero plus, fieri nullo pacto potest. Ne optandum quidem est in amicitia, ut me ille plus, quam se amet, ego illum plus, quam me. Perturbatio vitæ, si ita sit, atque officiorum omnium, consequatur.

Sed de hoc alias. Nunc illud satis est, non attribuerè ad amissionem amicorum miseriam nostram, ne illos plus quam ipsi velint, si sentiant; plus certe quam nosmetipsos diligamus. Nam, quod ajunt, plerisque, consolationibus nihil levare, adjunguntque consolatores ipsos confiteri se miseros, cum ad eos impetum suum fortuna converterit; utramque dissolvatur, sunt enim ista non naturæ vitia, sed culpæ. Stultitiam autem accusare quamvis copiose licet. Nam & qui non levantur, ipsi alios ad miseriam invitant; & qui suos casus aliter ferunt, atque ut aliis auctores ipsi fuerunt, non sunt vitiosiores, quam ferè plerique, qui avari avaros, gloriæ cupidos gloriosi reprehendant; est enim proprium stultitiæ aliorum vitia cernere, oblivisci suorum. Sed nimirum hoc maximum est experimentum, cum constet aegritudinem vetustate tolli, hanc vim non esse in die positam, sed in cogitatione diuturna. Nam & si eadem res est, & idem est homo: qui potest quidquam de dolore mutari, si neque de eo, propter quod dolet quidquam est mutatum, neque de eo, qui dolet? cogitatio igitur diuturna, nihil esse in re mali, dolori medetur, non ipsa diuturnitas.

Hic mihi afferunt mediocritates, quæ si naturales sunt, quid opus est consolatione? natura enim ipsa terminabit modum; sin opinabiles, opinio tota tollatur. Satis dictum esse arbitror, aegritudinem esse opinionem mali præsentis; in qua opinione illud insit, ut aegritudinem suscipere oporteat. Additur ad hanc diffinitionem a Zenone rectè, ut illa opinio præsentis mali sit

re-

recens. Hoc autem verbum sic interpretatur, ut non tantum illud recens esse velit, quod paulo ante acciderit, sed, quam diu in illo opinato malo visquedam insit, & vigeat, & habeat quandam viriditatem, tam diu appelletur recens; ut Artemisia illa Mausoli Cariae Regis uxor; (1) quae nobile illud Halicarnasi facit sepulcrum, quamdiu vixit, vixit in luctu, eodemque etiam confecta contabuit. Huic erat illa opinio quotidie recens: quae tum denique non appellabatur recens cum vetustate exaruit. Haec igitur officia sunt consolantium, tollere aegritudinem funditus, aut sedare, aut detrahere quam plurimum, aut suppressere, nec pati manare longius, aut ad aliam traducere. Sunt, qui unum officium consolantis putent, malum illud omnino non esse, ut Cleanthi placet. Sunt, qui non magnum malum, ut Peripatetici. Sunt, qui abducunt a malis ad bona, ut Epicurus. Sunt, qui satis putant ostendere, nihil inopinati accidisse, nihil mali. (2) Chrysippus autem caput esse censet in consolando, detrahere illam opinionem moerenti, si se officio fungi putet iusto, atque debito. Sunt etiam, qui haec omnia genera consolandi colligunt; alius enim alio modo movetur: ut ferè nos omnia in consolationem anam coniecimus: erat enim in tumore animus, & omnis in eo tentabatur curatio. Sed sumendum tempus est non minus in animo-

(1) De Artemisiae luctu mira refert A. Gellius, N. A. Lib. X. Cap. 18. Adi etiam Valerium Maximum Lib. IV. Cap. 5., 1, nec non Hieronymum adversus Iovin. Lib. I. Davis.

(2) Puto rectius, nihil novi; nam si legas mali ad Cleanthis rationem revolveris. Dixit enim Cap. 16. b. l. Animo sic excubat sapiens ut ei nihil improvisum accidere possit, nihil inopinatum, nihil novum. P. Manut.

animorum morbis, quam in corporum, ut Prometheus ille Aeschyli: cui cum dictum esset,

*Atqui, Prometheu, te hoc tenere existimo,
Mederi posse rationem iracundiae;*

Respondit,

*Si quidem qui tempestivam medicinam admovent,
Non ad gravescens vulnus illidat manus.*

Erit igitur in consolationibus prima medicina, docere aut nullum malum esse, aut admodum parvum altera & de communi conditione vitae, & propriae, si quid sit de ipsis, qui moereat, disputandum: tertia, summam esse stultitiam frustra confici moerore, cum intelligas nihil posse profici. Nam Cleanthes quidem, sapientem consolatur: qui consolatione non eget. Nihil enim esse malum, quod turpe non sit, si lugenti persuaseris, non tu illi luctum, sed stultitiam detraxeris. Alienum autem tempus docendi. Et tamen non satis mihi videtur vidisse hoc Cleanthes suspici aliquando aegritudinem posse ex eo ipso, quod esse summum malum Cleanthes ipse fateatur. Quid enim dicemus? cum Socrates Alcibiadi persuasisset, ut acceperimus, eum nihil hominis esse, nec quidquam inter Alcibiadem summo loco natum, & quemvis bajulum interesse; cum se Alcibiades affligeret, lacrymansque Socrati supplex esset, ut sibi virtutem traderet, turpitudinemque depelleret; quid dicemus Cleanthe? Num in illa re, quae aegritudine Alcibiadem afficiebat, mali nihil fuisse? Quid? illa Lyconis, qualia sunt? Qui aegritudinem extenuans, parvis ait eam rebus moveri, fortunae, & corporis incommodis, non animi malis. Quid ergo? illud, quod Alcibiades dolebat, non ex animi malis vitiisque constabat? Ad Epicuri consolationem satis est ante dictum.

Ne illa quidem consolatio firmissima est, quamquam & usitata est, & saepe prodest. Non tibi holi.

foli. Prodest haec quidem, ut dixi, sed nec semper, nec omnibus: sunt enim, qui respuant; sed refert, quo modo adhibeatur, ut enim tulerit quisque eorum, qui sapienter tulerunt; non quo quisque incommodo affectus sit, praedicandum est. Chrysippi ratio ad veritatem firmissima est, ad tempus aegritudinis difficilis. Magnum opus est, probare moerenti, illum suo iudicio, & quod se ita putet oportere facere, moerere. Nimirum igitur, ut in causis non semper utimur eodem statu, (sic enim appellamus controversiarum genera) sed ad tempus, ad controversiae naturam, ad personam accomodamus: sic in aegritudine lenienda, quam quisque curationem recipere possit, videndum est. Sed nescio quo pacto ab eo, quod erat a te propositum, aberravit oratio. Tu enim de sapiente quaesieras: cui ut malum videri nullum potest, quod vacet turpitudine; aut ita parvum malum, ut id obruatur sapientia, vixque appareat; qui nihil opinione affingat, assumatque ad aegritudinem; nec id putet esse rectum, se quam maxime excruciaci, luctuque confici; quo pravius nihil esse possit, edocuit tamen ratio, ut mihi quidem videtur, cum hoc ipsum proprie non quaereretur hoc tempore, num quod esset malum; nisi quod idem dici turpe posset; tamen ut videremus, quidquid esset in aegritudine mali, id non naturale esse, sed voluntario iudicio, & opinionis errore contractum. Tractatum est autem a nobis id genus aegritudinis, quod unum est omnium maximum, ut, eo sublato, reliquorum remedia ne magnopere quaerenda arbitraremur.

Sunt enim certa, quae de paupertate; certa, quae de vita inhonorata, & ingloria dici soleant. Separatim certae scholae sunt de exilio, de interitu patriae, de servitute, de debilitate, de caecitate, & de omni casu: in quo nomen poni solet calamitatis. Haec Graeci in singulas scholas, & in singulos libros dispersiunt:

opus enim quaerunt, quanquam plenae disputationes sunt delectationis. Et tamen ut medici toto corpore curando, minimae etiam parti, si condoluit, medentur: sic philosophia, cum universam aegritudinem sustulit, tamen si quis error aliunde extitit, si paupertas mordit, si ignominia pupugit, si quid tenebrarum offudit exilium (1) aut eorum, quae modo dixi, si quid extitit: etsi singularum rerum sunt propriae consolationes: de quibus audies tu quidem, cum voles; sed ad eundem fontem revertendum est, aegritudinem omnem procul abesse a sapiente, quod inanis sit, quod frustra suscipiatur, quod non natura exoriatur, sed iudicio, sed opinione, sed quadam invitatione ad dolendum, cum id decreverimus ita fieri oportere. Hoc detracto, quod totum est voluntarium, aegritudo erit sublata illa maerens; morsus tamen, & contractiunculæ quaedam animi relinquentur. Hanc dicant sane naturalem, dum aegritudinis nomen absit, taetram, funestum. Quod cum sapientia esset, atque, ut ita dicam, habitare nullo modo possit. Atqui stirpes sunt aegritudinis, quam multae, quam amarae, quae ipso trunco everso, omnes elidendae sunt, & si necesse erit, singulis disputationibus; superest enim nobis hoc, cuiusmodi est, etiam. Sed ratio una omnium est aegritudinum, plura nomina; nam & invidere aegritudinis est, & aemulari, & obtristare, & misereri, angi, lugere, moerere, erumna affici, lamentari, sollicitari, dolere, in molestia esse, affligi, desperare. Haec omnia definiunt Stoici; eaque

(1) Cicero in or. pro Domio sua exulem, ait, nomen esse calamitatis, non turpitudinis, ubi autem turpitudine non est, malum esse non potest ex Stoicorum decretis. Beroald.

eaque verba, quae dixi, singularum rerum sunt, non, ut videntur, easdem res significant, sed aliquid differunt; quod alio loco fortasse tractabimus. Hae sunt illae fibrae stirpium, quas initio dixi, praesecandae, & omnes elidendae, ne ulla unquam possit existere. Magnum opus, & difficile. Quis negat? Quid autem praecclarum, non idem arduum? sed tamen id se effecturam philosophia proficitur; nos modo curationem ejus recipiamus. Verum quidem haec hactenus. Caetera, quotiescumque voletis, & hoc loco, & aliis, parata vobis erant.



M. TULLII
CICERONIS
TUSCULANARUM
QUAESTIONUM
AD M. BRUTUM
LIBER QUARTUS.

DE RELIQUIS ANIMI PERTURBATIONIBUS.



Cum multis locis nostrorum hominum ingenia, virtutesque, Brute, soleo mirari, tum maxime his in studiis, quae sero admodum expetita, in hanc civitatem e Graecia transtulerunt, nam cum a primo urbis ortu, regiis institutis, partim etiam legibus, auspiciis, caeremoniae, comitia, provocationes, patrum consilium, equitum, peditumque descriptio, tota res militaris divinitus esset constituta; tum progressio admirabilis, incredibilisque cursus ad omnem excellentiam factus est, dominatu regio Republica liberata. Nec vero hic locus est, ut de moribus institutisque majorum, & disciplina, ac temperatione civitatis loquamur; aliis haec locis satis accurate a nobis dicta sunt, maximeque in iis sex libris, quos de Republica scripsimus. Hoc autem loco consideranti mihi studia doctrinae, multa san-

ne

ne occurrunt, cur ea quoque arcessita aliunde, neque solum expetita, sed etiam conservata, & culta videantur. Erat enim illis paene in conspectu praestanti sapientia, & nobilitate Pythagoras, qui fuit in Italia temporibus iisdem, quibus L. Brutus patriam liberavit praecclarus auctor nobilitatis tuae. Pythagorae autem doctrina cum longe, lateque fluere, permanavisse mihi videtur in hanc civitatem, idque cum conjectura probabile est, tum quibusdam etiam vestigiis indicatur. Quis est enim qui putet, cum floreret in Italia Graecia potentissimis, & maximis urbibus, ea, quae magna dicta est, in hisque primum ipsius Pythagorae, deinde postea Pythagoreorum tantum nomen esset, nostrorum hominum ad eorum doctissimas voces aures clausas fuisse? Quin etiam arbitror, propter Pythagoreorum admirationem, Numam quoque Regem Pythagoreum a posterioribus existimatum: nam cum Pythagorae disciplinam, & instituta cognosceret, Regisque ejus aequitatem, & sapientiam a majoribus suis accepissent; aetates autem & tempora ignorarent, propter vetustatem; eum, qui sapientia excelleret, Pythagorae auditorem fuisse crediderunt.

Et de conjectura quidem hactenus. Vestigia autem Pythagoreorum quanquam multa colligi possunt, paucis tamen utemur, quoniam non id agitur hoc tempore. Nam cum carminibus soliti illi esse dicantur, & praecepta quaedam occultius tradere, & mentes suas a cogitationum intentione cantu, fidibusque ad tranquillitatem traducere, gravissimus auctor in Originibus dixit Cato, morem apud majores hunc epularem fuisse, ut deinceps, qui accubarent, canerent ad tibiam clarorum virorum laudes, atque virtutes: ex quo perspicuum est, & cantus tum fuisse rescriptos vocum sonis, & carmina. Quanquam id quidem etiam XII. tabulae declarant, condi jam tum solitum esse carmen:

quod ne liceret fieri ad alterius injuriam, lege sanxerunt; nec vero illud non eruditorum temporum argumentum est, quod & deorum pulvinaribus, & epulis magistratuum fides praecinunt; quod proprium ejus fuit, de qua loquor, disciplinae. Mihi quidem & Appii Caeci carmen, quod valde Panaetius laudat epistola quadam, quae est ad Q. Tuberonem, Pythagoreorum videtur; multa sunt etiam in nostris institutis ducta ab illis; quae praetereo, ne ea, quae peperisse ipsi putamur, aliunde didicisse videamur. Sed ut ad propositum redeat oratio; quam brevi tempore quot & quanti poetae, qui autem oratores extiterunt? Facile ut appareat nostros, omnia consequi potuisse, simul ut velle coepissent. Sed de caeteris studiis alio loco & dicemus, si usus fuerit, & saepe diximus.

Sapientiae studium vetus id quidem in nostris; sed tamen, ante Lelii aetatem, & Scipionis, non reperio, quos appellare possim nominatim. Quibus adolescentibus Stoicum Diogenem, & Academicum Carneadem video ad Senatum ab Atheniensibus missos esse legatos, (1) qui cum Reipub. nullam unquam partem attigissent, essentque eorum alter Cyrenaeus, alter Babylonius; nunquam profecto scholis essent excitati,

(1) *Athenienses quondam tres Philosophos inclytos ad Senatum Rom. Legatos miserunt. Erant autem isti philosophi Carneades Academicus, Diogenes Stoicus Critolaus Peripateticus, quos ferunt seorsum quemque ostendendi gratia per celeberrima urbis Romae loca, magno hominum conventu disertavisse. Tum admirationi fuisse aiunt Rutilius, & Polybius philosophorum trium sui cuiusque generis facundiam. Violenta, inquiunt, & rapida Carneades dicebat, scita, & teretia Critolaus, modesta Diogenes, & sobria, qui in Senatum introducti usi sunt interprete Caecilio Senatore. Beroald.*

tati, neque ad illud munus electi, nisi in quibusdam principibus, temporibus illis fuissent studia doctrinae. Qui cum caetera literis mandarent, alii jus civile, alii orationes suas, alii monumenta majorum; hanc amplissimam omnium artium bene vivendi disciplinam vitam magis, quam literis persecuti sunt. Itaque illius verae, elegantisque philosophiae, quae ducta a Socrate in Peripateticis adhuc permansit, & idem alio modo dicentibus Stoicis, cum Academici eorum controversias disceptarent, nulla ferè sunt, aut pauca admodum latina monumenta, sive propter magnitudinem rerum, occupationemque omnium, sive etiam, quod imperitis ea probari posse non arbitrabantur; cum inter illis silentibus. C. Amasinius exitit dicens; cujus libris editis, commota multitudo contulit se ad eandem potissimum disciplinam; sive quod erat cognitu perfacilis, sive quod invitabatur illecebris blandae voluptatis, sive etiam, quia nihil prolatum erat melius, illud, quod erat, tenebant. Post Amasinium autem multi ejusdem aemuli rationis multa cum scripssissent, Italiam totam occupaverunt; quodque maximum argumentum est; non dici illa subtiliter, quod & facile ediscantur, & ab indoctis probentur; id illi firmamentum esse disciplinae putant.

Sed defendat quidem quod quisque sentit: sunt enim judicia libera: nos institutum tenebimus, nullisque unius disciplinae legibus astricti, quibus in philosophia necessario pareamus, quid sit in quaque re maxime probabile semper requiremos. Quod cum saepe alias, tum nuper in Tusculano studiose egimus. Itaque expositis tridui disputationibus, quartus dies hoc libro concluditur; ut enim in inferiorem ambulationem descendimus, quod idem feceramus superioribus diebus, sic acta res est. M. Dicat, si quis vult, de qua redisputare velit. A. Non mihi videtur omni animi per-

turbatione posse sapiens vacare. M. Aegritudine quidem hesternâ disputatione videbatur; nisi forte temporis causa assentiebare. A. Minime vero; nam mihi egregie probata est oratio tua. M. Non igitur existimas cadere in sapientem aegritudinem? A. Prorsus non arbitror. M. Atqui, si ista perturbare animum sapientis non potest, nulla poterit. Quid enim? metusne conturbet? At earum rerum est absentium metus, quarum praesentium aegritudo. Sublata igitur aegritudine, sublatus est metus. Restant duae perturbationes, lætitia gestiens, & libido; quae si non cadent in sapientem, semper mens erit tranquilla sapientis. A. Sic prorsus intelligo. M. Utrum igitur mavis? statimne nos vela facere, an quasi è portu egredientes paullulum remigare? A. Quidnam est istuc? non enim intelligo.

M. Quia Chrysippus & Stoici, cum de animi perturbationibus disputant, magnam partem in his patiendis, & definiendis occupati sunt; illa eorum perexigua oratio est, qua medeantur animis, nec eos turbulentos esse patiantur. Peripatetici autem ad placandos animos multa afferunt, spinas partiendi, & definiendi praetermittunt. Quaerebam igitur, utrum panderem vela orationis statim, an eam ante paullulum dialecticæ eorum remis propellerem. A. Isto modo vero; erit enim hoc totum, quod quaero, ex utroque perfectius. M. Est id quidem rectius; sed post requires, si quid fuerit obscurius. A. Faciam equidem. Tu tamen, ut soles, dices ista ipsa obscura planius, quam dicuntur a Graecis. M. Enitar quidem. Sed intento opus est animo, ne omnia dilabantur, si unum aliquod effugerit. Quoniam, quae Graeci *πᾶσι* vocant, nobis perturbationes appellari magis placet, quam morbos; in his explicandis veterem illam equidem Pythagoræ primum, deinde Platonis descriptionem sequar; qui animum in duas partes dividunt; alteram rationis partem

cipem faciunt, alteram expertem: in partecipe rationis ponunt tranquillitatem, id est placidam, quietamque constantiam: in illa altera motus turbidos tum irae, tum cupiditatis, contrarios, inimicosque rationi. Sit igitur hic fons. Uramur tamen in his perturbationibus describendis Stoicorum definitionibus, & partitionibus; qui mihi videntur in hac quaestione versari acutissime.

Est igitur Zenonis haec definitio, ut perturbatio sit, quod *πάθος* ille dicit, averfa a recta ratione contra naturam animi commotio. Quidam brevius, perturbationem esse appetitum vehementiorem dicunt; sed vehementiorem eum volunt esse, qui longius discesserit a naturae constantia. Partes autem perturbationum volunt ex duobus opinatis bonis nasci, & ex duobus opinatis malis; ita esse quatuor. Ex bonis libidinet, & laetitiam; ut sit laetitia praesentium bonorum, libido futurorum. Ex malis metum & aegritudinem nasci censent; metum, futuris, aegritudinem, praesentibus; quae enim venientia metuuntur, eadem afficiunt aegritudine instantia. Laetitia autem, & libido in bonorum opinione versantur; cum libido ad id, quod videtur bonum injecta, & inflammata rapiatur; laetitia, ut adepta jam aliquid concupitum, efferatur, & gestiat; natura enim omnes ea, quae bona videntur, sequuntur, fugiuntque contraria. Quamobrem simul objecta species cuiuspiam est, quod bonum videatur; ad id adipiscendum impellit ipsa natura. Id cum constanter prudenterque sit, ejusmodi appetitionem Stoici *Βούλησιν* appellant, nos appellamus voluntatem. Eam illi putant in solo esse sapiente: quam sic definiunt; voluntas est, quae quid cum ratione desiderat. Quae autem adversa ratione, incitata est vehementius, ea libido est, vel cupiditas effrenata; quae in omnibus stultis invenitur. Itemque, cum ita movemus, ut in bono simus aliquo, dupliciter id con-

contingit. Nam cum ratione animus movetur placide, atque constanter, tum illud gaudium dicitur: cum autem & inaniter, & effuse animus exultat, tum illa laetitia gestiens, vel nimia dici potest; quam ita definiunt, sine ratione animi elationem. Quoniamque ut bona natura appetimus, sic a malis natura declinamus; quae declinatio si cum ratione fiet, cautio appelletur, eaque intelligatur in solo esse sapiente; quae autem sine ratione & cum exanimatione humili, atque fracta, nominetur metus. Est igitur metus ratione adversa cautio. Praesentis autem mali sapientis affectio nulla est. Stulti autem aegritudo, est ea, qua afficiuntur in malis opinatis, animosque demittunt, & contrahunt, rationi non obtemperantes. Itaque haec prima definitio est; ut aegritudo sit animi, adversante ratione, contractio. Sic quatuor perturbationes sunt, tres constantiae, quoniam aegritudini nulla constantia opponitur.

Sed omnes perturbationes iudicio consent fieri, &
 opinione. (1) Itaque eas diffiniunt pressius, ut intelligatur
 non modo quam vitiose, sed etiam quam in nostra
 sint potestate. Est igitur aegritudo, opinio recens ma-
 li praesentis, in quo demitti contrahique animo re-
 ctum esse videatur. Laetitia, opinio recens boni prae-
 sentis, in quo efferri rectum esse videatur. Merus,
 opinio impendentis mali, quod intollerabile esse videat-
 ur. Libido, opinio venturi boni, quod, sit ex usu,

(1) *Id est κρίσει & δοξῇ de quo quidem non similiter Ζηνο; Nam ille τὰ πάντα dixit esse τῶν ἐπομένων τῇ κρίσει; hoc est τας ἐπιγίγνωμενας ταις κρίσει συσπλάς καὶ λύσεις. Quae quocumque modo interpretatus fuero melius, & planius Graecè dicentur; significantur autem animi contrationes, & dissolutiones, quae aliqua de re iudicium sequuntur, & excipiunt. Camerar.*

jam praesens esse, atque adesse. Sed quae judicia, quasque opiniones perturbationum esse dixi, non in eis perturbationes solum positas esse dicunt, verum illa etiam, quae efficiuntur perturbationibus, ut aegritudo quasi morsum aliquem doloris efficiat; metus recessum quendam animi, & fugam; laetitia profusam hilaritatem; libido, effrenatam appetentiam. Opinionem autem, quam in omnes diffinitiones superiores inclusimus, volunt esse imbecillam assensionem. Sed in singulis perturbationibus partes ejusdem generis plures subiiciuntur: ut aegritudini invidentia (utendum est enim docendi causa verbo minus usitato; quoniam invidia non in eo, qui invidet, solum dicitur; sed etiam in eo, cui invidetur) aemulatio, obrectatio, misericordia, angor, luctus, moeror, erumna, dolor, lamentario, sollicitudo, molestia, afflictatio, desperatio, & si quae sunt de genere eodem: sub metum autem subjecta sunt pigritia, pudor, terror, timor, pavor, exanimatio, conturbatio, formido. Voluptati malevolentia laetans malo alieno, delectatio, jactatio, & similia. Libidini, ira, excandescencia, odium, inimicitia, discordia, indigentia, desiderium & caetera ejusmodi. Haec autem definiunt hoc modo.

Invidentiam esse dicunt aegritudinem susceptam propter alterius res secundas, quae nihil noceat invidenti. Nam si quis doleat ejus rebus secundis, a quo ipse laedatur, non recte dicitur invidere: ut si Hectori, Agamemno: qui autem, cui alterius commoda nihil noceant, tamen eam doleat his frui, is invidet profecto. Aemulatio autem dupliciter illa quidem dicitur, ut in laude, & in vitio nomen hoc sit. Nam & imitatio virtutis aemulatio dicitur; sed ea nihil hoc loco utimur; est enim laudis; & est aemulatio aegritudo, si eo, quod concupierit, alius potiatur, ipse careat. Obrectatio autem est ea, quam intelligi zelorum

piam

piam volo: aegritudo, ex eo, quod alter quoque potiat, quod ipse concupiverit. Misericordia est aegritudo ex miseria alterius injuria laborantis: nemo enim parricidae aut proditoris supplicio misericordia commovetur. Angor est aegritudo premens. Luctus aegritudo ex eius, qui charus fuerit, interitu acerbo. Moeror aegritudo flebilis. Erumna aegritudo laboriosa. Dolor aegritudo crucians. Lamentatio aegritudo cum ejulatu. Sollicitudo aegritudo cum cogitatione. Molestia aegritudo permanens. Afflictatio aegritudo cum vexatione corporis. Desperatio aegritudo sine ulla rerum expectatione meliorum. Quae autem subiecta sunt sub metu, ea sic definiunt: Pigritiam metum consequentis laboris: Terrorem, metum concutientem, ex quo fit, ut pavorem rubor, terrorem pallor, & tremor, & dentium crepitus consequatur: Timorem, metum mali appropinquantis: Pavorem, metum mentem loco moventem; ex quo illud Ennii,

Tum pavor sapientiam mihi omnem exanimato expellat.

Exanimationem, metum subsequenter, & quasi comitem pavoris; Conturbationem, metum excutientem cogitata; Formidinem, metum permanentem.

Voluptatis autem partes hoc modo describunt, ut Malevolentia sit voluptas ex malo alterius sine emolumento suo. Delectatio voluptas suavitatem auditus animi delinens; & qualis est haec aurium, tales sunt oculorum, & tactuum, & odorationum, & saporum; quae sunt omnes unius generis, ad perfundendum animi tanquam illiquaefactae voluptates. Jactatio est voluptas gestiens, & se efferens insolentius. Quae autem libidini subiecta sunt, ea sic definiuntur, ut Ira sit libido poeniendi ejus, qui videatur laesisse injuria. Exandescencia autem sit ira nascens, & modo existens (1):

(1) *Quid differunt nascens & existens? Nugas*

quae θυμῶς Graece dicitur; Odium ira inveterata; Inimicitia ira ulciscendi tempus observans; Discordia ira acerbior, intimo odio, & corde concepta; Indigentia libido inexplibilis. Desiderium libido eius, qui nondum adfit, videndi. Distinguunt illud etiam, ut sit libido earum rerum, quae dicuntur de quodam, aut quibusdam, quae κατηγορηματα dialectici appellant; ut habere divitias (1), capere honores. Indigentia libido rerum ipsarum est, ut honorum, ut pecuniae. Omnium autem perturbationum fontem esse dicunt intemperantiam, quae est a tota mente, & a recta ratione defectio; sic averfa a praescriptione rationis, ut nullo modo appetitiones animi nec regi, nec contineri queant. Quemadmodum igitur temperantia sedat appetitiones, & efficit, ut hae rectae rationi pareant conservatque considerata judicia mentis; sic huic inimica intemperantia omnem animi statum inflamat, conturbat, incitat. Itaque & aegritudines, & metus, & reliquae perturbationes omnes gignuntur ex ea.

Quemadmodum cum sanguis corruptus est, aut pituita redundat, aut bilis; in corpore morbi, aegrotationesque nascuntur; sic pravarum opinionum conturbatio, & ipsarum inter se repugnantia sanitate animum spoliatur, morbisque perturbat. Ex perturbationibus autem primum morbi conficiuntur, quae vocant illi νόσηματα; eaque, quae sunt eis morbis contraria; quae habent ad res certas vitiosam offensionem, atque fastidium; deinde aegrotationes, quae appellantur a Stoicis

merae. Legend. ex duobus Pall. postremis, & modo desistens, hoc est cito decrescens, evanescens, ut in illo Propertii nec cito desisto, nec temere incipio. Gebhard.

(1) Alii habere divitias; cupere honores illo enim modo saepe scripsisse vet. ex permultis inscriptionibus patet. Ad Petr. Victorium in Ciceronis Famil. lib. VIII. Ep. 16. Davis.

cis ἀρρώστια; hisque item oppositae contrariae offensiones. Hoc loco nimium operae consumitur a Stoicis, maxime a Crysippo, dum morbis corporum comparatur morborum animi similitudo. Qua oratione minime necessaria praetermissa, ea, quae rem continent, pertractemus. Intelligatur igitur, perturbationem, iactantibus se opinionibus inconstanter & turbide, in motu esse semper, cum autem hic fervor, concitatioque animi inveteraverit, & tanquam invenis, medullisque infederit; tum existit & morbus, & aegrotatio, & offensiones eae, quae sunt eis morbis, aegrotationibusque contrariae.

Haec, quae dico, cogitatione inter se differunt, re quidem copulata sunt, eaque oriuntur ex libidine, & laetitia. Nam cum est concupita pecunia nec adhibita continuo ratio, quasi quaedam Socratica medicina, quae sanaret eam cupiditatem; permanat in venas, & inhaeret in visceribus illud malum, existitque morbus, & aegrotatio; quae avelli inveterata non possunt, eique morbo nomen est avaritia. Similiterque caeteri morbi, ut gloriae cupiditas, ut mulierositas, ut ita appellem eam, quae Graece φιλογυνεῖα dicitur, caeterique similiter morbi, aegrotationesque nascuntur: quae autem his sunt contraria, ea nasci putantur a metu, ut odium mulierum, quale in μισογυνῶ est (1), ut in hominum universum genus, quod accepimus de Timone, qui μισανθρωπος appellatur: ut inhospitalitas est, quae omnes aegrotationes animi ex quodam metu nascuntur earum rerum, quas fugiunt, & oderunt. Definiunt autem animi aegrotationem, opinionem vehementem de re non expetenda, tanquam valde

(1) Gebhardus hunc corruptissimum locum putat legendum, quale in μισογονῶ Attilii est, cui assensit Davissus.

valde experenda sit, inhaerentem & penitus insitam; quod autem nascitur ex offensione, ita definiunt. Opinionem vehementem de re non fugienda, inhaerentem, & penitus insitam, tanquam fugiendam, haec autem opinatio est, judicare se scire, quod nesciat. Aegrotationi autem talia quaedam subiecta sunt, avaritia, ambitio, mulierositas, pervicacia, liguritiô, vinolentia, cupedia, & si qua sunt similia. Est autem avaritia opinatio vehemens de pecunia, quasi petenda sit, inhaerens & penitus insita. Similisque est ejusdem generis diffinitio reliquarum. Offensionum autem definitiones sunt ejusmodi, ut inhospitalitas sit opinio vehemens, valde fugiendum esse hospitem, eaque inhaerens & penitus insita. Similiter definitur & mulierum odium, ut Hippolyti, & ut Timonis generis humani.

Atque ut ad valetudinis similitudinem veniam, eaque collatione utamur aliquando, sed parcius quam solent Stoici; ut sunt alii ad alios morbos procliviores (itaque dicimus gravedinosos quosdam, quosdam terminosos, non quia jam sint, sed quia saepe sint). Alii ad merum, alii ad aliam perturbationem. Ex quo in aliis anxietas, unde anxii; in aliis iracundia dicitur, quae ab ira differt; estque aliud iracundum esse, aliud iratum; ut differt anxietas ab angore; neque enim omnes anxii, qui anguntur aliquando: neque anxii, semper anguntur: ut inter ebrietatem, & ebriositatem interest, aliudque est esse amatorem, aliud amantem, atque haec aliorum ad alios morbos proclivitas late patet, nam pertinent ad omnes perturbationes. In multis etiam vitiis apparet, sed nomen res non habet, ergo invidi, & malevoli, lividi, & timidi, & misericordes, quia proclives ad eas perturbationes; non quia semper feruntur. Haec igitur proclivitas ad suam quodque genus a similitudine corporis aegrotatio dicitur, dum ea intelligatur ad aegrotandum proclivitas. Sed haec in bonis

bonis rebus, quod alii ad alia bona sunt aptiores, facilitas nominetur; in malis proclivitas, ut significet lapſionem, in neutris habeat ſuperius nomen.

Quo modo autem in corpore eſt morbus, eſt aegrotatio, & vitium; ſic in animo. Morbum appellant totius corporis corruptionem; aegrotationem morbum cum imbecillitate; vitium, cum partes corporis inter ſe diſſident. Ex quo pravitas membrorum, diſtortio, deformitas. Itaque illa duo, morbus, & aegrotatio, ex totius valetudinis corporis conquaſſatione, & perturbatione gignuntur, vitium autem, integra valetudine ipſum ex ſe cernitur. Sed in animo tantummodo cogitatione poſſumus morbum ab aegrotatione ſejungere. Vitioſitas autem eſt habitus, aut affectio in tota vita inconstans, & a ſe ipſa diſſentiens. Ita ſit, ut in altera corruptione opinionum morbus efficiatur, & aegrotatio; in altera inconstantia, & repugnantia: non enim omne vitium partes habet diſſidentes, (1) ut eorum, qui non longe a ſapientia abſunt: affectio eſt illa quidem diſcrepans ſibi ipſa, dum eſt inſipiens, ſed non diſtorta, nec prava. Morbi autem & aegrotationes partes ſunt vitioſitatis; ſed perturbationes ſuntne ejuſdem partes, quaestio eſt. Vitia enim affectiones ſunt manentes; perturbationes autem moventes, ut non poſ-

(1) *Hunc locum ſicco pede reliqui praetererunt interpretes: ſe non intelligere fatetur Joach. Camerarius. Me ſane quod attinet, haud capio qui omne vitium partes non habeat diſſidentes, cum eorum, qui non longe a ſapientia abſunt, affectio ſit illa diſcrepans ſibi ipſa; ſi enim vitium partes non habet diſſidentes, quomodo fieri poteſt, ut ſit affectio ſibi ipſa diſcrepans? Reſcribendum puto; etenim omne vitium partes habet diſſidentes, ac tum demum ſolvetur nodus, aut ſaltem ſecabitur. Davis,*

possint affectionum manentium partes esse. Atque ut in malis attingit animi naturam corporis similitudo, sic & in bonis; sunt enim in corpore praecipua, pulchritudo, vites, valetudo, firmitas, velocitas; sunt item in animo. Est enim corporis temperatio, cum ea congruant inter se, & quibus constamus, sanitas; sic animi dicitur, cum ejus judicia, opinionesque concordant, eaque est animi virtus: quam alii ipsam temperantiam dicunt esse, alii obtemperantem temperantiae praeceptis, & eam subsequenter, nec habentem ullam speciem suam; sed, siue hoc, siue illud sit, in solo esse sapiente. Est autem quaedam animi sanitas, quae in insipientem etiam cadat, cum curatione medicorum perturbatio mentis aufertur. Et, ut corporis est quaedam apta figura membrorum, cum coloris quadam suavitate, eaque dicitur pulchritudo; sic in animo opinionum, judiciorumque aequabilitas, & constantia, cum firmitate quadam, & stabilitate virtutem subsequens, aut virtutis vim ipsam continens, pulchritudo vocatur. Itemque viribus corporis, & nervis, & efficacitati similes similibus quoque verbis animi vites nominantur. Velocitas autem corporis, celeritas appellatur, quae eadem ingenii etiam laus habetur propter animi multarum rerum brevi tempore percursionem.

Illud animorum, corporumque dissimile est, quod animi valentes morbo tentari non possunt, corpora possunt; sed corporum offensiones sine culpa accidere possunt, animorum non item. Quorum omnes morbi, & perturbationes ex aspernatione rationis eveniant; itaque in hominibus solum existunt; nam bestiae simile quiddam faciunt, sed in perturbationes non incidunt. Inter acutos autem, & habetes interest, quod ingeniosi, ut aes Corinthium in aeruginem, sic illi in morbum & incidunt tardius, & recreantur ocius; hebetes non item. Nec verò in omnem morbum, ac pertur-

bationem animus ingeniosi cadit; non enim multa efferata, & immania; quaedam autem humanitatis quoque habent primam speciem, ut misericordia, aegritudo, metus. Aegrotationes autem, & morbi animorum difficilijus evelli posse putantur, quam summa illa vitia, quae virtutibus sunt contraria: morbis enim manentibus, vitia sublata esse non possunt, quia non tam celeriter sanantur, quam illa tolluntur. Habes ea, quae de perturbationibus enucleate disputant Stoici; quae logica appellant, quia disseruntur subtilius. E quibus quoniam tanquam è scrupulosis cotibus enavigavit oratio, reliquae disputationis cursum teneamus; modo satis illa dilucide dixerimus pro rerum obscuritate. A. Prorsus satis: sed si qua diligentius erunt cognoscenda, quaeremus alias; nunc vela, quae modo dicebas, expectamus, & cursum.

M. Quando & alijs locis de virtute diximus, & saepe dicendum erit (pleraeque enim quaestiones, quae ad vitam moresque pertinent, a virtutis fonte ducuntur) quando igitur virtus est affectio animi constans conveniensque, laudabiles efficiens eos, in quibus est, & ipsa per se, sua sponte, separata etiam utilitate, laudabilis; ex ea proficiuntur honestae voluntates, sententiae, actiones, omnisque recta ratio: quamquam ipsa virtus brevissime recta ratio dici potest. Hujus igitur virtutis contraria est vitiositas; sic enim malo, quam malitiam appellare eam, quam Graeci *κακία* appellant; nam malitia certi cujusdam vitij nomen est; vitiositas omnium, ex qua concitantur perturbationes, quae sunt, ut paulo ante diximus, turbidi animorum, concitati que motus, aversi a ratione, & inimicissimi mentis, vitaeque tranquillae: important enim aegritudines anxias, atque acerbas, animosque affligunt, & debilitant metu. Idem inflammant appetitione nimia; quam tum cupiditatem, tum libidinem dicimus, impoten-

potentiam quandam animi a temperantia, & moderatione plurimum dissidentem. Quae si quando adepta est id, quod ei fuerit concupitum; tum fert alacritatem, (1) ut nihil esse constet, quod agat; ut ille, qui voluptatem animi nimiam summum esse errorem arbitratur. Eorum igitur malorum in una virtute posita sanatio est.

Quid autem est non miserius solum, sed foedius etiam, & deformius, quam aegritudine quis afflictus, debilitatus, jacens? cui miseriae proximus est is, qui appropinquans aliquod malum metuit, exanimatusque pendet animi: Quam vim significantes mali, poetae impendere apud inferos saxum Tantalo faciunt.

Ob scelera, animique impotentiam, & superbiloquentiam.

Ea communis poena stultitiae est: omnibus enim quorum mens abhorret a ratione, semper aliquid, aliis dolor, aliis terror impendet. Atque ut hae tabificae mentis perturbationes sunt, aegritudinem dico, & metum; sic hilariores illae, cupiditas avide semper aliquid expetens, & inanis alacritas, id est laetitia gestiens, non multum differunt ab amentia. Ex quo intelligitur, qualis ille sit, quem tum moderatum, alias modestum, & temperantem, alias constantem continentemque dicimus. Nonnunquam haec eadem vocabula ad frugalitatis nomen, tanquam ad caput, referre volumus. Quod nisi eo nomine virtutes continerentur, nunquam illud ita pervulgatum esset, ut jam proverbii locum obtineret. hominem frugi omnia recte facere. Quod idem cum Stoici de sapiente dicunt, nimis admirabiliter, nimisque magnifice dicere videntur.

Ergo is, quisquis est, qui moderatione, & constantia quietus animo, est sibi ipse placatus, ut nec tabescat molestiis, nec frangatur timore, nec sitienter

K 2

quid

(1) *Repono*, cum effertur alacritate. Davis.

quid expetens ardeat desiderio, nec alacritate fustill gestiens deliquescat, is est sapiens, quem quaerimus; is est beatus, cui nihil humanarum rerum, aut intolerabile ad demittendum animum, aut nimis laetabile ad efferendum videri potest. Quid enim videatur ei magnum in rebus humanis, cui aeternitas omnis, totiusque mundi nota sit magnitudo? nam quid aut in studiis humanis, aut in tam exigua vitae brevitate magnum sapienti videri potest, qui semper animo sic excubat, ut ei nihil improvisum accidere possit, nihil inopinatum, nihil omnino novum? Atque idem ita acrem in omnes partes aciem intendit, ut semper videat sedem sibi, ac locum sine molestia, atque angore vivendi, ut quemcumque casum fortuna invexerit, hunc apte & quiete ferat. Quod qui faciet, non aegritudine solum vacabit, sed etiam perturbationibus reliquis omnibus. His autem vacuus animus perfecte atque absolute beatos efficit; idemque concitatus, & abstractus ab integra, certaue ratione, non constantiam solum amittit, verum etiam sanitatem. Quo circa mollis & enervata putanda est Peripateticorum ratio, & oratio, qui perturbari animos necesse esse dicunt, (1) sed adhibent modum quendam, quem ultra progredi non oporteat. Modum tu adhibes vitio? an vitium nullum est, non parere rationi? an ratio parum praecipit, nec bonum illud esse, quod aut cupias ardentius, aut adeptus te efferas insolenter? nec porro malum, quo aut oppressus jaceas, aut, ne opprimare, men-

(1) Ita statuere Peripatetici, quod illi, ut & reliqui antiqui Philosophi, perturbationes naturales esse censuerunt, ut docet Cicero Acad. Quæst. Lib. I. Cap. 10. Contra Stoici affectus indicio, & opinione susceptos putant, idcircoque contendunt eos extirpari posse radicibus; Vide Justi Lipsii Manud. Lib. III. Davis.

mente vix constes? eaque omnia aut nimis tristitia, aut nimis laeta errore fieri? qui si error stultis extenuetur die, ut, cum res eadem maneat, aliter ferant inveterata, aliter recentia; sapientes ne attingat quidem omnino. Etenim quis erit tandem modus ille? Quæramus enim modam aegritudinis, in quo operae plurimum ponitur. Aegre tulisse P. Rutilium fratris repulsam consularis scriptum apud Fannium est; sed tamen transisse modum videtur, quippe qui ob eam causam a vita recesserit. Moderatius igitur ferre debuit. Quid, si, cum id ferret modice mors liberorum accessisset? nata esset aegritudo nova, sed ea modica; magna tamen facta esset accessio. Quid si deinde dolores graves corporis, si bonorum amissio, si caecitas, si exilium, si pro singulis malis aegritudines accederent? summa ea fieret, quae non sustineretur.

Qui modum igitur vitio quaerit, similiter facit, ut si posse putet eum, qui se è Leacade (1) praecipitaverit sustinere se, cum velit: ut enim id non potest, sic animus perturbatus, & incitatus nec cohibere se potest, nec, quo loco vult insistere omnino: quaeque crescentia perniciofa sunt, eadem sunt vitiosa nascentia. Aegritudo autem caeteraeque perturbationes amplificatae certe pestiferae sunt: igitur etiam susceptae continuo in magna pestis parte versantur; etenim ipsae se impellant, ubi semel a ratione discéssum est; ipsaeque sibi imbecillitas indulget, in altumque provehitur imprudens, nec reperit locum consistendi; quamobrem

K 3

nihil

(1) *Eleganti similitudine ostendit Cicero, animum perturbatione impulsum cohibere se non posse. Est autem in Epiro Leucadium Littus, Promontorium Leucates, ubi est petra eiusdem nominis albicanti colore in pelagus porrecta, saltus ex illa olim ad amores sedandos valere credebantur. Beroald.*

nihil interest, utrum moderatas perturbationes approbent, an moderatam injustitiam, moderatam ignaviam, moderatam intemperantiam, qui enim vitiis modum apponit is partem suscipit vitiorum. Quod eum ipsum per se odiosum est, tum eo molestius, quia sunt in lubrico, incitataque semel in proclive labantur, sustinereque nullo modo possunt.

Quid, quod iidem Peripatetici perturbationes istas, quas nos extirpandas putamus, non modo naturales esse dicunt, sed etiam utiliter a natura datas? Quorum est talis oratio. Primum multis verbis iracundiam laudant, corem fortitudinis esse dicunt; multoque, & in hostem, & in improbum civem vehementiores iratorum impetus esse: leves autem ratiunculas eorum, qui ita cogitarent: praelium rectum est hoc fieri; convenit dimicare pro legibus, pro libertate, pro patria. Haec nullam habent vim, nisi ira excanduit fortitudo. Nec vero de bellatoribus solum disputant; imperia severiora nulla esse putant sine aliqua acerbitate iracundiae; oratorem denique non modo accusantem, sed ne defendentem quidem probant sine aculeis iracundiae, quae etiam si non adsit, tamen verbis atque motu simulandam arbitrantur, ut auditoris iram oratoris incendat actio. Virum denique videri negant, qui irasci nesciat. Eamque, quam laenitatem nos dicimus, vitioso lentitudinis nomine appellant. Nec vero solum hanc libidinem laudant (est enim ira, ut modo definivi, ulciscendi libido) sed illud ipsum genus vel libidinis, vel cupiditatis ad summam utilitatem esse dicunt a natura datum; nihil enim quemquam, nisi quod libeat, praeclare facere posse. Noctu ambulabat in publico Themistocles, quod somnum capere non posset; quaerentibusque respondebat, Miltiadis trophaeis se e somno suscitari: Cui non sunt audita Demosthenis vigiliae? qui dolere se ajebat, si quando opificum antelucana victus esset

esset industria. Philosophiae denique ipsius principes nunquam in suis studiis tantos progressus sine flagranti cupiditate facere potuissent. Ultimas terras lustrasse Pythagoram, Democritum, Platonem accepimus? ubi enim quid esset, quod disci posset, eo veniendum iudicaverunt. Num putamus haec fieri sine summo cupiditatis ardore potuisse?

Ipsam aegritudinem, quam nos ut taetram, & immanem beluam fugiendam esse diximus, non sine magna utilitate a natura dicunt constitutam, ut homines castigationibus, reprehensionibus, ignominiiis affici se in delicto dolerent, impunitas enim peccatorum data videretur eis, qui & ignominiam, & infamiam ferunt sine dolore; morderi est melius conscientia, ex quo est illud e vita ductum ab Afranio. (1) Nam cum dissolutus filius,

Heu me miserum!

Tum severus pater;

Dummodo doleat aliquid, doleat quod lubet.

Reliquas quoque partes aegritudinis utiles esse dicunt; misericordiam ad opem ferendam, & calamitates hominum indignorum sublevandas; ipsum illud aemulari, obtestare non esse inutile, cum aut se non idem videat

K 4

deat

(1) Poeta hic fuit conditor togatarum clarissimus, de quo Horatius.

Dicitur Afrani toga convenisse Menandro.

Hunc, ait Quintilianus inquinasse argumenta faedis amoribus puerorum. Inducebatur ab Afranio in fabula dissolutus filius, qui castigatus a patre, & conscientia reple affectus, ita dolenter loquitur. Heu miserum me! Quo audito pater laetatus, quod filium dolentem ex delicto videret, subiunxit. Doleat quod lubet, dummodo aliquid doleat. Ostendens aegritudinem salubriter constitutam esse. Beroald.

deat consecutum, quod alium, aut alium idem, quod se; metum vero si quis sustulisset, omnem vitae diligentiam sublata fore, quae summa esset in eis, qui leges, qui magistratus, qui paupertatem, qui ignominiam, qui mortem, qui dolorem timerent. Haec tamen ita disputant, ut refecanda esse fateantur, evelli penitus dicant nec posse, nec opus esse; ut in omnibus fere rebus mediocritatem esse optimam existiment. Quae cum exponunt, nihilne tibi videntur, an aliquid dicere? A. Mihi vero dicere aliquid: itaque expecto, quid ad ista.

M. Reperiam fortasse, sed illud ante. Videsne, quanta fuerit apud Academicos verecundia? plane enim dicunt, quod ad rem pertineat. Peripateticis respondetur a Stoicis. Digladientur illi, per me licet; cui nihil est necesse, nisi ubi sit illud, quod verisimillimum videatur, anquirere: quid est, igitur, quod occurrat in hac quaestione, e qua possit attingi aliquid verisimile, quo longius mens humana progredi non potest? definitio perturbationis, qua recte Zenonem usum puto. Ita enim definit, ut perturbatio sit adversa ratione, contra naturam, animi commotio; vel brevius, ut perturbatio sit appetitus vehementior; vehementior autem intelligatur is, qui procul absit a naturae constantia. Quid ad has definitiones possim dicere? Atqui haec pleraque sunt prudenter acuteque differentium, illa quidem ex rhetorum pompa, ardores animorum, cotesque virtutum; an vero vir fortis, nisi stomachari coeperit, non potest fortis esse? Gladiatorium id quidem quanquam in eis ipsis videmus saepe constantiam. Colloquuntur, congregiuntur, queruntur, aliquid postulant, ut magis placati, quam irati esse videantur. Sed in illo genere sit sane Pacideianus aliquis hoc animo, ut narrat Lucilius.

Occi-

Occidam illum equidem, & vincam, si id quaeritis, inquit,

*Verum illud credo fore, in os prius accipiam ipse,
Quam gladium in stomacho, sura ac pulmonibus sisto.
Odi hominem: iratus pugno: nec longius quidquam
Nobis, quam dextrae gladium dum accommodet alter:
Usque adeo studio, atque odio illius, efferor ira.*

Ac sine hac gladiatoria iracundia videmus progredientem apud Homerum Ajacem multa cum hilaritate, cum depugnaturus esset cum Hectore. Cujus, ut arma sumpsit, ingressio laeticiam attulit sociis, terrorem autem hostibus; ut ipsam Hectorem, quemadmodum est apud Homerum, toto pectore trementem provocasse ad pugnam poeniteret. Atque hi collocuti inter se, priusquam manum confererent, leniter & quiete, nihil ne in ipsa quidem pugna iracunde, rabioseve fecerunt. Ego ne Torquatum quidem illum, qui hoc cognomen invenit, iratum existimo Gallo torquem detraxisse; nec Marcellum apud Clastidium ideo fortem fuisse, quia fuerit iratus. De Africano quidem, quia notior est nobis propter recentem memoriam, vel jurare possum, non illum iracundia tum inflammatum fuisse, cum in acie M. Halienum Pelignum scuto protexerit, (1) gladiumque hosti in pectus infixerit. De L. Bruto fortasse dubitarim, an propter infinitum odium tyranni

(1) *Ut priores illae, quas tetigit Noster, historiae sunt notissimae; ita huiusce facti nulla apud alios scriptores restat memoria. Vulgatam tamen lectionem, quae M. Halienum praefert mutare non dubitavi; nam codex Vatic. Mallienum, Pal. Mallyenium. Petrens. Allienum eoque adludunt reliqui MSS. qui alienum repraesentant. Nomen est Romanum. Sic apud Gruterum pag. 241. memoratur C. Allienus Epigonus. Ac pag. 128., 3. Ti Allieni Sicini Quintiani sit mentio. Davis.*

ranni effrenatius in Aruntem invaserit; video enim utrumque comminus idu cecidisse contrario. Quid igitur huc adhibetis iram? an fortitudo, nisi insanire coeperit, impetus suos non habet? quid? Herculem, quem in coelum ista ipsa, quam vos iracundiam esse vultis, sustulit, fortitudo, iratumne censes conflixisse cum Erymanthio apro, aut Leone Nemaëo? an etiam Theſeus Marathonii tauri cornua comprehendit iratus? vide, ne fortitudo minime sit rabiosa, sitque iracundia tota levitatis. Neque enim est ulla fortitudo. Quae rationis experta est.

Contemnendae sunt humanae res: negligenda mors est; patibiles & dolores, & labores purandi. Haec cum constituta sint iudicio, atque sententia, tum est robusta illa, & stabilis fortitudo; nisi forte quae vehementer, acriter, animosè sunt, iracunde fieri suspicamus. Mihi vero ne Scipio quidem ille, Pontifex maximus, qui hoc Stoicorum verum esse declaravit, nunquam privatum (1) esse sapientem; iratus videtur fuisse T. Gracchus, tum, cum Consulem languentem reliquit, atque ipse privatus, ut si consul esset, qui Remp. salvam esse vellet, se sequi iussit. Nescio, ecquid ipsi nos fortiter in Rep. fecerimus. Si quid fecimus, certe irati non fecimus. An est quidquam similis insaniae, quam ira? quam bene Ennius initium dixit insaniae. Color, vox, oculi, spiritus, impotentia dictorum, atque factorum, quam partem habent sanitatis? quid Achille Homérico foedius? quid Agamemnone in iurgio? nam Ajacem quidem ira ad furorem mortemque perduxit. Non igitur desiderat fortitudo adveniatam iracundiam. Satis est instructa, armata, parata per sese.

Nam

(1) Alii iratum, at inepte: nam solos sapientes esse Magistratus iactabant Stoici. Vide Justum Lipsium *Mañd. ad Philos. Stoic. Davis.*

Nam isto modo quidem licet dicere, utilem vinolentiam ad fortitudinem, utilem etiam dementiam, quod & infani, & ebrii multa faciunt saepe vehementius,

Semper Ajax fortis, fortissimus tamen in furore;

Nam facinus fecit maximum, cum, Danais inclinantibus,

Summam rem perfecit manus, praelium, restituit insaniens.

Dicamus igitur utilem insaniam. Tracta definitionem fortitudinis: intelliges eam stomacho non egere. (1) Fortitudo est igitur animi affectio, legi summae in perpetiendis rebus, obtemperans, vel conservatio stabilis iudicii in eis rebus, quae formidolosae videntur, subeundis, & repellendis; vel scientia rerum formidolosarum, contrariarumque perferendarum, aut omnino negligendarum, conservans earum rerum stabile iudicium; vel brevius, ut Chrysippus. Nam superiores definitiones erant Sphaeri, hominis in primis bene definientis, ut putant Stoici; sunt enim omnino omnes ferè similes: sed declarant communes notiones alia magis alia. Quo modo igitur Chrysippus? fortitudo est, inquit, scientia perferendarum rerum, vel affectio animi in patiendo, ac perferendo, summae legi parens sine timore. Quamvis licet insectemur istos, ut Carneades solebat; metuo ne soli philosophi sint. Quae enim istarum definitionum non aperit notionem nostram, quam habemus omnes de fortitudine, testam, atque involutam? qua aperta, quis est, qui aut bellatori, aut imperatori, aut oratori quaerat aliquid, deque eos existimet sine rabie quidquam fortiter facere posse? Quid? Stoici, qui omnes insipientes insanos esse dicant, nonne

(1) *Stomachus hic iram denotat, ut & alibi apud Ciceronem. Sic μῆνιν Πηληϊάδεω Horatius Lib. 1. Od. 6. Polidae stomachum versis. Davis.*

ne ista colligunt? remove perturbaciones, maximeque iracundiam; jam videbuntur monstra dicere. Nunc autem ita differunt, sic se dicere, omnes stultos insanire, ut male olere omne coenum. At non semper. Commove; senties. Sic iracundus non semper iratus est. Lacesse; jam videbis furem. Quid? ista bellatrix iracundia, cum domum rediit, qualis est cum uxore? cum liberis? cum familia? an tum quoque est utilis? est igitur aliquid, quod conturbata mens melius possit facere, quam constans? an quisquam potest sine perturbatione mentis irasci? bene igitur nostri, cum omnia essent in morbis vitia, quod nullum erat iracundia foedius, iracundos solos morbosos nominaverunt.

Oratorem vero irasci minime decet; simulare non dedecet. An tibi irasci tum videmur, cum quid in causis acrius, & vehementius dicimus? quid? cum jam rebus transactis, & praeteritis orationes scribimus, num irati scribimus?

Ecquis hoc animadvertit? Vincite, num aut egisse unquam iratum Aesopum, aut scripisse existimamus iratum Accium? aguntur ista praeclare, & ab oratore quidem melius, si modo est orator, quam ab ullo histrione; sed aguntur leniter, & mente tranquilla. Libidinem vero laudare, cujus est libidinis? Themistoclem, & Demosthenem mihi profertis; additis Pithagoram, Democritum, Platonem. Quid? vos studia libidinem vocatis? quae vel optimarum rerum, ut ea sunt, quae profertis, sedata tamen, & tranquilla esse debent. Jam aegritudinem laudare unam rem maxime detestabilem, quorum est tandem philosophorum? At commode dixit Afranius.

Dummodo doleat aliquid, d leat quod lubet;

Dixit enim de adolescente perditio, ac dissolutio; nos autem ad constanti viro, ac sapienti quaerimus. Et quidem illam ipsam iram centurio habeat, aut signifer,

fer, vel caeteri, de quibus dici non necesse est, ne rhetorum aperiamus mysteria. Utile est enim uti motu animi, qui uti ratione non potest; nos autem, ut testificor saepe, de sapiente quaerimus.

At etiam aemulari utile est, obtractare, misereri. Cur misereare potius, quam feras opem, si id facere possis? an sine misericordia liberales esse non possumus? non enim suscipere ipsi aegritudines propter alios debemus; sed alios, si possumus, levare aegritudine. Obtractare vero alteri, aut illa vitiosa aemulatione, quae rivalitati similis est, aemulari quid habet utilitatis, cum sit aemulantis, angi alieno bono, quod ipse non habeat; obtractantis autem angi alieno bono, quod id etiam alius habeat? quis id approbare possit, aegritudinem suscipere pro experientia, si quid habere velis? nam solum habere velle, summa dementia est. Mediocritates autem malorum quis laudare recte possit? quis enim potest, in quo libido, cupiditasve sit, non libidinosus & cupidus esse? in quo ira, non iracundus? in quo angor, non anxius? in quo timer, non timidus? libidinosum igitur, & cupidum, & iracundum, & anxium, & timidum censemus esse sapientem? de cujus excellentia multa quidem dici quamvis fuisse, lateque possunt; sed brevissime illo modo, sapientiam esse rerum divinarum, & humanarum scientiam, cognitionemque, quae causa cujusque rei sit; ex quo efficitur, ut divina imitetur, humana omnia inferiora virtute ducat. In hanc tu igitur, tanquam in mare, quod est ventis subjectum, perturbationem cadere tibi dixisti videri? quid est, quod tantam gravitatem, constantiamque perturbet? an improvisum aliquid, aut repentinum? quid potest accidere tale, & cui nihil, quod homini evenire possit? Nam quod ajunt nimia refecari oportere, naturalia relinqui: quid tandem potest esse naturale, quod idem nimium esse possit? sunt enim omnia

nia ista ex errorum orta radicibus. Quae evellenda, & extrahenda penitus, non circumcidenda, nec amputanda sunt.

Sed quoniam suspicor te non tam de sapiente, quam de te ipso quaerere (illum enim putas omni perturbatione esse liberum, te vis) videamus, quanta sint, quae a philosophia remedia morbis animorum adhibeantur: est enim quaedam medicina certe; nec tam fuit hominum generi infensa, atque inimica natura, ut corporibus tot res salutare, animis nullam invenerit. De quibus est hoc etiam merita melius, quod corporum adjumenta adhibentur extrinsecus, animorum salus inclusa in his ipsis est. Sed quo major est in eis praestantia, & diviniore, eo majore indigent diligentia. Itaque bene adhibita ratio cernit, quid optimum sit; neglecta, multis implicatur erroribus. Ad te igitur mihi jam convertenda omnis oratio est; simul enim quaerere te de sapiente, quaeris autem fortasse de te. Earum igitur perturbationum, quas exposui, variae sunt curationes. Nam neque omnis aegritudo una ratione sedatur: alia est enim lugenti, alia miseranti, alia invidenti adhibenda medicina; est enim in omnibus quatuor perturbationibus illa distinctio, utrum ad universam perturbationem, quae est aspernatio rationis, aut appetitus vehementior, an ad singulas, ut ad metum, libidinem, reliquasque melius adhibeatur oratio, & utrum illud non videatur aegre ferendum, ex quo suscepta sit aegritudo, an omnium rerum tollenda omnino aegritudo; ut si quis aegre ferat, se pauperem esse, idne disputes, paupertatem malum non esse; an hominem aegre ferre nihil oportere. Nimirum hoc melius; ne si forte de paupertate non persuaseris, sit aegritudini concedendum; aegritudine autem sublata, propriis rationibus, quibus heri usi sumus, quodam modo etiam paupertatis malum tollitur.

Sed

Sed omnis ejusmodi perturbatio animi placatione abluatur illa quidem, cum doceas, nec bonum illud esse, ex quo laetitia aut libido oriatur; nec malum, ex quo aut metus, aut aegritudo: veruntamen haec est certa, & propria sanatio, si doceas, ipsas perturbationes per se esse vitiosas, nec habere quidquam, aut naturale, aut necessarium: ut ipsam aegritudinem leniri videmus, cum oblicimus moerentibus imbecillitatem animi effoeminati, cumque eorum gravitatem, constantiamque laudamus, qui non turbulente humana patiantur. Quod quidem solet eis etiam accidere, qui illa mala esse censent, ferenda tamen aequo animo arbitrantur. Putat aliquis voluptatem esse bonum; alius autem pecuniam; tamen & ille ab intemperantia, & hic ab avaritia avocari potest. Illa autem altera ratio, & oratio, quae simul & opinionem falsam tollit, & aegritudinem detrahit, est ea quidem utilior, sed raro proficit, neque est ad vulgus adhibenda. Quaedam autem sunt aegritudines, quas levare illa medicina nullo modo possit: ut si quis aegre ferat, nihil in se esse virtutis, nihil animi, nihil officii, nihil honestatis; propter mala is quidem angatur, sed alia quaedam ad eum sit admovenda curatio, & talis quidem, quae possit esse omnium, etiam de caeteris rebus discrepantium, philosophorum; inter omnes enim convenire oportet, commotiones animorum, a recta ratione averfas, esse vitiosas, ut, etiam si nec mala sunt illa, quae metum, aegritudinemve; nec bona, quae cupiditatem, laetitiamve moveant, tamen sit vitiosa ipsa commotio; constantem enim volumus quendam, sedatam, gravem, humana omnia prementem, illum esse, quem magnanimum, & fortem virum dicimus: talis autem nec moerens, nec timens, nec cupiens, nec gestiens esse quisquam potest: eorum enim haec sunt, qui eventus humanos superiores, quam suos animos esse ducunt.

Qua-

Quare omnium philosophorum, ut ante dixi, una ratio est medendi, ut nihil, quale sit illud, quod perturbet animum; sed de ipsa sit perturbatione dicendum; itaque primum in ipsa cupiditate, cum id solum agitur, ut ea tollatur, non est quaerendum bonum illud necne sit, quod libidinem moveat: sed libido ipsa tollenda est: ut sive quod honestum est, id summum sit bonum, sive voluptas, sive horum utramque conjunctum, sive illa tria genera bonorum, tamen, etiam si virtutis ipsius vehementior appetitus sit, eadem sit omnibus ad deterrendum adhibenda oratio. Continet autem omnem sedationem animi humana in conspectu posita natura; quae quo facilius expressa cernatur, explicanda est oratione communis conditio, lexque vitae. Itaque non sine causa cum Orestem fabulam doceret Euripides, primos tris versus revocasse dicitur Socrates;

*Neque tam terribilis ulla fando oratio est,
Neque fors, nec ira coelitus inVectum malum,
Quod non natura humana patiendo efferat.* (1)

Est autem utilis ad persuadendum, ea, quae acciderunt, ferri & posse, & oportere, enumeratio eorum, qui tulerunt. Et si aegritudinis sedatio & hesternae disputatione explicata est, & in Consolationis libro, quem in medio (non enim sapientes eramus) moerore, & dolore conscripsimus: quodque vetat Chrysippus, ad recedentes quasi tumores animi remedium adhibere, id nos feci.

Graeca sic leguntur apud Euripidem Orest.

Οὐκ ἔστιν οὐδὲν δεινὸν ὡς εἶπεν ἑπὶ
Οὐδὲ παθῶ, οὐδὲ Εὐμορὸς δεινὰτ.
Ἦς οὐκ ἂν ἀπαρτ' ἀχθῶ ἀ-θρῶπε φύσις.

Cicero primum versum, ut & tertium male prorsus intellexit; voluit enim poeta nullum omnino malum esse, cui non obnoxia sit humana natura, Davis.

fecimus, naturaeque vim attulimus, ut magnitudini medicinae doloris magnitudo concederet.

Sed aegritudini, de qua satis est disputatum, finitimus est metus. De quo pauca dicenda sunt. Est enim metus, ut aegritudo praesentis; sic ille futuri mali. Itaque nonnulli aegritudinis partem quandam metum esse dicebant. Alii autem metum praemolestiam appellabant, quod est quasi dux consequentis molestiae. Quibus igitur rationibus instantia feruntur, eisdem contemnuntur sequentia. Nam videndum est in utrisque, ne quid humile, summissimum, molle, effoeminatum, fractum, abjectumque faciamus. Sed, quamquam de ipsis metus inconstantia, imbecillitate, levitate dicendum est, tamen multum prodest ea, quae metuuntur, ipsa contemnere. Itaque sive casu accidit, sive consilio, percommode factum est, quod eis de rebus, quae maxime metuuntur, de morte, & de dolore, primo, & proximo die disputatum est. Quae si probata sunt, metu magna ex parte liberati sumus. Ac de malorum opinione haecenus.

Videamus nunc de bonorum, idest de laetitia, & de cupiditate. Mihi quidem in tota ratione ea, quae pertinet ad animi perturbationem, una res videtur causam continere, omnes eas esse in nostra potestate, omnes iudicio susceptas, omnes voluntarias. Hic igitur error est eripiendus, haec detrahenda opinio: atque ut in malis opinatis tolerabiliora, sic in bonis, sedatiora sunt efficienda ea, quae magna, & laetabilia dicuntur. Atque hoc quidem commune malorum, & bonorum: ut si jam difficile sit persuadere, nihil earum rerum, quae perturbent animum, aut in malis, aut in bonis esse habendum, tamen alia ad alium motum curatio sit adhibenda, aliaque ratione malivolis, alia amator, alia rursus anxius, alia timidus corrigendus; atque erat facile, sequentem eam rationem, quae ma-

L

xime

xime probatur de bonis, & malis, negare unquam laetitia affici posse insipientem, quod nihil unquam haberet boni. Sed loquimur nunc more communi. Sint sane ista bona, quae putantur, honores, divitiae, voluptates, caeteraque; tamen in eis ipsis potiundis exultans, gestiensque laetitia turpis est: ut, si ridere concessum sit, vituperetur tamen cachinnatio; eodem enim vitio est effusio animi in laetitia, quo in dolore contractio; eademque levitate cupiditas est in appetendo, qua laetitia in fruendo: & ut nimis afflictis molestia, sic nimis elati laetitia jure judicantur leves; & cum invidere aegritudinis sit: malis autem alienis voluptatem capere laetitiae; utrunque immanitate, & feritate quadam proponenda castigari solet. Atque ut confidere decet, timere non decet: sic gaudere decet, laetari non decet; quoniam docendi causa gaudio laetitiam distinguimus. Illud jam supra diximus, fieri contractionem animi recte nunquam posse, elationem posse: aliter enim Naevianus ille gaudet Hector, *Laetus sum laudari me ab te, pater, a laudato viro;* aliter ille apud Trabeam,

*Lama delinita argento nutum observabis meum,
Quid velim, quid studeam: adveniens digito impellam ianuam*

Fores patebunt. De improvviso Chrysis ubi me adspexerit,

Alacris obviam mihi veniet, complexum exoptans meum,

Mibi se dedit:

Quam haec pulchra putet ipse jam dicet.

Fortunam ipsam anteibo fortunis meis.

Haec laetitia quam turpis sit, satis est diligenter attendentem penitus videre. Et ut turpes sunt, qui efferunt se laetitia tum, cum fruuntur Venereis voluptatibus: sic flagitiosi, qui eas inflammato animo concupi-

cupiscunt. Totus vero iste, qui vulgo appellatur amor, (nec, hercule, invenio, quo nomine alio possit appellari.) tantae levitatis est, ut nihil videam, quod partem conferendum. Quem Caecilius,

Deum qui non summum putet,

Aut stultum, aut rerum esse imperitum existimet;

Cui in manu sit, quem esse dementem veliet,

Quem sapere, quem sanari, quem in morbum iniici,

Quem contra amari, quem accersiri, quem expeti.

O praeclaram emendatricem vitae, poeticam! quae amorem flagitii, & levitatis auctorem, in concilio deorum collocandum putet. De comoedia loquor: quae, si haec flagitia non probaremus, nulla esset omnino. Quid ait ex tragoedia princeps ille Argonautarum? (1)

Tu m' amoris magis quam honoris servavisti gratia.

Quid ergo? hic amor Medae quanta miseriarum incendia excitavit! atque ea tamen apud alium poetam patri dicere audet, se conjugem habuisse.

Illum, amor quem dederat, qui plus pollet, potiorque est patre.

Sed poetas ludere sinamus, quorum fabulis in hoc flagitio versari ipsum videmus Jovem. Ad magistros virtutis, philosophos, veniamus; qui amorem negant stu-

L 2

pri

(1) Jasonem intelligit, qui in tragoedia Medea verba haec dicebat ad Medeam, quam expulerat. Significat autem tragoediam, opinor, Ennii, cui titulus est Medea, de qua in 1. de Fin. sic scriptum legimus; Quis tam inimicus pene nomini Romano est, qui Ennii Medeam, aut Antiopam Pacuvii spernat, aut reiciat? Euripides apud Graecos scripsit Medeam; apud nostros extat Medea Senecae. Grammatici identidem citant Ennium & Accium poetas in Medea. Beroald.

pri esse, & in eo litigant cum Epicuro, non multum, ut opinio mea fert, mentiente: quis est enim amor iste amicitiae? cur neque deformem adolescentem quisquam amat, neque formosum senem? mihi quidem haec in Graecorum gymnasiis nata consuetudo videtur: in quibus isti liberi, & concessi sunt amores (1). Bene igitur Ennius,

Flagitii principium est nudare inter cives corpora,
 Qui ut sint, quod fieri posse, video, pudici, solliciti
 tamen & anxii sunt; eoque magis, quod se ipsi contin-
 ent, & coercent. Atque ut muliebres amores omittam,
 quibus maiorem licentiam natura concessit; quis aut de
 Ganymedis raptu dubitat, quid poetae velint; aut non
 intelligit, quid apud Euripidem & loquatur, & capiat
 Lajus? quid denique homines doctissimi, & summi poe-
 tae de se ipsi, & carminibus edant, & cantibus? for-
 tis vir in sua Republ. cognitus, quae de juvenum a-
 more scripsit Alcaeus? nam Anacreontis (2) quidem tota
 poe-

(1) *Corn. Nepos. Praef.* Laudi in Graecia ducitur
 adolescentulis quam plurimos habere amatores. Notus
 sane est Thebanorum *ισπός λοχός*; de quo vide Plutar-
 chum. Noti item Spartanorum amores, quos castos esse
 contendunt Elianus ac Maximus Tyrius. Hic tamen con-
 fitetur *Dis. IX.* Τῇ τε ἄλλῃ Ἑλλάδι καὶ πολὺ μάλιστα
 ταῖς Ἀθήναις μετὰ πάντα ἀδίκων ἐρασῶν καὶ μεισακίων
 ἐξηπατημένων. Simile iudicium de Boeotis, & Eleis iu-
 lit Libanius. Davis.

(2) *Anacreon, Lyricus poeta, amavit puerum, no-
 mine Batyllum, visenda pulchritudine spectabilem, de
 quo Horatius.*

Non aliter Samio dicunt arsisse Batyllo,
 Anacreonta Team.

*Apuleius huiusce Batylli statnam eleganter, graphiceque
 descri-*

poesis est amatoria. Maxime vero omnium flagrasse amore Rheginum Ibicum apparet ex scriptis.

Atque horum omnium libidinosos esse amores videmus. Philosophi sumus exorti, & auctore quidem nostro Platone, quem non injuria Dicaearchus accusat, (1) qui amoris auctoritatem tribueremus. Stoici vero & sapientem amatum esse dicunt: & amorem ipsum, conatum amicitiae faciundae ex pulchritudinis specie definiunt. Qui si quis est in rerum natura sine sollicitudine, sine desiderio; sine cura, sine suspicio; sit sane: vacat enim omni libidine; haec autem de libidine oratio est. Sin autem est aliquis amor, ut est certe, qui nihil absit, aut non multum ab infania; qualis in Leucadia est; (2)

Si quidem sit quisquam deus, cui ego sum curae.
At id erat Deis omnibus curandum, quemadmodum hic frueretur voluptate amatoria:

Heu me infelicem!

Nihil verius. Probe & ille,

L 3

Sa-

describit in Floridis, quem ait Anacreonteum carmen canere. Hanc celebravit Anacreon amatorio poemate, cuius versus lepidissimos A. Gellius refert Libro N. A. XIX. Dicitur est Teius a patria Teo, quae civitas est Joniae; ex eadem urbe fuit Hecateus historicus. Perit Anacreon acino uvae passae strangulatus. Beroald.

(1) Turpia sunt in Phaedro, & Symposio, quae de amore scribit Philosophus Socratis persona indutus, eorum nonnulla exhibet Maximus Tyrius Dissert. VIII. Vide & Eusebium Praep. Evang. Lib. XIII. Cap. 20. Scelerata alia Platonis dicta ad amorem spectantia, refert Cyrillus contra Julian. Lib. VI. Davis.

(2) Turpilii est fabula, Eam ex Alexidis Leucadia certis, quam memorat Athenaeus Lib. III. Vide G. J. Vossium de Poet. Lat. Davis.

Sanusne es, qui temere lamentare?

Sic infans suis etiam videtur.

At quas tragoedias effecit.

Te Apollo sancte, fer opem, teque omnipotens Neptunè, invoco,

Vosque adeo venti.

Mundam totum se ad amorem suum fablevandam conversurum putat: Venerem unam excludit, ut iniquam:

Nam quid ego te appellem Venus?

Eam prae libidine negat curare quidquam. Quasi vero ipse non propter libidinem tanta flagitia & faciat, & dicat.

Sic igitur affecto haec adhibenda curatio est, ut & illud, quod cupiat, ostendat quam leve, quam contemnendum, quam nihil sit omnino, quam facile, vel aliunde, vel alio modo perfici, vel omnino negligi possit. Adducendus est etiam nonnunquam ad alia studia, sollicitudines, curas, negotia. Loci denique mutatione, tanquam aegroti non convalescentes, saepe curandus est. Eriam novo quodam amore veterem amorem tanquam clavo clavum eiiciendum putant; (1) maxime autem admonendus, quantus sit furor amoris; omnibus enim ex animi perturbationibus est profecto nulla vehementior, ut si jam ipsa illa accusare nolis, supra dico, & corruptelas, & adulteria, incesta denique, quorum omnium accusabilis est turpitudine: sed ut haec omittas, perturbatio ipsa mentis in amore foeda per se est; nam ut illa praeteream, quae sunt furoris, haec ipsa per se se quam habent laevitatem, quae videntur esse mediocria?

-iniuriae,

Suspiciones, inimicitiae, induciae,

Bel-

(1) *Aristoteles Libr. IV. Polit. ἤλω γὰρ ὅτι ἡλῶ ὡς περ ἡ παρομίζω. Urfin.*

Bellum, pax rursus. Incerta haec si tu postules

Ratione certa facere, nihilo plus agas;

Quam si des operam, ut cum ratione insanias.

Haec inconstantia; mutabilitasque mentis; quem non ipsa pravitate deterreat? est enim illud, quod in omni perturbatione dicitur; demonstrandum; nullam esse nisi opinabilem; nisi iudicio susceptam, nisi voluntariam. Etenim si naturalis amor esset, & amarent omnes; & semper amarent; & idem amarent; neque alium pudor; alium cogitatio; alium satietas detereret.

Ira vero, quae quamdiu perturbat animum, dubitationem insaniae non habet; cuius impulsu existit etiam inter fratres tale iurgium.

Quis homo te exuperavit usquam gentium impudentia?

Quis autem malitia te?

Nosti, quae sequuntur; alternis enim versibus intorquentur inter fratres gravissimae contumeliae; ut facile appareat; Atrei filios esse; ejus, qui meditatur poenam in fratrem novam;

Maior mihi moles; maius miscendum malum;

Qui illius acerbum cor contundam, & comprimam.

Quae igitur haec erunt moles? audi Thyestem ipsum;

Impius bortatur me frater; ut in eos malis miser

Manderem natos: (1)

L 4

EO-

(1) Turneb. Libro VII. Cap. 18. & Lambin. ex coniectura mandem: ut, malis mandare; esset malis, seu maxillis committere, & permittere, hoc est; devoratum, seu comminatum ire; ut Lucret. Lib. II.

Ne Saturnus eum malis mandaret adeptus. Haec illi. Sed hoc genus loquendi in Palatin. quart. & Fabr. aequae est; habent enim mandarem. Gebhard.

Eorum viscera apponit; quid est enim, quo non progrediatur eodem ira, quo furor? Itaque iratos proprie dicimus exisse de potestate, idest, de consilio, de ratione, de mente; horum enim potestas in totum animum esse debet. His aut sunt subtrahendi, in quos impetum conantur facere, dum se ipsi colligant (quid est autem se ipsum colligere, nisi dissipatas animi partes rursus in suum locum cogere?) aut rogandi, orandique sunt, ut, si quam habent ulciscendi vim, differant in tempus aliud; dum deservescat ira. Deservescere autem certe significat ardorem animi invita ratione excitatum. Ex quo illud laudatur Architae, qui cum villico factus esset iratior, quo te modo inquit, accepissem, nisi iratus essem?

Ubi sunt ergo isti, qui iracundiam utilem dicunt? (Potest utilis esse insania?) Aut naturalem? An quidquam esse potest secundum naturam, quod sit repugnante ratione? Quomodo autem, si naturalis esset ira; aut alius alio magis iracundus esset, aut finem haberet prius, quam esset ultra ulciscendi libido; aut quenquam poeniteret, quod fecisset per iram? Ut Alexandrum Regem videmus: qui, cum interemisset Clytum, familiarem suum, vix a se manus abstinuit; tanta vis fuit poenitendi. Quibus cognitis, quis est qui dubitet, quin hic quoque motus animi sit totus opinabilis, ac voluntarius? Quis enim dubitarit, quin aegrotationes animi, qualis est avaritia, gloriae cupiditas, ex eo, quod magni aestimetur ea res, ex qua animus aegrotat, oriantur? Unde intelligi debet, perturbationem quoque omnem esse in opinione. Et si fidentia, idest, firma animi consilio, scientia quaedam est, & opinio gravis, non temere assentiens: metus quoque est diffidentia expectati, & impendentis mali. Etsi spes est expectatio boni; mali expectationem esse necesse est metum. Ut igitur metas, sic reliquae perturbationes sunt in malo. Ergo ut
con-

constantia scientiae, sic perturbatio erroris est. Qui autem natura dicuntur iracundi, aut misericordes, aut invidi, aut tale quid, ii sunt constituti, quasi mala valetudine animi; sanabiles tamen; ut Socrates dicitur, cum multa in conventu vitia collegisset in eum Zopyrus, qui se naturam cujusque ex forma perspicere profitebatur; derisus est a caeteris, qui illa in Socrate vitia non agnoscerent: ab ipso autem Socrate sublevatus est, cum illa sibi signa, sed ratione a se dejecta diceret. Ergo ut optima quisque valetudine affectus potest videri, ut natura, ad aliquem morbum proclivior; sic animus alius ad alia vitia propensior. Qui autem non natura, sed culpa vitiosi esse dicuntur, eorum vitia constant ex falsis opinionibus rerum bonarum, ac malarum, ut sit alius ad alios motus, perturbationesque proclivior, inveteratio autem ut in corporibus aegrius depellitur, sic in animis quoque perturbatio; citiusque repentinus oculorum tumor sanatur, quam diuturna lippitudo depellitur.

Sed cognita jam causa perturbationum, quae omnes oriuntur ex judiciis opinionum, & voluntatibus, sit jam hujus disputationis modus. Scire autem nos oportet, cognitis, quoad possunt ab homine cognosci, bonorum & malorum finibus, nihil a philosophia posse aut majus aut utilius optari, quam haec, quae a nobis hoc quadriduo disputata sunt; morte enim contempta, & dolore ad patiendum levato, adjunximus sedationem aegritudinis; qua nullum homini majus malum est: etsi enim omnis animi perturbatio gravis est, nec multum differt ab amentia, tamen ita caeteros cum sint in aliqua perturbatione aut metus, aut laetitiae, aut cupiditatis, commotos modo, & perturbatos dicere solemus; at eos, qui se aegritudini dederunt, miseros, afflictos, aerumnosos, calamitosos. Iraque non fortuito factum videtur, sed a ratione propositum, ut separatim de aegritudine, & de caeteris perturbationibus disputa-

tare-

taremus; in ea est enim fons miseriarum, & caput. Sed & aegritudinis, & reliquorum animi morborum una sanatio est; omnes opinabiles esse, & voluntarios, eaque re suscipi, quod ita rectum esse videatur. Hunc errorem, quasi radicem omnium malorum, stirpitus philosophia se extracturam pollicetur. Demus ergo nos huic excolendos, patiamurque nos sanari, his enim malis infidentibus, non modo beati, sed ne sani quidem esse possumus: aut igitur negemus quidquam ratione confici, cum contra nihil sine ratione recte fieri possit; aut cum philosophia ex rationum collatione constet, ab ea, si & boni; & beati volumus esse, omnia adjumenta, & auxilia petamus bene, beateque vivendi.

M. TULLII
CICERONIS
TUSCULANARUM
QUAESTIONUM
AD M. BRUTUM
LIBER QUINTUS.

VIRTUTEM AD BEATE VIVENDUM SE IPSA
ESSE CONTENTAM.



Q Uintus hic dies, Brute, finem faciet Tusculanarum disputationum: quo die est a nobis ea de re, quam tu ex omnibus maxime probas, disputatum; placere enim tibi admodum sensi & ex eo libro, quem ad me accuratissime scripsisti (1); & ex multis sermonibus tuis, virtutem ad beate vivendum, se ipsa esse contentam. Quod etsi difficile est probatu, propter tam varia & tam multa tormenta fortunae: tale tamen est, ut elaborandum sit, quo facilius probetur: nihil est enim omnium, quae in Philosophia tractantur, quod
gra-

(1) *Intelligitur Bruti liber de Virtute, quem ad Ciceronem scripsit, ut ait Noster lib. I. de fin. cap. 3. Davis.*

gravius, magnificentiusque dicatur. Nam cum ea causa impulerit eos, qui primi se ad Philosophiæ studium contulerunt, ut, omnibus rebus posthabitis, totos se in optimo vitæ statu exquirendo collocarent; profecto ipse beate vivendi tantam in eo studio curam, operamque posuerunt. Quod si ab iis inventa, & perfecta virtus est, & si praesidii ad beate vivendum in virtute satis est; quis est, qui non praeclare & ab illis positam; & a nobis susceptam operam philosophandi arbitretur? Sin autem virtus subiecta sub varios, incertosque casus favula fortunæ est, nec tantatum virium est, ut se ipsa tueatur; vereor, ne non tam virtutis fiducia nitendum nobis ad spem beate vivendi, quam vota facienda videantur. Equidem eos casus, in quibus me fortuna vehementer exercuit, mecum ipse considerans, huic incipio sententiæ diffidere; interdum & humani generis imbecillitatem, fragilitatemque extimescere, vereor enim ne natura, cum corpora nobis infirma dedisset, iisque & morbos insanabiles, & dolores intolerabiles adjunxisset, animos quoque dederit & corporum doloribus congruentes (1), & separatim suis angoribus, & molestiis implicatos. Sed in hoc me ipse castigo, quod ex aliorum, & ex nostra fortasse mollicitia, non ex ipsa virtute, de virtutis robore existimo. Illa enim si modo est ulla virtus, quam dubitationem avunculus tuus, Brute, sustulit (2); omnia, quæ cadere in hominem pos-

(1) In verbo congruentes mentium latere suspicatur Lambinus. Veretur Tullius, ne, ut corpora, sic animos quoque natura nobis dederit imbecillos, qui corporum doloribus congruant, id est, convenient, ita ut animorum dolores non secus, atque corporum intolerabiles sint. Davis

(2) Cato Uticensis significatur, quem omnium virtutum autorem vocat, qui in libris de Fin. differens nihil præ-

possunt, subter se habet; eaque despiciens casus contemnit humanos: culpaque omni carens, praeter se ipsam; nihil censet ad se pertinere. Nos autem omnia adversa tum venientia metu augentes, tum moerore praesentia, rerum naturam quam errorem nostrum dammare malumus.

Sed & hujus culpa, & caeterorum vitiorum peccatorumque nostrorum omnis a philosophia petenda correctio est. Cujus in sinum cum a primis temporibus aetatis nostra voluntas studiumque nos compulisset, his gravissimis casibus in eundem portum, ex quo eramus egressi, magna jactati tempestate confugimus. O vitae philosophia dux! o virtutis indagatrix, expultrixque vitiorum! quid non modo nos, sed omnino vita hominum sine te esse potuisset? tu urbes peperisti; tu dissipatos homines in societatem vitae convocasti; tu eos inter se primo domiciliis, deinde conjugis, tum literarum, & vocum communione junxisti; tu inventrix legum, tu magistra morum, & disciplinae fuisti, ad te confugimus: a te opem petimus: tibi nos, ut antea magna ex parte, sic nunc penitus, totosque tradimus. Est autem unus dies, bene, & ex praeceptis tuis actus, peccanti immortalitati anteponendus. Cujus igitur potius opibus utamur, quam tuis? quae & vitae tranquillitatem largita nobis es, & terrorem mortis sustulisti. At philosophia quidem, tantum abest, ut perinde, ac de hominum est vita merita, laudetur; ut
aple-

praeter virtutem in bonis ducendum censet, qui virtutis splendore, & magnitudine obscurari, atque obrui sensit omnia corporis ac fortunae commoda, quem illic quoque agnuculum Bruti appellat. Fuit enim, ut historici tradunt, M. Cato frater Serviliae, ex qua natus est Brutus, cui Portia denupsit: unde & agnuculus, & Socer dictus. Beroald.

a plerisque neglecta, a multis etiam vituperetur. Vituperare quisquam vitæ parentem & hoc parricidio se inquinare audet? & tam impie ingratus esse, ut eam accuset; quam vereri deberet, etiam si minus percipere potuisset? Sed, ut opinor, hic error, & hæc indoctorum animis offusa caligo est, quod tam longè retro respicere non possunt; nec eos, a quibus vita hominum instructa primis sit, fuisse philosophos arbitrantur. Quam rem antiquissimam cum videamus, nomen tamen esse confitemur recens.

Nam sapientiam quidem ipsam quis negare potest non modo re esse antiquam, verum etiam nomine? quæ divinarum humanarumque rerum, tum initiorum causarumque, cujusque rei cognitione hoc pulcherrimum nomen apud antiquos assequebatur. Itaque & illos septem, qui a Graeci σοφοί, sapientes a nostris & habebantur, & nominabantur, & multis ante sæculis Lycurgum, cujus temporibus Homerus etiam fuisse, ante hanc urbem conditam traditur, etiam heroicis ætatibus⁽¹⁾ Ulyssem, & Nestorem accepimus & fuisse, & habitos esse sapientes. Nec vero Atlas sustinere coelum,

(1) *Hesiodus inter ætates heroicam quoque supputat, qua Heroes floruerunt, sicut tempore belli Trojani complures estiterunt tam Graeci, quam externi, inter quos Ulysses, & Nestor famigerati. Aetates dicunt Latini, quas Graeci γενεάς, de quarum varietate multa scribunt eruditi. Sed Plutarchus subtiliter in libro περὶ τῶν Εκκλησιολογίων χρησίων, ostendit, γενεάν, id est ætatem esse spatium XXX. annorum, secundum Heraclitum: modo accipi pro uno anno: sicut ætas apud Virgilium, & Silium pro annuo spatio usurpatur. Quidam ætati, id est γενεᾷ, attribuunt CVIII. annos; interdum ætas accipitur pro C. annis, interdum pro tempore humanæ vitæ longissimo. Beroald.*

lum, nec Prometheus affixus Caucaſo, nec ſtellatus Cepheus cum uxore, genero, filia traderetur, (1) niſi coeleſtium divina cognitio nomen eorum ad errorem fabulae traduxiſſet. A quibus ducti deinceps omnes, qui in rerum contemplatione ſtudia ponebant, ſapientes & habebantur, & nominabantur; idque eorum nomen uſque ad Pythagorae manavit aetatem; (2) quem, ut ſcribit auditor Platonis Ponticus Heraclides, vir doctus in primis, Phliantem ferunt veniſſe, eumque cum Leonte principe Phliaſiorum doctē, & copioſe diſſeruiſſe quaedam: cujus ingenium, & eloquentiam eum admiratus eſſet Leon, quaſiuiſſe ex eo qua maxime arte conſideret: at illuſ, artem quidem ſe ſcire nullam, ſed eſſe philoſophum; admiratū Leontem novitatem nominis, quaſiuiſſe, quinam eſſent philoſophi, & quid inter

(1) *Stellatus idem valet, ac ὁ ἀσπὸς τὸ ἔμεινεν, ſeu κατὰ περίστροφιν ut recte vidit Hadr. Turnebus Adverſ. Lib. VIII. Cap. 16. Cepheus enim, Uxor eius Caſſiopeja, filia Andromeda, & Perſeus gener in ſidera fuerunt relati. Videatur Cic. N. D. 11. Davis.*

(2) *Hunc tradunt Pherocydem audiſſe, cuius aetatem attingunt illi, qui ſeptem ſapientum nomen in Graecia habuere. Ipſe floruit poſt hos, Dario filio Hyſtaſpis Perſarum tenente regnum; quibus temporibus & Polycrates tyrannus fuit Sami, quem Pythagoras fugiens in Italiam veniſſe traditur, fuiſſe autem & inde oriundum, quippe Tyrrhenum, gemmarum ſculptoris filium, de quo tamen aliter de ſermonibus Phliaſiorum & Sicyoniorum Pausanias Κορυδαίνος; ſcribit enim, Hippaſum Phliaſium recusantem parere Dorienſibus, quorum imperio Phliaſii ſe ſubiecturos eſſe conſtituiſſent, cum alijs quibuſdam in Samum ſe conſuliſſe. Huius Hippaſi quartam ſubolem eſſe Pythagoram filium Maeſarchi, cuius pater fuiſſet Euphron, filius Hippaſi Camerar.*

inter eos, & reliquos interesset. Pythagoram autem respondisse, similem sibi videri vitam hominum, & mercatum eum, qui haberetur maximo ludorum apparatu toties Graeciae celebritate; nam ut illic alij corporibus exercitatis gloriam, & nobilitatem coronae peterent; alii emendi, aut vendendi quaesta, & lucro ducerentur; esset autem quoddam genus eorum, idque vel maxime ingenuum, qui nec plausum, nec lucrum quaerent, sed visendi causa venirent, studioseque perspicerent, quid ageretur, & quo modo; item nos quasi in mercatus quamdam celebritatem ex urbe aliqua, sic in hanc vitam ex alia vita, & natura profectos; alios gloriae servire, alios pecuniae; raros esse quosdam, qui, caeteris omnibus pro nihilo habitis rerum naturam studiose intuerentur: hos se appellare sapientiae studiosos, idest enim philosophos: & ut illic liberalissimam esset, spectare, nihil sibi acquirentem; sic in vita longe omnibus studiis contemplationem rerum, cognitionemque praestare.

Nec vero Pythagoras nominis solum inventor, sed rerum etiam ipsarum amplificator fuit. Qui cum post hunc Phliasium sermonem in Italiam venisset, exornavit eam Graeciam, quae magna dicta est, & privarum, & publice praestantissimis & institutis, & artibus. Cujus de disciplina aliud tempus fuerit fortasse dicendi. Sed ab antiqua philosophia usque ad Socratem, qui Archelaum Anaxagorae discipulum, audierat, numeri motusque tractabantur, & unde omnia orirentur, quoque reciderent: studioseque ab his siderum magnitudines, intervalla, cursus angquirebantur, & cuncta coelestia. Socrates autem primus philosophiam devocavit à coelo, & in urbibus collocavit, & in domos etiam introduxit, & coegit de vita, & moribus, rebusque bonis, & malis quaerere. Cujus multiplex ratio disputandi, rerumque varietas, & ingenii magnitudo, Platonis

tonis memoria, & literis consecrata, plura genera effecit dissentientium philosophorum. E quibus nos id potissimum consecuti sumus, quo Socratem usum arbitramur; ut nostram ipsi sententiam regeremus, errore alios levaremus, & in omni disputatione, quid esset simillimum veri, quaereremus. Quem morem cum Carneades acutissime, copiosissimeque tenuisset, fecimus & alias saepe, & nuper in Tusculano, ut ad eam consuetudinem disputaremus. Et quadridui quidem sermonem superioribus ad te perscriptum libris misimus; quinto autem die, cum eodem loco confedissemus, sic est propositum, de quo disputaremus!

A. Non mihi videtur ad beate vivendum, satis posse virtutem. (1) M. At hercule Bruto meo videtur: cujus ego iudicium, pace tua dixerim, longe antepono tuo. A. Non dubito. Nec id nunc agitur, tu illum quantum ames: sed de hoc, quod mihi dixi videri, quale sit; de quo a te disputari volo. M. Nempe negas ad beate vivendum satis posse virtutem? A. Prorsus nego. M. Quid? ad recte, honeste, laudabiliter, postremo ad bene vivendum satisne est praesidii in virtute? A. Certe satis. M. Potes igitur, aut qui male vivat, non eum miserum dicere, aut, quem bene fateare, eum negare beate vivere? A. Quidni possum? nam etiam in tormentis recte, honeste, laudabiliter, & ob eam rem bene vivi potest, dummodo intelligas, quid nunc dicam bene; dico enim constanter,

M

gra-

(1) *Propositio haec secundum Academicos, & Peripateticos vera est, qui aiunt, ad beate vivendum opus esse praeter virtutem bonis corporis, atque fortunae, sine quibus manca est quodammodo, & quasi mutila virtus. Respondet ad haec M. Cicero ex dogmate Stoicorum, apud quos unica virtus satis est ad beatam vitam efficiendam. Beroald.*

graviter, sapienter, fortiter. Haec etiam in equuleum (1) coniiciuntur, quo vita non adspirat beata. M. Quid igitur? solane beata vita, quaeso, relinquitur extra ostium, limenque carceris, cum constantia, gravitas, fortitudo, sapientia, reliquaeque virtutes rapiantur ad tortorem, nullumque recusent nec supplicium, nec dolorem? A. Tu, si quid es facturus, nova aliqua conquiras oportet. Ista me minime movent, non solum quia pervulgata sunt, sed multo magis, quia, tamquam levia quaedam vina, nihil valent in aqua; sic Stoicorum ista magis gustata, quam potata delectant. Velut iste chorus virtutum in equuleum impositus, imagines constituit ante oculos cum amplissima dignitate, ut ad eas cursum perrectura, nec eas beata vita a se desertas passura videatur: cum autem animum ab ista pictura, imaginibusque virtutum ad rem, veritatemque traduxeris, hoc nudum relinquitur, possetne quis beatus esse, quandiu torqueatur. Quamobrem hoc nunc quaeramus; virtutes autem noli vereri ne exposculent, & querantur se a beata vita esse relictas. Si enim nulla virtus prudentia vacat, prudentia ipsa hoc videt, non omnes bonos esse etiam beatos; multaque de M. Attilio, Q. Caepione, M. Aquilio recordatur; beatamque vitam, si imaginibus potius uti, quam rebus ipsis placet, conantem ire in equuleum retinet ipsa prudentia, negatque ei cum dolore, & cruciata quidquam esse commune.

M. Fa-

(1) Equuleus, ita dictus, quod ad equi formam continuatus esset, machina fuit lignea torquendis hominibus comparata; de qua crebra fit tam apud Ethnicos, quam apud Christianos mentio. Eam multis descripsit, & Car. Sigonii, aliorumque doctorem errores hac in re notavit Ant. Gallonius de Martyr. Cruciat. Cap. 3. Davis,

M. Facile parior, te isto modo agere: etsi iniquum est praescribere mihi te, quemadmodum a me disputari velis. Sed quaero, utrum aliquid actum superioribus diebus, an nihil arbitremur? A. Actum vero, & aliquantum quidem. M. Atqui, si ita est, profligata jam haec, & paene ad exitum adducta quaestio est. A. Quo tandem modo? M. Quia motus turbolenti, iactationesque animorum incitatae, & impetu inconsiderato elatae, rationem omnem repellentes, vitae beatæ nullam partem relinquunt: quis enim potest mortem, aut dolorem metuens, quorum alterum saepe adest alterum semper impendit, esse non miser? Quid si idem (quod plerumque fit) paupertatem, ignominiam, infamiam timet; si debilitatem, caecitatem; si denique, quod non singulis hominibus, sed potentibus populis saepe contingit, servitutem; potest ea timens esse quisquam beatus? Quid, qui non modo ea futura timet, verum etiam fert, sustinetque praesentia? Adde eodem exilia, luctus, orbitates. Qui rebus his fractus aegritudine eliditur, potest tandem esse non miserrimus? Quid vero illum, quem libidinibus inflammatum, & furem videmus, omnia rabide appetentem cum inexplebili cupiditate, quoque affluentius voluptates undique hauriat, eo gravius, ardentiusque sitientem, nonne recte miserrimum dixeris? Quid? elatus ille levitate, inanique laetitia exultans, & temere gestiens, nonne tanto miserior, quanto sibi videtur beator? ergo ut hi miseri, sic contra illi beati, quos nulli metus torrent, nullae aegritudines exedant, nullae libidines incitant, nullae fuitiles laetitiae exultantes languidis liquefaciunt voluptatibus. Ut maris igitur tranquillitas (1) intelligitur, nulla ne minima quidem

M 2

aura

(1) Graeci ἀνταρξίας vocant, quasi dicas impossibiles, & imperturbatos, de quibus Plinius haec: Exit hic ani-

aura fluctus commovente; sic animi quietus, & placatus status cernitur, cum perturbatio nulla est, qua moveri queat. Quod si est, qui vim fortunae, qui omnia humana, quae cuique accidere possunt, tolerabilia ducat, ex quo nec timor eum, nec angor attingat, idemque, si nihil concupiscat, nulla efferatur animi inani voluptate, quid est, cur is non beatus sit: & si haec virtute efficiantur, quid est, cur virtus ipsa per se non efficiat beatos?

A. Atqui alterum dici non potest, quin ii, qui nihil metuant, nihil angantur, nihil concupiscant, nulla impotenti laetitia efferantur, beati sint (1); itaque id tibi concedo; alterum autem jam integrum non est; superioribus enim disputationibus effectum est, vacare omni animi perturbatione sapientem. M. Nimirum igitur confecta res est; videtur enim ad exitum venisse quaestio. A. Propemodum id quidem. M. Verumtamen Mathematicorum iste mos est, non Philosophorum. Nam geometrae cum aliquid docere volunt, si quid ad eam rem pertinet eorum, quae ante docuerunt, id sumunt pro concessio, & probato, illud modo expli-

mi tenor aliquando in rigorem quendam torvitatemque naturae duram & inflexibilem, affectusque humanos adimit, quales ἀπαθείς Graeci vocant. Tales extiterunt Diogenes Cynicus, Pyrron, Héraclitus, & Timon, Diodorus quoque, & Agatarchides tradunt, Aetiopas esse quosdam ἀπαθείς, hoc est, absque passione ulla viventes. Beroald.

(1) Videtur hic mendum subesse: namque hoc sentit Cic. Alterum negari non potest, quin ii, qui nihil metuant &c. beati sint. &c. Quare vel sic legendum videtur: alterum negari non potest: quin &c. vel sic, alterum non dici non potest, quin &c. quomodo olim edidimus, Lambin,

explicant, de quo ante nihil scriptum est. Philosophi, quaecumque rem habent in manibus, in eam, quae conveniunt, congerunt omnia; etsi alio loco disputata sunt. Quod ni ita esset, cur Stoicus, si esset quaesitum, satisne ad beate vivendum virtus posset, multa diceret? Cui satis esset respondere, se ante docuisse, nihil bonum esse, nisi quod honestum esset; hoc probato, consequens esse, beatam vitam virtute esse contentam: & quomodo hoc sit consequens illi, sic illud huic; ut, si beata vita virtute contenta sit; nisi honestum quod sit, nihil aliud sit bonum; sed tamen non agunt sic. Nam & de honesto, & de summo bono separatim libri sunt; & cum ex eo efficiatur, satis magnam in virtute ad beate vivendum esse vim, nihilo minus hoc agunt separatim; propriis enim & suis argumentis & admonitionibus tractanda quaecque res est, tanta praesertim; cave enim putes, uliam in Philosophia vocem emissam clariorem, ullumve ipse philosophiae promissum uberius, aut majus. Nam quid proficitur? O dii boni! perfecturam se, qui legibus suis parvisset, ut esset contra fortunam semper armatus; ut omnia praesidia haberet in se bene, beateque vivendi; ut esset semper denique beatus. Sed videro, quid efficiat. Tantisper hoc ipsum magni aestimo, quod pollicetur. Nam Xerxes (1) quidem refertus omnibus

(1) *Valerius Maximus lib. IX. Cap. 1. 3.* Age, Xerxes, opum regiarum ostentatione eximia, eo usque luxuria gaudebat, ut edicto praemium ei proponeret, qui novam voluptatis genus reperisset. *Quod autem hic de Xerxe, Theophrastus de cunctis Persarum regibus testatum reliquit.* Θεοφραστος ἐν τῷ πρὸ Κίσαχνδρον τερὶ βασιλείας τῆς Περσῶν φησὶ βασιλεῖς ὑπὸ τρυφῆς προκηρύττειν τοῖς εὐερίσκουσι τινὰ καὶ νῆν ηδονὴν ἀργεῖα πλεῖον. *Extant apud Athenaeum lib. IV. Davis.*

bus praemiis, donisque fortunae, non equitatu, non pedestribus copiis, non navium multitudine, non infinito pondere auri contentus, praemium proposuit, qui invenisset novam voluptatem. Qua ipse non fuit contentus; neque enim umquam finem inveniet libido. Nos vellem praenio elicere possemus, qui nobis aliquid attulisset, quo hoc firmitus crederemus.

A. Vellem id quidem; sed habeo paullum, quod requiram: ego enim assentior, eorum, quae posuisti, alterum alteri consequens esse, ut, quemadmodum, si quod honestum sit, id solum sit bonum, sequatur beatam vitam virtute confici; sic, si vita beata in virtute sit, nihil esse, nisi virtutem bonum. Sed Brutus tuus auctore Aristone, & Antiocho non sentit hoc: putat enim etiam, si sit bonum aliquod praeter virtutem. M. Quid igitur? contra Brutumne me dicturum putas? A. Tu vero, ut videtur: nam praefinire non est meum. M. Quid cuique igitur consentaneum sit, alio loco. Nam ista mihi & cum Antiocho saepe, & cum Aristone nuper (1), cum Athenis Imperator apud eum diversarer, dissensio fuit: mihi enim non videbatur quisquam esse beatus posse, cum in malis esset: in malis autem sapientem esse posse, si essent ulla corporis, aut fortunae mala. Dicebantur haec, quae scripsit etiam Antiochus locis pluribus; virtutem ipsam per se beatam vitam efficere posse, neque tamen beatissimam: deinde ex maiore parte plerasque res nominari, etiam si qua pars abesset; ut vires, ut valetudinem, ut divitias, ut honorem, ut gloriam; quae genere, non numero cerneantur: item beatam vitam, etiam si ex aliqua parte clau-

(1) Et cum Aristo. Sic legendum censet Leon. Malaspina in Emendation. lib. IV. Fuit enim Aristus Antiochi Prater, Itaque paulo ante eadem ratione legendum arbitror; Sed Brutus tuus auctore Aristo &c. Lambin.

clauderet, tamen ex multo maiore parte obtinere nomen suum. Haec nunc enucleare non ita necesse est: quamquam non constantissime dici mihi videntur. Nam & qui beatus est; non intelligo, quid requirat, ut sit beator (si est enim quod desit, ne beatus quidem est) &, quod ex maiori parte unamquamque rem appellari, spectarique dicunt, est ubi id isto modo valeat: cum vero tria genera malorum esse dicant; qui duorum generum malis omnibus urgeatur; ut omnia adversa sint in fortuna; omnibus oppressum corpus, & confectum doloribus; huic paullumne ad beatam vitam deesse dicemus; non modo ad beatissimam? Hoc illud est; quod Theophrastus sustinere non potuit. Nani cum statuisset verbera; tormenta, cruciatus, patriae eversiones, exilia, orbitates magnam vim habere ad male, misereque vivendum; non est ausus elate, & ample loqui; cum humiliter, demisseque sentiret.

Quam bene, non quaeritur; constanter quidem certe. Itaque mihi placere non solet, consequentia reprehendere; cum prima concesseris. Hic autem, elegantissimus omnium philosophorum, & eruditissimus, non magnopere reprehenditur, cum tria genera dicit bonorum; vexatur autem ab omnibus; primum in eo libro; quem scripsit de vita beata; in quo multa disputat, quamobrem is, qui torqueatur, qui crucietur, beatus esse non possit; in eo etiam putatur dicere in vitam beatam non ascendere. Nusquam id quidem dicit omnino, sed, quae dicit, idem valent. Possum igitur, cui concesserim, in malis esse dolores corporis, in malis fortunae naufragia, huic succedere dicenti, non omnes bonos esse beatos, cum in omnes bonos ea, quae ille in malis numerat, cadere possint? Vexatur idem Theophrastus & libris, & scholiis omnium philosophorum, quod in Callisthene suo laudavit illam sententiam.

Vitam

Vitam regit fortuna, non sapientia. (1)

Negant ab ullo philosopho quidquam dictum esse languidius, recte id quidem; sed nihil inrelligo dici potuisse constantius. Si enim tot sunt in corpore bona, tot extra corpus in casu, atque fortuna, nonne consentaneum est, plus fortunam, quae domina rerum sit & externarum, & ad corpus pertinentium, quam consilium valere? An malumus Epicuram imitari? Qui multa praeclare saepe dicit: quam enim sibi constanter, convenienterque dicat, non laborat. Laudat tenuem victum; philosophi id quidem; sed si Socrates, aut Antisthenes diceret, non is, qui finem bonorum voluptatem esse dixerit. Negat, quemquam iacunde posse vivere, nisi idem honeste, sapienter, iusteque vivat. Nihil gravius, nihil philosophia dignius; nisi idem hoc ipsum, honeste, sapienter, iuste ad voluptatem referret. Quid melius, quam fortunam exiguam intervenire sapienti? Sed hoc isne dicit; qui, cum dolorem non modo maximum malum, sed solum malum etiam dixerit, toto corpore opprimi possit doloribus acerrimis, tum cum maxime contra fortunam gloriatur? Quod idem melioribus etiam verbis Metrodorus, Occupavi, inquit, te fortuna, atque coepi, omnesque aditus tuos interclusi, ut ad me aspirare non posses. Praeclare, si Aristoteli Chius, aut si Stoicus Zeno diceret, qui, nisi quod turpe esset, nihil malum duceret. Tu vero, Metrodore, qui omne bonum in visceribus, medullisque condideris, & definieris summum bonum firma corporis affectione, explorataque

(1) Graecum versum, qui hanc sententiam continet, & quem Theophrastus mirifice laudabat, videor mihi reperisse; hunc enim esse puto; Τυχὴ τὰ θνητὰ πράγματα καὶ εὐδαιμονία adversus quem Plutarchus gravissimus auctor accurate Commentarium scripsit. Proposito enim illo summo studio eius sententiam conatur refellere. Victor.

taque spe contineri, fortunae aditus interclusisti? Quo modo? Isto enim bono jam expoliari potes.

Atqui his capiuntur imperiti, & propter hujusmodi sententias istorum hominum est multitudo. Acute disputantis illud est, non quid quisque dicat, sed quid cuique dicendum sit, videre. Velut in ea ipsa sententia, quam in hac disputatione suscepimus, omnes bonos semper beatos volumus esse. Quid dicam bonos, perspicuum est; omnibus enim virtutibus instructos, & ornatos, tum sapientes, tum viros bonos dicimus. Videamus, qui dicendi sint beati. Equidem hos existimo, qui sint in bonis, nullo adjuncto malo. Nec ulla alia huic verbo, cum beatum dicimus, subiecta notio est, nisi, secretis malis omnibus, cumulata bonorum complexio. Hanc assequi virtus, si quidquam praeter ipsam boni est, non potest; aderit enim malorum, si mala illa dicimus, turba quaedam, paupertas, ignobilitas, humilitas, solitudo, amissio suorum, graves dolores corporis, perdita valetudo, debilitas, caecitas, interitus patriae, exilium, servitus. Denique in his tot, & tantis, atque etiam quae plura possunt accidere, potest esse sapiens. Nam haec casus importat, qui in sapientem potest incurrere. At si ea mala sunt, quis potest praestare sapientem semper beatum fore, cum vel in omnibus his uno tempore esse possit? Non igitur facile concedo neque Bruto meo, neque communibus magistris, (1) neque veteribus illis, Aristoteli, Speusippo, Xenocrati, Polemoni, ut cum ea, quae supra enumeravi, in malis numerent, iidem dicant semper beatum esse sapientem. Quod si titulus hic delectat insignis, & pulcher, Pythagora, Socrate, Platone dignissimus, inducant animum, illa, quorum splendore capiuntur,

(1) Ut Antiocho, Arifoni, & aliis, qui fuerunt communes doctores M. Bruti & Ciceronis. Beroald.

tur, vires, valetudinem, pulchritudinem, divitias, honores, opes contemnere, eaque, quae his contraria sint; pro nihilo ducere. Tum poterunt clarissima voce profiteri se, neque fortunae impetu, nec multitudinis opinione, nec dolore, neque paupertate terreri; omniaque sibi in sese esse posita, neque esse quidquam extra suam potestatem; quod ducant in bonis. Neque hunc & haec loqui, quae sunt magni cujusdam, & alti viri, & eadem, quae vulgus, in malis, & bonis numerare, concedi ullo modo potest (1): qua gloria commotus Epicurus exoritur: Cui etiam, si diis placet, videtur semper sapiens beatus. Hic dignitate hujus sententiae capitur; sed nunquam id diceret, si ipse se audiret; quid est enim quod minus conveniat, quam ut is, qui vel summum vel solam malum dolorem esse dicat, idem censeat, Quam hoc suave est, tum, cum dolore crucietur, dicturum esse sapientem? Non igitur ex singulis vocibus philosophi spectandi sunt, sed ex perpetuitate, atque constantia:

A. Adducis me, ut tibi assentiar. Sed tua quoque vide ne desideretur constantia. M. Quonam modo. A. Quia legi tuum nuper quartum de Finibus. In eo mihi videbare, contra Catonem differens, hoc velle ostendere, quod mihi quidem probatur; inter Zenonem; & Peri-

(1) *Locus, nisi fallor, vitiosus est; non enim de Metrodoro, sed de Aristotele, Speusippo, aliisque proxima verba sunt intelligenda. MS. Petrens: Habet nam hunc, & haec loqui --- nullo modo potest. Ad vocem antepenultimam quod spectat, accedunt Cantabr. & Froben. Omnino Legerem; namque & haec loqui, quae sunt magni cujusdam, & alti viri, & eadem, quae vulgus in malis, & bonis numerare, concedi nullo modo potest; ac ita Norvic. cuius auctoritas non videtur repudianda. Davis;*

Peripateticos nihil praeter verborum novitatem interesse. Quod si ita est, quid est causae, quin si Zenonis rationi consentaneum sit, satis magnam vim in virtute esse ad beate vivendum, liceat idem Peripateticis dicere? rem enim opinor spectari oportere, non verba. M. Tu quidem Tabellis (1) obsignatis agis mecum, & testificaris quid dixerim aliquando, aut scripserim. Cum aliis isto modo, qui legibus impositis disputant: Nos in diem vivimus? (2) quodcumque nostros animos probabilitate percussit, id dicimus: itaque soli sumus liberi; verumtamen quoniam de constantia paullo ante diximus, non ego hoc loco id quaerendum puto; verumne sit quod Zenoni placuerit, quodque ejus Auditori, Aristoteli, bonum esse solum, quod honestum esset; sed, si ita esset, tum ut hoc totum, beate vivere, in una virtute poneret. Quare demus hoc sane Bruto, ut sit beatus semper sapiens; quam sibi conveniat, ipse viderit. Gloria quidem hujus sententiae, quis est illo viro dignior? non tamen teneamus, ut sit idem beatissimus; etsi Zeno Cittieus, advena quidam, & ignobilis verborum opifex, insinuasse se in antiquam philosophiam videtur.

Hujus sententiae gravitas a Platonis auctoritate repetatur, apud quem saepe haec oratio usurpata est, ut nihil praeter virtutem diceretur bonum; velut in Gorgia Socrates, cum esset ex eo quaesitum, Archelaum,

(1) *Metaphora ducta a Syngraphis annulo, vel manu signatis, quas in causarum actione proferunt Icti. Videfis Hadr. Junium, & Gilb. Cognatum inter Adag. Erasmi. Davis.*

(2) *Ait se vivere in diem; idest tenere tandiù, atque defendere aliquid, dum afferat dies aliquid probabilius; & in ii. de Orat. Barbaros in diem vivere, id est mutare consilia pro tempore. Camerar.*

laum, Perdiccae filium, qui tum fortunatissimus haberetur, nonne beatum putaret? Haud scio, inquit; nunquam enim cum eo locutus sum. Ain tu? an tu aliter id scire non potes? nullo modo. Tu igitur ne de Persarum quidem Rege magno potes dicere, beatus ne sit? an ego possum, cum ignorem, quam sit doctus, quam vir bonus? Quid? tu in eo sitam vitam beatam putas? Ita prorsus existimo bonos, beatos; improbos, miseros. Miser ergo Archelaus? certe, si injustus. Videturne omnem hic beatam vitam in una virtute ponere? quid vero in epitaphio? quo modo idem? Nam cui viro inquit, ex se ipso apta sunt omnia, quae ad beate vivendum ferunt, nec suspensa aliorum, aut bono casu, aut contrariopendere ex alterius eventis, & errare coguntur; huic optime vivendi ratio comparata est. Hic est ille moderatus, hic fortis, hic sapiens, hic, & nascentibus, & cadentibus cum reliquis commodis, tum maxime liberis, parebit, & obediet praecepto illi veteri:

*Neque enim laetabitur umquam, nec maerebit nimis,
Quod semper in se ipso omnem spem reponet sui.*

Ex hoc igitur Platonis quasi quodam santo, augustoque fonte nostra omnis manabit oratio. Unde igitur rectius ordiri possumus, quam a communi parente natura? quae quidquid genuit, non modo animal, sed etiam quod ita esset ortum à terra, ut stirpibus suis niteretur, in suo quodque genere perfectum esse voluit. Itaque & arbores, & vites, & ea, quae sunt humiliora, neque se tollere a terra altius possunt, alia semper virent, alia hieme nudata, verno tempore tepescata frondescent; neque est ullam, quod non ita vigeat interiore quodam motu, & suis in quoque seminibus inclusis, ut aut flores, aut fruges fundat, aut baccas, omniaque in omnibus, quantum in ipsis sit, nulla vi impediante perfecta sint. Facilius vero etiam in be-
stis,

stis, quod his sensus a natura est datus, vis ipsius naturae peripici potest. Namque alias bestias nantes aquarum incolae esse voluit; alias volucres, coelo frui libero; serpentes quasdam; quasdam esse gradientes; earum ipsarum partim solivagas, partim congregatas; immanes alias, quasdam autem cicures (1) nonnullas abditas, terraque tectas; atque earum quaeque suum tenens munus, cum in disparis animantis vitam transire non possit, maret in lege naturae; & ut bestiis aliud alii praecipui a natura datum est, quod suum quaeque retinet, nec discedit ab eo; sic homini multo quiddam praestantius; et si praestantia debent ea dici, quae habent aliquam comparationem. Humanus autem animus, decerptus ex mente divina (2), cum alio nullo, nisi cum ipso deo, si hoc fas est dictu, comparari potest. Hic igitur, si est excultus, & si ejus acies ita curata est, ut ne caecetur erroribus; sit perfecta mens, idest, absoluta ratio; quod est idem, virtus. Et si omne beatum est, cui nihil deest, & quod in suo genere expletum atque cumulatam est, idque virtutis est proprium; certe omnes virtutis compotes beati sunt. Et hoc quidem mihi cum Bruto convenit, item cum Aristotele, Xenocrate, Speusippo, Zalemone. Sed mihi videntur etiam beatissimi; quid enim deest ad beate vivendum ei, qui confidit suis bonis? aut, qui diffidit, beatus esse qui potest?

At

(1) Videtur transulisse Aristotelis illa ex Politicis; Τῶν δὲ ζῴων τὰ μέν ἀγελαῖα, τὰ δὲ σποραδικὰ, & paullo post τὰ μὲν ἡμέρα, τὰ δὲ ἄγρια. Urfin.

(2) Loquitur ex Platoniorum, & Stoicorum sententia, qui humanos animos Dei esse partes statuerunt. Hinc servius ad Virgilii Aenid. VI, 714. Si anima aeterna est, & summi spiritus pars, qua ratione in corpore non totum videt. Davis.

At diffidat necesse est, qui bona dividit tripartito. Qui enim poterit aut corporis firmitate, aut fortunae stabilitate confidere? atqui, nisi stabili, & fixo, & permanente bono, beatus esse nemo potest. Quid igitur ejusmodi istorum est? ut mihi illud Laconis (1) dictum in hos cadere videatur; qui glorianti cuidam mercatori, quod multas naves in omnem oram maritimam dimississet, Non sanè optabilis ista quidem est, inquit, radentibus apta fortuna. An dubium est, quin nihil sit habendum in eo genere, quo vita beata complectitur, si id possit amitti? nihil enim interarescere, nihil extingui, nihil cadere debet eorum, in quibus vita beata consistit; nam qui timebit, ne quid ex his deperdat, beatus esse non poterit. Volamus enim, eum, qui beatus sit, tutum esse, inexpugnabilem, septum atque munitum, non ut parvo metu praeditus sit, sed ut nullo. Ut enim innocens is dicitur, non qui leviter nocet, sed qui nihil nocet; sic sine metu is habendus est, non qui parva metuit, sed qui omnino metu vacat; quae est enim alia fortitudo, nisi animi affectio cum in adeundo periculo, & in labore, ac dolore patiens, tum procul ab omni metu? Atque haec certe non ita se haberent, nisi omne bonum in una honestate consisteret. Qui autem illam maxime optatam, & expeditam securitatem (securitatem autem nunc

(1) *Plutarchus dictis Laconicis*; Πρὸς δὲ τὸν μακρὶ ζῶντα Λάμπιν τὸν Ἀιγινῆτην, διότι ἔδοκει πλουσιώτερόν εἶναι ναυκληρὶα πολλὰ ἔχων, λακων ἔφη, ὃ προσέχω ζυδαίμονία ἐκ σχοιῶν ἀπηρημένῃ. *Huius Lampidos & alibi Plutarchus meminit, ut valde divitis. Qui interrogatus aliquando quo pacto divitias peperisset? Magnas respondit, facile; sed minutas maximo cum labore. Alibi λάμπων legitur. Fit & ab Herodoto mentio Lampionis Aeginetae Καλλίοπη. Camer.*

nunc appello vacuitatem aegritudinis, in qua vita beata posita est) habere quisquam potest, cui aut adsit, aut adesse possit multitudo malorum? qui autem poterit esse celsus, & erectus, & ea, quae homini accidere possunt, omnia parva ducens, qualem sapientem esse volumus, nisi omnia sibi in se posita esse censebit? an Lacedaemonii Philippo minitanti per literas, se omnia, quae conarentur, prohibitorum, quaesiverunt, num se esset etiam mori prohibitorum: vir is, quem quaerimus, non multo facilius tali animo reperietur, quam civitas univ[er]sa? quid ad hanc fortitudinem, de qua loquimur, temperantia adjuncta, quae sit moderatrix omnium commotionum? quid potest ad beate vivendum deesse ei, quem fortitudo ab aegritudine, & a metu vindicet, temperantia tum a libidine avocet, tum insolenti alacritate gestire non sinat? Haec efficere virtutem ostenderem, nisi superioribus diebus essent explicata.

Atqui cum perturbationes animi miseram, sedationes autem vitam efficiant beatam; duplexque ratio perturbationis sit, quod aegritudo, & metus in malis opinatis; in bonorum autem errore laetitia gestiens, libidoque versentur; cum haec omnia cum consilio, & ratione pugnent: his tu tam gravibus concitationibus, tamque ipsis inter se dissentientibus, atque distractis, quem vacuum, solutum, liberum videris, hunc dubitabis beatum dicere? atqui sapiens semper ita affectus est: semper igitur sapiens beatus est: atqui etiam omne bonum laetabile est; quod autem laetabile, id praedicandum, & prae se ferendum: quod tale autem, id etiam gloriosum: si vero gloriosum, certe laudabile: quod autem laudabile, profecto etiam honestum; quod bonum igitur, id honestum. At quae isti bona numerant, ne ipsi quidem honesta dicunt. Solum igitur bonum quod honestum. Ex quo efficitur, honesta-

te

te una vitam contineri beatam. Non sunt igitur ea bona dicenda, nec habenda, quibus abundantem licet esse miserrimum. An dubitas, quin praestans valetudine, viribus, forma, acerrimis, integerrimisque sensibus, adde etiam, si libet, pernecitatem, & velocitatem, da divitias, honores, imperia, opes, gloriam: si fuerit is, qui haec habet, injustus, intemperans, timidus, hebeti ingenio, atque nullo: dubitabisne eum miserum dicere? qualia igitur ista bona sunt, quae, qui habeat, miserrimus esse possit? videamus, ne, ut acervus ex sui generis granis, sic beata vita ex suis similibus parvis effici debeat. Quod si ita est: ex bonis, quae sola honesta sunt, efficiendum est beatum; ea mixta ex dissimilibus si erunt, honestum ex his effici nihil poterit; quo detracto, quid poterit beatum intelligi? etenim quidquid est, quod bonum sit, id expetendum est; quod autem expetendum, id certe approbandum; quod, vero approbaris, id gratum acceptumque habendum; ergo etiam dignitas ei tribuenda est; quod si ita est, laudabile sit necesse est; bonum igitur omne laudabile; ex quo efficitur, ut, quod sit honestum, id sit solum bonum. Quod ni ita tenebimus, multa erunt, quae nobis bona dicenda sint.

Omitto divitias; quas, cum quivis, quamvis indignus, habere possit, in bonis non numero; quod enim est bonum, id non quivis habere potest. Omitto nobilitatem, famamque popularem, stulticram, improborumque consensu excitatam. Haec, quae sunt minima, tamen bona dicantur necesse est; candiduli dentes, venusti oculi, color suavis, & ea, quae Anticlea (1) lau-

(1) Cum Anticlea fuerit Ulyssis mater, ut inter alios docebunt Servius ad Aen. VI., 529. & Scholiae ad Callimaehi Hymn. in Dian. V. 211. Euryclia autem

laudat Ulyssi pedes abluens, lenitudo orationis, mollitudo corporis; ea, si bona ducemus, quid erit in philosophi gravitate, quam in vulgi opinione, stultorumque turba, quod dicatur aut gravior, aut grandius? At enim eadem Stoici praecipua, vel producta dicunt, quae bona isti. Dicunt illi quidem; sed his vitam beatam compleri negant; hi autem sine iis esse nullam putant; aut, si sit beata, beatissimam certe negant. Nos autem volumus beatissimam; idque nobis Socratica illa conclusione confirmatur. Sic enim princeps ille philosophiae differebat. *Qualis cuiusque animi affectus esset, talem esse hominem; qualis autem ipse homo esset, talem eius esse orationem; orationi autem facta similia, factis vitam.* (1) Affectus autem animi in bono viro laudabilis, & vita igitur laudabilis boni viri, & honesta. Ergo, quoniam laudabilis, ex quibus, bonorum beatam vitam esse, concluditur. Etenim proh deorum atque hominum fidem! parumne cognitum est superioribus nostris disputationibus, an delectationis & otii consumendi causa locuti sumus, sapientem ab omni concitatione animi, quam perturbationem voco, semper vacare? semper in animo ejus esse placidissimam pacem? Vir igitur temperatus, constans, sine metu, sine aegritudine, sine alacritate ulla, sine libidine, nonne beatus? at semper sapiens talis; semper igitur beatus. Jam vero qui potest vir bonus non ad id, quod laudabile sit, omnia referre, quae agit quaeque sentit? refert autem omnia ad beate vivendum; beata

N

igi-

nomen sit nutritis quae apud Homerum Olyss. T. Ulyssi pedes abluit: nonnulli, libris adversantibus, Eurycliam incalcant; alii, *μυνημονικὸν* hic ἀμάρτυρα suspicantur. Davis.

(1) Respicit ad Platonis Lib. III. de Rep. pag. 438. Vide & Senecam Epist. CXIV. Davis.

igitur vita laudabilis; nec quidquam sine virtute laudabile; beata igitur vita virtute conficitur.

Atque hoc sic etiam concluditur. Nec in misera vita quidquam est praedicabile, aut gloriandum; nec in ea, quæ nec misera sit, nec beata. Et est in aliqua vita praedicabile aliquid, aut gloriandum, ac prae se ferendum; ut Epiminondas, (1)

*Consiliis nostris laus est attonsa Laconum,
ut Africanus,*

A sole exoriente, supra Meoti paludes.

Nemo est, qui factis aequiperare queat.

Quod si beata vita glorianda, & praedicanda, & prae se ferenda est; nihil est enim aliud, quod praedicandum, & prae se ferendum sit. Quibus positis intelligis quid sequatur; & quidem nisi ea vita beata est, quæ est eadem honesta; sic aliud necesse est melius vita beata; quod enim erit honestum, certe fatebuntur esse melius: ita erit beata vita melius aliquid; quo quid potest dici perversius? quid? cum fatentur satis magnam

(1) Epaminondas Thebanus, non solum belli artibus clarus, sed etiam in liberalibus studiis, & philosophia excellens, elegos quosdam versus scripsit, quibus res a se gestas celebrabat, qui postea in basi statuae, quæ ei erecta est, insculpti sunt. Primus erat Ημετέροις βολαῖς σπάρτα μὲν ἐκείρατο δόξαν, quem hic Cicero fideliter in Latinum convertit. Graecus est apud Plutarchum in Commentario, cui titulus est, Quod nemo potest incunde vivere sequens praecepta Epicuri. Integrum Epigramma fuit huiusmodi.

Ημετέροις βολαῖς Σπάρτα μὲν ἐκείρατο δόξαν

Μεσσήνη δ' ἰσθὰ τέσσα χρόνω δέχεται

Θῆβαι δ' ὅπλοισι μεγάλη πόλις ἰσθ' ἀνώνται

Αὐτόνομος δ' Ἑλλὰς πᾶς ἐν εὐδαιμονίᾳ.

Id exidet Pausanias in Boeot. pag. 565. Davis.

gnam vim esse in virtutis ad miseram vitam, nonne fatendum est, eandem vim in virtute esse ad beatam vitam? contrariorum enim contraria sunt consequentia. Quo loco quaero, quam vim habeat libra illa Critolai; qui cum in alteram lancem animi bona imponat, in alteram corporis, & externa; tantum propendere illam boni lancem putet, ut terram, & maria deprimat.

Quid igitur, aut hanc prohibet, aut etiam Xenocratem illam gravissimum philosophorum, exaggerantem tantopere virtutem; & extenuantem caetera, & abiicientem, in virtute non beatam modo vitam, sed etiam beatissimam ponere? quod quidem nisi sit, virtutum interitus consequetur. Nam in quem cadit aegritudo, in eundem metum cadere necesse est; est enim metus futurae aegritudinis sollicita expectatio. In quem autem metus, in eundem formido, timiditas, pavor, ignavia. Ergo ut idem vincatur interdum, nec putet ad se praeceptum illud Atrei pertinere.

Proinde ita parent in se vita, ut vinci nesciant.

Hic autem vincetur, ut dixi; nec modo vincetur, sed etiam serviet. At nos virtutem semper liberam volumus, semper invictam. Quae nisi sunt; sublata virtus est. Atqui si in virtute satis est praesidii ad bene vivendum, satis est etiam ad beate, satis est enim certe in virtute, ut fortiter vivamus; si fortiter, etiam ut magno animo, & quidem ut nulla re umquam terreamur, semperque simus invicti. Sequitur, ut nihil poeniteat, nihil desit, nihil obstat. Ergo omnia profuenter, absolute, prospere; igitur beate. Satis autem ad fortiter vivendum virtus potest; satis ergo etiam ad beate. Etenim ut stultitia, etsi adepta est quod concupivit, numquam se tamen satis consecutam putat: sic sapientia semper eo contenta est, quod adest, neque eam umquam sui poenitet.

Similemne putas C. Laelii unum Consulatum fuisse & eum quidem cum repulsa (sic cum sapiens, & bonus vir, qualis ille fuit, suffragiis praeteritur, non populus a bono Consule potius, quam ille a vano populo repulsam fert?) sed tamen, utrum malles, te, si potestas esset, semel, ut Laelium, consulem, an ut Cinnam, quater? non dubito, tu quid responsurus sis. Itaque video cui committam. Non quemvis hoc idem interrogarem; responderet enim alius fortasse, se non modo quatuor Consulatus uni anteponere; sed unum diem Cinnae multorum, & clamorum virorum totis aetatibus. Laelius si digito quem attigisset, poenas dedisset; at Cinna, collegae sui, consulis Cn. Octavii, praecidi caput iussit, P. Crassi, L. Caesaris nobilissimorum hominum, quorum virtus fuerat domi, militiaeque cognita, M. Antonii, omnium eloquentissimi, quos ego audierim; C. Caesaris, in quo mihi videtur fuisse specimen humanitatis, salis, suavitatis, leporis. Beatusne igitur, qui hos interfecit? mihi contra non solum eo videtur miser, quod ea fecit; sed etiam quod ita se gessit, ut ea facere ei liceret. Et si peccare nemini licet. Sed sermonis errore labimur; id enim licere dicimus, quod cuique conceditur: Utrum tandem beatior C. Marius, tum, cum Cimbricae victoriae gloriam cum collega Catulo communicavit, paene altero Laelio, (nam huic illum dico simillimum) an cum clivili bello victor, iratus necessariis Catuli deprecantibus non semel respondit, sed saepe, Moriatur? in quo beatior ille, qui huic nefariae voci paruit; quam is, qui tam scelerate imperavit; nam cum accipere, quam facere praestat injuriam; tum morti jam ipsi adventanti paulum procedere obviam, quod fecit Catulus, quam, quod Marius, talis viri interitu sex suos obruere Consulatus, & contaminare extremum tempus aetatis.

Daodequadraginta annos tyrannus Syracusanorum fuit Dionysius, cum V. & XX. natus annos dominatum occupasset. Qua pulchritudine urbem, quibus autem opibus praeditam, servitute oppressam tenuit civitatem? Atqui de homine a bonis auctoribus sic scriptum accepimus, summam fuisse ejus in victu temperantiam, in rebusque gerendis visum acrem, & industrium, eundem tamen maleficum natura, & injustum. Ex quo omnibus, bene veritatem intuentibus videri necesse est, miserrimum, ea enim ipsa, quae concupierat, ne tum quidem, cum omnia se posse censebat; consequebatur. Qui cum esset bonis parentibus, atque honesto loco natus (etsi quidem alius alio modo tradit) abundaretque aequalium familiaritatibus, & consuetudine propinquorum, haberet etiam more Graeciae quosdam adolescentes amore conjunctos; credebatur eorum nemini; sed iis, quos ex familiis locupletum servos delegaret, quibus nomen servitutis ipse detraxerat, & quibusdam convenis, & feris barbaris corporis custodiam committebat. Ita propter injustam dominatus cupiditatem in carcerem quodammodo ipse se incluserat. Quin etiam ne tonsori collum committeret, tondere filias suas docuit. Ita sordido, ancillarique artificio regiae virgines, ut tonstriculae, tondebant barbam, & capillum patris. Et tamen ab iis ipsis, cum jam essent adultae, ferrum removit, instituitque, ut candentibus juglandium putaminibus barbam sibi, & capillum adurerent (1). Cumque duas uxores haberet, A-

N 3

risto-

(1) *Inter se discrepant auctores. Cic. Offic. lib. 11. cap. 7. Dionysius cultros metuens tonsorios, candenti carbone sibi adurebat capillum. Plutarchus in Dione: pag. 961. Οὐ τῷ γὰρ ἦν ἀπιστοῦ, καὶ πρὸς πάντας ἀνθρώπους υποπτιῶ καὶ προβεβημένῳ διὰ φόβου ο*

ristomachem civem suam, Doridem autem Locrensem: sic noctu ad eas ventitabat, ut omnia specularetur, & perscrutaretur ante. Et cum fossam latam cubiculari lecto circumdedisset, ejusque fossae transitum ponticulo ligneo conjunxisset: eum ipsum cum fores cubicali clauserat, detorquebat. Idemque cum in communibus suggestis consistere non auderet, concionari ex turri alta solebat. Atque is cum pila ludere vellet (studiose enim id fascitabat) tunicamque poneret, adolescensulo, quem amabat, tradidisse gladium dicitur. Hic cum quidam familiaris jocans dixisset; Huic quidem certe vitam tuam committis, arrisissetque adolescens, utrumque jussit interfici: alterum, quia viam demonstravisset interimendi sui; alterum, quia id dictum risu approbavisset. Atque eo facto sic doluit, ut nihil gravius tulerit in vita; quem enim vehementer amarat occiderat. Sic distrahantur in contrarias partes impotentium cupiditates. Cum huic obsecutus sis, illi est repugnandum. Quamquam hic quidem tyrannus ipse iudicavit, (1) quam esset beatus.

Nam cum quidam ex ejus assentatoribus (1) Damocles commemoraret in sermone copias ejus, opes, majestatem, dominatus, rerum abundantiam, magnificentiam aedium regiarum; negaretque umquam beatiorem quemquam

πρεσβύτερον Διονύσιον, ὥς ἐ μετὲ τῆς κεφαλῆς τὰς τρίχας ἀδελεῖν κυρταῖς μαχαίραις, ἀλλὰ τῶν πλασῶν τις ἐπιφοιτῶν ἄνθρωπος τὴν κόμην περιέκαιεν. *Insignis huiusce differentiae meminerunt Diodorus Siculus. Bibl. lib. XX. & Valerius Maximus lib. IX. Davis.*

(1) *Sententia, & ratio magno argumento sunt hic legendum esse indicavit.*

(2) *Ad hanc Historiam respicit Horatius lib. III. Od. I.*

quam fuisse: Visne igitur, inquit, o Damocle, quoniam haec te vita delectat, ipse eandem degustare, & fortunam experiri meam? Cum se ille cupere dixisset, collocari iussit hominem in aureo lecto, strato pulcherrimo, textili stragulo, magnificis operibus picto; abacosque complures ornavit argento, auroque caelato. Tum ad mensam eximia forma pueros delectos iussit consistere, eosque nutum illius intuentis diligenter ministrare. Aderant unguenta, coronae, incendebantur odores: mensae conquiritissimis epulis extruebantur. Fortunatus sibi Damocles videbatur. In hoc medio apparatu, fulgentem gladium e lacunari fera equina aptum, dimitti iussit, ut impenderet illius beati cervicibus. Itaque nec pulchros illos administratores aspiciebat, nec plenum artis argentum: nec manum porrigebat in mensam: jam ipsae defluebant coronae: denique exoravit tyrannum, ut abire liceret, quod jam beatus nollet esse. Satisne videtur declarasse Dionysius nihil esse ei beatum, cui semper aliquid terroris impendat? Atque ei ne integram quidem erat, ut ad iustitiam remigraret, civibusque libertatem & jura redderet: iis enim se adolescens improvida aetate irretierat erratis, eaque commiserat, ut salvus esse non posset, si sanus esse coepisset.

Quantopere vero amicitias desideraret, quarum infidelitatem extimefcebat, declaravit in Pythagoreis duobus illis (1), quorum cum alterum vadem mortis accepisset; alter, ut vadem suam liberaret, praesto fuisset ad horam mortis destinatam. Utinam ego, inquit, tertius vobis amicus ascriberer! Quam huic erat miserum carere consuetudine amicorum, societate victus

ser-

(1) *Damoclem & Phintiam significet; Historiam late refert Noster Offic. lib. III. cap. 10.*

sermone omnino familiari! homini praefertim docto a puero, & artibus ingenuis erudito. Musicorum vero perstudiosum, poetam etiam tragicum; (1) quam bonum nihil ad rem: in hoc enim genere nescio quo pacto magis, quam in aliis, suum cuique pulchrum est; ad huc neminem cognovi poetam, (& mihi fuit cum Aquinio amicitia) qui sibi non optimus videretur (2). Sic se res habet, Te tua, me delectant mea. Sed ut ad Dionysium redeamus, omni cultu, & victu humano carebat; vivebat cum fugitivis, cum facinorosis, cum barbaris (3); neminem, qui aut libertate dignus esset, aut vellet omnino liber esse, sibi amicum arbitrabatur. Non ego jam cum hujus vita, qua tetrius, miserius, detestabilius excogitare nihil possum, Platonis, aut Archyrae vitam comparabo, doctorum hominum, & plane sapientium.

Ex

(1) *Tragoedias scripsisse Dionysium bis verbis testatur Aelianus V. H. lib. XIII. cap. 18. Διονύσιος δ' τῆς Σικελίας, τραγωδῶν μὲν ἡττάζετο καὶ ἐπῆναι, καὶ οὖν καὶ δράματα ἐξεπύνησε τραγικά. Ἀλλοτρίως δὲ πρὸς τὴν κωμωδίαν διέκειτο, ὅτι οὐκ ἦν φιλόγελως. Falsus igitur est Suidas, qui tradit eum scripsisse Τραγωδίας καὶ κωμωδίας. Plura veterum testimonia suppeditabunt Joan. Schefferus & Joach. Kubnius. Davis.*

(2) *Aristoteles lib. IV. Eth. Πάντες γὰρ ἀγαπῶσι τὰ αὐτῶν ὥσπερ οἱ γονεῖς, καὶ οἱ ποιηταί. Urfn.*

(3) *Hec Athenaeus lib. VI. de Dionysio, & Philippo traditum refert; utrumque honestorum hominum consuetudinem resugisse, & delectatum fuisse nihili, ac futilibus, & scurris, ac assentatoribus: quin etiam cupide utrumque sublevasse eos, qui patrimonii ebrietate, & alia absumpserant. Camet.*

Ex eadem urbe humilem homunculum a pulvere (1), & radio excitabo, qui multis annis post fuit, Archimede[m]. Cujus ego Quaestor ignoratum ab Syracusanis, cum esse omnino negurent, septum undique, & vestitum vepribus, & dumetis indagavi sepulcrum; tenebam enim quosdam senariolos, quos in ejus monumento esse inscriptos acceperam; qui declarabant in summo sepulchro sphaeram esse positam cum cylindro. Ego autem cum omnia collustrarem oculis (est enim ad portas Agragianas (2) magna frequentia sepulcrorum) animadverti columellam non multum e damis eminentem: in qua inerat sphaerae figura, & cylindri. Atque ego statim Syracusanis (erant autem principes mecum, dixi, me illud ipsum arbitrari esse, quod quaererem) Immissi cum falcibus multi purgarunt, & aperuerunt locum. Quo cum patefactus esset aditus, ad adversam

ba-

(1) Pulverem geometricum significat, quo machinarii commentatores, & geometriae disciplinae scientes varias formas, figurasque describunt? De Archimede memoriae proditum est, interfectum esse, dum intentus formis est, quas in pulvere descripserat. Plutarchus quoque auctor est, regiam Dionysii pulverulentam fuisse, ob eorum multitudinem, qui geometricas in pulvere figuras describebant. Radium vero virgam dici, qua geometrae lineas formant, indicantque, nemo vel mediocriter doctus ignorat, qui illud Virgilianum, vel tantum legerit.

Descripsit radio totum, qui gentibus orbem.

Beroald.

(2) Αρπάγας est Graecis Urbis nomen, a fluvio, quo & Virgilius usus: Arduus inde Agragas &c. Forma autem Latina dixere Agrigentum, unde Agrigentinus; sed & a Graeco Αρπαγαντίῳ fit; de hac igitur forma quaerendum diligentius. Significari enim puto portas, quae Agrigentum petentes tendere solebant. Camer.

basim accessimus, apparebat epigramma ex eis posterioribus partibus versicalorum, dimidiatis fere. Ita nobilissima Graeciae civitas, quondam vero etiam doctissima, sui civis unius acutissimi monumentum ignorasset, nisi ab homine Arpinate didicisset. Sed redeat unde aberravit oratio. Quis est enim omnium, qui modo cum musis, idest, cum humanitate, & cum doctrina habeat aliquod commercium, qui se non hunc mathematicum malit, quam illum tyrannum? Si vitae modum actionemque quaerimus: alterius mens rationibus agitandis exquirendisque alebatur, cum oblatione solertiae; qui est unus suavissimus pastus animorum; alterius caede, & injuriis cum & diurno, & & nocturno meta. Age confer Democritum, Pythagoram, Anaxagoram: quae regna, quas opes studiis eorum, & delectationibus antepones? Etenim quae pars optima est in homine, in ea situm esse necesse est illud, quod quaeris, optimum. Quid est autem in homine sagaci, ac bona mente melius? Ejus bono fruendam est igitur, si beati esse volumus: bonum autem mentis est virtus: ergo hac beatam vitam contineri necesse est. Hinc omnia, quae pulchra, honesta, praeclara sunt, ut supra dixi, sed dicendam illud idem paullo uberius videtur; plena gaudiorum sunt. Ex perpetuis autem plenisque gaudiis cum perspicuum sit vitam beatam existere, sequitur ut ea existat ex honestate.

Sed, ne verbis solum attingamus ea, quae volumus ostendere, proponenda quaedam quasi moventia sunt, quae nos magis ad cognitionem, intelligentiamque convertant. Sumatur enim nobis quidam praestans vir optimis artibus,isque animo parumper, & cogitatione fingatur. Primum ingenio eximio sit, necesse est; tardis, enim mentibus virtus non facile committitur (1)

dein-

(1) *Manuscripti codices (ut arbitror) melius* &

deinde ad investigandam veritatem studio incitato. Ex quo triplex ille animi foetus existet, unus in cognitione rerum positus, & in explicatione naturae; alter in descriptione expetendarum fugiendarumve rerum; tertius in judicando, quid cuique rei sit consequens, quid repugnans; in quo inest omnis tum subtilitas differenditum veritas judicandi. Quo tandem igitur gaudio affici necesse est sapientis animum cum his habitantem, pernoctantemque curis? Ut cum totius mundi (1) motus conversionesque perspexerit, sideraque viderit innumerablem coelo inhaerentia cum ejus ipsius motu congruere certis infixis sedibus? Septem alia suos quaeque tenere cursus, multum inter se aut altitudine, aut humilitate distantia, quorum vagi motus, rata tamen & certa sui cursus spatia definiant? Horum nimirum aspectus impulit illos veteres, & admonuit, ut plura quaerere. Inde est indagatio nata initiorum, & tanquam seminum, unde essent omnia orta, generata, concreta; quaeque cujusque generis, vel inanimi, vel animantis, vel muti, vel loquentis origo, quae vita, qui interitus, quaeque ex alio in aliud vicissitudo, atque mutatio; unde terra, & quibus librata ponderibus, quibus cavernis maria sustineat; in qua omnia delata gravitate medium mundi locum semper expetant, qui est idem infimus in rotando.

Haec tractanti animo, & noctes & dies cogitanti, existit illa a Deo Delphis praecepta cognitio, ut ipsa se mens cognoscat, conjunctamque cum divina mente se sentiat, ex quo insatiabili gaudio compleatur; ipsa
enim

elegantius habent, pro committitur, Comitatur; id est tardorum ingeniorum raro virtus comes est, atque ea sedatur. Camer.

(1) *Mundus hoc in loco Coelum denotat; nam terram immutam stare censebant plerique veterum. Davis.*

enim cogitatio de vi, & natura deorum studium incendit illius aeternitatis imitandae, neque se in brevitate vitae collocatam putat, cum rerum causas alias ex aliis aptas, & necessitate nexas videt. Quibus ab aeterno tempore fluentibus in aeternum ratio tamen, mensque, moderatur. Haec ille intuens, atque suspiciens, vel potius omnes partes, orasque circumspiciens, quanta rursus animi tranquillitate humana, & ceteriora considerat? Hinc illa cognitio virtutis existit, efflorescunt genera, partesque virtutum; invenitur, quid sit, quod natura spectet extremum in bonis, quod in malis ultimum, quo referenda sint officia, quae degendae aetatis ratio diligenda. Quibus & talibus rebus exquisitis, hoc vel maxime efficitur, quod hac disputatione agitamus, ut virtus ad beate vivendum sit se ipsa contenta. Sequitur tertia, quae per omnes partes sapientiae manat, & funditur, quae rem definit, genera dispertit, sequentia adjungit, perfecta concludit, vera & falsa dijudicat, differendi ratio, & scientia. Ex qua cum summa utilitas existit ad res ponderandas, tum maxime ingenua delectatio, & digna sapientia. Sed haec otii. Transeat idem iste sapiens ad Rempublicam tuendam; quid eo possit esse praestantius, cum contineri prudentia utilitatem civium cernat, justitia nihil in suam domum inde deriveret, reliquis utatur tot tamque variis virtutibus? Adjunge fructum amicitiarum (1); in quo doctis positum est cum consilium omnis vitae consentiens, & paene conspirans, tum summa jucunditas e quotidiano cultu, atque victu. Quid haec tandem vita desiderat, quo sit beatior? cui refertae tot, tantisque gaudiis, fortuna ipsa

(1) De hoc longa est disputatio apud Arist. lib. IX. *Ethicorum*. A. Manut.

ipsa cedat necesse est, quod si gaudere talibus bonis animi, idest virtutibus, beatum est, omnesque sapientes iis gaudiis perfruuntur; omnes eos confiteri beatos esse necesse est.

A. Etiamne in cruciatu, atque tormentis? M. An tu me in viola putabas aut in rosa dicere? an Epicuro, qui tantummodo induit personam Philosophi, & sibi ipse hoc nomen inscripsit, dicere licebit; quod quidem, ut habet se res, me tamen plaudente dicit, nullum sapienti esse tempus, etsi uratur, torqueatur, secetur, quin possit exclamare, Quam pro nihilo puto! cum praesertim omne malum dolore definiat, bonum voluptate; haec nostra honesta turpia irrideat, dicatque nos in vocibus occupatos inanes sonos fundere, neque quidquam ad nos pertinere, nisi quod aut leve, aut asperum in corpore sentiat. Huic ergo, ut dixi, non multum differenti a iudicio ferarum, oblivisci licebit sui? & tum fortunam contemnere, cum sit omne & bonum ejus, & malum in potestate fortunae; tum dicere se beatum in summo cruciatu, atque tormentis, cum constituerit non modo summum malum esse dolorem, sed etiam solum? Nec vero illa sibi remedia comparavit ad tolerandum dolorem, firmitatem animi, turpitudinis verecundiam, exercitationem, consuetudinemque patiendi, praecepta fortitudinis, duritiam virilem: sed una se dicit recordatione acquiescere praeteritarum voluptatum: ut si quis aestuans, cum vim caloris non facile patiat, recordari velit, se aliquando in Arpinati nostro gelidis fluminibus circumfusus fuisse; non enim video, quo modo sedare possint mala praesentia praeteritae voluptates. Sed cum is dicat semper beatum esse sapientem, cui dicere hoc, si sibi constare vellent, non liceret: quidnam faciendum est iis, qui nihil expetendum, nihil in bonis ducendam, quod honestate careat, existimant?

me quidem auctore etiam Peripatetici, veteresque Academici balbutire desinant aliquando, aperteque, & clara voce audeant dicere, beatam vitam in Phalaridis taurum descensuram.

Sint enim tria genera bonorum, ut jam a laqueis Stoicorum, quibus usum me pluribus, quam soleo, intelligo, recedamus; sint sanè illa genera bonorum; dum corporis, & externa jaceant humi, & tantummodo, quia sumenda sunt, appellentur bona; alia autem divina illa longe, lateque se pandant, coelumque contingant, ut ea qui adeptus sit, cur eum beatum modo, & non beatissimum etiam dixerim? dolorem vero sapiens extimescet? is enim huic maximae sententiae repugnat. Nam contra mortem nostram, atque nostrorum, contraque aegritudinem, & reliquas animi perturbationes satis esse videmur superiorum dierum disputationibus armati, & parati: dolor esse videtur accerrimus virtuti adversarius; is ardentem faciem intonat, is fortitudinem, magnitudinem animi, patientiam se debellaturum minatur. Huic igitur succumbet virtus? huic beata sapientis, & constantis viri vita cedit? quam turpe? o dii boni! Pueri Spartiatae non ingemiscunt verberum dolore laniati. Adolescentium greges Lacedaemone vidimus ipsi incredibili contentione certantes pugnis, calcibus, unguibus, morsu denique ut exanimarentur, priusquam se victos faterentur. Quae barbaria India vastior, aut agrestior? in ea tamen gente primum ii, qui sapientes, habentur, nudi aetatem agunt & Caucasi nives, hiemalemque vim perferunt sine dolore; cumque ad flammam se applicaverint, sine gemitu adurantur. Mulieres vero in India, cum est cujusque earum vir mortuus, in oertamen, iudiciumque veniunt, quam plurimum ille dilexerit: plures enim singulis solent esse nuptae. Quae est victrix, ea laeta prosequenticibus suis, una cum vi-

ro in rogum imponitur; illa viſta, moeſta diſcedit. Numquam naturam nros vinceret; eſt enim ea ſemper inviſta. Sed nos umbris, deliciis, otio, languore, deſidia animum infecimus; opinionibus, maloque more delinitum mollivimus. Aegyptiorum morem quis ignorat? quorum imbutae mentes pravitaris erroribus, quamvis carnificinam prius ſubjerint, quam ibim, aut aſpidem, aut ſelem, aut canem, aut crocodilum violent: quorum etiam ſi imprudentes quippiam fecerint, poenam nullam recuſant. De hominibus loquor: quid beſtiae? non frigus, non famem, non montivages, atque ſilveſtres curſus, luſtrationeſque patiuntur? non pro ſuo partu ita propugnant, ut vulnera excipiant? nullos impetus, nullos ictus reformident? omitto, quae perferant, quaeque patiantur ambitioſi honoris cauſa; laudis ſtudioſi, gloriae gratia; amore incenſi, cupiditatis. Plena vita exemplorum eſt.

Sed adhibeat oratio modum, & redeat illuc, unde deflexit. Dabit, dabit, inquam, ſe in tormenta vita beata: nec juſtitiam, temperantiam, in primisque fortitudinem, magnitudinem animi, patientia proſecuta, cum tortoris os viderit, conſiſtet: virtutibuſque omnibus ſine ullo animi terrore ad cruciatum proſectis reſiſtet extra fores (ut ante dixi) limenque carceris: quid enim ea foedius, quid deformius ſola relictæ, comitatu pulcherrimo ſegregata? quod tamen (1) fieri nullo pacto poteſt: nec enim virtutes ſine beata vita cohaerere poſſunt, nec illa ſine virtutibus. Itaque eam tergiverſari non ſinent, ſecumque rapiant ad quemcunque ipſae dolorem, cruciatumque ducentur: ſapientis eſt

(1) Similiter quidem, & alibi reperitur haec particula id eſt ἀναγκαſτικῶς, cum ſoleat reſpondere ad quamvis, eſſe, quaquequam: ut ſit ἀναγκαſτικῶς adverſativa conditionis, Cameer.

est enim proprium, nihil, quod poenitere possit, facere, nihil invitum; splendide, constanter, graviter, honeste omnia, nihil ita expectare, quasi certo futurum; nihil, cum acciderit, admirari, ut inopinatum, ac novum accidisse videatur; omnia ad suum arbitrium referre; suis stare judiciis. Quo quid sit beatius. Mihi certe in mentem venire non potest. Stoicorum quidem facilis conclusio est. Qui cum finem bonorum esse senserint, congruere naturae, cumque ea convenienter vivere; cum id sit in sapiente situm; non officio solum, verum etiam potestate, sequatur necesse est, ut cujus in potestate summum bonum, in ejusdem vita beata sit. Ita sit semper vita beata sapientis. Habes, quae fortissime de beata vita dici putem, &, quo modo nunc est, nisi quid tu melius attuleris, etiam verissime.

A. Melius quidem asserere nihil possum; sed a te impetrarim libenter, nisi molestum sit, quoniam te nulla vincula impediunt ullius certae disciplinae, libasque ex omnibus quodcumque te maxime specie veritatis movet; quod paullo ante Peripateticos, veteremque Academiam hortari videbare, ut sine retractatione libere dicere auderent, sapientes esse semper beatissimos, id velim audire, quemadmodum his putes consentaneum esse id dicere, multa enim a te contra istam sententiam dicta sunt, & Stoicorum ratione conclusa. M. Utamur igitur libertate; qua nobis solis in philosophia licet uti; quorum oratio nihil ipsa judicat, sed habetur in omnes partes, ut ab aliis possit ipsa per se nullius auctoritate adjuncta, judicari. Et quoniam videris hoc velle, ut, quaecumque dissentientium philosophorum sententia de finibus sit, tamen virtus satis habeat ad vitam beatam praesidii; quod quidem Carneadem disputare solitam accepimus, sed is, ut contra Stoicos, quod studiosissime semper refellebat,

&

& contra quorum disciplinam ingenium ejus exarlerat, nos illud quidem cum pace agemus. Si enim Stoici fines bonorum recte posuerunt; confecta res est; necesse est semper beatum esse sapientem. Sed quaeramus unamquamque reliquorum sententiam, si fieri potest, ut hoc praeclarum quasi decretum beatæ vitæ possit omnium sententiis, & disciplinis convenire.

Sunt autem hæc de finibus, ut opinor, retentæ, defensæque sententiæ: primum simplices quatuor. Nihil bonum, nisi honestum; ut Stoici; Nihil bonum, nisi voluptatem, ut Epicurus; Nihil bonum, nisi vacuitatem (1) ut Hieronymus; Nihil bonum, nisi naturæ primis bonis aut omnibus, aut maximis frui, ut Carneades contra Stoicos diserebat. Haec igitur simplicia: Illa mixta. Tria genera bonorum maxima animi, secunda corporis, externa tertia, ut Peripatetici; nec multo, veteres Academicus fecus. Voluptatem cum honestate Dinomachus, & Callipho copulavit. Indolentiam autem honestati Peripateticus Diodorus adjunxit: Hæc sunt sententiæ, quæ stabilitatis aliquid habeant: nam Aristonis, Pyrrhonis, Herilli, nonnullorumque aliorum evanuerunt. Hi quid possint obtinere, videamus, ommissis Stoicis: quorum satis videor defendisse sententiam. Et Peripateticorum quidem explicata causa est; præter Theophrastum, &, si qui illum secuti, imbecillius horrent dolorem, & reformidant. Reliquis quidem licet facere, quod ferè faciunt, ut gravitatem, dignitatemque virtutis exaggerent. Quam cum

O

ad

(1) Doloris nimirum Lactantius Div. Instit. Lib. III. Cap. 7. Summum bonum posuit Hieronymus in non dolendo. Clemens Alexandrinus Strom. Lib. II. "Ο τε Ἱερώνυμος δὲ Περιπατητικῶς τέλει μὲν εἶναι τὸ ἀσχηλῆ τως ζῆν. Vide & Ciceronem de Fin. Lib. II. Cap. 2, ac Tusc. Lib. II. Davis.

ad coelum extulerint, quod facere eloquentes homines copiose solent; reliqua ex collatione facile est conterere, atque contemnere; nec enim licet iis, qui laudem cum dolore petendam esse dicunt, negare, eos esse beatos, qui illam adepti sunt. Quamquam enim sint in quibusdam malis, tamen hoc nomen beati longe, & late patet.

Nam ut quaestuosa mercatura, fructuosa aratio dicitur; non si altera semper omni danno, altera omnis tempestatis calamitate semper vacet; sed si multo majore ex parte extat in utraque felicitas; sic vita, non solum si undique referta bonis est, sed si multo majore, & graviore ex parte bona propendent, beata recte dici potest. Sequetur igitur bonorum ratione vel ad supplicium beata vita virtutem, cumque ea descendet in taurum, Aristotele, Xenocrate, Speusippo, Polemone auctoribus, nec eam minimis blandimentis corrupta deseret. Eadem Calliphontis erit, Diodorique sententia; quorum uterque honestatem sic complectitur, ut omnia, quae sine ea sint, longe, & retro ponenda censeat. Reliqui habere se videntur angustius; enatant tamen, Epicurus, Hieronymus, & si qui sunt, qui disertum illum Carneadem curent defendere; nemo est enim qui eorum bonorum animum non putet judicem, eumque condocerit, ut ea, quae bona malave videantur possit contemnere. Nam quae tibi Epicuri videtur, eadem erit Hieronymi, & Carneadis causa, & hercle omnium reliquorum; quis enim parum est contra mortem aut dolorem paratus? ordiamur ab eo, si placeat, quem mollem, quem voluptarium dicimus. Quid? is tibi mortemne videtur, an dolorem timere? qui eum diem, quo moritur, beatum appellat; maximisque doloribus affectus, eos ipsos inventorum suorum memoria, & recordatione confatat

tat (1): nec haec sic agit, ut ex tempore quasi effutire videatur; de morte enim ita sentit, ut, dissoluto animante, sensum extinctum putet (2): quod autem sensu careat, nihil ad nos id iudicet pertinere. Item de dolore certa habet quae sequatur? quorum magnitudinem brevitatem consolatur, longinquitatem levitate. Quid tandem? isti grandiloqui contra haec duo, quae maxime angunt, melius se habent, quam Epicurus? an ad caetera, quae mala putantur, non & Epicurus, & reliqui philosophi satis parati videntur? quis non paupertatem extimescit? neque tamen quisquam philosophorum.

Hic vero ipse quam parvo est contentus? nemo de tenui victu plura dixit; etenim quae res pecuniae cupiditatem afferunt, ut amor, ut ambitioni, ut quotidianis sumptibus copiae suppetant, cum procul ab iis omnibus rebus absit, cur pecuniam magnopere desideret, vel potius curet omnino? An Scythes Anacharsis potuit pro nihilo pecuniam ducere; nostrates philosophi facere non poterunt? Illius epistola fertur his verbis: Anacharsis Hannoni salutem. Mihi amicum est Scythicum tegmen, calciamentum, solorum callum; cubile, terra; pulpamentum fames; lasce, caseo, carne vescor. Quare ut ad quietum me licet venias. Munera autem ista quibus es delectatus, vel civibus tuis, vel diis immortalibus dona. Omnes ferè philosophi omnium disciplinarum, nisi quos a recta ratione natura

(1) *Respicit Cicero ad Epicuri Epistolam de qua Diogenes Laertius Lib. X. pag. 172. Et Nessler de Fin. Lib. II. Cap. 30. Davis.*

(2) *Epicurus apud Diogenem Laertium Lib. X. τὸ φρικώδες αὐτὸν ὅτι τῶν κακῶν ὁ θάνατος, ὃ δὲν πρὸς ἡμᾶς ἐπειδήπερ ὅταν μὲν ἡμεῖς ὄμεν, ὁ θάνατος ἔπαρσις. ὅταν δὲ ὁ θάνατος παρῇ, τοῦ ἡμεῖς οὐκ ἴσμεν. Davis.*

vitiosa detorsisset, hoc eodem animo esse potuerunt. Socrates, in pompa cum magna vis auri argentique ferretur, Quam multa non desidero! (1) inquit. Xenocrates, cum legati ab Alexandro quinquaginta ei talenta attulissent, quae erat pecunia temporibus illis, Athenis praesertim, maxima; adduxit legatos ad cenam in Academiam; iis apposuit tantum, quod satis esset, nullo apparatu. Cum postridie rogarent eum, cui numerari juberet; Quid? vos hesterni, inquit, cenula non intellexistis, me pecunia non egere? quod cum tristiores vidisset, XXX. minas accepit, ne aspernari regis liberalitatem videretur. At vero Diogenes liberius, ut Cynicus, Alexandro roganti, ut diceret si quid sibi opus esset, Nunc quidem primum, inquit, a sole absis, offecerat videlicet apricaui. Et hic quidem disputare solebat, quanto Regem Persarum vita, fortunaque superaret. Sibi nihil deesse; illi nihil satis umquam fore; se ejus voluptates non desiderare, quibus nunquam satiari ille posset; suas eum consequi nullo modo posse.

Vides, credo, ut Epicurus cupiditatum genera diviserit, non nimis fortasse subtiliter, utiliter tamen: partim esse naturales & necessarias, partim naturales, & non necessarias, partim neutrum: necessarias satiari posse paene nihilo: divitias enim naturae parabiles esse. Secundum autem genus cupiditatum, nec ad potiendum difficile censet, nec vero ad carendum. Tertias, quod essent plane inanes, neque necessitatem modo, sed ne naturam quidem attingerent, funditus ejiciendas putavit. Hoc loco multa ab Epicureis disputantur, eaeque voluptates sigillatim extenuantur: quarum genera non contemnunt; quaerunt tamen copiam; nam & obfcoenas

(1) *Respicit ad Socratis illud, quod refert Diogenes, πόσων ἔγω χρεῖαν ἔχω, Ursin.*

nas voluptates, de quibus multa ab illis habetur oratio, faciles, communes, in medio sitas esse dicunt: easque, si natura requirat, non genere, aut loco, aut ordine; sed forma, aetate, figura meriendas putant; ab iisque abstinere minime esse difficile, si aut valetudo, aut officium, aut fama postulet; omninoque genus hoc voluptatum optabile esse; si non obsit; prodesse nunquam. Totumque hoc de voluptate sic ille praecepit; ut voluptatem ipsam per se, quia voluptas sit, semper optandam, expetendamque patet; eademque ratione dolorem ob id ipsum, quia dolor sit, semper esse fugiendum: itaque hac usarum compensatione sapientem, ut voluptatem fugiat; si ea maiorem dolorem effectura sit: & dolorem suscipiet maiorem efficientem voluptatem; omniaque jucunda, quanquam sensu corporis judicentur, ad animum referri tamen. Quocirca corpus gaudere tamdiu, dum praesentem sentiret voluptatem: animum & praesentem percipere pariter cum corpore, & prospicere venientem, nec praeteritam praeterfluere sinere: ita perpetuas, & contextas voluptates in sapiente fore semper, cum expectatio speratarum voluptatum perceptarum memoria jungeretur. Atque iis similia ad victum etiam transferuntur, extenuanturque magnificentia, & sumptus epularum, quod parvo cultu natura contenta sit.

Etenim quis hoc non videt, desiderii ista condiri omnia? Darius in fuga, cum aquam turbidam, & cadaveribus inquinatam bibisset, negavit umquam se bibisse jucundius. Numquam videlicet sitiens biberat. Nec esuriens Ptolemæus ederat: cui cum peragranti Aegyptum, comicibus non consecutis, cibarius in casa panis datus esset, nihil visum est illo pane jucundius. Socratem ferunt, cum usque ad vesperum contentius ambularet, quaesitumque esset ex eo, quare id faceret; respondisse, se, quo melius coenaret, obsonare

ambulando famam. Quid? victum Lacedaemoniorum in Phiditiis nonne videmus? Ubi cum tyrannus coenavisset Dionysius, negavit se jare illo nigro, quod coenae caput erat, delectatum (1). Tam is, qui illa coxerat, minime mirum, condimenta enim defuerunt. Quae tandem, inquit ille? Labor in venatu, sudor, cursus ab Eurota, fames, sitis. His enim rebus Lacedaemoniorum epulae condiuntur. Atque hoc non ex hominum more solum, sed etiam ex bestiis intelligi potest, quae, ut quidquid objectum est, quod modo a natura non sit alienum, eo contentae non quaerunt amplius. Civitates quaedam universae, morte doctae, parsimonia delectantur, ut de Lacedaemoniis paullo ante diximus. Persarum a Xenophonte victus exponitur; quos negat ad panem adhibere quidquam, praeter nasturtium. Quamquam, si quaedam etiam suaviora natura desideret, quam multa ex terra, arboribusque gignuntur cum copia facili, tum suavitate praestantia? Adde siccitatem, quae consequitur hanc continentiam in victu; adde integritatem valetudinis. Confer sudantes, ructantes, refertos epulis, tanquam opimos boves: tum intelliges, qui voluptatem maxime sequantur, eos minime consequi; jucunditatemque victus esse in desiderio, non in satietate.

Timotheum, clarum hominem Athenis, & principem civitatis, ferunt, cum coenavisset apud Platonem, eoque convivio admodum delectatus esset, vidissetque eum postridie, dixisse; Vestrae quidem coenae non solum in praesentia, sed etiam postero die jucundae sunt. Quid, quod ne mente quidem recte uti possumus multo cibo, & potione completi? Est praecleara epistola Platonis ad Dionis propinquos; in qua scriptum est his fere verbis: Quo cum venissem, vita
illa

(1) *Plutarchus in Lycurgo Ursin.*

illa beata, quae ferebatur, plena Italicarum, Siracusarumque mensarum; nullo modo mihi placuit, bis in die saturum fieri; nec umquam pernoctare solum; caeteraque, quae comitantur huic vitae, in qua sapiens nemo efficietur, umquam, moderatus vero multo minus. Quae enim natura tam mirabiliter temperari potest? Quomodo igitur jucunda vita potest esse, a qua absit prudentia? Absit moderatio? Ex quo Sardanapali opulentissimi Syriae Regis (1) error agnoscitur; qui incidi iussit in busto:

Haec habeo, quae edi, quaeque exsaturata libido

Hausit: at illa iacent multa, & praeclara relictæ.

Quid aliud, inquit, Aristoteles, in bovis, non in Regis sepulchro inscriberes? haec habere se mortuum dicit, quae ne vivus quidem diutius habebat, quam fruebatur. Cur igitur divitiae desiderentur? Aut ubi paupertas beatos esse non finit? Signis credo, tabulis, ludis. Si quis est, qui his deleatur, nonne melius tennes homines fruuntur, quam illi, qui his abundant? Est enim earum omnium rerum nostra in urbe summa in publico copia: Quae qui privati habent, nec tam multa, & raro vident, cum in sua rura venerunt. Quos tamen pungit aliquid, cum; illa unde habeant, recordantur: Dies deficiet, si velim paupertatis causam defendere; aperta enim res est; & quotidie nos ipsa natura admonet, quam paucis, quam parvis rebus egeat, quam vilibus.

Num igitur ignobilitas aut humilitas, aut etiam popularis offensio sapientem beatum esse prohibebit? Vide, ne plus commendatio in vulgus, & haec, quae
expe-

(1) Scribendum Assyriae. Atque hoc ipsum Epigramma quod refert Cicero Ἀσσυρίης γράμματα scriptum fuisse Graeci scriptores tradunt. Ursin.

expetitur, gloria molestiae habeat, quam voluptatis. Leviculus sane noster Demosthenes, qui illo susurro, delectari se dicebat aquam ferentis mulierculae, ut mos in Graecia est, insufurrantisque alteri: Hic est ille Demosthenes. Quid hoc levius? At quantus orator? Sed apud alios loqui videlicet didicerat, non multum ipse secum. Intelligendum est igitur nec gloriam popularem ipsam per se expetendam, nec ignobilitatem extrinsecendam. Veni inquit Athenas Democritus; neque me quisquam agnovit. Constantem hominem & gravem! qui gloriatur, gloria se abtuisse. An tibicines, iique, qui fidibus utuntur, suo, non multitudinis arbitrio cantus, numerosque moderantur? vir sapiens multo arte majore praeditus, non quid verissimum sit, sed quid velit vulgus, exquiret? An quidquam stultius, quam quos singulos, sicut operarios, barbarosque contemnas, eos aliquid putare esse universos? ille vero nostras ambitiones, levitatesque contemnet, honoresque populi, etiam ultro delatos, repudiabit: nos autem eos amiscimus, antequam poenitere coepit, contemnere. Est apud Heraclitum physicum de principe Ephesiorum Hermodoro: Universos ait Ephesios morte mulcandos, quod, cum civitate expellerent Hermodorum, ita locuti sunt, Nemo de nobis unus excellat (1) si, quis extiterit, alio in loco, & apud alios sit. An hoc non ita sit omni in populo? nonne omnem exuperantiam virtutis oderunt? Quid? Aristides (malo enim Graecorum, quam nostra proferre) nonne ob eam causam expulsus est patria, quod praeter modum justus esset? Quantis igitur molestiis vacant, qui nihil omnino cum po-

(1) *Graeca verba, quae Heraclitus pronuntiavit recitat Strabo lib. XIV. Atque eadem fere leguntur in vita Hergeleitii apud Laertium. Victor.*

populo contrahunt? Quid est enim dulcius otio literato! Iis dico literis, quibus infinitatem rerum, atque naturae, & in hoc ipso mundo coelam, terras, maria cognoscimus.

Contempto igitur honore, contempta etiam pecunia, quid relinquitur, quod extimescendum sit? Exilium, credo; quod in maximis malis ducitur. Id si propter alienam, & offensam populi voluntatem malum est; quam sit ea contemnenda, paullo ante dictum est. Sit abesse patria miserum est, plenae miserorum provinciae sunt, ex quibus admodum pauci in patriam revertuntur. At multantur bonis exules. Quid tum? Parumne multa de toleranda paupertate dicuntur? Jam vero exilium, si rerum naturam, non ignominiam nominis quaerimus, quantum demum a perpetua peregrinatione differt? In qua aetates suas philosophi nobilissimi consumpserunt, Xenocrates, Crantor, Arcesilas, Lacides, Aristoteles, Theophrastus, Zeno, Cleantes, Chrysippus, Antipater, Carneades, Panaetius, Clitomachus, Philo, Antiochus, Posidonius, innumerabiles alii; qui semel egressi, numquam domum revertere. At enim sine ignominia afficere sapientem (1); de sapiente enim est haec omnis oratio; cui jure id accidere non possit; nam jure exulantem consolari non oportet. Postremo ad omnes casus facillima ratio est eorum, qui ad voluptatem ea referunt, quae sequuntur in vita, ut, quocumque haec loco suppeditetur, ibi beate queant vivere. Itaque ad omnem rationem Teucrii vox accomodari potest.

Pa-

(1) *Hic mendum subesse constat, fortasse ita restitui possit. At enim non erit sine ignominia; ignominia afficere poterit sapientem? sententia certe haec videtur.*
P. Manur.

Patria est, ubicumque est bene.

Socrates quidem cum roicaretur, cuiatem se esse diceret, Mundanum inquit, totius enim mundi se incolam, & civem arbitrabatur (1). Quid T. Albutius? Nonne animo aequissimo Athenis exul philosophabatur? cui tamen illud ipsum non accidisset, si in Republica quiescens, Epicuri legibus paruisset. Qui enim beator Epicurus, quod in patria vivebat, quam Metrodorus, quod Athenis? Aut Plato Xenocratem vincebat, aut Polemo Arcefilam, quo esset beator? Quanti vero ista civitas (2) aestimanda est, ex qua boni, sapientesque pelluntur? Demaratus quidem Tarquinii Regis nostri pater, tyrannum Cypselam quod ferre non poterat, fugit Tarquinos Corinto, & ibi suas fortunas constituit, ac liberos procreavit. Nam stulte anteposuit exilii libertatem domesticæ servituti?

Jam vero motus animi, solitudines, aegritudinesque oblivione leniuntur, traductis animis ad voluptatem. Non sine causa igitur Epicurus ausus est dicere, semper in pluribus bonis esse sapientem, quia semper sit in voluptatibus. Ex quo effici putat ille, quod quaerimus, ut sapiens semper beatus sit. Etiamne, si sensibus carebit oculorum, si aurium? Etiam; nam ista ipsa contemnit. Primum enim, horribilis ista caecitas quibus tandem caret voluptatibus? cum quidem

(1) *Historiam sic refert Plutarchus περὶ Ουγῆς Tom. II. pag. 600. Ο δὲ Σωκρῆτης βέλτιον, οὐκ Ἀθηναῖος ἔδδ' Ἕλληγ, ἀλλὰ κόσμιος εἶναι φήτας. Davis.*

(2) *Quidam Romam intelligunt, ego Athenas; in qua urbe Socrates damnatus. Aristoteles ne damnaretur fugit, Themistocles, Aristides, Alcibiades, alique complures clarissimi expulsi sunt, in qua civitate oppressæ virtutes invidia. Beroald.*

dem etiam disputent, caeteras voluptates in ipsis habitare sensibus; quae autem aspectu percipiantur, ea non versari in oculorum ulla iucunditate: ut ea, quae gustemus, olfaciamus, tractemus, audiamus, in ea ipsa, ubi sentimus, parte versentur, in oculis tale nihil sit. Animus accipit, quae videmus. Animo autem multis modis, variisque delectari licet, etiam si non adhibeatur aspectus. Loquor autem de docto homine, & erudito, cui vivere est, cogitare; sapientis enim cogitatio non ferme ad investigandum adhibet oculos advocatos. Etiam si nox non adimit vitam beatam, cur dies nocti similis adimat? nam illud Antipatri Cyrenaeici est quidem paullo obscoenus, sed non absurda sententia est; cuius caecitatem cum mulierculae lamentarentur, Quid agitis, inquit? an vobis nulla videtur voluptas esse nocturna? Appium quidem viderem illum, qui caecus annos multos fuit, & ex magistratibus, & ex rebus gestis intelligimus in illo suo casu, nec privato, nec publico muneri defuisse. G. autem Drusi domum compleri consultoribus solitam accepimus; cum, quorum res esset, sua ipsi non videbant, caecum adhibebant ducem.

Pueris nobis Cn. Aufidius praetorius & in senatu sententiam dicebat, nec amicis deliberantibus deerat, & Graecam scribebat historiam, & videbat in literis. Diodorus Stoicus, caecus, multos annos nostrae domi vixit. Is vero, quod credibile vix esset, cum in philosophia multo etiam magis assidue, quam antea versaretur, & cum fidibus Pythagoreorum more uteretur, cumque ei libri noctes, & dies legerentur, quibus in studiis oculis non egebat, tum quod sine oculis fieri posse vix videretur, geometriae munus tuebatur, verbis praecipiens discentibus, unde, quo, quamque lineam scriberent, Asclepiadem ferunt non ignobilem,
Ere-

Eretricum philosophum (1) cum quidam quaereret, quid ei caecitas attulisset, respondisse, ut puero uno esset comitator. Ut enim vel summa paupertas tolerabilis sit, si liceat, quod quibusdam Graecis quotidie; sic caecitas ferri facile possit, si non desint subsidia valetudinum. Democritus luminibus amissis, alba scilicet, &, atra discernere non poterat; at vero bona, mala; aequa, iniqua; honesta, turpia; utilia, inutilia; magna, parva poterat; & sine varietate colorum licebat vivere beate; sine notione rerum non licebat. Atque is vir impediri animi etiam aciem aspectu oculorum arbitrabatur; & cum alii saepe, quod esset ante pedes, non viderent, ille infinitatem omnem peregrinabatur, (2) ut nulla in extremitate confisteret. Traditum est etiam, Homerum caecum fuisse. (3) At ejus picturam, non poesim, videmus. Quae

(1) *Fuerunt philosophi, qui Eretrici, sive Eretriaci appellati sunt, de quibus Cicero multis locis egit, scilicet in III. de Oratore his verbis. Fuerunt etiam alia genera philosophorum, qui se omnes fere Socraticos esse dicebant, Eretricorum, Erilliorum, Megaricorum, Pyrroneorum &c. Asclepiadem autorem hunc eius sectae fuisse docet Laertius in vita Phaedonis. Victor.*

(2) *MS. Norvic. peragrabat.*

(3) *Sunt qui volunt hoc prae senio contigisse. Vide Joan. Brodaeum Miscell. lib. V. cap. 9. Et sane ut recte Velleius Paternulus lib. I. cap. 5. Homerum si quis caecum genitum putat, omnibus sensibus orbis est. Fabulam inde natam tradit Suidas ὅτι οὐχ ἡτὴν ἐπισυμίας, ἢ διὰ τῶν ὀφθαλμῶν ἀρῆται. Ex Hesychio Milesio legendum ἐκστῆται. At vero caecum fuisse nullus dubitat, cumque velut oculis captum finxere statuarii, quod ex Pausania, & Cedreno notavit vir illustris Gisb. Cuperus. Vide & Leonem Allatium de Patr. Hom. cap. 8. Davis.*

regio, quae ora, qui locus Graeciae, quae species formae, quae pugna, quae acies, quod remigium, qui motus hominum, qui ferarum non ita expictus est, ut, quae ipse non viderit, nos ut videremus effecerit? quid ergo aut Homero ad delectationem animi, ac voluptatem, aut cuiquam docto defuisse umquam arbitramur? Aut, ni ita se res haberet, Anaxagoras, aut hic ipse Democritus agros, & patrimonia sua reliquissent; huic discendi, quaerendique divinae delectationi toto se animo dedissent? Itaque augurem Tyresiam, quem sapientem fingunt poetae, numquam inducunt deplorantem caecitatem suam; at vero Polyphemum Homerus cum immanem, ferumque sinxisset, cum ariete etiam colloquentem facit, ejusque laudare fortunas, quod, qua vellet ingredi posset, &, quae vellet, attingere. Recte hic quidem: nihilo enim erat ipse Cyclops, quam aries ille, prudentior.

In surditate vero quidnam est mali? erat surdaster M. Crassus: sed aliud molestius, quod male audiebat, etiam si, ut mihi videbatur, injuria. Epicurei (1) nostri Graece fere nesciunt, nec Graeci Latine; ergo hi in illorum, & illi in horum sermone sardi: omnesque id (2) nos in iis linguis, quas non intelligimus quae sunt innumerabiles, surdi profecto sumus. At vocem citharoedi non audiunt: ne stridorem quidem ferrae tum, cum acuitur, aut grunitum, cum jugulatur sus; nec, cum quiescere volunt, fremitum murmurantis maris. Et si cantus eos forte delectant, primum cogitare debent, antequam hi sint inventi, multos beate vixisse sapientes; deinde multo majorem per-

(1) *Faernus pro Epicurei legendum putat Opici, quae mihi lectio optima videtur. Notum autem est cum ex Strabone, tum ex alijs Opicos Campaniae populos fuisse. Ursin,*

(2) *P. Manut. item.*

percipi posse legendis his, quam audiendis voluptatem. Tum, ut paullo ante caecos ad aurium traducebamus voluptatem, sic licet sardos ad oculorum: etenim qui secum loqui poterit, sermonem alterius non requiret. Congerantur in unum omnia, ut idem oculis, & auribus captus sit; prematur etiam doloribus acerrimis corporis; qui primum per se ipsi plerumque conficiunt hominem; si forte longinquitate producti vehementius tamen torquet, quam ut causa sit; cur ferantur; quid est tandem Dii boni, quod laboremus? portus enim praesto est, quoniam mors ibidem est, aeternum nihil sentienti recipiendum. Theodorus Lyfimacho mortem minitanti; Magnum vero, inquit, effecisti, si cantharidis vim consecutus es. Paulus Persae deprecanti, ne in triumpho duceretur, In tua id quidem, potestate est. Multa primo die, cum de ipsa morte quaereremus, non pauca etiam postero, cum ageretur de dolore, sunt dicta de morte, quae qui recordetur, haud sane periculum est, ne non mortem aut optandam, aut certe non timendam putet.

Mihi quidem in vita servanda videtur illa lex, quae in Graecorum conviviiis obtinetur. Aut bibat, inquit, aut abeat (1). Et recte. Aut enim fruatur aliquis pariter cum aliis voluptate potandi, aut, ne sobrius in violentiam vinolentorum incidat, ante discedat; sic injurias fortunae, quas ferre nequeas, defugiendo relinquant. Haec eadem, quae Epicurus, totidem verbis dicit & Hieronymus. Quod si ii philosophi, quorum ea sententia est, ut virtus per se ipsa nihil valeat; omneque, quod honestum nos, & laudabile esse dicimus, id illi cassum quiddam, & inani vocis sono

(1) In Graecis est *παρονομασία*, quae dictum reddit elegantius, "H πίδι, inquit, ἢ ἀπιδι Camer.

sono decoratum esse dicant; & tamen semper beatum esse censent sapientem: quid tandem a Socrate, & Platone profectis philosophis faciendum putes? Quorum alii tantam praestantiam in bonis animi esse dicunt, ut ab his corporis externa observent. Alii autem haec ne bona quidem ducunt; in animo reponunt omnia. Quorum controversiam solebat tamquam honorarius arbiter judicare Carneades: nam cum quaecumque bona Peripateticis, eadem Stoicis commoda viderentur; neque tamen Peripatetici plus tribuerent divitiis, bonae valetudini, caeteris rebus generis ejusdem, quam Stoici; cum ea, re, non verbis ponderarentur: causam esse desiderandi negabat. Quare hunc locum caeterarum disciplinarum philosophi quemadmodum obtinere possint, ipsi viderint. Mihi tamen gratum est, quod de sapientium perpetua bene vivendi facultate dignum quiddam philosophorum voce profitentur. Sed quoniam mane est eundem, has quinque dierum disputationes memoria comprehendamus. Equidem me etiam conscripturnm arbitror: ubi enim melius uti possumus hoc, cuiusmodi est, otio? Ad Brutumque nostrum hos libros alteros quinque mittemus; a quo non modo impulsus sumus ad philosophicas scriptiones, verum etiam laccessiti. In quo quantum caeteris profuturi sumus, non facile dixerimus; nostris quidem acerbissimis doloribus, variisque & undique circumfusus molestiis alia nulla potuit inveniri levatio.

F I N I S

7-

005653435

182

